

**CURSUS
THEOLOGICUS
P. DOMINICI VIVA**

SOCIETATIS JESU.

PARS TERTIA
DE DIVINA GRATIA.

THE
LIBRARY OF THE
MUSEUM OF
ART AND HISTORY
OF THE
CITY OF BOSTON

CURSUS THEOLOGICUS

Ad usum Tyronum elucubratus,
Et in Quotidianis Prælectionibus

A^r P. DOMINICO VIVA
SOCIETATIS JESU
SACRÆ THEOLOGIÆ PROFESORE

Suis Auditoribus Traditus

*In Palastra Collegii Neapolitani ejusdem Societatis ;
Cupientibus , atque instantibus Theologiæ Candidatis.*

IN LUCEM PUBLICAM EDITUS

A^r D. IGNATIO VIVA
AUCTORIS NEPOTE,

AC DICATUS

EXCELLENTISSIMO DOMINO

BARTHOLOMÆO V.
DE CAPUA

MAGNO ALTAVILLÆ COMITI XIX.

*Principi Aricie , Biccari Comiti , Duci Acrolanorum , Comiti Montis
Auri , & Rotelli , Marchioni Arpadii , Utili Domino Civitatis
Nicotere , Baroni Vallis Majoris , Plancatellæ ,
& Arnoni &c. Ex Magnatibus Hispaniæ ,
Domino Domus Capuæ .*

PARS TERTIA

DE DIVINA GRATIA
AUXILIANTE , & SANCTIFICANTE.



PATAVII , Ex Typographia Seminarii , M. DCC. XII.

Apud Joannem Manfrè.

Superiorum Permissu , ac PRIVILEGIO.



NOI REFORMATORI

Dello Studio di Padoa.

HAvendo veduto per la Fede di Revisione, & Approbatione del P. F. *Ambrosio Lisotti Inquisitore di Padoa* nel Libro intitolato *Cursus Theologicus ad usum Tyronum Elucubratus &c.* à P. *Dominico Viva Soc. Jesu Sacræ Theologiæ Professore* non v'esser cos' alcuna contro la Santa Fede Cattolica, & parimente per Attestato del Segretario Nostro; niente contro Principi, & buoni costumi, concedemo Licenza à *Gio: Manfrè Stampator*, che possi esser stampato, osservando gl'ordini in materia di Stampe, & presentando le solite copie alle Publiche Librarie di Venetia, & di Padoa.

Dat. 3. Decembre 1711.

(Ferigo Marcello Proc. Reff.
(Girolamo Venier Kav. Proc. Reff.
(

Agostino Gadaldini Seg.

IN-

INDEX

QUÆSTIONUM

DE GRATIA.

DISPUTATIO I.

DE Gratia auxiliante secundum se pag.

QUÆSTIO I.

Quid, & quoruplex sit Gratia? Et quanam de illa Hæreticorum errores? ibid.

QUÆST. II. An Deus possit per auxilia gratia quancunque voluntatem emollire, aut obdurare? 4

ART. I. Admittitur infirmitas auxiliorum relate ad emolliendum. 5

ART. II. An detur infirmitas auxiliorum relate ad obdurandum? 9

QUÆST. III. Num auxilia gratia unice consistant in actibus intellectus, & voluntatis? 13

QUÆST. IV. Quomodo concurrat gratia auxiliatrix ad actus salutes? 17

ART. I. Num gratia causet actus salutes etiam physice? ibid.

ART. II. An gratia auxilians sit tota ratio agendi? 18

ART. III. An gratia auxilians debeat esse voluntati intrinseca? 21

QUÆST. V. Utrum gratia sufficiens ad salutem detur omnibus omnino adultis? 23

QUÆST. VI. Utrum parvulis omnibus etiam in utero Matris decedentibus contulerit Deus remedium sufficiens ad salutem? 27

QUÆST. VII. Utrum infantibus omnino intra uterum exsistentibus possit, ac debeat aliquando Baptismus conferri? 31

QUÆST. VIII. Num possit homo per operationes naturales ad gratiam se disponere, sive positive, sive solum negative? 37

QUÆST. IX. Quomodo intelligendum sit axioma illud, Facienti quod in se est Deus non denegat gratiam suam? 41

DISPUTATIO II.

DE Gratia, prout subsistat divinis Prædestinationibus. 43

QUÆSTIO I.

An, & quomodo Deus prædestinat tum effectus necessarios, tum actus liberos? ib.

QUÆST. II. Utrum in omni providentia necessaria sit prædestinatio actus boni consequens ad scientiam mediam? 46

QUÆST. III. Utrum Deus prædestinando actus bonos conferat auxilium efficax, quod efficax? 47

QUÆST. IV. Utrum prædestinatio consequens ad scientiam mediam tum in offendo, tum in operando coherat cum libertate actus prædestinati? 54

QUÆST. V. Utrum prædestinatio antecedens scientiam mediam in offendo, & consequens in operando evertat libertatem actus prædestinati? 60

ART. I. Auctoritate, & ratione stabilitur conclusio affirmativa. 61

ART. II. Stabilitur maxima universalis in hac materia. 63

ART. III. Roboratur Conclusio Regulis Summularum. 66

ART. IV. Objectionibus sit satis. 67

QUÆST. VI. Utrum Deus prædestinat peccata, saltem quoad materiale, an solum ea permittat? 72

QUÆST. VII. Utrum formalis malitia peccati consistat in positivo, an in negativo? 78

QUÆST. VIII. Utrum auxilium inefficax detur quod inefficax? 84

DISPUTATIO III.

DE efficacia divina Gratia? 87

QUÆST

INDEX QUESTIONUM.

QUAESTIO I.

- E**xponitur sententia celeberrimos de efficacia Gratia. *ibid.*
QUAEST. II. De Physica Promotione, ac de decreto praedeterminante. 89
ART. I. Num physica praedeterminatio coarctat cum libertate arbitrii? 90
ART. II. Utrum admissa physica promotione, sequatur, eos qui peccant, carere sufficientia ad non peccandum; adeoque non peccare? 95
ART. III. Num promissio reddat Deum Auctorem peccati? 97
ART. IV. Num ratiocinationes Thomistarum efficaciter vincant necessitatem physicae promotionis? 99
QUAEST. III. Utrum Decretum concomitans Scotistarum evertat libertatem arbitrii? 104
QUAEST. IV. Exponitur sententia reponens efficaciam gratiae in praedeterminatione morali: Necnon reponens illam in collatione auxilii praevii per scientiam mediam efficacis. 106
QUAEST. V. Explicatur, per quid discriminetur Gratia efficax in actu primo ab efficax in actu secundo. 108

DISPUTATIO IV.

DE Gratia Habituali iustificante. 113

QUAESTIO I.

- Q**uam sit physica essentia Gratia habitualis? 114
QUAEST. II. Quanam sit participatio Divinae naturae, in qua reponitur essentia metaphysica Gratia. 116
QUAEST. III. Utrum Gratia dici possit donatio Spiritus Sancti, adeo ut Persona Spiritus Sancti de formali veniat ad constituendum filium Dei adoptivum? 118
QUAEST. IV. Utrum admissa possibilitate Gratia, qua habeatur per donationem Spiritus Sancti, possit iustus satisfacere pro mortalibus de condigno? 121

QUAEST. V. Utrum Gratia sit essentia saltem impossibilis cum mortalibus? 123

QUAEST. VI. Utrum independentem ab extrinseco Dei favore Gratia reddat hominem iustum, Dei adoptivum, & heredem? 129

QUAEST. VII. An Gratia sanctificans realiter distinguatur ab habitu Charitatis? 134

QUAEST. VIII. Num Actus, & Habitus Charitatis iustificent formaliter? 135

QUAEST. IX. Num possit homo in alio ordine sanctificari per Gratiam extrinsecam; Et citra retractionem peccati? 138

ART. I. Num possit homo extrinseco sanctificari positive? *ib.*

ART. II. Num possit peccator negativè sanctificari extrinseco? 142

ART. III. Num possit peccatum remitti absque praevia eius retractione? 144

DISPUTATIO V.

DE Gratia Auxiliantis necessitate. 145

QUAESTIO I.

Utrum sit possibilis status pura naturae, & Naturae non integra? *ibid.*

ART. I. De multiplici natura statu. *ibid.*
ART. II. Admittitur status pura Naturae. 146

ART. III. Admittitur etiam status pura Naturae non integra. 148

QUAEST. II. Utrum natura lapsa debilius sit, quam pura? 147

QUAEST. III. De Necessitate Gratiae in natura lapsa tum ad veritates cognoscendas, tum ad honeste operandum. 150

QUAEST. IV. An possit citra Gratiam homo lapsus totam legem servare? 152

QUAEST. V. An requiratur Gratia in natura lapsa ad diligendum Deum, & ad perseverandum finaliter? 155

QUAEST. VI. Utrum impotentia ad vitanda omnia venialia sit antecedens, an consequens; Physica, an Moralis; determinata, an vaga? 156

CURSUS THEOLOGICUS

Ad Usum Tyronum elucubratus.

PARS TERTIA

DE DIVINA GRATIA AUXILIANTE,
Et SANCTIFICANTE.

PROEMIUM.

Post considerationem Dei optimi Maximi in ordine ad se, quatenus Unus, & Trinus est, & in ordine ad creaturas præsertim intellectuales, quatenus earum Creator est, & primum principium, aggreditur Angelicus in 1. 2. Deum contemplari, in quantum est ultimus finis, & nostra Beatitudo; necnon Actus humanos tam honestos, seu moraliter bonos, quibus ad Beatitudinem promovemur, quam moraliter malos, quibus à cœlesti patria excludimur: Agit deinde de Legibus, per quarum violationem sunt formaliter inhonesti; ac de habitibus moraliter malis, seu de Vitiis, & peccatis; Antequam vero in 2. 2. disputet de virtutibus in genere, & in specie, & in 3. p. de Incarnatione, ac de Sacramentis, quibus, tamquam per media extrinseca, ad beatitudinem contendimus, disputat in eadem 1. 2. de Divina Gratia, quæ medium intrinsecum est, & simpliciter necessarium ad beatitudinem consequendam: Et primo quidem de gratia auxiliante, seu actuali; Deinde de Sanctificante, seu habituali, ad quam homo per auxilia gratiæ bene operando disponitur. De utraque nobis hoc anno agendum. Quare in prima disputatione discutiemus ea, quæ spectant ad gratiam auxiliantem secundum se: In secunda quæ ad eandem spectant, pro ut substat divinis prædefinitionibus: In tertia, quæ ad ejusdem efficaciam: In quarta de Gratia sanctificante, ad quam actualis gratia ordinatur: In quinta demum de Gratia actualis necessitate.

DISPUTATIO I.

De Gratia Auxiliante secundum se.

Inquiremus primo, quid, & quotuplex ea sit? Secundo num possit Deus omnes o-

Pars III.

mnino creaturas rationales per illam libere convertere, ac obdurare? Tertio num consistat unice in actibus intellectus, & voluntatis? Quarto quomodo ad actus salutares concurrat? Quinto an gratia sufficiens ad salutem omnibus omnino adultis conferatur? Sexto num etiam parvulis decedentibus in utero Matris providerit Deus de remedio sufficiens ad salutem? Denique num possit homo per operationes naturales se disponere ad salutem? ubi quomodo sit; intelligendum axioma illud, *Faciens quod in se est Deus non denegat gratiam suam.*

QUESTIO I.

Quid, & quotuplex sit Gratia, & quinam de ea Hæreticorum errores?

I. **G**ratia ex sua Etymologia est Donum gratis datum. Hinc Apostolus ad Rom. II. *Si gratia, jam non in operibus, alioquin gratia non est gratia.* Additque in hunc locum Hieronymus. *Gratia gratuitum munus appellatur.* Et Augustinus: *Ideo gratia, quia gratis datur.* Sumitur aliquando active pro amore gratis aliquid donante; in quo sensu dicitur ad Roman. 4. *Reputatur fides ejus ex justitia secundum propositum gratia Dei:* Sæpè verò sumitur passive pro dono gratis collato, sive gratuito in hoc donum sit naturale, & philosophicum, ut est gratia Creationis, ac specialis providentiæ, qua Deus disponit res creatas, ita ut servato ordine naturali huic potius homini, quam alteri occurrant occasiones, circumstantiæ, & cogitationes congruæ, quibus prævidet vitandum aliquid peccatum, aut exerceendum aliquid opus morale bonum naturæ vires non excedens: Sive donum hoc gratuitum sit supernaturale, & theologicum, in quo sensu communissime, & proprie accipitur nomen Gratia.

Porro Gratia sumpta pro dono supernaturale

A

tura-

turali, alia est supernaturalis quoad modum, ut si debeat naturæ lapæ viros ad diu servandam totam legem naturalem; quod donum est quidem debitum naturæ integræ, sed non lapæ. Alia vero est supernaturalis quoad substantiam excedens omnem naturæ exigentiam, conferens ad beatitudinem supernaturalem obtinendam, juxta illud ad Titum 3. *Ut justificati gratia ipsius, heredes simus secundum spem vitæ æternæ*. Et in hoc sensu propriissimo usurpatur nomen Gratiæ, quæ dicitur strictè theologica.

II. Dicendum itaque, Gratiæ theologicam (de qua in præfati tractatu) esse Donum supernaturale superans omnem naturæ exigentiam, seu debitum tum physicum, tum morale, conferens ad beatitudinem supernaturalem. Ita communiter Patres, & Theologi ex Scripturis, & Concil. ut videre est apud Ripal. tom. 3. contra Bajanos disp. 5. sect. 3. Et sane quod excedat omnem exigentiam naturalem, colligitur ex illo præsertim Apostol. ad Ephes. *Non sumus sufficientes cogitare aliquid ex nobis quasi ex nobis, sed sufficientia nostra ex Deo est*: Et constat, quia Gratia theologica est illa, qua homo disponitur ad Deum videndum; Visio autem Dei est indebita cuicumque creaturæ, ut ostenditur in prima parte; ergo Gratia theologica est etiam cuicumque creaturæ, seu naturæ rationali indebita; in eodem enim ordine est dispositio ad formam, in quo est ipsa forma. Ex hoc etiam fit, quod Gratia theologica excedat omnem exigentiam moralem, adeo ut nullatenus debeat nostris operibus naturalibus, sive ut meritoriis, sive ut impetratoriis, sive ut aliter disponentibus ad illam, quod aperte dixit Apostolus ad Roman. 3. *Hi, qui operatur, merces non imputatur secundum gratiam, sed secundum debitum*: hoc est non habet nomen Gratiæ quod est debitum operibus, atque adeo gratia superat exigentiam moralem nostrarum operationum: quamvis non excedat debitum morale ortum ex divina promissione, veracitate, aut alia virtute; nam unio hypostatica v. g. non ideo desit esse gratia theologica, quia promissa fuit posteritati Abraham. Neque est verum, quod delirarunt Bajani, gratiam connotare; indignitatem positivam personæ, cui confertur; Nam sine nullo prævio demerito collata fuit Humanitati Christi Domini unio hypostatica; & donum perseverantiæ confertur justificatis absque positiva eorum indignitate.

III. Quod attinet ad hujus Gratiæ divi-
sionem, dividitur primo in Habitualem, & Actualem. Illa est permanens, & consistit in habitibus supernaturalibus gratiæ sanctificantis, fidei, spei, charitatis, & aliarum virtutum insularum; Hæc est transiens, & consistit tum in specialibus auxiliis naturæ indebitis, quibus Deus nos movet, & adjuvat ad eliciendos actus salutares; tum etiam in ipsis actibus supernaturalibus meritoriis vitæ æternæ, quæ pariter dona Dei sunt gratis collata, ut proinde Cælestinus Papa ad Episcop. Galliæ dixerit, c. 11. *Tanta est erga homines bonitas Dei, ut nostra velis esse merita, quæ sunt ipsius dona, Et pro his, quæ largitus est, æterna premia si largiatur*.

Dividitur secundo in Internam, quæ scilicet in anima recipitur, ut est Gratia sanctificans, Illustrationes, & Inspirationes Spiritus Sancti; & Externam, quæ est Passio Christi Domini, Institutio Sacramentorum, Prædicatio Evangelii, Gratiæ protectionis in tentationibus, &c.

Dividitur tertio in Increatam, & Creatam: Increata est Spiritus Sanctus, qui datur iustis, quando charitas Dei diffunditur in cordibus eorum; Verbum communicatum Humanitati assumptæ, Dilectio Dei, qua nos ab æterno dilexit, & qua decrevit conferre nobis in tempore dona supernaturalia. Creata vero est effectus talis dilectionis in tempore productus.

IV. Dividitur quarto in Gratiæ gratis datam, & Gratum facientem: Hæc per se ordinatur ad propriam sanctificationem, atque adeo vel sanctificat formaliter, ut gratia habitualis, vel ad sanctitatem consequitur, ut virtutes morales, vel disponit ad sanctitatem, ut sunt auxilia actualia. Illa vero est, quæ per se ordinatur ad aliorum utilitatem, quales sunt gratiæ ab Apostolo enumeratæ secunda ad Corinth. 11. *Sermo sapientia, ac scientia, fides, Gratia sanitatum, Operatio virtutum, Prophecia, Discretio Spirituum, genera linguarum, Et Interpretatio sermonum*. Sermo Sapientiæ est donum supernaturale inferendi ex principiis fidei conclusiones circa divina; Sermo scientiæ est consimile donum inferendi conclusiones circa humana: Fides quatenus est gratia gratis data, est donum supernaturale explicandi mysteria fidei; quatenus vero est gratia gratum faciens, est habitus assentiendi mysteriis revelatis: Operatio virtutum est donum faciendi opera miraculosa consistentia à corporum sanitate, ut

fecit Moyses in Aegypto. Neque dicas, etiam gratiam gratum facientem esse gratis datam: Nam hoc nomen genericum Gratiae gratis datae per antonomasiam tali generi gratiarum ascribitur; sicuti quamvis quolibet gratia etiam physiofophica conferatur nobis intuitu meritorum Christi; tamen nomine gratiae per Christum antonomastice venit sola Gratia Theologica.

Dividitur quinto in Praevientem, Comitantem, & subsequenter. De praeviente dicitur Psalm. 8. *Misericordia ejus praevient te*: & haec praecedit omnes omnino actus salutares, contra Semipelagianos. negantes, necessariam esse gratiam, quae praeviat ipsum primum velle: Gratia Comitans est, quae adjuvat, & cooperatur; Subsequens est, quae indigemus ad perseverandum in bono proposito; de qua dicitur Psalm. 22. *Misericordia tua subsequetur me*: Sic v.g. qui tenetur restituere, indiget gratia Praeviente consistente in illustrationibus supernaturalibus, quibus impellitur ad dicendum, Volo restituere; indiget gratia Adjuvante, quae dicat, Volo restituere; & Subsequente, quae in proposito perseveret, ita ut actu restituat.

Dividitur sexto in Excitantem, quae consistit in illustrationibus, & inspirationibus, quibus voluntas veluti torpens, & sopita excitatur, juxta illud Apoc. 3. *Ego sto ad ostium, & pulso*; & in Adjuvantem, quae vires praebet voluntati infirmae ad conatum requisitum; unde Ber. lib. de gratia, & lib. arbit. dixit. *Conatus nostri cassi sunt, si non adjuvantur, nulli si non excitentur*. Aliquando tamen gratia Excitans usurpatur pro Praeviente, & Adjuvans pro Comitante.

V. Dividitur septimo in Operantem, & Cooperantem: nomine Operantis venit primo gratia, quia Deus operatur in nobis sine nobis meritorie nos disponentibus ad recipiendum id, quod Deus in nobis operatur; qualis est prima operatio nostra meritoria, ad quam certe meritum praecedere non potest, aliter non esset primum meritum; & hujusmodi est primum initium fidei, quo disponimur ad alios actus ad fidem subsequentes, ut notat Aug. contra Semipelagianos. Secundo venit gratia, quae Deus operatur in nobis sine nobis libere consentientibus, & operantibus; ut sunt illustrationes, & inspirationes nobis à Deo infusae, quae cum sint actus vitales, indigent nostra physica cooperatione; non tamen libertate. Tercio venit gratia, quae Deus operatur in nobis sine nobis physice concurren-

tibus; & talis est qualitas illa supernaturalis infusa, quae anima elevatur ad producendas illustrationes supernaturales; quamvis enim Deus possit immediate cum concursu speciali Omnipotentiae elevare animam ad hujusmodi actus vitales producendos; at cum Deus in operibus supernaturalibus servet rerum connaturalitatem, & connaturalis sit, actum vitalem procedere à principio intrinseco; ideoque sicut ad visionem beatam producendam admittimus communiter lumen gloriae, tamquam principium intrinsecum elevans intellectum ad Dei visionem; ita in casu nostro (juxta multorum sententiam apud Maurum, contra Suarezium, & Ripaldam, ut dicemus quaest. 3. num. 4.) admitti debet qualitas infusa elevans animam ad actus supernaturales intellectus, & voluntatis à Deo nobis infusos sine nobis libere operantibus.

Gratia vero cooperans est, per quam Deus in nobis actum supernaturalem operatur, nobis ad illum libere concurrentibus. Ubi nota, posse eandem entitativam gratiam consideratam secundum respectus diversos dici praevientem, excitantem, comitantem, adjuvantem, cooperantem, &c. sicut idem homo est Pater, Avus, Filius, Nepos, &c. Hinc Aug. de eadem entitativa gratia dixit in Enchir. cap. 32. *Nolentem praevient, ut velit, & comitatur, ne frustra velit*.

Dividitur ultimo Gratia in SuffICIENTEM, & EFFICACEM: Illa dat solum posse facere; haec vero dat tum posse, tum ipsum facere; Quamvis enim etiam gratia efficax sit sufficiens: ut nomine sufficiens per Antonomasiam venit quae est pure sufficiens, seu inefficax; potestque Sufficiens aliquando esse sufficiens tantum physice, aliquando etiam moraliter.

VI. Denique quod attinet ad Haereticorum errores in materia gratiae, sciendum, dogmata Catholica esse, Primo liberum arbitrium non posse viribus naturalibus praecipuum ullum servare, pro ut oportet, ad justificationem obtineandam, ac promerendam gloriam, ut definitur in Concilio Milevitano can. 5. ex illo Jo. 15. *Sine me nihil potestis facere*; atque adeo gratiam esse necessariam ad posse simpliciter operari salutariter: Secundo Gratiam non dari ex meritis arbitrii viribus naturae operantis; cum ad Rom. 11. dicatur: *Si gratia, jam non ex operibus, alioquin gratia non est gratia*: Tercio gratiam non solum esse necessariam ad operandum prout oportet, sed etiam ad credendum; atque ad-

eo ipsum salutis initium esse ex gratia. Quare adiutorium gratiæ non lædere libertatem arbitrii.

VII. Circa hæc Primo erravit Pelagius somnians, ad salutem consequendam sufficere liberum arbitrium absque gratiæ adiutorio: quare negavit gratiæ supernaturalitatem, necessitatem Redemptoris, gratiam sanctificantem, &c. Secundo errarunt Semipelagiani putantes, ad initium fidei, & voluntatem credendi non esse necessariam gratiam; sed sufficere liberum arbitrium. Ac relatè ad parvulos dixerunt, alios baptizari in præmium bonorum operum, quæ videntur à Deo facturi fuisse si viverent; alios à baptismo excludi in pœnam scelestorum etiam conditionate futurorum. Ex quo apparet, in quo discrepet horum hæresis à doctrina admittentium scientiam mediæ: Ille enim contendebat, ob opera conditionate futura conferri absolute præmium, & pœnam: Ipsi solum docent, quod scientia horum operum dirigat Deum tam ad prædefiniendum actum bonum, seu ad decernendum pro libito cui maluerit auxilium prævisum efficax, unde oriatur in statu absoluto meritum exigivum præmii; quam ad permittendum pro libito peccatum, decernendo auxilium prævisum inefficax ex intentione seræ boni operis. Præterea Semipelagiani dicebant, Deum expectare voluntatem nostram, ut à peccato purgemur; quæ propositio damnata est à Concilio Arausicano, in eo videlicet sensu, quod Deus ad suam gratiam impertiendam expectet nostros primos actus viribus naturalibus elicitos; non vero in eo sensu (ut Prædeterminatores contendunt) quod concursus divinus à voluntate creata determinetur; cum huiusmodi determinatio necessaria sit ad libertatem voluntatis tuendam. Tertio Lutherus, & Calvinus duobus ab hinc sæculis errarunt in eo, quod putarent, liberum arbitrium in natura lapsa esse extinctum, atque adeo hominem ex necessitate, non libere, agi vel à concupiscentia in peccatum, vel à gratia in bonum. Discreparunt tamen in eo, quod Lutherus putavit, voluntatem nostram nec libere, nec active se habere ad actus salutes, sed eos ab extrinseco, tamquam inanime quoddam, recipere, ac merè pati: Calvinus autem voluerit, voluntatem moveri quidem ab intrinseco, sed absque indifferentia. Unde Calvinus solum Theologicæ erravit; Lutherus verò etiam phylosophice. Uterque autem à Tridentino damnatur sect. 5. 6.

& 14. Denique à Catholicis Michael Bajus doctor Lovaniensis, & Janfenius Episcopus Iprensis varie errarunt; sed præsertim in eo, quod dixerint, Ad merendum, & demerendum in natura lapsa non requiri libertatem à necessitate, sed sufficere libertatem à coactione; quam propositionem tamquam hæreticam cum aliis quatuor ejusdem furfuris damnavit Iun. X. & Alex. VII. sicut propositio illa 39. Baii dicens, *Quod voluntariè sit, etiam si necessario fiat, libere tamen sit*, damnata olim fuerat à Pio V. Gregor. XV. & Urbano VIII.

Post hoc successit pugna scholastica in materia Gratiæ inter Catholicos. Prædeterminatores enim contra Hæreticos docent, gratiam salutarem necessariam ad salutem operandum coherere debere cum libertate indifferentiæ; hanc tamen à prædeterminatione non everti; quod infra examinandum, cum de gratiæ efficacia, quæ cum libertate arbitrii concilianda est. Nam ut solide arguit Aug. epist. 46. *Si non est gratia Dei, quomodo salvus Mundum; si non est liberum arbitrium, quomodo iudicatus Mundum?* Progredimur nunc enucleare ea, quæ ad Gratiam auxiliantem spectant.

QUESTIO II.

An Deus possit per auxilia Gratiæ quæcumque voluntatem emolliare, aut obdurare?

I. **S**ub aliis terminis præsens questio agitur, An detur non solum moralis, sed etiam metaphysica necessitas, ut quælibet voluntas videatur per scientiam mediam libere consensura sub aliquo vagè auxilio? quod est dicere, An voluntas creata, salva libertate, habeat metaphysicam necessitatem consentiendi sub aliquo vagè auxilio, adeo ut collectio auxiliorum indifferentium competat infructuabilis metaphysica ad inducendum consensum: Cum enim Deo suspentant infinita auxilia, ac infiniti modi trahendi voluntatem ad libere consentiendum, quorum plurimi fundare possint moralem certitudinem de futuratione consensus, & quorum collectio quod major, eò maiorem fundat certitudinem moralem, quod voluntas sub aliquo eorum sit libere consensura; idcirco quaeritur, An omnium auxiliorum collectio fundet metaphysicam infallibilitatem de futuratione consensus liberi sub aliquo

vagè auxilio; quo posito, facile erit nodum Gordianum solvere, & infallibilitatem gratiae cum libertate arbitrii conciliare.

II. Prima sententia solum admittit moralem, non metaphysicam necessitatem in collectione auxiliorum relate ad inducendum actum liberum; sicut de facto datur moralis, non metaphysica necessitas committeendi aliquod veniale vagè sine auxilio Dei speciali; & sicut in magna hominum multitudine datur moralis necessitas, ut aliquis peccet, juxta illud Christi Domini Matth. 17. *Necesse est, ut veniant scandala*. Ita videntur sentire Suar. lib. 1. de Prædest. cap. 7. Albert. 5. principio philosophico, quaest. 3. corol. 2. Ariag. p. 1. disp. 35. Erice disp. 71. cap. 6. Ex qua sententia sequitur, possibile esse creaturam aliquam liberam inflexibilem, seu quæ per scientiam mediam videatur libere toti collectioni auxiliorum aut consensura, unde sit inobdurabilis; aut dissensura, ac restructura, unde sit inconvertibilis, & inemollibilis; ut proinde solum possit ab ea Deus extorquere consensum necessarium prædeterminando ad illum.

Secunda sententia fere communissima hanc metaphysicam necessitatem admittit, tum relate ad consensum, tum ad dissensum; unde sit, repugnare creaturam liberam aut inemollibilem, aut inobdurabilem. Ita Cominck, Mærat, Tann., Granad. de Scientia Visionis quaest. 4. sect. 4. Ruiz, Fasolus disp. 14. art. 13. num. 137. & noster Pater Thyrsus Gonzalez t. 2. disp. 4. qui pro hac sententia laudat etiam Vasq., & Suar., aliosque Recentiores; cum ab antiquis, ut notat Haunoldus, quaestio hæc non sit expressè agitata; Quamvis convenerint communissime, quod possit Deus quancumque voluntatem ad se libere trahere, & de lapidibus istis suscitare filios Abrahamæ, quod Thomistæ tribuunt physica prædeterminationi, & Scotistæ condeterminationi.

Tertia sententia Patris Henao de Scientia media sect. 444. admittit necessitatem metaphysicam relate ad consensum in collectione auxiliorum, non relate ad dissensum; unde putat, repugnare creaturam inemollibilem, non vero inobdurabilem. De utraque nos agemus seorsim.

ARTICULUS I.

Admittitur inflexibilis Auxiliorum relate ad emolliendum.

III. **P**rima conclusio. Necessitas metaphysica, quod voluntas creata prævideri debeat per scientiam mediam sub aliquo vage auxilio consensura, bene cohaeret cum libertate consensus sub quolibet auxilio determinato.

Prob. 1. ad hominem. Necessitas moralis, quæ ab Adversariis admittitur, quod voluntas sub aliquo vage auxilio sit consensura, non pugnat cum libertate morali ad consentiendum sub quolibet auxilio determinato; ergo pariformiter necessitas hujusmodi metaphysica non pugnat cum libertate metaphysica, seu simpliciter dicta. Præterea bene intelligitur primo, quod sine speciali Dei privilegio detur in nobis necessitas moralis ad patrandum in tota vita aliquod veniale vage, quia talis necessitas sit relate ad veniale determinatum: Secundo, quod in magna hominum multitudine detur moralis necessitas, ut aliquis peccet, quin ullus habeat hanc moralem necessitatem. Tertio, quod repugnante pura omissione libera, Deus necessitetur ad alterutrum actum, v. g. volitionis, vel nolationis mundi; & tamen neuter actus sit necessarius, & data possibilitate puræ omissionis liberæ, intelligitur, quod Deus necessitetur metaphysice ad unum vage ex his tribus exercitiis; liberis relate ad Mundum; videlicet vel ad illum volendum, vel ad nolendum, vel ad suspendendam tam volitionem, quam nolationem Mundi, quamvis nullum ex his tribus exercitiis voluntatis Divinae sit necessarium; ergo bene etiam intelligi potest, quod detur necessitas ad consensum sub aliquo auxilio vage, quin detur ea necessitas sub ullo auxilio determinato.

Prob. 2. à priori: tunc datur in instanti A plena libertas in voluntate sub auxilio A determinato, quoties voluntas in statu absoluto sub eo auxilio potest agere, vel non agere, seu est indifferens ad ponendum, vel non ponendum consensum; atqui etiam cum illa metaphysica necessitate, quod debeat voluntas prævideri per scientiam mediam pro statu conditionato sub aliquo vage auxilio consensura; adhuc potest voluntati in statu absoluto sub auxilio A esse indifferens ad ponendum, vel non ponendum consensum, ut constat paritatibus adductis; ergo cum illa metaphysica necessitate

fit.

fitate bene cohaeret libertas voluntatis ad consentiendum sub quolibet auxilio determinato.

IV. Obijc. 1. ad plenam libertatem requiritur, ut possit voluntas resistere non solum omnibus auxiliis distributive, sed etiam collective; atqui data illa metaphysica necessitate, hoc non haberetur; ergo ea metaphysica necessitas evertit libertatem. Major probatur, quia ex terminis constat, pleniorrem esse libertatem, quæ potest omnibus collective resistere, quam quæ potest tantum singulis; sicut majores sunt vires illius, qui potest plures hostes prostrare simul, quam qui tantum seorsim.

Resp. 1. per instantiam. Ad plenam libertatem requiritur, quod possit voluntas moraliter resistere omnibus auxiliis, etiam collective; ergo in collectione auxiliorum neque datur necessitas moralis ad consentum liberum; quod non admittitur.

Respondeo 2. nego majorem: est enim plenissime libera voluntas, si sub quolibet auxilio, & sub qualibet auxiliorum collectione possibili possit ponere, vel non ponere consentum, etiam si non possit resistere toti collectioni auxiliorum. Et ratio est, quia tota collectio auxiliorum poni nequit à parte rei; etenim solum possunt poni collectiones finitæ in infinitum, non vera infinitæ categorematice, ne in infinitis quidem partibus horæ, vel anni proportionalibus; quia supponimus, partes horæ proportionales distinctas possibiles esse tantum finitas in infinitum, seu infinitas syncategorematicæ, non vero categorematice; unde cum verum sit, quod possit voluntas & cuilibet auxilio, & cuilibet collectioni auxiliorum finitæ in infinitum resistere, sive dentur successive, sive simul, erit plenissime libera. Ad probationem majoris, concedo, validiores requiri vires ad resistendum pluribus simul, quam seorsim, quoties tamen collectio aliqua plurium est possibilis, non chimerica; collectio autem omnium auxiliorum per me est chimerica, non secus ac collectio omnium possibilem, juxta dicta: anno superiore, disp. 4. q. 1. n. 11. ergo quamvis non possit voluntas resistere toti collectioni, dummodo possit omnibus distributive resistere, erit plenissime libera.

Adde, libertatem ad resistendum omni collectioni auxiliorum, neque esse utilem, neque possibilem creaturæ: non est utilis, quia ad libertatem solum facit, quod possit voluntas sub quolibet auxilio agere, vel

non agere; neque est possibilis, quia talis libertas solum deserviret, ut creatura subtrahat se à dominio Dei, qui propterea non posset in illam, qua liberam, dominari; cum non posset ab ea consentum liberum obtinere, si prævideretur omnibus auxiliis resistura.

Denique ad uberiores solutionem transmitti potest, quod in infinitis partibus proportionalibus horæ, aut successive per totam æternitatem dari possint voluntati infinita auxilia categorematice, dummodo non ponantur omnia; quia sic exhauriretur Omnipotentia; sicut in communiore infinitariorum sententia poni possent infiniti homines, sed non omnes. Hoc posito, bene voluntas dici possit libera ad resistendum etiam infinitis categorematice auxiliis, non tamen omnibus; quia cum supponamus, in Ætario Omnipotentia dari infinita auxilia efficacia, & infinita inefficacia, potest Deus conferre voluntati in infinitis partibus horæ infinita auxilia ex inefficacibus, unde resisteret infinitis.

V. Obijc. 2. non dicitur plene, sed solum secundum quid liber, v.g. ad mortem declinandam, qui debet sub aliquo patibulo vage mori, quamvis sub quolibet moriatur libere; sic Christus Dominus non fuisset liber, quoad substantiam, sed solum quoad circumstantiam mortis, si potuisset quolibet ex triginta tribus suæ vitæ annis mortem declinare, dummodo deberet aliquo ex iis vage mori; ergo neque voluntas est plene libera ad consentum, si sub quolibet auxilio est indifferens, debet tamen sub aliquo vage consentire.

Resp. 1. recurrere instantiam de necessitate morali. Deinde dico, plene liberum esse ad mortem declinandam, qui potest illam sub quovis patibulo, & sub quavis patibulorum collectione possibili illam declinare; quamvis detur necessitas metaphysica, quod debeat per scientiam mediam prævideri libere amplexurus mortem sub aliquo vage patibulo, quia necessaria ista connectio cum morte est solum intentionalis, & in scientia conditionata, non realis, & pro statu absoluto; cum supponatur impossibilis collectio omnium patibulorum à parte rei, ita ut necessario debeat cum aliquo eorum componi mors. Christus Dominus ideo in casu adducto fuisset liber solum ad circumstantiam mortis, quia necessitas vaga reduci deberet ad determinatam: etenim elapsis triginta duobus annis non poterat amplius mortem declinare; at in casu

casu nostro nunquam per totam aeternitatem necessitas vage reducitur ad determinatam, quia posita quavis collectio finita in infinitum, imo etiam infinita auxiliorum, semper potest voluntas illis resistere; ergo est libera ad consensum tum quoad circumstantiam, tum quoad substantiam. In forma dist. antec. non est pleno liber, qui sub aliquo vage patibulo ex iis, quae possunt coexistere in statu absoluto, debet mori, concedo; ex iis, quae tantum sunt pro statu conditionato, nego antecedens, & consequentiam.

VI. Secunda conclusio: Datur de facto metaphysica necessitas, ut quaelibet creata voluntas videatur per scientiam mediam sub aliquo vage auxilio consensura; atque adeo repugnat Creatura rationalis, quae per scientiam mediam praevidetur toti collectioni auxiliorum restituta, unde sit inemollibilis, & inconvertibilis, quatenus ab illa non potest Deus per auxilia suae gratiae consensum liberum obtinere. Ita Doctores pro secunda sententia laudati.

Prob. 1. auctoritate Scripturarum, & Patrum. Prover. 21. dicitur: *Coe Regis in manu Domini, quocumque volueris, inclinabit illud*: Ad Rom. 3. *Cujus vult misereatur, & quem vult indurat*. Jer. 18. *Sicut lutum in manu figuli, ita vos in manu Dei*. Aug. c. 14. de corr. & grat. *Sine dubio habet Deus humanum cordium, quo placet inclinandum omnipotentissimam potestatem. magis enim habet in potestate voluntates hominum, quam ipsius*. & in Enchir. cap. 88. *Quis tam impie desipiat, ut dicat, Deum non posse malas hominum voluntates, quando voluerit, & quomodo voluerit, in bonum convertere?*

Prob. 2. ratione, Deo tribuendum est dominium erga creaturas, quo majus excogitari non possit citra implicantiam; sicut e converso Creaturae summa subiectio; atqui majus est dominium Dei erga creaturas, si possit eas libere convertere, quam si non possit, ut constat ex terminis; & hoc non involvit implicantiam, ut constat solutione argumentorum; ergo de facto Deo competit hujusmodi dominium in creaturas liberas: Sed hoc dominium competere non posset Deo, nisi collectio auxiliorum fundaret metaphysicam necessitatem consensus pro statu conditionato, ita ut repugnet creatura, quae non praevidetur per scientiam mediam sub aliquo vage auxilio consensura; ergo datur haec metaphysica necessitas.

Confirm. 1. quia lucis naturae notum

est, unumquemque posse, ac debere à Deo petere operationes bonas, ac meritorias, ac victoriarum tentationum; ergo evidens est, unumquemque posse habere à Deo auxilium efficax ad bene operandum; ergo evidens etiam est, in collectione auxiliorum possibilitatem videri à Deo per scientiam mediam aliqua efficacia, seu conjungenda cum consensu libero, si darentur: Haec autem procul dubio sunt infinita, quia quibuscumque conversionibus, & consensibus positis, potest Deus ex supremo dominio iterum iterumque creaturam convertere, & ad novum consensum liberum inducere in infinitum.

Confirm. 2. creatura essentialiter indestruibilis, aut ineliminabilis ad quodlibet; sicut etiam creatura Durandi, cum qua scilicet Deus non concurrat immediate ad operandum, & similes communiter dicuntur repugnare praecise per hoc, quia subtraherent se à plenissimo Dei dominio; ergo idem dicendum de Creatura Inconvertibili; Et ratio est, quia quoties positive non constat de possibilitate alicujus creaturae, qua posita, dominium Dei restringitur, standum potius pro dilatatione domini, quam Omnipotentiae, cum illud sit attributum ex suo conceptu praestantius; atque adeo dicendum, hujusmodi creaturam repugnare; Sicut etiam diximus in tractatu de Angelis disp. 5. qu. 2. loquentes de creatura rationali natura sua impeccabili.

VII. Objic. 1. voluntas resistere potest cuilibet auxilio; ergo etiam omnibus; ergo non datur necessitas metaphysica, quod sub aliquo vage per scientiam mediam praevideatur consensura. Probatur prima consequentia, quia voluntas, quae resistit singulis, resistit omnibus collectivae; non enim aliter resistit omnibus, quam per hoc, quod resistit singulis; ergo si potest singulis resistere, potest & omnibus.

Resp. concessio antecedente, nego consequentiam; non enim tenet illatio à distributivo ad collectivum, ut patet in innumeris exemplis; voluntas enim potest moraliter resistere singulis auxiliis, sed non omnibus; homo sine speciali privilegio potest vitare in tota vita quodvis veniale, non tamen omnia, ex Triden. sess. 6. can. 23. Sic partes quantitatis possunt singulae distansificari, non tamen omnes; ergo poterit etiam voluntas resistere cuilibet auxilio, quin possit omnibus collectivae. Ad probationem antecedentis, concessio iterum antecedente, nego consequentiam. Ratio est, quia

quia tunc valet à distributivo ad collectivum, quoties distribuuntur exercitia, non potestates; v. g. si singula venialia vitantur, omnia collectivè vitantur; at si possunt singula vitari, non eatenus possunt vitari omnia: Sic etiam si singulæ partes quantitates distantificarentur, omnes collectivè distantificarentur; at per hoc, quod possint singulæ distantificari, non per hoc possunt omnes; potest enim dari repugnantia aliqua, ut componantur exercitia, quin detur repugnantia, ut componantur potestates; ut patet in voluntate, quæ relate ad amorem, & odium habet simultatem potentiae, non potentiam simultatis; quare poterit etiam voluntas habere simultatem potentiae relate ad resistendum singulis auxiliis, quin habeat potentiam simultatis.

VIII. Objic. 2. ex Henao. Non obstat perfectissimo Dei dominio, quod non possit naturaliter destruere animam rationalem; ergo etiam quod non possit libere inducere voluntatem aliquam ad consensum; ergo non repugnat creatura inconvertibilis ex capite diminutionis divini domini.

Confirm. non obstat Dei dominio, quod non possit obtinere consensum liberum ex aliqua collectione auxiliorum finita, aut etiam infinita; ergo neque quod non possit consensum liberum obtinere ex collectione omnium auxiliorum. Antecedens patet; nam Deus per scientiam mediam videt infinita auxilia esse efficacia, & infinita inefficacia; ergo relate ad collectionem illam infinitam auxiliorum inefficaciam non potest Deus obtinere consensum liberum à voluntate; idque sine præjudicio domini perfectissimi.

Resp. argumentum probare etiam, quod sicut non obstat perfectissimo Dei dominio, quod non possit naturaliter destruere animam rationalem; ita nec obflaret creatura essentialiter indestruibilis. In forma, concessio antecedente, nego utramque consequentiam. Quod anima sit naturaliter indestruibilis, commendat Omnipotentiam, quippe quæ non solum potest ponere animam, sed etiam exigentiam in anima naturalem, ut conservetur, salvo semper dominio, quod possit illam ad nutum destruere: Contra vero creatura inconvertibilis derogat dominio divini; non secus ac creatura essentialiter indestruibilis, eo quod non possit ab ea Deus consensum liberum obtinere.

Neque dicas, ad perfectissimum dominium sufficere, quod possit Deus à creatu-

ra libera extorquere consensum necessarium per prædeterminationem physicam, quin requiratur, quod possit obtinere consensum liberum; Sicuti satis est, quod animam rationalem possit Deus destruere supernaturaliter, quin requiratur, quod possit illam naturaliter destruere.

Nam contra est, quia sicuti non satis est, quod possit Deus producere, vel non producere creaturam aliquam essentialiter indestruibilem, sed requiritur etiam ad perfectissimum dominium, quod possit illam libere conservare, quia sic est magis subiecta Deo; ita non satis est, quod possit Deus à voluntate extorquere consensum necessarium, sed debet etiam posse obtinere consensum liberum, quia sic est magis Deo subiecta. Anima rationalis non debet posse naturaliter destitui, quia ex hoc prædicato non traheret majorem subjectionem Deo; sed solum minorem perfectionem; minus enim perfecta est creatura, quæ potest naturaliter destitui, quàm quæ exigit naturaliter conservari.

Ad confirm. concessio antecedente, nego consequentiam. Disparitas est, quia si Deus non posset per collectionem omnium auxiliorum infrustrabiliter obtinere consensum liberum à voluntate, non subiceretur Deo creatura libera, quatenus libera est; quod repugnat: At quod in collectione auxiliorum dantur infinita efficacia, & infinita inefficacia, ita ut si Deus conferat hæc infinita inefficacia, non possit per illa consensum obtinere, hoc amplificat Omnipotentiam citra diminutionem domini.

IX. Objic. 3. Si ad Dei dominium spectaret posse vi collectionis omnium auxiliorum obtinere consensum liberum, spectaret etiam posse hujusmodi consensum obtinere vi cujuslibet auxilii determinati; quia sic esset majus Dei dominium: aut saltem vi cujusvis binarii, aut alterius collectionis finitæ auxiliorum; ita ut consensus sit liber relate ad auxilium A, sed necessarius relate ad binarium auxiliorum A, & B; sequela non admittitur; ergo nec admittendum id, unde ea sequitur.

Resp. nego sequelam; si enim sub auxilio A determinato consensus poneretur à voluntate necessarius, eo ipso esset necessarius, & non liber, ut patet: esto probabilis sit sententia Patris Nostri Thyrſi Gonzales loc. cit. disp. 3. sect. 2. quod scilicet possit Deus vi cujusvis auxilii determinati collati sub infinitis variis circumstantiis consensum liberum infrustrabiliter obtinere,

eo modo, quo potest vi collectionis omnium auxiliorum.

Ad id, quod additur, nego, quod dari possit necessitas vaga consensus sub binario, aut alia collectione finita auxiliorum; tum quia necessitas hæc vaga reduceretur ad determinatam; nam si collato auxilio A voluntas non consentit, deberet deinde necessario consentire sub auxilio B, posito quod subalterutro dari debeat consensus; tum etiam, quia voluntas non esset plenissime libera, si positis quibuscumque auxiliis in statu absoluto, non posset omnibus dissentire; ea enim est libertas, quam Patres, & Scholastici omnes in voluntate agnoscunt, ut positis quibuscumque vocationibus in infinitum, semper possit resistere. Adde, quod derogaretur potius divino dominio, si non posset creaturam vocare infinitis auxiliis efficacibus, & infinitis inefficacibus.

Hinc habes, quod sicuti quando dicitur: Aliqua navis est necessaria ad navigandum, necessitas de nulla navi in particulari verificatur, nec de quacumque navium composibile collectione (posito quod non sit possibilis collectio omnium navium possibilium, quippe quæ Omnipotentiam exhauriret) is enim sublati, adhuc dari posset navigatio cum alia navi possibili; Ita cum dicitur; Aliquod auxilium pro statu conditionato necessario conjungitur cum consensu libero, de nullo auxilio, aut collectione auxiliorum composibilem in statu absoluto id verificatur, quia quæcumque auxilia possunt aut simul, aut successive coexistere, possunt esse inefficacia. Quapropter necessitas ista consensus liberi est solum necessitas logica pro statu conditionato, seu est necessitas tantum scientiæ mediæ de consensu libero sub aliquo vage auxilio; quæ necessitas non evertit libertatem consensus; sicut necessitas logica peccati pro statu possibilitatis, non evertit libertatem, quia non est necessitas peccati physica, & pro statu absoluto.

X. Objic. ultimo. Infrustrabilis exigentia consensus liberi non potest identificari cum quolibet auxilio, ut modo diximus; neque potest identificari cum collectione omnium auxiliorum; cum ista collectio supponatur esse chimera; ergo hæc exigentia frustrabilis consensus liberi sub aliquo vage auxilio simpliciter non datur.

Resp. cum eodem Patre Thyrsio num. 28. exigentiam hanc non identificari cum auxiliis, sed cum Omnipotentia, quæ exi-

git, ut aliquod vage auxilium prævideatur efficax: Quare exigentia ista neque identificatur cum quolibet auxilio, neque cum collectione auxiliorum, quamvis consensus ab auxiliis cansetur: Sic data necessitate ad optimum in Deo, omnipotentia est quæ causat optimum; hoc tamen non exigitur ab Omnipotentia, sed à Bonitate divina, quæ est diffusiva sui; Sic etiam data distinctione potentiarum ab essentia, potentiaæ causant actum, qui tamen ab essentia exigitur. Quod diximus de exigentia consensus, dicas etiam de necessitate, ut sub aliquo vage auxilio prævideatur; quæ pariter cum Omnipotentia, non cum auxiliis identificatur: etenim, ut hic supponimus cum eodem Auctore, sicut possibilitas omnium possibilem, ita necessitas omnium necessarium identificatur cum Omnipotentia, quæ sicut est necessitas, ut homo v. g. si existat, excludat contradictionem, ita est necessitas, ut sub aliquo vage auxilio consensus per scientiam medium prævideatur. In forma itaque concessio antecedente, nego consequentiam.

Instabis: Si medium non est inducivum finis, qui potest ponere medium, non potest per illud inducere finem; sed auxilia, cum sint indifferentia, non possunt inducere infruſtrabiliter consensum, & illa sunt mediumunicum ad inducendum consensum liberum; ergo Omnipotentia non poterit per huiusmodi auxilia inducere consensum infruſtrabiliter.

Resp. auxilia esse medium unicum ad efficiendum, non ad exigendum consensum. Quare dist. maj. si medium non est inducivum, hoc est exigitivum finis, qui potest ponere tale medium, non potest inducere finem, nego maj. si medium non est effectivum finis, conc. maj. & distincta pariter min. nego consequentiam.

ARTICULUS II.

An detur Infrustrabilitas Auxiliorum relati ad obdurandum?

XI. Tertia conclusio hypothetica. Si veram esset, quod Deus possit vel simul in eodem instanti, vel successive in infinitis partibus v. g. horæ conferre omnia collectivæ auxilia, non posset in hac hypothesi dari metaphysica necessitas in collectione auxiliorum, quod voluntas per scientiam medium prævideatur sub aliquo vage auxilio dissensura; etiam transmissa, quod

quod talis necessitas cohereret cum libertate disensus; proinde in hac hypothefi possibilis esset voluntas, quæ omnibus auxiliis consentiret, atque adeo non repugnet voluntas inobdurabilis; cuius scilicet peccatum permittere non posset Deus.

Prob. Etiam transmissio, quod in hac hypothefi collectio auxiliorum non everteret libertatem, adhuc metaphysica hæc necessitas ad dissensum esset diffona divinæ bonitati; ergo repugnat; atque adeo in hac hypothefi voluntas creata inobdurabilis non repugnet. Prob. antecedens. Est diffonum bonitati Divinæ id, quod si ponatur pro statu absoluto à parte rei, infert necessario à priori peccatum; sed collectio omnium auxiliorum, si ponetur à parte rei intra horam, traheret peccatum à priori, seu tanquam à causa; ergo esset diffona bonitati Divinæ. Major probatur. Ideo enim dicimus contra Thomistas, prædeterminationem physicam ad peccatum esse diffonam bonitati Divinæ, & arguere in Deo amorem peccati, quamvis non everteret libertatem, quia prædeterminatio trahit à priori peccatum; atqui ex collectione auxiliorum continente metaphysicam necessitatem ad dissensum inferretur etiam, tanquam à priori, peccatum intra horam, in qua ea conferretur; ergo esset pariter diffona bonitati Divinæ, & faceret Deum Auctorem peccati.

Confirm. 1. quia qui vult A, ad quod necessario consequitur B, censetur velle ipsum B; ergo Deus volens sive prædeterminationem, sive collectionem auxiliorum, ad quas consequitur necessario peccatum, censetur amare ipsum peccatum.

Confirm. 2. Si Deus suaderet peccatum libere ponendum à creatura, censetur amare peccatum, & esse auctor peccati, quia ex Aug. *illo Auctore cum dicimus, illo volente dicimus*; ergo à fortiori si Deus aut prædeterminet ad peccatum, aut conferat collectionem omnium auxiliorum, ad quam infallibiliter peccatum sequatur, quamvis libere. Prob. consequentia, quia magis dicitur amare peccatum qui compellit ad illud physice, quam qui tantum moraliter suo consilio; atqui Deus conferendo aut prædeterminationem, aut collectionem omnium auxiliorum intra horam, compelleret physice ad peccatum, ponendo causam necessariam illius; ergo magis esset Auctor peccati, conferendo collectionem omnium auxiliorum, quam suadendo peccatum.

Neque dicas, quod Deus amaret peccatum pro statu conditionato, non pro statu absoluto, quia non tenetur ponere collectionem omnium auxiliorum, ex qua inferretur à priori peccatum. Nam contra est, quia neque tenetur ponere prædeterminationem ad peccatum, & tamen si ea esset possibilis, Deus diceretur Auctor peccati: quare satis est, quod si in hypothefi possibili ponatur talis collectio, aut prædeterminatio, inferant à priori peccatum pro statu absoluto, ut dicantur diffonæ bonitati Divinæ, atque adeo repugnare.

XII. Dixi in conclusione, *etiam transmissio, quod talis necessitas cohereret cum libertate*; Nam re vera non videtur ea posse coherere cum plenissima libertate ad declinandum peccatum. Ratio est, quia in ea hypothefi huiusmodi necessitas inferret necessario peccatum intra illam horam, in qua conferretur omnia auxilia voluntati; ergo voluntas non esset plene libera ad peccatum vitandum. Probatur consequentia; nam Christus Dominus ex gr. si intra spatium triginta trium annorum, deberet in aliquo ex illis anno, aut aliqua parte proportionali talis temporis vage mori; quamvis in nullo instanti determinato deberet mori, solum diceretur liber quoad circumstantiam, non quoad substantiam mortis: ergo etiam in casu nostro voluntas, si haberet omnia auxilia intra horam cum necessitate ad peccatum in aliqua parte horæ vage, esset libera ad peccatum vitandum solum quoad circumstantiam huius, vel illius instantis, non quoad substantiam; ergo non esset plene libera.

Confirm. Si darentur omnia auxilia in eodem instanti, & libertas esset ad declinandum peccatum sub quolibet determinato auxilio, non tamen sub collectione omnium, in eo instanti non daretur plena libertas ad peccatum declinandum; ergo si darentur omnia auxilia in infinitis partibus horæ cum simili necessitate, neque daretur plena libertas in illa hora ad peccatum vitandum.

Neque dicas, nos de facto posse esse in quolibet instanti plene liberos ad vitanda venialia, etiam si detur necessitas moralis ad patrandum in tota vita aliquod vage veniale; ergo etiam in casu conclusionis daretur plena libertas.

Nam quamvis in quovis instanti habere possimus libertatem moralem ad vitandum quodvis veniale, non sumus tamen plenissime liberi moraliter, posito, quod alicui vage in tota vita succumbendum sit; ergo

pariter neque daretur plenissima libertas in casu conclusionis.

XIII. Objic. Ex hoc, quod Deus amando creaturam liberam amet in illa necessitate, quod ponat vel actum præceptum, vel ejus omissionem, seu peccatum, non per hoc dicitur amare peccatum; ergo neque dicitur amare peccatum ex eo, quod ponat in statu absoluto necessitatem, quod voluntas sub aliquo vage auxilio dissentiat. Ratio à priori pro utroque casu est, quia amare necessitatem ad disjunctionem, non est amare utramque partem disjuncti; ergo infirmitas auxiliorum ad dissonum in hypothese conclusionis non est dissimulata bonitati Divinae.

Confirm. necessitas, quam habet homo in statu naturæ lapsæ ad succumbendum alicui veniali vage sine speciali Dei privilegio, non derogat bonitati Divinae; ergo neque necessitas metaphysica in casu conclusionis.

Resp. concesso antecedente, nego consequentiam. Ratio à priori adducta militat pro primo, non pro secundo casu; potest enim Deus amare in creatura libera necessitatem, ut ponat disjunctive vel actum bonum, vel malum, quin proinde dicatur Deus velle malum; quia scilicet ex hac necessitate creaturæ ad alterutrum non inferitur determinate existentia peccati; seu quia nunquam in nulla hypothese possibile inferitur necessario peccatum pro statu absoluto; unde potest Deus velle istam necessitatem, seu velle creaturam liberam, & simul odisse peccatum: contra vero ex necessitate metaphysica ad dissonum in hypothese conclusionis; ergo hæc tantum necessitas argueret in Deo amorem peccati.

Ad confirmationem concesso etiam antecedente, nego consequentiam; in primo enim casu necessitas illa est tantum moralis, quæ non tollit libertatem ad peccatum, sive ea sit vaga, sive sit determinata: ita in casu nostro necessitas est metaphysica, impossibilis cum libertate ad peccatum declinandum.

XIV. Ult. conclusio: absolute loquendo datur metaphysica necessitas, ut quælibet voluntas per scientiam mediam videatur sub aliquo vage auxilio dissonum; adeoque repugnat voluntas, quæ videatur per scientiam mediam omnibus auxiliis consensura; unde fit, repugnare creaturam inobdurabilem, cujus peccatum à Deo permitti non possit. Ita communiter contra Henzum sed. 444. Divi, absolute loquendo, quia supponimus, non posse Deum conferre omnia

omnino auxilia, etiam si posset conferre infinita, sicut non potest omnes partes quantitatis distantificare, nec potest ponere omnia collectivè possibiliter; exhauretur enim Omnipotentia, si posita omnium creaturarum collectione, quæ secundum magnitudinem perfectionis finita est, collectionem perfectiorem ponere non posset; sicuti exhauretur, si poneret creaturam, aut numerum finitum maximum. Si posset autem Deus intra horam conferre omnia auxilia, & aliqua istorum necessario essent inefficacia, sequeretur, quod necessario esset peccatum hujus creaturæ intra horam, & sic tale peccatum tribueretur Deo, ut ostendimus in tertia conclusione.

Prob. conclusio 1. ex Scripturis, & Patribus pro secunda conclusione adductis, quibus non minus ostenditur voluntatem esse à Deo emollibilem, quam esse obdurabilem. Ad Rom. 9. *Cui vult miseretur, & quem vult indurat*; & infra, *An non habes potestatem singulari ex eadem massa facere aliquid vas in honorem, aliud in contumeliam?* Ubi Augustinus advertit, obdurationem creaturæ non esse positivam, per hoc scilicet quod Deus peccatum intendat, aut malitiam impertiatur, sed negativam per hoc, quod non impertiatur misericordiam, seu auxilium efficax.

Prob. 2. eadem ratione, qua probavimus secundam conclusionem; quia scilicet spectat ad dominium Dei perfectissimum supra creaturas liberas qua liberas, posse ab iis obtinere non solum consensum, sed etiam dissonum liberum, permittendo peccatum: atqui hoc Deus non posset, negata metaphysica necessitate, quod quælibet voluntas videatur per scientiam mediam sub aliquo vage auxilio dissonum, ut patet; ergo datur hæc necessitas metaphysica.

Confirm. 1. quia instinctu naturali quilibet à Deo postulat victoriam tentationum, ac de his donis gratias agit; ergo signum est, quod à Deo libere conferatur auxilium efficax, atque adeo nulla voluntas prævidetur sub omnibus auxiliis consensura.

Confirm. 2. ex illo Apost. 1. ad Cor. 4. *quis enim se discernit?* ubi ostendit, Deum discernere pium ab impio, electum à reprobo. Si autem creatura aliqua prævideretur omnibus auxiliis consensura, jam à semetipsa discernere non à Deo; ergo non potest prævideri omnibus auxiliis consensura.

Confirm. demum, quia ista necessitas metaphysica scientiæ mediæ de dissonum ex una parte non derogat plenæ libertati ad

consensum sub quolibet auxilio determinato, ut ostendimus in prima conclusione; ex alia parte in nulla hypothesi possibili trahit à priori peccatum pro statu absoluto; quia posita quacunque collectione auxiliorum, potest voluntas illis consentire, cum possit Deus conferre non tot, quin plura, immo etiam infinita auxilia efficacia; neque demum derogat bonitati Divinæ, quia ista necessitas peccati pro statu conditionato nullatenus est necessitas, seu amor peccati pro statu absoluto, sed solum est necessitas, seu amor scientiæ mediæ de peccato, quæ stare potest, quin unquam peccatum sit ponendum; necessitas autem scientiæ mediæ de peccato non derogat bonitati Divinæ, quia est necessitas, & amor objecti de se boni, licet terminati ad malum; sicut necessitas possibilitatis peccati non derogat Divinæ bonitati, quia est solum necessitas scientiæ simplicis intelligentiæ de peccato, atque adeo necessitas objecti boni terminati ad malum.

XV. Objic. 1. Est possibilis tam creatura libera, tum non libera; ergo est etiam possibilis tum voluntas obdurabilis, tum inobdurabilis, necnon inflexibilis libere sive ad consensum, sive ad dissentium; ergo non datur metaphysica necessitas asserta in hac, & in secunda conclusione. Prob. prima consequentia, quia sicut non derogat Divino dominio, quod non possit Deus à creatura non libera, v. gr. à lapide actum liberum obtinere, quia non obstat Divino dominio, quod non possit uti creaturis ad usus impossibiles; ita non derogat Divino dominio, quod non possit libere flectere ad consensum, vel dissentium voluntatem inflexibilem.

Resp. per instantiam; ergo potest etiam dari creatura tum destruibilis, tum indestruibilis. Directe nego consequentiam. Disparitas est primo, quia Scripturæ aperte docent, Deum posse quemlibet obdurare; ergo repugnat creatura inobdurabilis: Neque possunt intelligi Scripturæ solum de voluntatibus existentibus, non de possibilitibus, quia obstat huic interpretationi communis sensus Patrum: Aliter possemus etiam admittere possibilem creaturam indestruibilem; creaturam Durandi, voluntatem creatam impeccabilem; quia quando Scripturæ dicunt, *Deum posse omnia uno motu delere; Deum operari cum creaturis; Et quod non justificabitur apud Deum omnis vivens*, possemus hæc omnia contra commu-

nem sensum interpretari tantum de creaturis existentibus. Secundo, Creatura non libera ideo non derogat Divino dominio, quamvis non possit Deus ex illa actum liberum extorquere, quia positive ostenditur, creaturam non liberam esse incapacem actus liberi, & hanc incapacitatem oriri ex imperfectione talis creaturæ non liberæ, puta lapidis, non autem ex perfectione summa, quæ se subtraheret Divino dominio: Contra vero quælibet voluntas de se est capax obdurationis, posito quod libera sit ad consentiendum, vel dissentiendum sub auxilio indifferenti; ergo si non posset à Deo obdurari, id haberet ex defectu subjectionis debitæ Divino dominio. Præterquamquod Omnipotentia esset limitata, si careret facultate ad obdurandum; quia scilicet deficerent illi auxilia prævisa inefficacia. Quare ad probationem consequentiz dico, non obstat Divino dominio, quod non possit uti creaturis ad usus certo impossibiles, seu de quibus positive constat esse impossibiles, v. gr. quod lapis cognoscat; non vero ad usus, qui assumuntur, & non probantur esse impossibiles, & qui arguunt in talibus creaturis defectum subjectionis debitæ Divino dominio.

XVI. Objic. 2. Amans disjunctive vel actum bonum, vel malum, peccat, quia indifferenter se habet ad utrumque; ergo à fortiori Deus conferetur amare malum, si exigeret aliqua auxilia fore inefficacia, & cum peccato conjungi; omnis enim exigentia in Deo est appetitus elicitus voluntatis Divinæ identificatus cum Divina natura. Neque dicas, quod Deus exigendo inefficaciam aliquorum auxiliorum, exigeret illam solum pro statu conditionato, non pro statu absoluto. Nam tam repugnat, quod Deus amet peccatum pro statu absoluto, quam pro statu conditionato; repugnat enim, quod Deus velit peccatum conjungi cum auxilio A, in hypothesi quod detur tale auxilium; ergo non potest Deus exigere, quod aliqua auxilia prævideantur per scientiam mediam inefficacia, ut possit Creaturam libere obdurare; atque adeo non repugnat Creatura inobdurabilis, & quæ prævideatur per scientiam mediam libere consensura omnibus Divinæ Gratiz auxiliis.

Resp. concesso antecedente, nego consequentiam. Deus enim sicut non amat malum per hoc, quod conferat auxilium inefficax, quia tunc intendit solum actum bonum, & permittit peccatum; ita non censetur amare malum per hoc, quod exigit,

ali-

aliqua auxilia prævideri per scientiam mediam inefficaciā, quia hanc inefficaciā auxiliorum exigit tantum pro statu conditionato, nunquam in statu absoluto. Sicut autem exigere peccatum in statu possibilitatis non arguit in Deo amorem peccati, quia solum exigit scientiam simplicis intelligentiæ de peccato, & possibilitatem creaturæ liberæ, quæ scilicet peccare possit; ita exigere peccatum pro statu conditionato neque arguit in Deo amorem peccati; quia solum exigit scientiam mediam de peccato, & possibilitatem creaturæ liberæ, cum subiectione debita Divino dominio, unde possit ad arbitrium flecti, & obdurari, quin unquam Deus exigit peccatum pro statu absoluto in quacunque hypothesi possibili. Ad id quod additur, dico, repugnare quidem, quod Deus velit peccatum conjungi cum auxilio A determinato, si illud daretur, quia sic vellet peccatum poni pro tali hypothesi cæteroque possibili; at non repugnat, quod Deus velit, & exigit aliqua ex auxiliis possibilibus prævideri per scientiam mediam efficaciam, aliqua vero inefficaciā; quia sic nunquam vellet, quod ponatur peccatum in statu absoluto pro quacunque hypothesi possibili.

Neque replices, quod hoc ipsum repugnet, Deum scilicet velle peccatum pro statu conditionato, quamvis in nulla hypothesi possibili esset transferendum necessariò ad statum absolutum. Nam contra est, quia sicut non repugnat, quod Deus velit peccatum pro statu possibilitatis, quia sic solum vult creaturam liberam, scientiam simplicis intelligentiæ de peccato, & peccatum secundum esse logicum, odio habendo illud in statu absoluto, & secundum esse physicum; ita non repugnat, quod Deus velit peccatum pro statu conditionato sub aliquo auxilio vage, & sub nullo determinate; quia sic vult solum creaturam liberam plene subiectam Divino dominio quoad emoliri, aut obdurari, & simul vult scientiam aliquam mediam de peccato conditionate futuro; peccatum autem conditionate futuro solum vult Deus secundum esse logicum, odio habendo illud pro statu absoluto, & secundum esse physicum pro quacunque hypothesi possibili. Quare exigentia peccati secundum esse logicum, quæ stat cum odio peccati secundum esse physicum pro quacunque hypothesi, non solum non est dissona Divinæ bonitati, sed est valde illi consona, quia non fert ullum amorem peccati, sed solum fert amorem, & exi-

gentiam creaturæ liberæ, cui peccatum sit possibile, & creaturæ plenæ Deo subiectæ quoad obdurari, ut proinde possit Deus ejus peccatum permittere. Aliter non posset Deus suam justitiam, misericordiam, providentiam, & alia attributa erga hanc creaturam exercere, si nullum ejus peccatum posset permittere.

QUÆSTIO III.

Nam Auxilia Gratiæ consistant unice in Actibus intellectus, & voluntatis?

CONsideravimus Principium gratiæ auxiliantis necessariæ ad actus salutares, nunc discutienda est ejusdem naturæ, & deinde causalitas.

Dico 1. ratio gratiæ auxiliariis, seu actualis de facto convenit tum actibus intellectus, tum voluntatis; hoc est tam piis, & supernaturalibus cogitationibus, per quas, ut loquitur August. *Apparet, quod latebat*; quam sanctis, & supernaturalibus inspirationibus, ac delectationibus, per quas *Sua ve sit, quod non delectabitur*. Ita communiter contra prædeterminatores.

Prob. 1. ex Scripturis, Conciliis, & Patribus: Nam ad Eph. 1. dicitur: *Drus dei vobis Spiritum Sapientiæ, & revelationis in agnitione ejus; illuminatis oculos cordis vestri, ut sciatis*, &c. ubi signatur gratia auxiliariis pertinet ad intellectum; & Psalm. 20. dicitur: *Prævenisti eum in benedictionibus dulcedinis*; ubi explicatur gratia affectionis, seu inspirationis pertinet ad voluntatem. Item Jo. 7. dicitur: *Omnis, qui auditus à Patre, & didicit, venit ad me*; Ubi *audire* pertinet ad intellectum: Ibidem dicitur: *Nemo potest venire ad me, nisi Pater traxerit eum*, quod à Patribus explicatur pro pia affectione voluntatis. Unde August. tract. 26. in Jo. dixit: *Quomodo voluntate credo, strabor? Parum est voluntate, etiam voluptate traheris. si enim porta dicere licuit, Trahis sua quæque voluptas; non necessitas, sed voluptas, non obligatio, sed delectatio; quanto magis nos dicere debemus, trahi homines ad Christum, qui delectatur veritate? Præterea Triden. sess. 6. c. 5. ait. Ita ut tangente Deo cor hominis per Spiritus Sancti illuminationem, neque homo ipse nihil omnino agat inspirationem illam recipiens; & Millevitanum can. 4. *Utrumque est donum Dei, & scire quid facere debeamus, & diligere, ut faciamus*.*

faciamus. Aug. lib. 2. de peccatorum meritis, & remissione, cap. 19. *Cum à Deo adjutorium deprecamur, quid aliud deprecamur, quam ut aperiat, quod latebas, & suaves fiat, quod deletabas?*

Prob. 2. ratione. In eo consistit ratio gratiæ auxiliaris, per quod homo de se impotens naturæ viribus ad eliciendos actus salutares, intelligitur complete potens ad illos ponendos, ut contra Pelagium definiunt Concilia; atque posita cogitatione supernaturali objecti honesti in intellectu, & pia supernaturali affectione, seu complacentia, boni honesti in voluntate, intelligitur voluntas humana proxime potens prodire in actus salutares; ergo in his actibus intellectus, & voluntatis consistit gratia auxiliatrix.

Confirm. Deus in ordine gratiæ accommodat se naturæ, ut omnes faterentur; ergo per gratiam auxiliantem movet homines ad actus salutares, modo consentaneo naturæ rationali; modus autem consentaneus naturæ rationali est, ut ad bonum proficquendum moveatur tum à cognitione illius, tum à complacentia, & delectatione, quæ ex eadem cognitione suboritur; ergo Deus in ordine gratiæ movet voluntatem ad actus salutares tam per cogitationes, quam per delectationes supernaturales; atque adeo in his actibus consistit ratio gratiæ auxiliantis.

II. Dico 2. Præter gratiam auxiliantem consistentem in illustrationibus, & inspirationibus supernaturalibus, non datur de facto alia Gratia auxilians consistens in ulla qualitate mortua, seu non vitali, qualis est præmotio physica, esto hæc effect. possibilis. Ita etiam communiter contra prædeterminantes.

Prob. gratia auxiliatrix, quæ de facto datur, non potest nobis aliter innotescere, quam per Scripturas, Concilia, Patres, ac traditiones; atque nusquam in iis sit mentio auxilii, quod per modum qualitatis mortuæ, seu non vitalis voluntatem disponat, ac moveat ad bene operandum, sed solum sit mentio illustrationum, & inspirationum; ergo de facto præter gratiam auxiliantem consistentem in his actibus intellectu, & voluntatis, non datur præmotio physica supernaturalis, & indebita; evanescit non repugnare; quod infra examinabimus.

Neque dicas, Concilia, & Patres ab hac præmotione præscindere, non vero illam negare. Nam universim propositiones Contiliorum, & Pontificum doctrinales inde-

finitiæ æquivalent universalibus, atque adeo præscindunt, negant; aliter doctrina esset mutila.

Confirm. conclusio, quia videtur intelligibile, quod aliter moveatur voluntas humana, quam cognitione boni, ac delectatione ejusdem; quia est intelligibile, quod potentia vitalis moveatur ad vitaliter operandum, & non per qualitates vitales; sicut è converso est intelligibile, quod potentia non vitalis moveatur ad suas operationes per qualitates vitales; Ex. gr. est impossibile, quod lapis moveatur ad centrum per cognitionem centri, sed solum moveri potest per qualitatem mortuam, hoc est per gravitatem; ergo è contrario voluntas moveri nequit ad bonum proficquendum per qualitatem mortuam, hoc est per præmotionem, sed moveri unice potest per qualitates vitales, videlicet per cognitionem boni, ac ejusdem delectationem.

III. Dubitatur tamen, Quinam sint actus intellectus, & voluntatis, quibus competere potest ratio gratiæ prævenientis, seu auxiliantis?

Resp. competere posse tribus omnibus operationibus intellectus, & actibus voluntatis tam indeliberatis, quam deliberatis; immo actibus deliberatis competere etiam potest ratio gratiæ ab intrinseco efficacis. Primo itaque competit juvare hominem ad actus salutares apprehensione supernaturali objecti, ut patet. Secundo idem competit judicio tum speculativo, tum pratico: Tercio etiam discursui supernaturali, quatenus ex præmissis supernaturalibus inferuntur conclusiones dirigentes ad recte operandum; unde dicitur Psal. 35. *In meditatione mea exardescet ignis;* atque adeo ratio gratiæ competit tribus operationibus intellectus. Quarto etiam affectus indeliberati simplices, & ab intrinseco inefficaces sunt vera gratia; Quod explicatur à D. Prospero contra Collatorem cap. 14. in illud Jo. 6. *Nemo venit ad me, nisi Pater, qui misit me, traxerit eum;* dicens: *Trahit ad Deum timor;* *Initium enim sapientia timor Domini;* *trahit lætitia, quoniam lætatus sum in his, quæ dicta sunt mihi;* *trahit desiderium, quoniam concupiscis;* *& deficit anima mea in atria Domini;* *trahit delectatio lætationis, quoniam dulcia enim faucibus meis eloquia tua;* *Quis perspicere, aut enarrare posse, per quos affertur visitatio. Dri autem ducas humanum, ut qua fugisbar, sequatur, qua oderat, diligat, qua fastidiebat, usurus?* Dixi tamen, hujusmodi affectus esse inefficaces ab intrinseco,

feco, quippe qui sint in nobis sine nobis libere operantibus; si enim conferentur ab intrinseco efficaces, actus salutaris consequens illos affectus non esset actus liber; sicut actus consequens ad præmotionem physicam, utpote ab intrinseco efficacem, non est actus liber, ut hic supponimus. Denique affectus deliberati possunt esse gratia non solum auxiliariis, sed etiam ab intrinseco efficaciæ, & determinans ad actum supernaturalem; & talis est actus imperans supernaturalis, qui determinat ad actum imperatum, & actus intentivus finis, qui determinat ad electionem mediorum; ut enim diximus quæstione penultima de actibus humanis, potest aliquando actus imperatus non esse formaliter liber; ita ut superaddat quidem novam bonitatem moralem actui imperanti, sed non novum meritum. Unde habes, in hoc tantum sensu locutum esse Angelicum, ubi dicit, arbitrium à gratia aliquando præmoveri; quia scilicet vere actus deliberati imperantes determinando voluntatem ad novos actus imperatos, illam præmovere; sed non præmotione illa Bagneziana ineluctabili, eversiva libertatis, etiam mediata, de qua suo loco.

IV. Objic. 2. si gratia præveniens consistet in actibus intellectus, & voluntatis supernaturalibus, qui sunt in nobis sine nobis libere operantibus, eo ipso deberet necessario supponere aliud comprincipium supernaturale, quod cum intellectu, & voluntate ad hos actus concurrat; ergo eo ipso, antecedenter ad actus intellectus, & voluntatis, daretur alia qualitas supernaturalis, non vitalis, cui competeret ratio gratiæ prævenientis; ergo gratia præveniens non consistit unice in actibus intellectus, & voluntatis. Antecedens probatur, quia intellectus, & voluntas non possunt propriis viribus elicere actus supernaturales; ergo debent elevari à comprincipio supernaturali, & quidem intrinseco, non vero per Omnipotentiam specialiter assistentem, ut connaturalius fiant: Sicut intellectus Beati elevatur ad visionem Dei producendam per lumen gloriæ intrinsecum, ut visio procedat connaturaliter; actus enim vitalis connaturaliter petit prodire à principio intrinseco.

Resp. Suarez tom. 2. de Gratia lib. 3. cap. 18. & Ripaldam disp. 24. probabiliter existimare, quod huiusmodi actus intellectus, & voluntatis, quibus competit ratio gratiæ prævenientis, connaturaliter fiant si præ comprincipio supernaturali intrinseco,

sed cum Omnipotentia specialiter assistente. Neque putant, obflare paritatem adductam luminis gloriæ, quod est comprincipium intrinsecum elevans intellectum ad visionem producendam, quia scilicet Dei visio procedit permanenter, & propterea dari debet principium intrinsecum permanens, ut connaturalius fiat: Contra vero illustrationes, & inspirationes supernaturales sunt actus transeuntes; ergo non requirunt comprincipium intrinsecum permanens, sed satis est Omnipotentia specialiter assistens. Alii vero cum Mauro quæst. 17. de Gratia, num. 9. probabilius censent, dari etiam relate ad hos actus comprincipium supernaturale permanens, quod sit instar luminis gloriæ, ad hoc ut connaturalius fiant cum concursu ordinario Omnipotentia; Negant tamen, huiusmodi comprincipium esse gratiam prævenientem strictè dictam, de qua hic quærimus (quæ scilicet immediato causet actus salutes) cum hæc ratio gratiæ solum competat illustrationibus, & inspirationibus, non vero comprincipio illi supernaturali intrinseco permanenti, cum quo à potentia vitali illustrationes, & inspirationes causantur; huiusmodi enim comprincipium cum habeat rationem speciei impressæ, & hæc species impressa non sit qualitas transiens, sed permanens, non potest habere rationem gratiæ prævenientis strictè dictæ; quippe quæ est sola gratia actualis transiens, non habitualis permanens. Ex hoc autem, quod huiusmodi comprincipium causans illustrationes habeat rationem speciei impressæ, habet rationem qualitatis intentionalis, & sic suo modo vitalis, seu complementis potentiam vitalem; unde citra inconveniens movere potest immediate voluntatem; quod tamen præstari nequit à prædeterminatione physica, quæ non est qualitas intentionalis, nec ullo pacto vitalis, sed mortua.

Neque dicas, posse illustrationes elici vi habituum supernaturalium, absque hoc alio comprincipio intrinseco, quod habeat rationem qualitatis intentionalis. Nam contra est, quia in peccatore, in quo non datur habitus supernaturales, non daretur comprincipium supernaturale intrinsecum, cum quo illustrationes supernaturales causarentur; quod tamen dari debet, ut illustrationes connaturalius ponantur.

V. Objic. secundo. Etiam dato, quod actibus intellectus tribuenda sit ratio gratiæ auxiliantis, non est tamen tribuenda etiam actibus voluntatis, quia cum naturaliter

raliter consequatur ad illustrationem supernaturalem inclinatio, & affectio in voluntate, sequitur, quod gratia inspirationis includatur in gratia illustrationis; sicut in dono creationis includuntur reliqua dona proprietatum naturalium, quæ ad creationem consequuntur.

Respond. cum Mauro loc. cit. num. 17. Gratiam inspirationis esse diversam à gratia illustrationis, quia in natura lapsa voluntas nostra propter vulnera malitiæ, concupiscentiæ, & infirmitatis non nisi imperfectissime inclinatur ad prosequenda bona æterna, etiam si per illustrationem supernaturalem represententur. Quare indiget gratia sanante ab iis vulneribus, ut ad bona superna inclinetur, sicut oportet, iisque delectetur: Quod dixit Aug. lib. de Spir. & litera, ubi hæc habet, *Cum id, quod agendum, caperit non latere, nisi etiam delectet, & ametur, non agitur, non suscipitur, non bene vivitur*. Ad argumentum itaque dico cum Ripal. disp. 103. sect. 6. quod quamvis ex propositione objecti boni naturaliter consequatur aliqua complacentia de illo non libera per actum primo primum, adhuc pia affectio supernaturalis est nova gratia, non inclusa in gratia illustrationis: Ratio est, quia quamvis ad illustrationem supernaturalem naturaliter consequatur affectio, & inclinatio voluntatis ad bonum representatum, at non proinde ista affectio est supernaturalis, prout requiritur, ratione illorum vulnerum: Sicuti quamvis ex actu supernaturali naturaliter relinquatur species illius in intellectu, at huiusmodi species non est supernaturalis: ergo præter gratiam illustrationis requiritur gratia inspirationis, quæ à vulneribus per peccatum inflicis voluntatem sanat, illamque ad bonè & salutariter operandum inclinet.

VI. Objic. ultimo: habitus tam naturales, quam supernaturales inclinant potentiam vitalem ad actus suos, quamvis non sint qualitas vitalis, sed mere physica, & mortua; ergo poterit etiam id præstare prædeterminatio physica. Præterea cibus etiam, somnus, &c. adjuvant ad actus intentionales perfectiores eliciendos: ergo à fortiori poterit inclinare præmotio.

Confirm. quia Concilia, & Patres positivè mentionem faciunt huius præmotionis, tum quia passim docent, gratiam auxiliarem fieri in nobis sine nobis: quod competere non potest, nisi prædeterminationi, non vero actibus intellectus, & vo-

luntatis; qui cum sint vitales, fieri non possunt sine nobis; tum etiam, quia gratia præveniens dicitur vocare, ac pulsare, iuxta illud Apocalyp. 3. *Sto ad ostium, & pulso*: pulsatio autem, & vocatio est à solo pulsante, & vocante, quod unice convenit præmotioni, non vero actibus intellectus, & voluntatis: ergo gratia præveniens consistit in præmotione.

Respond. cum Esparza quæst. 15. de Gratia, distinguo antecedens: habitus inclinant ad actus mediate, concedo; immediate nego antecedens, & consequentiam. Habitus naturales inclinant ad actus solum mediatè; quatenus excitant species actuum præteritorum, & delectationis perceptæ in actu præteritorio exercitio; cognitio autem talis delectationis præteritæ novam delectationem causat in voluntate, & à tali delectatione voluntas immediate inclinatur ad actus naturales, quod supponi debet ex Philosophia. Habitus infusi supernaturales exigunt in voluntate compingitum illud supernaturale, de quo diximus in prima objectione, consistens in qualitate intentionali, seu specie impressa supernaturali, à qua causatur illustratio, & in piratio supernaturalis; & sic habitus infusi etiam mediate inclinant, quamvis etiam immediate concurrant physice ad actus supernaturales, & dent potentie simpliciter posse. Pariformiter major dispositio habetur ad perfectiores actus intentionales eliciendos post somnum v. g. quam post vigiliam, in sano, quam in ægroto, in jejuno, quam in bene pranso; non quia qualitates physice influunt immediate in actus vitales, sed quia reddunt corpus magis, vel minus aptum ad phantasmata vividiora, quibus causatur perfectior cognitio.

Ad Confirm. quando Concilia dicunt, gratiam fieri in nobis sine nobis, sensus est, fieri sine nobis libere operantibus; quod enim non fit libere, dicitur non fieri ab homine, quia non fit ab homine, quia homo est. Sic Apostolus ad Roman. septimo dixit: *Non quod volo malum, hoc ago*; quia non libere illud agit, quamvis physice velit, & agat: & Matth. 10. dicitur: *Non enim vos estis, qui loquimini, sed Spiritus Patris vestri, qui loquitur in vobis*; quia scilicet quamvis physice ad locutionem concurrant Martyres, non proinde dicuntur loqui, quia non loquuntur libere; Et sane negari non potest, quod gratia consistat in actibus intellectus, & voluntatis, etiam si esset possibilis præmotio; ut ostendimus in pri-

prima Concl. atqui gratia consiliens in his actibus, etiam dicitur fieri in nobis, sine nobis; quarevis ad eos actus physice concurramus; ergo ex hoc, quod gratia dicatur fieri in nobis sine nobis, non per hoc evincitur, quod detur praemotio. Ad id, quod additur, respondet Rip. dis. 104, sect. 4. pulsationem, & vocationem materialem esse à solo pulsante, & vocante; non vero spirituales, internam, & vitalem, qualis est ex Trid. sess. 6. cap. 5. pulsatio gratiae consiliens in inspiratione, & illustratione. Præterquam quod dici potest, quod ea sit à solo pulsante, ut libere operante, quin per hoc excludatur physicus concursus ejus qui pulsatur.

QUAESTIO IV.

Quomodo concurrat Gratia Auxiliatrix ad Actus Salutares?

Examinabimus primo, Num gratia exerceat causalitatem tum moralem, tum physicam erga actus salutares? Deinde, Num sit tota ratio agendi hos actus? Tertio, Num debeat esse intrinseca voluntati, quia possit suppleri per Omnipotentiam extrinsecus assistentem?

ARTICULUS I.

Num Gratia causas etiam Physice actus Salutares?

I. Dico primo: auxilia gratiae exercent causalitatem aliquam moralem, ac formalem relate ad actus salutares, etiam si supponatur, quod debeant illos causare etiam physice. Probatur. Proprium est gratiae auxiliantis pertinentis ad intellectum illustrare, docere, suadere, vocare, pulsare, excitare, allicere; & gratiae pertinentis ad voluntatem inspirare, delectare, inclinare, reddere suave quod non delectabat; atqui haec omnia important causalitatem moralem, ac formalem, relate ad actus salutares, antecedenter ad omnem causalitatem physicam; ergo auxilia gratiae siue pertineant ad intellectum, siue ad voluntatem, exercent aliquam causalitatem moralem, siue formalem relate ad actus salutares, etiam si debeant illos physice causare. Probatur minor, & primo quidem quod ea important causalitatem moralem antecedenter ad causalitatem physicam. Nam valet haec illatio: Ideo Petrus consentit, quia vocatur; & inclinatur à Deo

per gratiam; haec autem causalitas antecedit causalitatem physicam, quia inclinatio, & vocatio habetur etiam quando Petrus non consentit: ergo antecedenter ad causalitatem physicam habetur causalitas moralis; Sicut enim qui suadet v. g. homicidium, dicitur esse causa moralis illius, etiam si homicidium non sequatur; ita vocatio Dei, & suasio est causa moralis relate ad actum salutarem, etiam si hic vitio voluntatis non sequatur. Probatur deinde, quod haec eadem causa moralis dicatur etiam esse causa formalis; etenim ea habetur unica per formam, nempe per vocationem unitam subiecto antecedenter ad omnem efficientiam actus salutis.

II. Dico secundo: Auxilia gratiae causant etiam physice actus salutares. Ita Molina, Vasquez, Sotus contra Suarezum, Tannerum, Martinonium disp. 38. Lorcam apud Rip. disp. 100.

Probatur primo ex Scripturis, & Conciliis: Apost. 1. ad Cor. 15. dicit: *Plus omnibus laboravi; non ego, sed gratia Dei mecum*; ergo gratia vires physicas subministravit: Aliter non diceret Apostolus laborasse per vires gratiae, si gratia tantum suasset laborem: sicut non dicitur levare pondus qui suadet ad levandum, & vires non ministrat; Praesertim quia homo per gratiam vivit, cum dicat Apost. 1. ad Corinth. 15. *Non ego autem, sed Gratia Dei mecum*; & ad Philipp. 2. *Deus est, qui operatur in vobis omnia, & perficitur*. In Conciliis vero passim dicimur nos *Cooperari gratia*, ut in Milevitano can. 3. & in Tridentino sess. 9. can. 5. ergo sicut nos physice operamur, ita gratia physice cooperatur relate ad actus salutares.

Probatur 2. ratione. Gratia ex celebri effato accommodat se naturae; in naturalibus autem tenet hoc principium: Si ad praesentiam A confurgit B, & illi non sit improporcionata vis activa B, in tali casu A dicitur causare physice B: ergo cum ad praesentiam gratiae confurgat actus salutis, & gratiae non sit improporcionata vis hujus productiva, dicendum, quod gratia exerceat causalitatem physicam erga actus salutares.

Confirm. gratia actualis non solum debet ostendere viam salutis, sed etiam subministrare vires ad iter peragendum; cum non possit voluntas viribus naturalibus hoc iter aggredi, ut definitum est contra Pelagium; ergo gratia praeter causalitatem moralem exhibet etiam efficientem.

G

III.

.. Pars III.

III. Neque dicas primo, quod voluntas simul cum habitibus infusus supernaturalibus integret principium adequatum effectivum actus salutaris: ergo non est necesse ex hoc capite tribuere causalitatem physicam gratiæ prævenienti. Nam contra est, quia etiam in peccatore carente habitibus infusus datur gratia supernaturalis, qua possit peccator elicere actus supernaturales, v. g. fidei, contritionis, &c. in quo casu non posset refundi supernaturalitas talium actuum, nisi gratiæ prævenienti: Proinde quando cum hac gratia concurrat habitus infusus, tunc istæ duæ causæ attemperant concursum; cum enim ad præsentiam utriusque confluat effectus, nempe actus salutaris, & neutri sit improporcionata vis activa huius, utraque debet partialiter concurrere. Adde, communiter D.D. velle, quod gratia auxilians, puta illustratio, se teneat ex parte objecti, sicut species impressa, & suppleat insufficientiam virtutis objecti; habitus vero infusus se teneat ex parte potentiae, & suppleat insufficientiam virtutis potentiae: ergo utriusque causalitas requiritur: Quicquid sit, an in peccatore carente habitibus infusus possit eadem gratia præveniens se tenere ex parte objecti, & simul complere insufficientiam potentiae, ut multi dicunt de specie impressa creata Dei, quam ponunt indistinctam à lumine gloriæ, & volunt se tenere tum ex parte objecti, tum ex parte potentiae.

IV. Neque dicas secundo, quod gratia auxilians exigit tantum influxum specialem Omnipotentiae in actus salutes, quin ipsa physice infuset: ergo non est necessarius influxus physicus gratiæ in tales actus.

Nam tunc posset hoc dici, quando probaretur positive impossibilitas causalitatis physicae in gratia præveniente: Aliter sicut causa naturalis non dicitur exigere influxum Omnipotentiae, sed debet etiam ipsa infuere; ut salvetur, quod Deus communice creaturis vim activam; ita dicendum de gratia actuali: Idemque de habitibus infusis, si non probetur, repugnare illis physicam activitatem. Præterquamquod si gratia non infunderet physice in actus salutes, non tribueretur gratiæ cooperatio, quam illi tribuunt Concilia in eodem sensu, quo tribuitur operatio voluntati, cum qua gratia dicitur cooperari, sed solum cooperaretur metaphorice, quod non est dicendum.

ARTICULUS II.

An Gratia Auxilians sit tota ratio

Agendi?

V. R. Ecentiores Thomistæ communiter docent, voluntatem non concurrere physice ad actus salutes, atque adeo totam virtutem producendi illos esse gratiam auxiliantem: quamvis enim voluntas sit id, quod agit; at id, quo voluntas agit in sententia Thomistarum, est sola gratia; sicut ignis est id, quod ignem producit, quamvis ratio producendi ignem per Thomistas sit solus calor; & sicut aqua calida calefacit ut quid, calor vero ut quo; ita voluntas agit ut quod, gratia ut quo. Idemque docent de Visione beata, quæ ab intellectu beati producitur, ut quod à lumine vero gloriæ ut quo; & proinde dicunt, lumen esse totam rationem agendi, seu producendi Visionem, quamvis lumen gloriæ non sit totum agens, quia etiam intellectus agit ut quod.

VI. Dico equidem contra hanc sententiam, Gratiam adjuvantem non esse totam rationem agendi actus salutes, sed cum illa concurrere physice etiam voluntatem. Ita consequenter doctores Societatis, Scotistæ, Nominales, & Thomistæ antiquiores, Capreol. Ferrar. Cajet., cum ipso D.Th. iuxta ea, quæ dicit prima parte quæst. 12. art. 5., ubi docet, virtutem supernaturalem luminis gloriæ superaddi virtuti intellectus in ordine ad efficiendam visionem beatam.

Prob. primo ex Scripturis, & Conciliis; dum enim Apostolus prima ad Cor. 15. dicit: *Plus omnibus laboravi, Non ego autem, sed gratia Dei mecum*, aperte videtur innuere suam operationem: quomodo enim laboraret, nisi operaretur? Trid. sess. 6. c. 4. definit, quod homo divinæ gratiæ assentiendo, & cooperando, non se habeat mere passive, veluti quoddam inanime nihil agendo. Neque valet responsio Adversariorum, quod voluntas agat ut quod recipiendo gratiam, qua agit. Nam hoc non negabatur ab Hæreticis, contra quos loquitur Tridentinum; illi enim solum negabant, voluntatem præbere aliquem concursum immediatum ad actus salutes: ergo talis concursus de facto datur ex Tridentino.

Probatur deinde ratione; & Primo quidem, quia ex conceptu gratiæ adjuvantis habetur, gratiam non agere adæquate, sed inadæquate complendo operationem alterius;

ergo cum gratia adjuvante simul coagit voluntas; atque adeo gratia non est tota ratio agendi. Hinc Aug. tract. 4. in Epist. Jo. notat. *Si dicis, adiutor meus esto, aliquid agis; nam si nihil agis, quomodo ille adjuvas?* idemque passim habet D. Th. praesertim quæst. 27. de Veritate art. 4.

Probatur secundo, quia ex conceptu actus vitalis (qualis est actus salutaris) habetur, huiusmodi actum esse motum ab intrinseco, quatenus procedere debet à principio vitali scilicet ipsum movente, ac perficiente altiori modo, quam perficiuntur inanimata; atque adeo debet esse cum concursu potentiae vitalis.

Probatur tertio ex conceptu actus liberi, qualis etiam est actus salutaris; Actus enim liber est electio libera, atque adeo debet esse à principio eligente, nempe voluntate: ergo actus salutaris procedere debet à gratia cum concursu voluntatis; Etenim sola voluntas est virtus electiva consensus præ dissentiu; Gratia vero non potest esse electiva, cum non possit influere in alteram partem, nempe in malum.

Confirm. ex dictis artic. precedente, quia Gratia accommodat se naturæ: ergo sicut in naturalibus, ita in supernaturalibus si ad præsentiam A. confurgit B, & A non est disproportionata vis productiva B; tunc A dicitur causare B; sed actus salutaris confurgit ad præsentiam tum gratiæ, tum voluntatis, & utrique non est disproportionata vis productiva illius: ergo non solum gratia, sed etiam voluntas producit actum salutarem; atque adeo Gratia non est tota ratio agendi.

VII. Obiect. I. voluntas est potentia naturalis; ergo non potest producere actum supernaturalem, ne partialiter quidem, hoc est etiam cum consorcio principii supernaturalis; atque adeo tota ratio agendi est gratia. Probatur consequentia primo, quia aliter sequeretur, quod voluntas esset potentia, & virtus partialis relate ad effectum supernaturalem, quod dici nequit, quia comprincipium supernaturale dat simpliciter, & adequate posse: Verificari enim debet illud Christi Domini Joan. 13. *Sine me nihil potestis facere*; Si autem voluntas concurreret partialiter, jam aliquid fieri posset viribus naturæ.

Secundo sequeretur, quod voluntas esset potentia naturalis exigens comprincipium sufficiens ad producendum actum supernaturalem; sicut potentia visiva v. gr., quia

cum specie objecti potest producere visionem, ideo exigit hanc speciem; & universim potentia incompleta exigit suum complementum, ne sit frustra in natura.

Resp. nego consequentiam. Ad primam probationem nego sequelam. Voluntas relate ad actus salutare non est potentia naturalis incompleta, & partialis, sed est potentia inchoata, & obediens. Hinc comprincipium supernaturale dat voluntati simpliciter posse, quia quantumcumque conetur voluntas, non potest, circumscripto comprincipio supernaturali, erumpere in actum supernaturalem: Ubi est contra habitus naturalis dat voluntati facile posse, quia sine tali habitu voluntas potest eundem actum producere, licet cum maiori conatu. Præterea verificatur illud Christi Domini: *Sine me nihil potestis facere*, quatenus sine gratia nullus omnino actus supernaturalis fieri potest; quamvis detur potentia obediens identificata cum ipsa voluntate relate ad illum.

Ad secundam nego etiam sequelam. Solum potentia naturalis incompleta exigit comprincipium, à quo compleatur, non vero potentia obediens, seu inchoata, qualis est voluntas relate ad actum salutarem: Ratio est, quia potentia obediens non est ordinata, nisi ad præstandam Deo debitam subjectionem relate ad effectus toti naturæ indebitos; unde non exigit compleri; cum non debeat actu agere naturaliter, sed solum debet posse ad Dei arbitrium compleri, quodcumque Deus illi præcipit, ut agat. Nec per hoc est frustra in natura, quia semper est parata ad præstandam obedientiam Deo debitam. Contra vero potentia naturalis incompleta, cum sit ordinata ad agendum, exigit suum complementum; aliter esset frustra; sicut potentia visiva frustra esset in natura, si non darentur naturaliter species objecti, à quibus compleatur. Quod ab ipsis adversariis dici debet in potentia passiva obediens, ut condistincta à naturali; potentia enim passiva naturalis exigit correspondentem activam in ipsa natura, ne sit frustra; secus vero potentia passiva obediens. Universum autem illa potentia dicitur naturalis incompleta, quæ in effectu manifestat perfectionem in se ipsa contentam, non vero aliam præcontentam in alia causa partiali. Sic potentia visiva dicitur naturalis incompleta, ac proinde exigens complementum speciei, quia in visione manifestat prædicatum vitalitatis in potentia

præcontentum, & non similitudinem obiecti præcontentam in specie. Contra vero potentia dicitur obediencialis, quæ in effectu manifestat prædicatum in ipsa non præcontentum, & excedens vires naturæ, ut intellectus dicitur potentia obediencialis relate ad Dei visioem; voluntas relate ad actus salutare; aqua in Sacramento baptismi relate ad gratiam, quam producit.

Adde, argumentum solvendum ab ipsis Thomistis, in quorum sententia potentia distinguntur ab anima, adeo ut anima agat ut quod, & potentia ut quo; sicut voluntas per illos agit actus salutare ut quod, & gratia ut quo. Nunc sic instamus contra Thomistas: Anima exigit potentias naturales, quibus producat actus naturales; ergo etiam voluntas deberet exigere gratiam, qua producat actus salutare; ideo autem hoc non est verum, quia voluntas relate ad actus salutare est solum virtus obediencialis, unde non exigit compriuncipium supernaturale; anima vero est virtus naturalis relate ad actus naturales, & ideo exigit potentias naturales.

VIII. Obijc. 2. In actu salutari quavis dicitur prædicatum vitalitatis, & supernaturalitatis, nihilominus ipsa vitalitas est idemque supernaturalis; ergo non potest voluntas influere ad vitalitatem talis actus; cum non possit potentia naturalis producere effectus supernaturales; ergo tota ratio agendi est gratia. Hinc Jacobi 2. dicitur: *Omne donum perfectum desumsum est*, quia donum supernaturale est unice à Deo.

Resp. quod sicut compriuncipium supernaturale, puta lumen gloriæ, influit in actum vitalem, licet non qua vitalem; ita compriuncipium vitale, seu voluntas influit in actum supernaturalem, licet non qua supernaturalem; Et est sensus, quod supernaturalitas actus respondet compriuncipio supernaturali, & vitalitas compriuncipio vitali; sicut in cognitione expressio obiecti respondet speciei impressæ, & vitalitas intellectui. Actus salutaris defurium est, quia relate ad hunc actum Deus non solum dat compriuncipium supernaturale, & illud suadet, sed etiam confert auxilium prævium efficax ex intentione, quod talis actus ponatur; propterea Deus debetur actus salutaris, & merita nostra, ut loquitur Aug., sunt Dei dona; quod non excludit nostram cooperationem, sed illam aperte importat, quia Deus adjuvat, & cooperatur, ut dicere possumus cum Apostolo: *Non ego, sed gratia Dei mecum*. An-

ctus vero malus non tribuitur Deo, nec dicitur esse defurium, quamvis quando homo peccat, habeat compriuncipium supernaturale, quo possit bene operari, & peccatum declinare: Ratio est, quia Deus non confert auxilium prævium inefficax ex intentione, quod ponatur peccatum, sed ex intentione, quod ponatur actus bonus; unde in Scripturis soli arbitrio tribuitur peccatum; dicitur enim Osee 13. *Perdidiit tuus Israel; sicut modo in me auxilium tuum*; & Jo. 8. *Vos ex Patre Diabolo estis*. Ad utrumque itaque actum tam bonum, quam malum, & voluntas, & Deus concurrunt, quia tamen actus malus à Deo non intenditur, sed prohibetur; & à creatura eligitur, ideo tribuitur creaturæ: Contra vero quia actus bonus suadetur, & efficaciter prædefinitur à Deo conferente media ex intentione illius, idcirco quavis etiam eligatur à creatura, tribuitur tamen magis Deo: Si enim homicidium v. gr. magis tribuitur mandanti, quam exequenti; unde ille prius tenetur ad restitutionem; & tamen mandans non dat vires exequenti homicidium, nec ineluctabiliter illud trahit; à fortiori actus bonus magis tribuitur Deo, qui & moraliter ad illum inclinat suasionem, & consilio, ac simul physice cooperatur per gratiam, tribuendo vires, & ineluctabiliter ad illum libere ponendum inducit; ut proinde non possimus de bonis actibus gloriari, quasi non acceperimus. Quia tamen etiam nostra cooperatio, & libera electio intervenit, etiam aliquantulum tribuitur nobis bona operatio, & ideo possumus de ea aliquantulum gloriari, hoc est *In Domino*; dicente Apostolo 1. ad Cor. 1. *Qui gloriatur, in Domino gloriatur*; immo etiam honorem inde debitum expectare, juxta illud ad Rom. 2. *Gloria, Et honor, Et pax omni operanti bonum*.

IX. Obijc. ult. Voluntas relate ad actus salutare agit qua elevata; ergo solum agit ratione elevationis, seu gratie elevantis; sicut quis aqua calefacit qua calida, agit solum ratione caloris; ergo tota ratio agendi est gratia.

Contra. quia si voluntas etiam influeret in actus supernaturales, non posset explicari, num concurrat ut cause principialis, an ut instrumentalis? cum enim refundat perfectionem suam vitalitatis, videtur esse causa principalis; & cum agat nomine Dei principaliter operantis, videtur esse causa instrumentalis.

Resp. nego consequentiam; etenim re-

du.

dupluplicativa aliquando reduplicat meram conditionem, ut cum dicitur, obiectum qua cognitum amatur; Aliquando reduplicat rationem formalem adaequatam, ut cum dicitur, aqua inquantum calida calefacit; Aliquando virtutem naturalem incompletam; ut cum dicitur, potentia visiva, inquantum sub specie subjecti, videt; Aliquando domum virtutem supernaturalem superadditam potentiae obedientiali, & inchoatae, ut cum dicitur, aqua inquantum elevata causat gratiam; & in hoc ultimo sensu verum est, quod voluntas, inquantum elevata per gratiam, agit actus salutare.

Ad confirmationem dico, quaestionem hanc esse de voce; Videtur tamen voluntas dicenda causa principalis obedientialis, & non pure instrumentalis relate ad actus salutare, quia assimilatur sibi effectum in vitalitate, seu in praedicto communi aliis effectibus naturalibus ab ipsa voluntate procedentibus, relate ad quos dicitur causa principalis: de ratione enim causae principalis est assimilare effectum sibi; de ratione vero causae instrumentalis est assimilare effectum alteri, nempe causae principali. Praeterea gratia etiam dici potest causa instrumentalis, quatenus est virtus à Deo concessa homini, ut possit ejus adiutorio assurgere ad ponendos actus supernaturales; qui propterea Deo potius tribuantur, quam voluntati, quia Deus est causa principalis ponens illos per gratiam, tanquam per suum instrumentum; voluntas vero in tantum dici potest causa principalis, non quia per suum instrumentum illos ponit, sed quia assimilatur illos sibi in vitalitate.

ARTICULUS III.

Num Gratia Auxilians debeat esse Voluntati intrinseca?

X. Dico ultimo. Auxilium gratiae, quo producuntur actus salutare, connaturalius est intrinsecum voluntati; Potest tamen divinitus voluntas ab Omnipotentia specialiter assistente elevari ad illos producendos absque comprincipio supernaturali intrinseco. Prima pars est communis. Secunda est contra Thomistas; cohaeret tamen ad ea, quae communiter diximus in prima parte contra eosdem, posse scilicet intellectum beati videre Deum absque lumine gloriae intrinseco cum sola speciali assistentia Omnipotentiae.

Quod attinet ad primam partem Conclusionis, constat ex dictis, quia actus naturalis voluntatis connaturaliter procedit à principio adaequate intrinseco; ergo cum gratia, juxta celebre effatum, accomodet se naturae, connaturaliter etiam actus supernaturalis procedere debet à principio adaequate intrinseco; atque adeo auxilium gratiae, quo producit actus salutaris, connaturalius est intrinsecum voluntati.

Secunda pars Conclusionis probatur, quia potest Deus immediate producere quicquid potest creatura, nisi effectus essentialiter exigit concursum causas secundae; atqui actus salutaris procedens ab auxilio gratiae intrinseco voluntati non exigit essentialiter concursum talis comprincipii; ergo potest Deus hujus defectum supplere specialiter assistendo voluntati. Minor probatur tum solutione argumentorum, tum quia si potest Deus concurrere cum aqua v. gr. ad producendam gratiam in baptismo absque qualitate intrinseca aquae, & potest cum oculo absque specie impressa intrinseca concurrere ad visionem, poterit pariter cum voluntate abique comprincipio illi intrinseco concurrere ad actum vitalem salutarem. Et ratio à priori est, quia Deus emittentur continet perfectionem omnium creaturarum; ergo poterit se solo producere quicquid potest per creaturas, nisi addat specialis implicatio contradictionis; puta si actum vitalem, aut meritum absque concursu potentiae vitalis poneret, vel si poneret actum voluntarium absque praevia cognitione, aut actum gaudii citra praesentiam objecti: in quibus casibus essentia, & definitio talium actuum destrueretur, ut explicavimus in de Beatitudine disp. 1. qu. 5. ar. 1.

XI. Objic. 1. Ut voluntas possit ponere actum supernaturalem, debet esse intrinseco potens; atqui absque comprincipio intrinseco supernaturali est intrinsece impotens, quia secundum vires naturales sibi intrinsecas non potest actum supernaturalem producere; ergo habere debet comprincipium intrinsecum.

Contra. 1. quia actus salutaris, cum sit vitalis, debet esse ab intrinseco; ergo à potentia intrinseca; atqui voluntas sine comprincipio supernaturali intrinseco non est potentia ad actus supernaturales, sed est simpliciter impotens; quandoquidem comprincipium supernaturale dat simpliciter posse; ergo sine comprincipio intrinseco nequit divinitus voluntas ponere actum salutarem.

Confirm. 2. quia Unumquodque in tantum agit, in quantum est actus, seu in quantum est in potentia proxima ad aliquid agendum; atqui voluntas non potest esse actus, seu in potentia proxima ad actum supernaturalem, nisi aduetur comprincipio supernaturali, nec potest ab illo actuari, nisi illud habeat sibi intrinsicum; ergo ut prius.

Resp. dist. maj. debet voluntas esse intrinsece potens adæquate, nego: saltem inadæquate; & secundum potentiam incompletam, con. maj. & dist. min. nego consequentiam: sicut puer ut tollat pondus simul cum gigante, debet esse intrinsece potens, sed inadæquate; ita voluntas, ut ponat actum salutarem simul cum Omnipotentia specialiter assistente, satis est, quod sit intrinsece potens secundum inchoamentum virtutis, & inadæquate.

Ad primam confirm. dist. conf. debet esse à potentia intrinsece completa, nego; à potentia intrinseca saltem incompleta, aut inchoate, conc. seqq. & distincta pariter min. subsumpta, nego ultimam consequentiam. Voluntas absque comprincipio supernaturali intrinseco est simpliciter impotens ad actus salutes, non quia ne inchoate quidem sit potens intrinsece, sed quia talis effectus simpliciter prodire non potest sine comprincipio supernaturali vel intrinseco, vel extrinseco; & sane de facto omnis actus vitalis producitur cum concursu ordinario Omnipotentis, quæ tamen non est intrinseca potentia vitali; ergo universim ut actus procedat ab intrinseco, non debet procedere à potentia intrinseca adæquate.

Ad secundam nego minorem: etiam si comprincipium non sit intrinsecum, adhuc voluntas dicitur aduata. 3. seu in actu primo proximo ad actum supernaturalem; sicut puer dicitur in potentia proxima ad tollendum pondus, etiam si non aduetur intrinsece à gigante, à quo adjuvatur.

XII. Obijc. 2. nequit voluntas ponere actum liberum naturalem absque prævia cognitione naturali intrinseca, cum nil volitum; quin præcognitum; ergo neque poterit actum supernaturalem absque illustratione supernaturali, atque adeo absque comprincipio intrinseco.

Resp. concessio antecedente, quod tamen negant Argentina, Paludanus, & alii; nego consequentiam; satis enim est cognitio naturalis objecti cum concursu speciali Omnipotentis, ut possit voluntas ponere actum salutarem.

XIII. Quæri hic etiam solet, Utrum voluntas ita cum gratia actuali concurrat ad actus salutes, ut possit pro libito aut perfectiorem, aut minus perfectum actum elicere, saltem intra mensuram comprincipii elevantis? Ad quod respondendum affirmative, cum communi apud Martinonium disp. 38. sect. 18. contra nonnullos cum Didaco Alvarez. Ratio est, quia ex Tridentino sess. 6. cap. 5. liberum arbitrium à Deo motum, & excitatum libere potest consentire, & cooperari illi, vel dissentire, si velit; ergo etiam poterit libere magis, vel minus cooperari, atque adeo producere actum salutarem vel minus, vel magis perfectum pro libito. Etenim si influxus simpliciter est liber, à fortiori erit liberum voluntati talem influxum moderari, prout voluerit. Dixi in responsione, saltem intra mensuram comprincipii elevantis, quia multi cum Molina apud Ripam disp. 38. & Martinonium docent, posito comprincipio elevante intensio v. gr. ut tria, posse voluntatem elicere actum salutarem etiam intensum ut quinq; ut octo &c. quia ad quemcumque actum intensiorem, & intensiorem potest naturaliter voluntas concurrere cum comprincipio naturali, videtur posse concurrere cum quolibet comprincipio supernaturali. Sed dato, quod non possit actus procedens à comprincipio supernaturali intensio, v. gr. ut tria, esse magis intensus quam ut tria, adhuc posset esse intensus vel ut unum, vel ut duo; ita ut ad arbitrium voluntatis influxus comprincipii supernaturalis modificetur.

XIV. Quæri demum solet, Utrum natura perfectior cum æquali auxilio gratiæ, cæteris paribus, producat actum supernaturalem perfectiorem? affirmant Scotistæ; negant Thomistæ, Suar., Vasq., Fasol.; Resolutio autem quæsti pendet ab iis, quæ dicuntur in 1. p. inquirendo in disp. 2. qu. 4. art. 3. Utrum inæqualitas Visionis desumenda anice sit ab inæqualitate luminis gloriæ, an etiam ab inæqualitate intellectu.

QUÆSTIO V.

Num Gratia sufficiens ad Salutem detur omnibus omnino Adultis?

I. Calvinistæ cum Janſenistis negant, hanc dari in statu naturæ lapsæ omnibus hominibus, quamvis admittant illam pro statu Innocentiæ. Hinc deliravit Janſenius dicendo in y. ex propositionibus damnatis: *Sinipelagianum est dicere, Christum pro omnibus omnino hominibus mortuum esse, aut sanguinem fuisse*. Inter Catholicos etiam nonnulli cum Gonetio disp. y. de prædest. art. y. negant, de facto dari auxilia sufficientia ad salutem tam Infidelibus, & Barbaris, quibus Evangelium non prædicatur, quam Fidelibus obduratis; idque in penam peccatorum præcedentium. Citat pro hac sententia Gonetius plures ex antiquis Theologis; quos tamen minus apte interpretatur, ut offendit Ruiz disp. 47. de Prædestinatione. Denique nonnulli cum Vafq. t. p. disp. 96. cap. 2. contra Suar. lib. 4. de Prædestinatione cap. 4. & alios communius negant, dari auxilium sufficiens ad salutem parvulis decedentibus sine baptismo. De his tamen in sequenti quæstione seorsim inquiremus.

II. Dico nunc primo: Etiam in natura lapsa, ac reparata per Christum, omnibus omnino adultis per baptismum iustificatis, antequam labantur in culpam, conservatur de facto auxilia sufficientia ad non peccandum, & ad salutariter operandum, usque ad vitæ terminum.

Prob. quia omnes adulti de facto obligantur ad non peccandum, & ad salutariter operandum; ergo omnes ad id sufficientiam habent; aliter non possent ad hoc obligari, cum nemo obligetur ad impossibile, seu ad ponendum id, ad quod ponendum sufficientiam non habet. Hinc dicitur Isaïæ 5. *Quid est, quod debui ultra facere vineæ meæ, & non feci?* Matth. 23. *Ierusalem Ierusalem, &c. quousque volui congregare filios tuos, quemadmodum Gallina congregat pullos suos sub alas suas, & non voluisti?* Act. 2. *Vos semper Spiritui Sancto resistitis; quæ omnia inveniunt, dari ante lapsum auxilia sufficientia ad non peccandum.*

Confirm. Tum quia Christus Dominus pro omnibus mortuus est, ut definitum est

contra Janſenium; tum quia Deus vult, omnes homines salvos fieri, ex Apost. 1. ad Timot. 2. ergo omnibus dat auxilia sufficientia ad salutem: propterea Trid. sess. 6. cap. 11. dicit: *Deus sua gratia semel iustificatos non deserit, nisi prius deseratur; desereret autem Deus iustos, nisi sufficientiam illis daret ad perseverandum in gratia, atque adeo ad non peccandum.*

Dices: in Trident. sess. 6. can. 12. hæc habentur: *Si quis dixerit: Iustificatum vel sine speciali Dei auxilio in accepta Iustitia perseverare posse, vel cum eo non posse, Anathema sit*; ergo ex Tridentino in natura lapsa non dantur auxilia sufficientia ad non peccandum, seu ad perseverandum in gratia, & ad salutariter operandum. Probatur consequentia, quia si hæc auxilia darentur omnibus, non diceret Concilium, requiri speciale auxilium ad perseverandum; quod enim datur omnibus non est speciale.

Resp. Tridentinum ibi docere, quod ad resistendum gravibus tentationibus in decursu vitæ occurrentibus, atque adeo ad perseverandum in gratia requiratur speciale Dei auxilium, & proestitio, quæ non solum physice possimus non succumbere, sed etiam moraliter. Quare speciale auxilium non requiritur, ut possit homo physice in gratia perseverare, sed solum ut possit moraliter. Et sane quod non requiratur, ut possit physice gratiam conservare, est evidens; nam tunc homo gratiam amittit, quando peccat; tunc autem peccat, quando sufficientiam physicam habet ad non peccandum. Aliter non libere operatur, atque adeo non peccat; ergo ad non peccandum, atque adeo ad gratiam conservandam dari debet sufficientia physica; & consequenter non requiritur ad id speciale Dei beneficium: Solum itaque speciale beneficium requiritur ad hoc, ut moraliter possit iustificatus perseverare in gravibus tentationibus; cum non omnibus hoc concedatur, & ideo plurimi succumbunt.

III. Dico 2. etiam Adultis omnibus Infidelibus, & Barbaris, nondum per baptismum iustificatis, dantur de facto auxilia sufficientia ad hoc, ut iustificentur, & baptizentur, saltem baptismo fluminis. Ita communissime contra Gonetum.

Conclusio constat tum ex Scripturis prima conclusione adductis; tum ex propositione quinta ex consensu ab Alex. VIII. quæ habet: *Pagani, Judæi, Hæretici, aliquæ hujus generis nullum omnino accipiunt à Jesu Christo influxum; adeoque hinc recte inferri,*

fore, in illis esse voluntatem nudam, & inermem sine omni gratia sufficienti.

Prob. breviter ratione, quia etiam parvulis post contractum originale dantur à Deo auxilia sufficientia ad baptismum suscipiendum, ut ostendimus quæst. sequenti; ergo etiam adultis; dicente Apostolo 1. ad Timoth. 2. *Unus Deus, unus mediator Dei, & hominum homo Christus Jesus, qui dedit Redemptionem semetipsum pro omnibus*: si autem pro omnibus; ergo etiam pro adultis novum per baptismum iustificatis; atque adeo conferuntur illis per merita Christi auxilia sufficientia ad salutem: Aliter quid illis conferret Christi Domini mors? & quomodo diceretur redempti? Debent itaque per merita Christi sufficientiam physicam habere tum ad non peccandum (non enim peccarent, si non possent non peccare) cum etiam ad diligendum Deum super omnia, statim ac advertunt ad id obligari; Quia tamen ex Apostolo: *Sine fide impossibile est placere Deo*; & necessaria est necessitate mediæ fides in Deum etiam ut Remuneratorem, ut constet ex propositione 22. damnata ab Innoc. XI. idcirco infidelis in sylvis enutritus sufficientiam habere debet pariter ad credendum Deum fide supernaturali, & quidem fide stricte dicta, ex thesi 23. ab eodem Pontifice profligata. Hoc autem ita solet evenire. Statim ac Infidelis Deum cognoscit lumine naturali, illustratur à Deo lumine supremo, ut possit Deum remuneratorem cognoscere, & credere fide Divina; adjuvaturque pariter auxilio supernaturali ad Deum super omnia diligendum; unde possit sic baptizari baptismo flaminis, & iustificari; ac deinceps sufficientiam habet ad perseverandum in accepta iustitia, juxta dicta in prima Conclusionem. Quod si vera sit opinio putantium, post promulgationem Evangelii necessariam esse necessitate mediæ etiam fidem mysteriorum, Trinitatis, & Incarnationis, tunc Infideli, qui gratiæ actuali sibi collatæ correspondet, antequam decedat, mittet Deus, ut loquitur D. Th. quæst. 24. de verit. art. 11. Concionatorem, à quo his mysteriis imbuetur, sicut misit Petrum ad Cornelium Act. 10. aut ad id mittet etiam Angelum de Cælo, qui instruat illum mysteriis omnibus credendis, quorum fides præse dicta necessaria est necessitate mediæ ad salutem; Aliter non diceretur Deus velle, illum salvum fieri, nec diceretur dare illi auxilia ad salutem necessariam, quod planius fiet quæst. 7.

Dicos, Bene salvari, quod Deus velit

omnes salvos fieri, & quod Christus pro omnibus mortuus sit, etiam si adulti post lapsum in originale non habent sufficientiam ad salutem, si dicatur, dedisse Deum Adæ sufficientiam ad non peccandum, & sic dedisse omnibus hominibus sufficientiam in causa ad non contrahendum originale, & ad salutem.

Sed contra est, quia Apost. dicit, Christum Dominum dedisse semetipsum redemptionem pro omnibus; redemptio autem supponit servitutem peccati; ergo omnibus peccatoribus auxilia conferuntur non solum ad non peccandum, sed etiam ut resurgant post lapsum. Aliter nihil magis profuisset Christus Dominus hominibus peccatoribus, pro quibus et mortuus, ac pro Dæmonibus, quos non redemit; cum utrisque dederit auxilia sufficientia ad non peccandum. Quare Deus vult omnium hominum salutem non solum in causa, conferendo Adæ auxilia, ne ipse in actuale peccatum, & posteri in originale laberentur, sed etiam conferendo peccatoribus auxilia sufficientia ad respiciendum; dicitur enim Ezech. 18. *Nolo mortem peccatoris, sed ut convertatur*; quomodo autem diceretur Deus velle peccatores converti, si non daret sufficientiam ad conversionem?

Dices 2. ut enutritus in sylvis & Indus possit iustificari, requiritur fides in Deum remuneratorem stricte dicta, hoc est ex testimonio Divino, non vero ex testimonio creaturarum, ut dictum est ex propositione 23. damnata ab Innoc. XI. Ad hanc autem fidem requiritur in præsentī providentia Prædicator, juxta illud ad Rom. 20. *Eides ex auditu*; Quomodo audient sine prædicante? Prædicator vero, qui Indos, & Barbaros ad fidem instruat, non habetur passim; ergo dicendum, quod plurimi Infideles carentes Prædicante careant auxiliis sufficientibus ad salutem.

Resp. ex Vasquez 1. p. disp. 97. cap. 5. quod etiam citra miraculum potuerit Deus providere omnibus adultis de prædicante, à quo edocerentur necessaria ad fidem, & ad salutem; quatenus si prævidisset ab æterno, quod nutritus in sylvis, & Indus esset cooperaturus communibus illustrationibus supernaturalibus, orando Deum pro sua salute, ita res creatas disposuisset, ut sine miraculo prædicator ibi esset affuturus. Unde colligitur, quod cum innumeri adulti careant prædicante, innumeri propter defectum propriæ cooperationis careant fide stricte dicta, necessaria ad salu-

lute.

litem, & consequenter damantur.

IV. Dico 3. Gratia sufficiens datur de facto omnibus adultis etiam obduratis, & obsecratis, etiam infidelibus, & Barbaris, qui naturæ legem violarunt; ita ut quamvis aliquando in penam peccatorum procedentiam denegat Deus plurimis sufficientiam moralem ad resurgendum, & ad alius salutare; nulli tamen denegat sufficientiam physicam usque ad vitæ, ac viæ finem in opportunitatibus occurrentibus. Ita communissime cum D. Thom. 3. p. qu. 79. art. 7. ad 2. contra eundem Gonetum, & alios.

Prob. 1. ex Scripturis adductis. *Christum Jesus, ut loquitur Apostolus 1. ad Tim. 1. Venit in hunc mundum peccatores salvos facere.* & cap. 2. *Dedit semetipsum redemptionem pro omnibus;* ergo omnibus peccatoribus dat auxilia sufficientia ad salutem. Quod etiam probat illud Ezech. 18. *Nolo mortem peccatoris, sed ut convertatur;* & apertius ad Rom. 2. ubi alloquens peccatorem oblitum secundum duritiem, & impenitentem cor, ait: *Benignitas Dei ad penitentiam te adducit.*

Prob. 2. ratione, quia quilibet peccator obligatur ad penitentiam, cum omnibus dicatur à Deo illud Zachar. 1. *Convertimini ad me, & ego convertar ad vos;* ergo omnes omnino post quodcumque peccatum sufficientiam physicam habent ad resurgendum; cum non detur obligatio ad impossibile: & quamvis hæc obligatio ad penitentiam non detur pro singulis momentis, sed in opportunitatibus in decursu vitæ occurrentibus; nemini tamen in his opportunitatibus denegantur auxilia: Quamvis aliquando denegetur sufficientia moralis; unde illud Apostolus 1. ad Cor. 10. *Fidelis Deus est, qui non patietur vos tentari supra id, quod possitis;* communiter ita explicant Theologi, quod licet Deus non permittat aliquem tentari supra vires physicas, permittit tamen in penam peccatorum precedentium aliquem tentari supra vires morales.

Confirm. quia 2. Petri 3. dicitur, *Patienter Deus agit propter vos, nolens aliquem perire, sed omnes ad penitentiam reverti;* Quomodo autem posset Deus id velle, nisi daret omnibus sufficientiam ad penitentiam? Quomodo Apostolus ad Rom. 2. Gentiles diceret esse *inexcusabiles*, si carerent physica potentia ad credendum? Quomodo Deus diceretur Sap. 11. *Misereri omnium*, si ne physicam quidem daret sufficientiam ad salutem?

Part III.

Neque respondeat Gonetus, Deum dare omnibus auxilia per hoc, quod offerat illa, ac præparet pro omnibus, cum pro omnibus instituerit Sacramenta, & Christum Dominum miserit. Nam contra est, quia si ita præparat hæc remedia, ut tamen velit aliquem carere physica potentia iis utendi, illa oblatio, & præparatio est illusoria, & Deo indigna: non lecus ac si quis pareret convivium pro Petro, & offerret; clauderet tamen ostium, ne ingrederetur.

Confirm. demum, quia D. Thom. 3. p. quæst. 86. art. 1. habet hæc: *Dicere, quod aliquod peccatum sit in hac vita, de quo peccator panitere non possit, erroneum est;* & in Cap. Firmiter de Summa Trinitate definitur: *Si post baptismum quisquam relaxatus fuerit in peccatum, per veram semper penitentiam reparari potest;* ergo omnibus peccatoribus dantur auxilia ad resurgendum.

V. Objic. 1. varia Scripturæ loca, quæ videntur ostendere, denegari oblatiis hæc auxilia. Ad Heb. 6. dicitur. *Impossibile est eos, qui semel sunt illuminati &c. gustaverunt etiam donum celeste &c. & prolapsi sunt, rursus renovari ad penitentiam.* Jo. 8. dicitur: *Est peccatum ad mortem;* non pro illo dico, ut roges quis. Matth. 12. *Qui dixerit verbum contra Spiritum Sanctum, non remittetur ei neque in hoc sæculo, neque in futuro;* August. etiam in Epistolam ad Rom. loquens de Pharaone, hæc habet: *Non ergo hoc illi imputatur, quod tunc non obtemperaverit; quandoquidem obdurato corde obtemperare non poterat, sed quia dignum se probuit, cui cor obduraretur primo infidelitate.*

Confirm. ex Goneto, quia quamvis obdurati careant auxilio ad resurgendum, non per hoc dicuntur caruisse sufficientia ad salutem per merita Christi Domini: est enim imputabilis illis defectus conversionis in causa, quatenus propter oblationem libere volitam reddiderunt se impotentes ad salutariter operandum; sicut homicidium est imputabile ebrio in causa.

Resp. Ad primum, ibi significari impossibilitatem moralem. Ad secundum vel dicendum cum Beda, ibi sermonem esse de finali impenitentia, pro qua certe frustra oratur; vel cum D. Hieron., Cajetan. & Valsq. dicas, D. Joannem spem veniæ (quam antea promiserat orantibus pro peccatore non obdurato) negare orantibus pro obdurato; ob moralem impossibilitatem penitentiae. Ad tertium vel dicendum, esse valde difficile remissionem blasphemæ in

D

Sp

Spiritus Sanctum, seu contra Divinam bonitatem; vel dicas cum Athan., Gregor., Valsq. blasphemiam hanc adeo displicere Deo, ut nisi de ea poenitentia agatur, tam in hac, quam in alia vita puniendi sit; ubi alia peccata non semper in hoc etiam saeculo puniuntur. Ad auctoritatem Aug. inobedientia Pharaonis erat impossibilis etiam physice in sensu composito obstinationis, qua volebat Deo credere; atque adeo inobedientia illa erat imputabilis tantum in causa non praeterita, sed praesente, cum libere nollet credere, & sic non obediret.

Ad confirm. non solum est salvandum, quod peccatores per merita Christi Domini potuerint resurgere, sed etiam salvandum, quomodo per merita Christi quilibet peccator possit ad poenitentiam reverti post quodvis peccatum; ergo non satis est, quod obdurati habuerint in causa sufficientiam ad salutem. Adde, libertatem in causa non satis esse, ut actus hic, & nunc sit liber, & imputabilis; unde qui in ebrietate committit homicidium, non est reus homicidii; si illud non praevидit; Quod si praevидit, tunc peccavit peccato homicidii interno, quando libere voluit ponere causam homicidii, scilicet ebrietatem; non vero nunc, quando sine libertate homicidium sequitur; ergo si obdurati in poenam obstinationis carent sufficientia physica ad poenitendum, non peccant omitendo poenitentiam, nec est illis imputabilis omisso conversionis: Immo non posset Deus illis praecipere, ut convertantur. Ratio a priori est, quia nemo peccat, qui non potest physice non peccare, cum non detur obligatio ad impossibile. Hinc proscripta est ab Alex. VIII. Thesis illa prima ex triginta tribus dicens: *In statu naturae lapsae ad peccatum formale, & demeritum sufficit illa libertas, qua voluntarium, ac liberum fuit in causa sua peccato originali, & libertate Adams peccantis.*

VI. Obijc. 2. Experientia constat, obduratos carere conscientiae remorsibus, ac sanctis cogitationibus, piisque affectionibus, in quibus consistit gratia sufficiens; ergo carent gratia sufficienti.

Confirm. quia non omnibus momentis datur peccatoribus gratia sufficiens, unde multi antequam habeant auxilium sufficientem ad returgendum, incidunt in amenitatem, vel somnium capiunt, & interim de Caelo tanguntur; ergo auxilium sufficientem sicut non semper datur, ita nec da-

tur omnibus.

Resp. peccatores, dum actu peccant, auxilium sufficiens habere ad non peccandum; ac tunc habere conscientiae remorsum, cum nemo peccet, qui non advertit, se contra dictamen conscientiae operari. Quando autem peccator in poenam peccati commissi obsecratur, & obduratur, tunc caret quidem sufficientia morali ad resurgendum, sed non physica: aliter non obligaretur ad poenitentiam. Et in hoc sensu dixit Aug. lib. 3. de libero arbitrio cap. 18. *Iuste peccator punitur; ut qui seisse facere cum posset, noluit, amittat posse, cum velit;* quatenus ea est magnitudo inclinationis ad culpam, & ea subversio auxiliorum, quae necessaria sunt ad superandam potentiam moralem, ut quavis habeat obduratus voluntatem inefficacem de sua conversione, & dispendentiam de obstinatione, non per hoc resipiscat, etiamsi physice possit.

Ad confirm. certum est primo, singulis momentis, etiam in peccatoribus, adesse auxilium sufficiens ad non peccandum; aliter non peccarent, dum peccant. Secundo, singulis momentis inesse unicuique auxilium sufficiens ad implenda praeccepta negativa, v. gr. non blasphemandi, utpote quae obligant semper, & ad semper. Tertio, ad implenda praeccepta affirmativa, v. gr. amandi Deum, quae obligant semper, sed non ad semper, dari auxilium sufficiens, pro quando urget obligatio ea implendi. Quarto, Deum non conferre adultis auxilia supernaturalia singulis momentis; sed illa conferre tum quando urget obligatio operandi salutariter, tum quando juxta cursum causarum secundarum adsunt opportunitates à Deo misericorditer destinate; puta, dum occurrit casus repentinus, mors amici, terrémotus, exemplum sociorum, exhortatio &c. dicitur enim Psalm. 144. *Das operam illorum in tempore opportuno;* & Psalm. 9. *Adjutor in opportunitatibus.*

His positis dicendum, Nullum peccatorem excipi posse ab accipiendis à Deo auxiliis sufficientibus ex defectu opportunitatum; cum illae sint innumerae, ut constat experientia; potest tamen excipi aliquod tempus, quo non conferantur hujusmodi auxilia, ut etiam experientia constat; caret enim iis peccator, dum v. gr. dormit; unde dixit Aug. *Quis tam beatus, ut semper ascendat?* Quare si contingat, peccatorem mori, dum dormit, non proinde sit, denegatum fuisse illi auxilium eo modo, quo solet justis conferri, id est juxta con-

duc.

factas opportunitates; & ideo in Conclusionem dixi, dari obduratis auxilia in opportunitatibus; hoc enim duntaxat contrahitur, Num scilicet obduratis in penam denegentur auxilia eo modo, quo conferunt iustis; ita scilicet ut si per longum tempus viverent, semper sint iis deneganda? esto accidere posse ex concursu causarum secundarum, quod aliquis peccator dormiens occidatur, antequam opportunitas occurrat, qua auxilium habeat ad resipiscendum.

VII. Adde, dici posse, quod Deus singulis momentis det omnibus peccatoribus auxilia ad resurgendum, quatenus semper paratus est ea dare, nisi ex concursu causarum secundarum impediuntur; non enim dicitur Deus denegare auxilia per hoc, quod non tollat impedimenta causarum secundarum, quibus impeditur, quo minus hic, & nunc consurgat illustratio supernaturalis: sicut non dicitur Deus nolle bonas operationes per hoc, quod non impediat nialas. Quare in hoc sensu explicari potest quod definit Concilium Senonense contra Lutherum decr. 15. apud Platellum p. 3. n. 217. dicere: *Divina gratia semper est in promptu, nec momentum quidem praterit, in quo non sit ad usum, Et posset; cui si quis aperuerit ianuam, intrabit ad illum.* Et hoc pacto dici etiam potest Deus semper conferre infidelibus omnibus, & Barbaris auxilium sufficiens ad salutem, quatenus semper ex parte sua, & quatenus Prima Causa, nisi à concursu causarum secundarum impediatur, paratus est pulsare eorum cor illustrationibus internis invitantibus ad fidem, quibus positis, si facerent quod est in se, ulteriores à Deo acciperent illustrationes, quousque ad fidem, & ad justificationem pervenirent.

Adde denique, probabile esse, unicuique dari in actu secundo in ultimo momento usus rationis ultimum auxilium præveniens, sicut probabile est, dari etiam in primo momento usus rationis. Cum enim in utroque hoc momento urgeat per se obligatio convertendi se ad Deum per dilectionem, videtur concedenda ad id sufficiencia. Et juxta hanc sententiam nulli peccatori denegatur in penam auxilium sufficiens ad resurgendum, non solum juxta opportunitates hujus vitæ, prout conceditur iustis ad salutariter operandum, nec solum singulis momentis in actu primo, & quantum est ex parte Dei primæ causæ; sed etiam in actu secundo ante mortem;

QUÆSTIO VI.

Num parvulis omnibus etiam in Utero Matris decedentibus consulerit Deus remedium sufficiens ad salutem?

I. **N**on queritur; Num Deus conferat infantibus auxilia, nempe illustrationes supernaturales, cum istarum sint incapaces; Sed Num providerit omnibus de remedio sufficiens ad salutem, v. gr. de Baptismo, non solum instituendo pro illis tale Sacramentum, sed etiam volendo, ut conferatur, & disponendo res naturales, ita ut possit iis conferri? Affirmant communis cum Suar. apud Amicum disp. 28. sect. 5. Negant Bagnez, & Vasq. r. p. disp. 96. cap. 2. putantes, hanc esse mentem Augustini dicentis lib. de Natura, & Gratia, cap. 12. *Plerumque fœtinantibus parentibus, & paratis ministris, ut baptismus parvulo detur, Deo tamen nolente, non datur; & lib. de correctione, & gratia cap. 8. habet: Quid clarius, ut asseratur per Deum stare, quo minus parvuli salutem accipiant?* Juxta hanc sententiam, Deus infantibus istis contulit auxilium sufficiens ad salutem solum in causa, videlicet in Adamo, ne scilicet in originale laberetur; at post originale contractum, decrevit in penam absolute eorum damnationem, quin providerit illis de remedio.

II. Dico eequidem cum communiori, Deum parvulis omnibus providisse de sufficiens remedio ad salutem; ita ut dici nequeat per Deum stare, quo minus illis applicetur, & salventur.

Prob. Dens omnes homines vult salvos fieri, ut habet Apost. 1. ad Tim. 2. & quidem etiam post contractum originale; cum Christus Dominus dederit *semetipsum redemptionem pro omnibus*, & baptismum pro omnibus instituerit, dicens Matth. 28. *Euntes docete omnes gentes, baptizantes eos in nomine Patris, & Filii, & Spiritus Sancti*; ergo Deus parvulis omnibus providit de remedio ad salutem. Hinc Aug. lib. 4. contra Jul. cap. 8. dixit: *Numquid parvuli hominum non sunt, ut non pertineant ad id, quod dictum est, Vult omnes homines salvos fieri?* Neque obstat, quod ibi Apostolus addat: *Et ad agnitionem Veritatis venire*, quod videtur solum adultis competere; unde so-

lum de adultis intelligendum est, quod Deus omnes homines velit salvos fieri: Nam etiam parvuli ad agnitionem veritatis perveniunt, perveniendo ad regnum Cælorum; & per baptismum perveniunt ad fidem habitalem, qua credunt habitu, si minus actu; creduntque etiam fide Ecclesiæ.

Confirm. 1. quia magis Deus dilexit hos pueros, pro quibus voluit Christum pati, juxta illud Jo. 3. *Sic Deus dilexit Mundum*, &c. quàm Dæmones, quibus tantum dedit auxilia sufficientia, ne peccarent, quin eos redemerit post servitatem peccati; ut communiter Patres, & Theologi docent; & colligitur ex illa parabola de nonginta novem ovibus dimissis; ergo pueris non solum contulit in Adamo auxilium sufficiens, ne laborerent in originale, sed etiam providit de remedio ad resurgendum.

Confirm. 2. quia magis consonum est benignitati Divinæ, & Christi Domini reddere emptioni asserere, quod remedium ad salutem etiam pro parvulis omnibus institutum sit, ita ut servato cursu casualium secundarum possit illis applicari; ergo ita dicendum, cum nihil obstat.

III. Objic. 1. auctoritatem adductam Augustini dicentis: *Plerumque festinantibus parentibus, & paratis ministris, ut baptismum parvulo datur, Deo nolente, non datur*; ergo Deus peccati originalis vindex non providit illis de remedio; siquidem per Deum unice stat, quominus baptismus huic parvulo datur.

Confirm. 1. quia in tali casu non pendet collatio baptismi à voluntate parvulorum, ut patet, nec à voluntate parentum, qui quamvis velint, non possunt; ergo unice pendet à voluntate Dei, atque adeo, Deo nolente, non applicatur.

Confirm. 2. Quia aliquando de Cælo tangitur prægnans, quæ cum infante decedit; in quo casu defectus baptismi unice tribuitur istui fulminis, quod juxta cursum nature à Deo dispositum ab æterno debuit hinc cadere, ubi reperitur prægnans; ergo ex divina dispositione habetur defectus baptismi.

Neque obstat, quod si mater ab eo loco abesset, ut libere poterat, non tangeretur de Cælo, & sic baptismus applicaretur infanti tempore opportuno. Nam mater id prævidere non poterat; unde ista remedii applicabilitas esset omnino casualis matri; atqui si est casualis, non potest di-

ci, quod Deus ex seria intentione velit salutem parvuli; ergo simpliciter Deus non providit de remedio omnibus parvulis. Prob. minor: Nam qui v. gr. thesaurum abscondit, non dicitur habere seriam voluntatem dandi illum Titio per hoc, quod si casu Titius ibi fodiat, potest illum sibi usurpare; tum quia inventio thesauri esset omnino casualis, tum etiam quia esset moraliter impossibilis, & quod est moraliter impossibile, censetur in morali estimatione impossibile simpliciter; ergo idem in casu.

Confirm. ultim. quia Numer. 31. & 1. Regum 15. Deus præcepit internecionem mulierum omnium, atque adeo etiam prægnantium; in quo casu directe voluit occisionem infantum, antequam iis conferretur remedium ad salutem; ergo saltem in tali casu voluit eos directe excludere à regno Cælorum.

Ante responsum adverte, Deum posse serio intendere alicui aliquid bonum, non solum absolute, & efficaciter, sed etiam conditionate, & inefficaciter, v. g. si petatur, si non obstat culpa &c. sic Antichristo Deus vult serio vitam æternam sub conditione, quod non peccet: Sic potest velle serio prorogationem vitæ Titio, nisi se ad fenestram exponat, quò juxta cursum casualium secundarum fulmea casuum est. Hinc stat in Deo & seria intentio penitentiae Antichristi, dum confert illi auxilium sufficiens, & simul permissio impenitentiae per hoc, quod ille non respiciat. Rursus bonum, quod Deus conditionate, inefficaciter, & serio intendit, potest etiam dupliciter intendere: Primo ita ut non desit in homine potentia proxima ad illud obtineandum; sicut intendit penitentiam Antichristi, quando illi confert auxilium sufficiens: secundo ita ut desit quidem hic, & nunc potentia proxima, & expedita; hujusmodi tamen defectus potentiae proximæ inducitur sic à causa libera creata sive proximæ, sive remote, sive sciente, sive ignorante talem defectum à se inducendum. Et ratio est, quia seria voluntas inefficax, & conditionata in Deo conferendi aliquid bonum non determinat Deum ad feligenda media, quæ per scientiam mediam prævidet conjugenda cum tali bono, seu non determinat ad removenda impedimenta libere apponenda à causis secundis; atque adeo potest serio intendere bonum, quod saltem remote potest ab homine obtineri, etiam si prævideat, non esse obtinendum. Et hoc pacto dicimus,

mus, Deum serio quidem, sed inefficaciter intendere remedium parvulis, quibus hic, & nunc applicari non potest, quia scilicet illud vult conditionate, & dependenter à voluntate libera parentum. Nam si parentes, quorum curæ committuntur infantes, libere non opponerent aut impedimentum physicum. V. gr. cundo quod fulmen decidit, vel impedimentum morale, committendo aliquam culpam, saltem venialem, v. g. intemperantiam, aut omitiendo orationem debitam, certe baptismus parvulis conferretur.

Resp. nunc ad argumentum primo, quod sicut auxilia sufficientia confert Deus peccatoribus adultis dependenter ab ipsorum libera voluntate, non quidem singulis momentis in actu secundo, sed juxta opportunitates: ita pariter, ut notat Amic. disp. 28. sess. 5. providit Deus de remedio pueris dependenter à voluntate libera parentum, servato cursu causarum naturalium; Quare sicut adultus non dicitur carere auxilio sufficienti ad resurgendum à culpa per hoc, quod de cælo tangatur, dum dormit, quia scilicet libere voluit ibi dormire, quod fulmen cecidit, quodsi ibi non dormisset, haberet juxta opportunitates consuetas auxilium ad resipiscendum; ita prorsus infans, dum de cælo tangitur prægnans, non dicitur carere remedio ex voluntate Divina, quia libere mater voluit ire, quod fulmen decidit, apponendo physicum impedimentum ad proximam applicabilitatem remedii; si enim ibi non fuisset, quod fulmen decidit, applicaretur remedium in consuetis opportunitatibus. Idemque à fortiori dicas, si prægnas ob intemperantiam, aut aliam culpam causet abortum, apponendo impedimentum etiam morale ad collationem baptismi, ut mox dicemus.

Resp. 2. cum D. Prospero apud Amic. loc. cit. & Bellar. lib. 2. de Grat. cap. 5. Deum providisse parvulis de remedio dependenter ab oratione, & bonis operibus Parentum, vel Avorum, aut Majorum applicando; ita ut infallibiliter illud parvulis applicandum sit, servato cursu naturali causarum secundarum, si non obstat impedimentum morale, puta defectus orationis debitæ, aut alia culpa parentum. Quis enim neget, Deum habere seriam voluntatem salvandi puerum, cum exhibeat remedium ad salutem dependenter à precibus, aut à carentia culpæ parentum, quorum curæ committuntur infantes? Certe Deus relate ad obduratos dicitur communissime habere

seriam voluntatem illos salvandi per hoc, quod offerat auxilia dependenter à propria voluntate, si scilicet non positive indispo- nantur ad illa per novam culpam; ergo etiam relate ad pueros dicitur habere seriam voluntatem salvandi illos per hoc, quod offerat remedium dependenter à voluntate parentum; ita ut illud sit negaturus voluntate consequente, seu supposita culpa parentum; non quidem in poenam peccati parentum, sed quia nolit Deus indignis illis pueris in peccato originali existentibus conferre applicationem remedii absolute, ut poterat, sed voluit illam conferre conditionate, videlicet si non obstat culpa parentum, aut defectus orationis: Unde probabiliter docet Vega apud Suar. Deum alligasse proximam applicabilitatem remedii orationi parentum.

In forma ad argumentum dist. antecedens, baptismus non confertur, Deo nolente, voluntate consequente ad impedimentum, sive physicum, sive morale, positum à parentibus, concedo; voluntate antecedente, nego antecedens, & consequentiam. Ad id, quod additur, per Deum stare, ne baptismus conferatur, distinguendum eodem modo: voluntate consequente ad impedimentum libere positum à parentibus conceditur; voluntate antecedente, negatur. per hoc enim, quod Deus, ut causa prima nolit removere impedimenta libere posita à creatura ad aliquem effectum, solum sequitur, quod nolit talem effectum efficaciter, & absolute: non vero quod nolit inefficaciter, & conditionate.

Ad primam confirm. nego secundam partem antecedentis: pendet enim collatio talis baptismi à voluntate parentum non quidem proxime, sed remote, quia si non supponissent impedimentum, baptismus conferendus esset.

Ad secundam dist. antecedens: defectus baptismi unice tribuitur ipsi fulminis immediate, & proxime, concedo; remote nego antecedens, & consequentiam. Ad id, quod additur, verum quidem est, quod non habeat seriam, & sinceram, sed illusoriam, & fallacem voluntatem conferendi thesaurum, qui abscondit illum, ubi est moraliter impossibile, quod inveniat à Titio, secus vero, si facile inveniri possit; v. gr. si paratus sit ad preces Titii manifestare locum thesauri. In casu nostro facile applicari poterit remedium infantibus, cum Deus paratus sit ad preces parentum conferre proximam applicabilitatem; promittit enim

enim exauditionem orationi, juxta illud Jo. 16. *Petite, & accipietis*. Et sane quis dixerit, Deum non habere voluntatem salutis, sed illusoriam salvandi obduratos per hoc, quod ii versentur in impossibilitate morali conversionis? quamvis enim Deus in poenam peccatorum præcedentium subtrahat vires morales ad operationes salutare, non per hoc dicitur nolle illas serio; cum facile à nobis poni possint per hoc, quod petamus quod nobis deest, juxta illud Tridentini sess. 6. cap. 17. *Deus impossibilia non jubet, sed jubendo munit & facere quod possit, & petere quod non possit, & adjuvat, ut possit*. Hinc Aug. *Ideo Deus*, inquit lib. de Gratia, & libero arbit. *jubet aliqua, quæ non possimus, ut noverimus, quod ab illo petere debeamus; & propterea* Suar. Tom. 2. de Religione lib. 1. de Oratione cap. 28. censet, orationem necessariam esse ad salutem, non solum necessitate præcepti, sed etiam mediæ, juxta illud Christi Domini, Luca 18. *Oportet semper orare*.

Ad tertiam Præcepti Deus internecionem in poenam alicujus culpæ, aut omissionis precum parentum talium infantium, concedo; seclusa culpa, nego; ac proinde Deus voluit directe occisionem infantium, antequam applicaretur remedium, voluntate consequente, concedo; antecedenter ad aliquam culpam parentum, nego antecedens, & consequentiam.

IV. Objic. 2. Divus Prosper docet, quod etiam pueris ortis à sanctis genitoribus aliquando desit copia baptismi; hæc enim habet in carmine De ingratis. *Non meritis istud poteris aptare parentum, Cum vides multos sanctis genitoribus ortos, Nullo salvari studio potuisse suorum; ergo Baptismus non desit infantibus ob culpam parentum, sed Deo nolente*.

Confirm. quia si defectus culpæ parentum esset effectio requisita, ut conferatur baptismus infanti, posset etiam dici, quod defectus culpæ in Gentilibus sint conditio requisita, ut iis conferatur gratia sufficiens ad salutem; quod est dicere, quod Gentiles viribus propriis disponant se negative ad gratiam. Sequela à nobis non admitteatur quæst. octava, quamvis illam graves aut tiores admiserint; ergo ut prius.

Resp. Divum Prosperum, lib. 2. cap. 23. aperte docere, quod pueris remedium applicaretur, nisi culpa parentum obilaret; hæc enim habet: *Non irreligiose arbitror crediti, neque inconvenienter intelligi, quod isti paucorum aliorum homines ad illum persistant*

gratia partem; quæ semper universis est impensa nationibus, quæ utique si bene eorum essentur parentes, etiam ipsi per eosdem juvantur. Quare dum loco laudato Divus Prosper negat, puerorum damnationem procedere à culpa parentum, negat solum procedere ab hac speciali culpa, nempe ab ingnavia, ob quam hic, & nunc non confertur baptismus; non vero ab alia culpa, v. gr. à defectu orationis debitæ, vel parentum, vel saltem avorum, aut majorum, ex quorum ebrietate v. gr. vel intemperantia factum fuit, ut, exilis, & invalida prodiret eorum progenies. Unde hic, & nunc ad factum tendendum non esset apta.

Ad confirm. nego sequelam. Disparitas est, quia ex propositione s. damnata ab Alex. VIII. Gentiles non carent gratia sufficienti; ergo quantumvis se indisponant ad illam per peccatum, adhuc illis conferatur gratia, quæ possint physice, si minus moraliter, fidem desiderare, & sic ad justificationem se disponere. Quare Gentilibus non confertur gratia sub conditione ulla, sed absolute. Contra vero applicabilitas remediæ non datur omnibus pueris absolute, sed sub conditione, & probabiliter sub conditione orationis parentum: Sicut enim omnibus Gentilibus confertur gratia, ut si dem desiderant, & assequantur; ita rationaliter dicitur, quod parentibus gratia sufficiens detur, ut possint pro salute filiorum orare; quod si oraverint, infallibiliter remedium applicabitur.

V. In calce quæstionis adverto, sententiam laudatam Vasqui r. p. disp. 96. putantis, Deum nolle proximam applicabilitatem baptismi infantibus in utero matris decedentibus, quamvis rigida nimis videatur, posse aliquatenus emoliri, ac sustineri, juxta ea quæ dixi in Trutina Theologica Thesum confixuram exponendo. quantam thesum Alex. VIII. videlicet dicendo, Deum voluisse salutem horum etiam infantium per hoc, quod dedit Christum D. qui etiam pro iis oraret, & sui sanguinis pretium offerret, quod pro Dæmonibus non præstaret; quod si Christus D. absolute pro iis orasset, & non conditionate, prout oravit ut à se calix transiret, (videlicet si ita esset placitum Patri, & ad ejus majorem gloriam redundaret) procul dubio exauditus fuisset, & ii parvuli salutem fuissent consecuti. Propterea in hac sententia salvatur etiam, quod Christus dedit semetipsum Redemptionem pro omnibus, atque adeo etiam pro his infantibus, & non pro Dæ-

monibus, quia pro his etiam infantibus sanguinem suum obtulit, ac oravit non quidem absolute, sed sub ea conditione, quam expressit, dum oravit, ut calix à se transiret, dicendo, *Verumtamen non mea, sed tua voluntas fiat*. Quia tamen voluntas Patris non fuit, quod his infantibus proxima Baptismi applicabilitas daretur, idcirco ea caruerunt. Nihilominus sententia communior, quod neque per Deum, neque per Christi voluntatem flet, quominus parvuli omnes proximam habeant baptismi applicabilitatem, sed iis aliquando ea desit mere ob culpam, aut ob defectum orationis parentum, quorum curæ commissi sunt, non solum esse conformior Dei benignitati, ac Misericordiae, ac Christi D. redemptioni, sed etiam locutionibus Patrum, præsertim D. Prosperi loco laudato lib. 2. cap. 23., idcirco ab ea non recedendum.

QUÆSTIO VII.

Utrum Infantibus omnino intra uterum existentibus possit, ac debeat aliquando Baptismus conferri?

Quæstionem hanc præcedenti annecto in gratiam parvulorum in utero Matris decedentium; plurimum enim conferre potest ad non paucos in perpetuum salvandos. Cum ostendimus, Christum D. sui sanguinis pretium, etiam pro his parvulis obtulisse, ac providisse iis de remedio ad Salutem, ita ut per ipsam non flet, quominus illis applicetur, inquirimus, Utrum ita remedium hoc, nempe Baptismus, instituerit, ut voluerit solum conferri posse parvulis jam natis, ut per Baptismum renascantur, juxta illud Jo. 3. *Nisi quis renatus fuerit ex aqua, & Spiritu Sancto &c.* an etiam parvulis omnino intra uterum existentibus, quoties abluui possunt, si sint in discrimine vitæ, ne sine baptismo decedentes in æternum priventur Beatitudine, ac forte etiam aliquatenus poena sensus crucientur, juxta nonnullorum sententiam in tractatu de Pœnitentia discutendam? Apud Antiquos hac de re nullum dissidium, videnturque omnes uno ore in sententiam negativam inclinare nisi locutionibus Scripturæ, Sanctorum Patrum, ac Canonum Sacrorum. Recentiores tamen in medium quæstionem hanc adducentes communius Christi D. benigni-

tatem, ac redemptionem commendantes, benignam sententiam amplectuntur, docendo valde probabile esse, quod Baptismus his parvulis collatus sit validus, ac proinde possit, ac debeat sub conditione illis conferri.

Præ cæteris nuper summa cum eruditione, ac animarum zelo benignæ huic opinioni adhæsit, illamque in bono lumine collocavit Pater D. Gabriel Gualdo Clericus Regularis in libello hac de re Patavii edito, quod ante præstiterat in Tractatu Probabilitatis, quem in lucem ediderat Lovanii 1707. sub nomine Nicolai Peguleti; ibique cap. 41. fuse ostendit, Primo posse aliquando hujusmodi pueros in utero existentes abluui, vel immediate ab obstetrice sponsa aliqua inter digitos posita, vel per aliquod instrumentum, puta per fistulam, seu clysterem, quando scilicet aut uterus aperitur à fœtu tentante egressum irrito conatu, aut uterus à Periculis inciditur, prout sæpe citra periculum vitæ prægnantis scitatum est. Secundo eos posse, ac debere in his casibus sub conditione baptizari juxta opinionem plurimorum Recentiorum apud Dia. p. 2. tr. 15. ref. 43. & p. 3. tr. 5. v. 13. cum Præposito, Ledesma, Bonac, Laym., Lezana, Less, Con., Gobat., Dicast., Tann., Martinonio, & aliis; etiam per quindecim fere secula communissime Sancti Patres, ac Doctores videntur id negasse cum D. August., D. Isidoro, D. Thom., D. Bonav., D. Antonino, & aliis Theologis, & Canonistis usque ad annum 1490. quo tempore Gabriel Biel cepit de hoc dubitare advertendo, quod Sanctorum Patrum mentem possumus benigne interpretari.

II. Dico equidem 1. Probabile est, Christum Dominum instituisse Sacramentum Baptismi etiam pro his infantibus, qui in utero matris positi abluui aliquando possunt, vel quia uterus ab ipso fœtu recluditur, vel quia arte aliqua magistra scinditur; atque adeo probabile est, posse iis valide Baptismum conferri. Ita communis Recentiorum; quin huic doctrinæ Sancti Patres, Sacri Canones, ac Theologi antiqui refragentur, ut infra ostendetur.

Prob. 1. ex Trid. sess. 5. can. 3. ubi anathematizatur qui negat, Christi meritum per Baptismi Sacramentum in forma Ecclesiæ rite collatum tam adultis, quam parvulis applicari; Cum autem etiam infantes in utero matris positi sint parvuli (dicitur enim Genes. 25. quod in utero Rebecca col-

collidebantur *Parvuli*, nempe Jacob; & Esau,) sequitur, quod etiam pro huiusmodi infantibus institutum sit à Christo Domino Baptisma, ita ut iis proficiat, si possint aliquando physice abluì. Eademque doctrina habetur in Cap. *Firmiter* de Summa Trinitate.

Prob. 2. ratione, quia quamvis duplex datur nativitas, altera ex utero, altera in utero; & juxta primam sensum dixerit Angelus pastoribus Lucæ 2. *Natus est vobis hodie Salvator Mundi*: juxta secundum sensum dixerit Angelus D. Josepho Matth. 2. *Quod enim in eo natum est, de Spiritu Sancto est*; nihilominus ut quis per Baptismum renascatur spiritualiter, non est necessaria nativitas infantis ex utero, sed sufficit nativitas in utero, dummodo possit huiusmodi infans physice abluì, utero resecato; ergo Christus Dominus etiam pro his infantibus Baptismi Sacramentum instituit. Antecedens probatur ex Trid. sess. 5. can. 4. ubi de parvulis dicitur, quod *In remissionem peccatorum veraciter baptizentur, ut in eis regeneratione mundentur. quod generatione contraxerunt; Nisi enim quis renatus fuerit, &c.* atqui pueri contraxerunt originale per nativitatem in utero, seu per generationem; ergo ut possint renasci, seu regenerari, sufficit quod eorum nativitas in utero, seu generatio præcesserit, dummodo abluì possint. Et sess. 6. cap. 3. idem Tridentinum docet, homines ex semine Adæ propagatos nasci injustos, & per meritum passionis in Christo renasci; cum autem injustitia, seu peccatum originale contrahatur per nativitatem in utero, sequitur, quod renascentia in Christo solam nativitatem in utero debeat præsupponere; unde valide potest Baptismus conferri infantibus omnino intra uterum existentibus.

III. Confirm. 1. quia D. Raymundus Nonnatus, etiam non sit natus *Matre pariente*, adhuc potuit baptizari; sic etiam quilibet partus Cæsareus, seu qui sit ex utero matris cæso. Præterea ex D. Th. 3. p. qu. 68. ar. 21. ad 4. & ex Rituali Romano de Bapt. §. de Baptizand. parvulis, si infans caput emiserit, & periculum mortis imminet, potest absolute baptizari, quin sit deinde rebaptizandus, eo quod in capite omnes sensus fundentur; si tamen alia pars egrediatur, est baptizandus, urgente periculo, solum sub conditione, eo quod in aliis partibus non habeatur integritas vitæ; ergo etiam potest sub conditione baptizari, quamvis nulla pars scetus poterit egredi.

Probatur consequentia; intantum enim non potest baptizari, quia revera tunc non est natus extra uterum; atqui quando solum aliqua pars, puta manus, egreditur, neque tunc infans est absolute natus extra uterum, cum manus infantis non possit dici infans, & tamen tunc potest sub conditione baptizari; ergo etiam quando infans totaliter est in utero: Aliter huiusmodi matris, sive mortuæ, sive viventis incidatur, nec possit extrahi ulla pars scetus absque periculo ejus vitæ, tunc nec posset sub conditione baptizari; quod asserere quisquam ausit?

Confirm. 2. quia non est præsumendum de Divina Bonitate, & de infinitis Christi meritis, quod voluerit hos infantes reddere incapaces gratiæ baptismalis, si abluantur in utero. Immo ex communissima DD. calculo positive asserendum quodcumque ad Christi gloriam exaltandam spectat, nisi positive constet, quod Deus aliter ob altissimos fines decreverit: atqui non constat positive, ut mox ostendemus, quod Christus noluerit, lavacrum regenerationis posse etiam ad infantes istos se extendere; ergo dicendam, quod Sacramentum Baptismi vere suscipiant, si debite abluantur. Sicut enim Martyrium, seu Baptismus sanguinis, etiam infantibus, qui sunt in utero Matris, prodest, ut docet Scotus in 4. dist. 4. p. 3. ita Baptismus fluminis, cum æque sit universalis uterque Baptismus.

Confirm. ult. quia communissime DD. docent cum Angelico 3. p. qu. 68. a. 9. contra Pelagium, quod pueri sint baptizandi, quia scilicet, ut habetur ad Rom. 5. *Non sicut delictum, ita & donum*; si enim unus delicto multi mortui sunt, multo magis gratia Dei & donum in gratia unius hominis Jesu Christi in plures abundavit. Hæc autem ratio, sicut probat pueros extra uterum baptizandos esse, & per Christi merita spiritualiter regenerari, ita hoc idem probat de pueris intra uterum existentibus, quoties abluì possunt. Neque dicas, huiusmodi argumentum probare nimis, quod scilicet etiam pueri in utero matris clausi possint per Christi merita baptizari, ac salutem consequi. Nam certum est, noluisse Christum quemquam regenerari spiritualiter, nisi ipse in se, non vero in matre prægnante abluatur, juxta illud: *Nisi quis renatus fuerit ex aqua, & Spiritu Sancto &c.* providit tamen sufficienter huiusmodi pueris de sufficientia remedii ad salutem, ut cum communiori diximus questione antecedente,

quatenus possunt in lucem edi, & baptismum suscipere, nisi parentes, quorum cura sunt commissi, impedimentum apponant.

IV. Dico 2. peccat graviter qui negligit baptismum conferre pueris in utero existentibus, quoties possunt aliquatenus aperto utero ablui, si sint in vitæ discrimine.

Prob. ex communissima doctrina apud Dianam p. 3. tr. 3. ref. 9. de qua nonnulla dixi in Append. meæ Trutinæ Theologicæ in calce §. XI. Quoties possumus citra grave incommodum subvenire proximo periclitanti circa æternam salutem, sequendo opinionem probabilem, ad id sub gravi obligamur; in casu autem nostro, sequendo opinionem probabilem primæ conclusionis, subveniremus infantibus circa æternam salutem periclitantibus; ergo tenemur sub gravi juxta laudatam opinionem illos baptizare; quamvis sub conditione (si sint capaces) ob incertitudinem, & memorabilem probabilitatem talis opinionis. Et sane ex cap. *De quibus* de baptismo, baptizandus est sub conditione foetus in dubio an sit homo, vel monstrum, an sit vivus, vel mortuus; ergo à fortiori baptizari debent sub conditione infantes in utero existentes, quoties ablui possunt saltem per aliquod instrumentum; quia non solum est in dubio possum, an sint baptismi capaces, sed etiam valde probabile est, quod sint capaces, tum ob rationes adductas, tum ob auctoritatem plurimorum Recensitorum, qui hac de re quæstionem instituerunt, quin Antiquorum sententia sit in contrarium, si rite eorum verba perpendantur, ut mox dicemus.

Neque obstat reverentia Sacramento debita, quominus possit sub conditione conferri baptismus, ita ut exponatur periculo frustrationis. Nam ex doctrina subtilissimi Doctoris in 4. dist. 3. qn. 2. communiter recepta; Quando in Sacramentis conscientia urget necessitas, tunc citra ullam irreverentiam adhiberi potest, ac debet materia, forma, aut opinio, quæ tutior haberi potest, ut subveniamus proximo extreme indigenti; cum Sacramenta instituta sint in bonam fideliū; ut proinde potius exponendum sit Sacramentum periculo frustrationis, quam homo periculo æternæ damnationis.

V. Objic. 1. contra primam conclusionem. Infantes in utero positi non sunt noti Ecclesiæ, nec vitam cum aliis degunt; ergo non sunt capaces sacramentorum Ecclesiæ.

Confirm. 1. ex Scoto, quia pueri, dum sunt totaliter in utero matris, non subjacent operationi humanæ, sed solum subjacent operationi Divinæ; ergo quatenus Deus possit illos spiritualiter regenerare per speciale privilegium (prout concessum fuit D. Jo. Baptistæ) non per hoc poterunt per baptismum ab homine collatum spiritualiter regenerari.

Confirm. 2. prima regeneratio spiritualis, quæ fit per baptismum, est secunda nativitas; ut proinde Christus D. dixerit: *Nisi quis renatus fuerit* &c. Secunda autem nativitas essentialiter supponit primam; ergo cum nondum sint nati, ne partialiter quidem, qui sunt in utero Matris adæquate, non poterunt renasci per baptismum, etiam si possent ablui. Neque dicas, sufficere quod præcesserit nativitas in utero. Nam regeneratio, quæ habetur per baptismum, haberi debet ex aqua, & Spiritu S. contra infectionem tum carnis, tum animæ per originale, atque adeo debet baptismum præcedere tum nativitas in utero, qua infunditur anima, tum etiam nativitas ex utero, qua nascitur caro: ac proinde in Rituali Romano loco laudato dicitur: *Nemo in utero Matris clausus baptizari debet*.

Resp. pueros in utero existentes esse sufficienter notos Ecclesiæ, ita ut possint. Sacramentum baptismi suscipere, si utero aperto possint ablui; sicut enim est sufficienter Ecclesiæ notus ille foetus, de quo dubitatur an sit homo, vel monstrum, & sufficienter est notus, si solum ex utero manum extrahat; ita sufficienter notus, qui deprehenditur esse in utero, jam aperto, ita ut possit ablui; & omnino gravis dicitur requiri, quod possit esse visibilis extra uterum; sufficit enim, quod possit esse tangibilis saltem per aquam à baptizante immisam; cum Ecclesiæ non debeat aliam cognitionem de personis habere, nisi eam, qua possit illis Sacramenta ministrare ponendo, quæ necessaria sunt ad illorum collationem. Aliter nec posset fœtus in tenebris existenti extra uterum baptismus conferri, eo quod non possit tunc Ecclesiæ esse visibilis, sed solum tangibilis.

Ad primam confirmationem: sufficienter isti parvuli subjacent operationi humanæ per hoc, quod possint ab homine ablui, & sic baptizari, ac spiritualiter regenerari. Tunc non subjacerent operationi humanæ, solumque à Deo per speciale privilegium possent sanctificari, quando uterus esset o-

E

mhi-

minio clausus, ita ut nullatenus possent abluī.

Ad secundam. Habetur quidem per baptismum secunda Nativitas, hæc tamen licet debeat primam præsupponere, ac non debet præsupponere nativitatem ex utero, sed satis est, quod præsupponat nativitatem in utero. etenim ut ostendimus ex locutionibus Scripturarum, tam dicitur natus qui solum habet nativitatem ex utero, juxta illud Lucæ 2. *Natus est vobis hodie Salvator Mundi*; Quam qui habet nativitatem in utero, juxta illud Matth. 1. *Quod enim in ea natum est* &c. quamvis non sufficiat sola nativitas in utero, ut possit homo spiritualiter renasci per baptismum, nisi etiam possit aperto utero abluī; cum per solam ablationem sacramentalem hujusmodi renatitas concedatur. Ad regenerationem vero spirituales simpliciter dictam, quæ non habetur per baptismum, sed per Dei privilegium, sufficit sola nativitas in utero, quantumvis clauso, ut proinde ex D. Th. in sanctificatis in utero habeatur vera regeneratio spiritualis.

VI. Neque obstat, quod si nomine nativitatis veniat etiam nativitas in utero, sequeretur, quod homo dum paritur, renascetur; unde ante baptismum esset renatus, atque adeo per baptismum haberetur deinde tertia nativitas, ut ratiocinatur Augustinus in Epistola 57. ad Dardanium.

Nam certum est, non requiri nativitatem ex utero, quæ fiat matre pariente, ut possit quis baptizari: etenim D. Raymondus Nonnatus baptizari potuit, etiam si non fuerit natus matre pariente; & quamvis extra uterum suscepit baptismum, nihilominus caruit hac nativitate strictè dicta, ut proinde Ecclesia vocet illum *Non-natum*; sufficit itaque ad renativitatem spirituales, quod præcesserit sola nativitas in utero. Hinc tamen non sequitur, quod dum homo paritur renascatur, ut proinde habeatur per baptismum tertia nativitas. Nam licet tam nativitas in utero, quam nativitas ex utero venire possit nomine nativitatis, utraque tamen ista nativitas non est duplex nativitas, seu generatio; neque enim est duplex Origo viventis à vivente principio conjuncto in similitudinem nature, sed est eadem nativitas diverso modo accepta, quatenus una denotat tantum generationem, altera denotat eandem generationem factus jam ex utero egressi; ut proinde prior importet productionem entis simpliciter, & transitum de non ente ad

ens, posterior vero importet etiam transitum ejusdem entis de uno statu ad alium, videlicet transitum ex utero ad extra uterum.

Ad id quod additur in argumento, dicendum cum Angelico in 4. dist. 6. q. 1. a. 1. Nativitatem in homine non esse aliam nativitatem animæ, aliam nativitatem Carnis, sed unam esse nativitatem totius hominis indivisibiliter sumpti. Quamvis autem vulgo nomine nativitatis soleat venire nativitas extra uterum, nihilominus vere, & proprie etiam in Scripturis hominis nativitas habetur per hoc tantum, quod homo sit genitus, & in utero natus, quia tunc habetur vere, & proprie origo viventis à vivente principio conjuncto in similitudinem nature: ideo, ut possit homo renasci spiritualiter, requiratur, ut possit utero aperto à baptizante abluī; non tamen est necesse ad baptismi validitatem, quod homo sit natus extra uterum, ut hæcenus ostendimus. Denique verum est, quod in Rituali Romano dicitur, videlicet neminem in utero matris clauso esse baptizandum, cum non possit abluī immediate; potest tamen utero aperto in necessitate baptizari sub conditione, eo quod tunc possit abluī immediate, immo ex Præposito Ochagavia, & aliis apud Dianam p. 5. tr. 3. rel. 4. potest sub conditione baptizari, etiam si factus sit involutus in secundinis, quia hujusmodi pellis, & tegumentum censetur esse pars hominis, & ea abluta censetur homo abluī.

VII. Objic. 2. Auctoritatem D. Augusti, D. Isidori, Magistri Sententiarum, D. Th. D. Bonaventuræ, ac Theologorum omnium, necnon Canonistarum usque ad annum 1490. quo tempore Gabriel Biel in 4. dist. 4. q. 4. art. 4. in dubium revocare cepit, an possit infans in utero matris valide baptizari; Cum autem per quindecim fere sæcula omnes uno ore docuerint, non posse hominem spiritualiter per baptismum renasci, antequam natus sit, videtur ea esse Ecclesiæ traditio, quod Christus D. baptismi Sacramentum noluerit conferri pro infantibus in utero positis, ut proinde non liceat, ne sub conditione quidem, eos baptizare; Etenim, ut habet Augustinus lib. 9. de Bapt. contra Donatistas cap. 24. *quod universa tenet Ecclesia, ac Concilii institutum, sed semper reventum est, non nisi auctoritate Apostolica traditum relaxasse credatur*. Quod autem Ecclesiæ tenuerit, baptismum non esse conferendum infantibus

in utero existentibus, constat perpendendo verba SS. PP., ac Theologorum, & Canonistarum omnium, quos longo ordine recenset laudatus P. D. Gabriel Gualdo cap. 2. Verba August. in Ep. 57. ad Dardanum, quorum meminit Magister in 4. dist. 6. cap. 2. sunt: *Nec renasci quisquam potest, antequam natus sit*; ac deinde subdit, Nativitatem, quæ præcedere debet baptismum, esse nativitatem, quæ fit: *matre pariente, non concipiente, atque prægnante; qua fit ea, non qua fit in ea*; Quod inferit ex verbis Christi: *D. nisi quis renatus fuerit denuo*; quibus indicatur, baptismum esse secundam nativitatem, non vero tertiam; atque adeo prior nativitas, quæ ad baptismum præsupponitur, non est nativitas in utero, sed nativitas ex utero. Et lib. 2. de bapt. parvul. c. 26. aperte docet: *Neminem in suo parente potuisse renasci, cum nondum sit natus*. D. Isidori verba l. 1. senten. cap. 22. referuntur in Cap. *Qui in matris de Consecr.* dist. 4. ubi habetur: *Qui in matris sunt uteris, ideo cum matre baptizari non possunt, quia qui natus secundum Adam non est, secundum Christum regenerari non potest*. D. Isidorus duobus sæculis post D. August. scripsit. (si Philippum Labbè audiamus) & quæque sæculis ante magistrum sententiarum, qui in 4. dist. 6. cap. 2. eidem sententiæ subscripsit; sicut etiam Albertus ar. 9. D. Th. p. 3. q. 68. art. 11. D. Bonnav. & alii omnes usque ad finem sæculi decimi quinti: ut proinde negari non possit, hunc fuisse Ecclesiæ sensum, & veluti traditionem, à qua nefas est recedere.

Confirm. 1. auctoritate Sacrorum Canonum; etenim in Cap. *si baptizata*, & cap. *Qui in Matris de Consecr.* dist. 4. necnon Cap. *si ad Matris* ib. juxta mentem, & verba laudata D. August. & D. Isidori hoc idem decidit, ut proinde idem sentiant omnes Canonistæ putantes, decretum Gratiani habere vim legis Ecclesiasticæ:

Confirm. 2. ex Trident. sess. 5. can. 4. ubi anathematizatur qui negat, parvulos recentes ab uteris Matrum esse baptizandos; cum autem solum loquatur de parvulis recentibus ab uteris matrum, videtur definire, quod solum hi parvuli capaces sint baptismi, non vero parvuli, qui sunt in matris utero:

Resp. non paucos esse primæ notæ Recentiores, ut diximus, putantes, debere sub conditione parvulos in utero baptizari, si vitæ periculum imminet, & possint aliqua via abluï; iis autem Doctoribus non

levis irrogatur injuria, dum dicitur, quod contra Ecclesiæ traditionem opinantur. Quare non solum negandum, Ecclesiæ aut traditionem, aut consuetudinem esse, quod hujusmodi pueri non baptizentur, sed negandum etiam, D. Augustinum, D. Isidorum, ac Theologos antiquos ita sensisse: etenim si eorum verba perpendantur, apparebit, solum ab iis doceri, quod pueri in utero Matris clauso baptizari non possint, cum non possint abluï; quin doceant usquam, baptizari non posse, quoties aperto utero abluï possint, & sic subjacere humanæ operationi. Ubi juxta dicta in expositione Thes. 30. ab Alex. VIII. proscriptæ advertendum, quod universim ubi verba Augustini videntur pugnare cum verbis alicujus Bullæ, aut Concilii, potius verba Augustini accipienda sint juxta sensum Bullæ, aut Concilii, quam è converso; Cum autem Trid. sess. 5. can. 3. dicat, Christi meritum per baptismum rite collatum tam adultis, quam parvulis applicari, & indiscriminatim loquatur de omnibus parvulis, qui baptizari possunt, sive in utero matris sint, sive extra uterum, sequitur, quod non sint accommodanda verba Tridentini verbis Augustini, ita ut excludantur pueri intra uterum, qui abluï possunt, à capacitate suscipiendi baptismum; sed potius verba Augustini accommodanda sint verbis Tridentini, explicando Augustinum, quod velit solum baptizari non posse parvulos, qui non sint nati nativitate, quæ subjiciat illos operationi humanæ, seu qui abluï nullatenus possunt; per hoc enim quod abluï possint, non solum sunt nati nativitate Theologice dicta, seu in Matre concipiente, ac prægnante, sed etiam nativitate requisita ad baptismum, hoc est nativitate, qua subjici possunt operationi humanæ; quæ nativitas minus proprie potest dici quod sit nativitas ex Matre pariente, non secus ac nativitas partus cæsarei, ac S. Raymundi Nonnati. Idemque dicendum de verbis D. Isidori, ac aliorum Theologorum, qui dicuntur esse in opposita sententia.

VIII. Itaque hoc nomen *Natus* quinque potest habere significationes. Primo enim significat vulgo, qui est natus matre pariente: secundo qui in lucem editus est per uteri scissionem, ut D. Raymundus Nonnatus: tertio qui ex utero partem aliquam corporis, puta manum emisit: quarto qui subjici potest operationi humanæ, atque adeo abluï, etiam si sit in utero: quinto denum qui conceptus est, nec pot-

est humanæ operationi subijci, eo quod sit in utero omnino clauso. Ut possit homo per baptismum renasci, sicut in omnium sententia non requiritur, quod sit natus juxta primam tantum significationem, hoc est matre pariente, sed sufficit, quod sit natus in secundo, aut in tertio sensu; ita sufficit, quod sit natus juxta quartam significationem, quin hinc sequatur, quod baptismus deinde sit tertia nativitas, ut supra diximus. Quare non solum possunt, sed etiam debent verba D. Aug. & D. Isidor., ac Theologorum antiquorum juxta benignam hanc interpretationem explicari, ut in suo proprio sensu verba Tridentini explicentur, utque salutis parvulorum consulatur, ac Divina Misericordia erga illos magis commendetur.

Et sane quamvis videatur Augustinus sentire, quod parvuli sine baptismo decedentes igne Tartareo, ac pœna sensus cruciendur in æternum, ut conatur ostendere Cardinalis de Noris in Vindiciæ D. Aug. c. 3. §. 1. & docuit Ariminenfis, dictus proinde *Tortor puerorum*; nihilominus quia in Cap. *Majores* de Baptismo ab Innoc. III. dicitur: *Pœna originalis peccati est Cœcæ visiois Dei, actualis vero peccati pœna gehennæ perpetuæ cruciatur*; idcirco communis, & verius dicimus, verba August. accommodanda esse verbis Pontificis; ut proinde solum voluerit Augustinus, pueros sine baptismo decedentes puniri pœna ignis, fumendo nomine *Ignis* quæcumque tribulationem, atque adeo etiam pœnam damni, juxta illud Scripturæ: *Transivimus per ignem, & aquam; Ignis me examinasti* &c. præferimus quia & Divina Misericordia, & rationes Theologicæ suadent hanc benignam interpretationem, ne simus *Tortores puerorum*; & tamen opinio opposita nihil re vera confert ad puerorum torturam: In casu autem nostro, si verba Augustini non fumentur in sensu accommo, prout verba Tridentini, & Rationes Theologicæ, ac Divina Redemptoris misericordia erga illos pueros suadent, opinio opposita, denegando illis baptismum, conferret ad æternam illorum pœnam; unde essemus Puerorum tortores non speculative dumtaxat, sed etiam præctice; ergo à sortiori in casu nostro verba Augustini juxta benignam interpretationem sumenda sunt; atque adeo dicendum, D. Augustinum, D. Isidorum, & Antiquos Theologos, cum Magistris Sententiarum, D. Thoma, & aliis pro nostra Sententia stare, non pro opposita.

Ad 1. confirmationem: verba illorum Canonum desumpta sunt à D. Augustino, & D. Isidoro, atque adeo pariter in sensu accommo sumenda sunt, ut velint, neminem posse per baptismum renasci, nisi sit natus ex nativitate, qua possit subijci operationi humanæ, & ablui. Quicquid sit, an sententiæ Sanctorum Patrum, quæ in Decreto Gratiani habentur, vim habeant legis Ecclesiasticæ, donec à Pontifice fuerint Canonizatz, & inter Decretales reponantur? Quod verius negat Suar. l. 4. de Leg. cap. 5. n. 6. eo quod Patres non fuerint Canonici Scriptores, nec assistentiam Spiritus Sancti habuerint.

Ad 2. Tridentinum aperte docuerat Canone 3. quod tam adultis, quam parvulis applicari possit Christi meritum per baptismum, non excludendo parvulos, qui sunt in utero Matris, si possent subijci humanæ operationi, & ablui; Ubi autem Canone 4. definit, pueros recentes ab utero Matris esse baptizandos, vel loquitur etiam de pueris, qui in utero Matris positi subijci possunt operationi humanæ, qui etiam in aliquo sensu dici possunt recentes ab utero Matris, quatenus aliquo modo extra uterum sunt, dum non sunt in utero clauso, sed possunt ablui; Vel loquitur tantum de pueris, qui extra uterum sunt; quia sic possunt baptizari; unde satis erat, quod definiret horum baptismum esse validum, ut intelligatur validum esse baptismum omnium omnino, qui ablui possunt, nisi ex institutione Divina aperte excludantur.

Neque dicas, interpretationem adductam (quod scilicet dicatur aliquo modo natus ex utero, immo esse aliquatenus extra uterum, qui est in utero aperto, ita ut possit subijci operationi humanæ) esse alienam à vero sensu verborum, quandoquidem idem simul dici posset esse in utero, & esse extra uterum.

Nam contra est, quia sicut juxta diversam acceptionem verborum D. Raymundus dicitur natus, cum renatus fuerit in baptismo; & ab Ecclesia appellatur Nonnatus, quatenus non fuit in lucem editus Matre pariente; ita juxta diversam acceptionem potest dici natus ex utero, & esse aliquatenus extra uterum, qui dum est in utero subijci potest humanæ operationi, & simul dici potest natus in utero, & non esse extra uterum, quatenus nulla ejus pars ex utero egressa est.

IX. Objic. 3. contra secundam conclusionem.

nem. Nemo potest adversus conscientiam dictamen licite operari; ergo si quis juxta opinionem Doctorum primæ notæ putet, nullatenus licere hujusmodi infantibus conferre baptismum, etiam si possit abluī, adversus dictamen conscientiam operaretur conferendo illis baptismum; ergo falsum est, quod peccet qui negligit Baptismum pueris in utero existentibus in necessitate conferre sub conditione, juxta probabilem opinionem, quod id liceat.

Resp. concessio antecedente, distinguo primum consequens: adversus dictamen conscientiam operaretur, si putaret nullatenus id licere juxta opinionem Doctorum primæ notæ, & simul ex errore putaret, opinionem benignam faventem pueris esse improbabilem, concedo; & simul putaret, opinionem benignam esse probabilem, ut re vera est, nego primam, & secundam consequentiam. Sicut potest quis ex errore putare, esse illicitum conferre Baptismum etiam pueris recentiter natis, in quo casu peccaret baptismum iis conferendo, quia operaretur contra ultimum dictamen conscientiam erroneæ; ita potest quis ex errore putare, esse improbabilem sententiam, quam propugnāvimus, docentem posse pueris in utero conferri valide Baptismum, si possint abluī; & in hoc casu nihil mirum, quod peccaret baptismum conferendo. At si putet, opinionem hanc benignam nimis validis rationibus, & gravi auctoritate Doctorum esse probabilem, peccaret contra charitatem non accomodando se huic opinioni ad liberandos, quoad ejus fieri potest, pueros illos ab originali, atque adeo à pœna damni æterni.

Instabis: saltem Probabiliorista citra errorem peccaret accomodando se huic opinioni benignæ, si putaret, hanc opinionem benignam esse minus probabilem; cum Probabiliorista doceat, non licere sequi opinionem minus probabilem in conspectu probabilioris; ergo recurrit, quod citra culpam, & citra errorem possit aliquis non conferre his infantibus Baptismum sub conditione.

Resp. distinguo antecedens, si per errorem putaret certum esse, quod non liceat sequi opinionem minus probabilem relicta probabiliori, concedo; si solum putaret id esse probabilius, & simul probabile esse, quod liceat sequi opinionem minus probabilem in conspectu probabilioris, nego antecedens, & consequentiam. Probabiliorista, nisi decipiatur, solum potest opinari, quod sit probabilior sententia obligans ad

magis probabile, quin possit asserere, quod sententia opposita careat sua probabilitate; atque adeo ad liberandos pueros ab æterna pœna damni non solum potest, sed etiam debet accomodare se huic nostræ opinioni benignæ, baptizando illos sub conditione, si citra grave incommodum potest illos abluere, quando imminet periculum mortis.

QUÆSTIO VIII.

An possit homo per operationes naturales ad Gratiā se disponere, sive positive, sive saltem negative?

1. **D**ispositio ad gratiam multipliciter contingere possit per opera naturæ. Primo si homo bonis operibus naturalibus causaret gratiam physice. Secundo si moraliter; videlicet merendo aut condigne, aut de congruo auxilia supernaturalia gratiæ, aut si opera naturalia haberent vim impetrandi gratiam; ita scilicet ut Deus ad conferendam gratiam non moveretur ex indigentia, & miseria ponctis opera naturalia; sicut dives movetur ad dandam elemosinam ex indigentia pauperis illam petentis; sed moveretur ex merito ipsarum precum, juxta illud: *Omne debitum dimisi tibi, quoniam rogasti me*: Hæc enim impetratio sic explicata ex Augustino apud Lugo de Fide disp. 12. num. 31. non est sine omni merito. Tertio, si operationes naturales sint mera dispositio moralis positiva importans connexionem cum gratia suadatum in quadam congruitate distincta à quovis merito, & exigentia. In hoc enim differt Meritum à morali dispositione, quod illud importet obsequium præstitum in honorem, vel commodum præstantis; hæc vero importet solum coactionem ad bonum, ad quod disponit, præciso quovis obsequio: Sicut doctrina, & probitas hominem coaptant ad dignitates in Republica assequendas, quamvis nullum obsequium præstiterit aut Principi, aut Reipublicæ, ut videre est apud Ripal. disp. 18. Denique si opera naturalia essent dispositio negativa importans connexionem cum gratia ex mero extrinseco Dei decreto, ac liberalitate, qua voluit facienti quod in se est viribus naturæ conferre gratiam; quamvis etiam illam conferat pluribus aliis non facientibus quod est in se.

II. Certum est 1. opera purè naturalia
non

non posse esse causam physicam gratiæ, quia gratia est altioris ordinis: Nec possunt esse conditio physica ad productionem gratiæ requisita, quia, nec sunt conditio ex parte Dei: producentis, cum Deus agens perfectissimus nulla indigeat conditione ad producendum; neque sunt conditio ex parte Subjecti gratiam recipientis, quia independentem ab operibus naturæ potest anima elevari obedientialiter ad gratiâ recipiendam.

Certum est secundum, opera naturalia non esse causam moralem gratiæ; neque enim illam merentur de condigno, ut est de fide ex Tridentino. sess. 6. cap. 16. ubi dicitur: *Christus Dominus tanquam caput in membra, Et tanquam visus in palmis in ipso justificatos jugiter virtutem infundere, sine qua bona eorum opera nullo pacto Deo grata, Et meritoria esse possunt.* Et ratio est, quia ut opus sit condigne meritorium, debet esse ejusdem ordinis cum præmio. Neque merentur illam de congruo, aut impetrant impetratione strictæ dicta importante aliquod meritum; quod pariter tenetur de fide ex eodem Tridentino, & Arausicano 2. can. 3. desinientibus contra Massilienses: *Opera naturalia non esse initium aliquod imperfectum ex parte nostra, quod Deus sua gratia juvet, promoveat, Et perficiat.* Et ratio est, tum quia Jo. 15. dicitur: *Sine me nihil potestis facere*; ubi August. addit: *Non ait, Sine me nihil potestis perficere, sed facere; Nam si perficere dixisset, posset illi dicere, non ad incipiendum bonum, quod à nobis est, sed ad perficiendum adjutorium esse necessarium*; Tum etiam quia opus gratiæ est opus omnino gratuitum, & indebitum: ergo excludit omne meritum etiam de congruo; cum de ratione meriti sit quoddam debitum & exigentia; unde Apost. ad Roman. 11. dixit: *Si autem gratiam, jam non ex operibus aliquin gratia jam non est gratia.*

III. Dubitatur itaque solum; An opera naturalia possint esse quædam moralis dispositio ad gratiam sive positivam, sive saltem negativam? Quam unice videntur admittere Suar. t. 2. de Gratia lib. 4. cap. 15. Valent. Lessius, Pallav. de Gratia, & alii apud Ripal. loc. cit. Quæ de re plures Congregationes habitæ fuerunt coram Clemente VIII., & Paulo V. coram quibus isthæc Molinæ doctrina ad trutinam revocata fuit, eo quod videbatur favere errori Massiliensium, qui docebant, *Initium justitiæ, Et salutis esse ex nobis per voluntatem credendi, Et pie vivendi solis liberi arbitrii viribus elicitam; Et per orationem, ac præstitionem au-*

nili ad id necessarij pure naturalem, ut notat Platelius n. 487:

Et sanè. Quod Deus de facto omnibus omnino adultis det gratiam sufficientem, quæ possint ad fidem, & ad salutem pervenire, quamvis non solum non disponantur per bonas operationes naturales, sed etiam positive indisponantur per peccata, est omnino certum; præsertim post propositionem quintam damnatam ab Alex. VIII. quæ dicitur *Velutis Paganorum, Et Hæreticorum esse nuda, Et inanis sine omni gratia sufficienti.* Querimus igitur, An sicut per peccatum homo demeretur sufficientiam moralem ad salutariter operandum, quamvis non proinde careat sufficientia physica, seu gratia insufficienti; ita pariter per bonas operationes viribus naturæ elicatas aliquatenus disponatur ad gratiam recipiendam sive positive, sive saltem negative, prout explicavimus?

IV. Dico primo. Nequit homo viribus propriis positive se disponere ad gratiam; per hoc scilicet quod operationes naturales connexionem habeant, cum gratia fundatam in congruitate condistincta à merito, & exigentia. Ita communiter.

Probat, tum quia ad Roman. 11. dicitur: *Si ex operibus gratia, jam non est gratia*; ergo non potest gratia auxilians dari intuitu operum naturalium, tanquam positive disponentium ad illam; tum etiam quia si opera naturalia disponent positive ad gratiam, haberent rationem meriti congrui; quod repugnat. Probat sequela, quia, nisi fiat lis de vocabulo, quoties bonum aliquod confertur intuitu alicujus operis honesti, seu obsequij præstiti, toties tale obsequium habet rationem meriti: relate ad tale bonum, dicente Apostolo ad Rom. 4. *Hi, qui operantur, merces non imputatur secundum gratiam, sed secundum debitum*; atqui si opera naturalia haberent rationem dispositionis, Deus Gratiam conferret intuitu operum naturalium: ergo hæc eo ipso haberent rationem meriti, si minus condigni, saltem congrui. Nam idcirco dicunt Adversarii, Deum in collatione Gratiae attendere bona opera naturalia, quia congruum est iis addere gratiam: ergo haberent rationem meriti congrui; atque adeo essent, & non essent in diverso ordine Natura, & Gratia.

Confirm. quia Massilienses, ut ostendi t. Amic. disp. 16. sect. 10. n. 408. nunquam dixerunt, opera naturalia mereri gratiam de congruo, sed solum dixerunt, quod præ-

cedant Gratiā, tanquam initium aliquod imperfectum ex parte nostra, quod Deus deinde sua gratia promoveret, ac perficeret; *Ne penitus dormiant*, ut loquitur Cassianus Antesignanus Sempelagianorum collat. 13. c. 13. *aut inerti otio dissoluto sua dona conferre videatur*. Et adversus hos Haereticos Arausicanus damnat has propositiones, vid. Can. 6. *Sine auxilio Gratia credentibus, volentibus, conquantibus, &c. adiungitur Gratia*; & Can. 25. *In opere bono nos incipimus, & postea per Dei misericordiam adjuvamus*. Ex quibus propositionibus inferitur, opera naturae non solum non posse gratiam mereri de congruo, sed neque posse esse initium gratiae, nec dispositionem moralem ad gratiam: Imo hinc arguunt Patres contra Massilienses, non posse esse dispositiones morales, quia haberent rationem meriti, quod repugnat.

V. Dico secundo. Neque possunt esse opera naturalia dispositio ad gratiam merè negativa, quatenus Deus ex mera sua liberalitate non ponentibus obicem peccati, & bene operantibus infallibiliter sit gratiam daturus, absque ulla operum naturalium intrinseca connexionione, exigentia, & conducentia; sed quia libere iis, tanquam conditionibus, gratiam alligavit; quamvis etiam ponenti obicem saepissime gratiam conferat. Ita Ripal. loc. cit. contra Suar., Valent. Lorcam.

Probatur iisdem rationibus; tum quia si opera naturalia disponent negative ad gratiam, eo ipso haberent rationem meriti congrui, nisi sit de voce; nam eo ipso, ac intuitu boni operis, confertur bonum (quia sc. congruum est potius illud dare bene, quàm male operanti) huiusmodi opus habet rationem meriti congrui; etenim ex Apost. *Et, qui operatur, merces non imputatur secundum gratiam, sed secundum debitum*; tum etiam, quia si opera naturalia disponent negative ad gratiam, verè essent propositiones adductae damnatae à Concilio Arausicano contra Massilienses.

Confirm. Si homo posset disponere se ad gratiam negative, vel Deus exigeret bonas operationes naturales, tanquam conditionem conducentem ad gratiam, vel tanquam conditionem omnino impertinentem; perinde ac si exigeret actum moralem indifferentem, aut peccatum veniale, tanquam conditionem ad conferendam gratiam. Si dicatur primum, jam opera naturalia non sunt dispositio negativa nullam importans conducentiam relative ad gratiam,

sed sunt dispositio positiva; si dicatur secundum, gratis omnino, & inopinabiliter dicitur; ergo opera naturalia neque possunt esse dispositio negativa, ut Gratiae auxilium à Deo conferatur ad salutariter operandum.

Confirm. secundo; Hinc enim sequeretur, quod si quis per magnam vitae partem esset satius, & deinde in mentem sanam rediret, deberet statim gratiam accipere; quia esset negative dispositus, cum non posuerit obicem; quod pariter sine fundamento asseritur. Idemque dicas de eo, qui per longum tempus ex motivo indifferenti, aut leviter malo moveretur ad non peccandum graviter.

VI. Dico tertio: potest homo viribus propriis ad gratiam se disponere tantum indirectè, & remotè; quatenus per habitum acquisitum virtutis moralis potest se disponere ad facilius, promptius, intensiusque cum gratia operandum. Ita Amic. disp. 26. num. 432. & hoc dumtaxat voluisse Molinam in sua Concordia, dicemus quaestione sequenti.

Probat. Quia ex Augustino de bono perseverantiae cap. 4., nobilior, ac praestantius ingenium cum gratia est aptius, ceteris paribus ad melius intelligenda, penetranda, & credenda mysteria fidei: ergo etiam nobilior potentia volitiva cum eadem gratia est aptior, ceteris paribus, ad perfectiores actus supernaturales ponendos: ergo etiam voluntas praedita habitibus moralibus cum gratia est aptior ad perfectius operandum; quandoquidem ad melius operandum magis conducit habitus acquisitus, quàm potentia perfectior.

Confirm. Voluntas praedita habitibus virtutum moralium, ceteris paribus, facilius, & intensius operatur, quàm si careat his habitibus; ergo etiam voluntas adjuncta principio supernaturali facilius, & intensius ponit actus supernaturales, si sit praedita habitibus moralibus, quàm si his careat. Probat. consequentia quia voluntas adjuncta principio supernaturali, intensius operatur actus supernaturales, si magis conetur; ergo cum habitus morales acquisiti aequivalent majori conatui voluntatis (quandoquidem voluntas cum habitu, ceteris paribus, majorem conatum exercet, quàm sine habitu in operando) sequitur, quod voluntas adjuncta principio supernaturali facilius, & intensius operetur actus supernaturales, si sit praedita habitibus moralibus, & consequenter cum possit viribus na-

naturæ acquirere habitus morales, poterit sic indirecte, & remote se disponere ad gratiam, hoc est ad facilius, & intensius cooperandum cum gratia.

VII. Objic. primo contra primas Conclusiones: Proverb. 16. dicitur: *Homini est preparare, & Domini gubernare linguam*: ergo opera naturæ disponunt ad Gratiam.

Confirm. primo, quia frustra essent adhortationes, & orationes, si non solum perfectio, sed etiam initium salutis à solo Deo penderet. Secundo *Non est acceptor personarum Deus*, ut dicitur Act. 10. offert autem personarum acceptor, si uni præ altero Gratiam conferret, non expectata prius bona operatione. Tertio, quia potest aliquis initium salutis impetrare alteri; ut D. Stephanus impetravit D. Paulo ex consensu PP. ergo poterit illud à fortiori impetrare sibi.

Respond. Præparari voluntatem hominis vi gratiæ prævenientis, & non per meras operationes naturales, ut notat Augustinus dicens: *Dominus admonet, ut preparemus voluntatem, & tamen ut hoc faciat homo, adjuvat Deus*.

Ad primam confirm. Adhortatio vel est prima Dei vocatio externa, cum qua Deus solet conjungere internam, vel supponit gratiam vocationis, & excitat hominem, ut cum ea ulterius proficiat; unde nunquam est frustra; sicut nec oratio, quæ semper supponit gratiam vocationis, sine qua nemo potest orare, sicut oportet, ex Aracano can. 3. Ad secundam, acceptio personarum opponitur iustitiæ distributivæ, quæ respicit distributionem bonorum communium, quæ scilicet distribui debent in bonum communis; At Deus non bona communia, sed bona propria distribuit absque ullo debito, cui maluerit. Unde dicitur Matth. 10. *An non licet mihi facere, quod volo?* & D. Petrus Act. 13. dicens: *In veritate comperi, quia non est personarum acceptor Deus, sed in omni gente, quæ times eum, & operatur iustitiam, acceptus est illi*, loquitur de Gente, quæ timet Deum, ex præveniente gratiæ auxilio, non ex viribus naturæ. Ad Tertiam distinguo antecedens: potest aliquis existens in gratia promereri, aut impetrare alteri initium salutis, concedo: non existens in gratia, nego antecedens, & consequentiam.

VIII. Objic. secundo. Deus de facto juxta communionem sententiam cum D. Th. p. 4. quæst. 62., art. 6. Angelis perfectioribus

in natura dedit dona gratiæ uberiora, ut diximus quæst. penultima de Angelis; tum quia juxta celebre effatum, Gratia solet accommodare se naturæ; tum etiam, quia hoc videtur expostere ordo sapientissimas distributionis: & tamen ex hoc non sequitur, quod dona gratiæ amittant rationem Gratæ: ergo pariter dicendum, de facto Deum alligasse gratiam bonis operibus naturalibus, quin sequatur, gratiam amittere rationem gratiæ.

Respond. concessio antecedente, nego consequentiam. Disparitas est, quia natura Angelorum est opus Dei, bona opera naturalia sunt operationes creaturæ: Deus distribuendo gratiam proportionaliter ad opera sua, sapiens operatur, donatque gratiam operi ipsi suo omnino liberaliter; at distribuendo gratiam juxta opera bona moralia creaturarum non donat gratiam operi suo, sed alieno; atque adeo non dat gratiam omnino liberaliter, sed veluti ex debito, seu ex merito; quandoquidem ut diximus ex Apostolo, *Ei, qui operatur, merces non imputatur secundum gratiam, sed secundum debitum*. Quam disparitatem videtur expressisse D. Th. loc. cit. ad secundum; ubi dixit, quod actus naturales creaturæ sunt ab ipsa, sed natura est immediate à Deo: unde magis videtur, quod gratia detur secundum gradum naturæ, quam ex operibus.

Neque dicas, D. Thom. admisisse tum quæst. 14. de Veritate, tum secundo Sent. dist. 27. quod possit homo viribus naturalibus ad gratiam negative se disponere, tanquam removendo prohibens; hoc est impediendo culpas, quæ prohibent collationem gratiæ.

Nam licet aliqui putent, D. Th. id affirmasse iis locis, & quod deinde in Summa cecinerit palinodiam; verius dicendum cum aliis, Angelicum solum docuisse, quod opera naturalia ex carentia obicis disponant ad gratiam solum indirecte, & remote, ut explicavimus in 3. Conclusionem; Quicquid sit, Utrum in alia providentia possit homo viribus propriis se disponere negative ad gratiam; quod nonnulli affirmant apud Ripal. disp. 18. Probabilius tamen negandum ex illo Apostol. *Ei, qui operatur, merces non imputatur secundum gratiam, sed secundum debitum*.

IX. Ex dictis sequitur 1. Deum volentem omnes homines salvos fieri, decrevisse pro omnibus omnino, sive bene operantibus viribus naturæ, sive pessime auxiliis sufficiens ad salutem; Aliiter voluntas salvanda

di omnes effect augustinus: proinde Barbaris etiam, & eunivertis in sylvis conferuntur hujusmodi auxilia; quatenus statim ac Deum cognoscant lumine naturali, illustrantur pariter lumine supernaturali, ut Deum ipsum cognoscant, & fidei honestatem, unde possint ad fidem pie affici, illamque exoptare. Quod si huic gratiæ cooperentur, tunc Deus non denegabit ulteriorem gratiam, qua actū credentis fidei stricte dicta, & sic ad justificationem se disponant, & ad salutem. Quare ante actum fidei stricte dictæ admitti debet in Gentilibus gratia supernaturalis, qua velint fidem exoptare, & amplecti: quia Fides in tantum est meritoria, in quantum est libera; atque adeo ante fidem, quæ est actus intellectus, admitti debet actus liber voluntatis, qui sit pia affectio ad fidem, quo actū supernaturali fidem Gentiles exoptent, & amplectantur; ut dicemus in de Fide disp. 3. qu. 2. Non est tamen admittendum ante fidem stricte dictam, ullum aliud meritum supernaturale, quia ex Trident. sess. 7. c. 7. *Fides est humana salutis initium, & radix justificationis.*

Neque dicas cum Lugo, nos communiter suadere Turcis, ac Gentilibus, ut Deum orant ad hoc, ut illuminentur ad fidem suscipiendam; ergo oratio ista videtur esse etiam supernaturalis; non secus ac pia affectio ad fidem. Nam cum communiori dicendum contra Lugo, orationem istam non esse supernaturalem, atque adeo non mereri fidem de congruo; aliter initium salutis non esset ipsa Fides, in quantum libere posita, sed esset hujusmodi oratio; quod est contra Trident. Quapropter oratio illa, jejunia, eleemosynæ, & aliæ virtutes morales in Turca non deserviunt ad fidem promerendam, sed solum ut indirecte disponatur ad facilius credendum, & cooperandum gratiæ. qui enim habet virtutes morales, & caret habitibus vitiosis, facilius gratiæ cooperatur.

X. Sequitur 2. Nullum adultum damnari sine proprio peccato personali; communissime enim Patres & Theol. docent, hoc nobis Christum Deum meruisse. Quare si Barbarus primæ gratiæ, qua ad fidem allicitur, cooperatur, fidem obtinebit, & sic ad justificationem se disponet; secus vero peccat, & propter hujusmodi peccatum ætiale detruditur ad inferos, & interim decedat.

Neque dicas, quod si Barbarus illustratur lumine supernaturali ad cognoscendum

Deum, velic credere, non semper in promptu habet Prædicatorem, à quo instruitur; ergo falsum est, quod Deus non deneger gratiam suam ad fidem amplectendam illi, qui primæ gratiæ supernaturali cooperatur. Nam contra est, quia ut diximus quæst. 5. ex Vasq. si Deus previdisset, hunc Barbarum primæ gratiæ prævenienti cooperaturum, ita res creatas disposuisset, ut ibi citra miraculum assuturus esset concionator. Adde, quod aliquando Deus vel per ipsum, vel per Angelos homines instruat, quamvis hoc, utpote præternaturale, sit peccatum, ut notat Aug. lib. de bono perseverantiae, cap. 10. apud Mærat. disp. 5. cap. 5. ubi hæc habet. *Paucissimi est donatum, ut nullo sibi predicante per ipsum Deum, aut per Angelos doctrina salutis exhibeatur.*

QUÆSTIO IX.

Quomodo intelligendum sit Axioma illud: Facienti quod in se est. Deus non denegat Gratiā?

LEX hæcenus dictis facile intelligitur, in quosensu usurpandum hoc axioma.

Dico igitur 1. non esse verum in eo sensu, quod Deus facienti quantum est in se per vires naturales, non deneger gratiam; sive opera naturalia dicantur mereri de congruo gratiam, sive ad illam disponere, aut positive, aut negative. Ita communiter cum Tann. disp. 6. sect. 3. Aldrete disp. 17. de Providentia sect. 7. qui fuisse ostendunt, in hoc sensu usurpatum fuisse à Semipelagianis hoc axioma.

Prob. 1. axioma in hoc sensu verum esset, non vitaretur, quo minus gratia amitteret rationem gratiæ; dicente Apostolo ad Rom. 11. *si autem gratia, jam non ex operibus; alioquin gratia jam non est gratia.* & ad Rom. 4. *Ei qui operatur, merces non imputatur secundum gratiam, sed secundum debitum;* ergo non est verum in hoc sensu.

II. Dico 2. In eo sensu axioma verum habet, quod scilicet Deus facienti quantum est in se per vires gratiæ prævenientis, & vocantis, non deneger ulteriorem gratiam, quousque ad justificationem, & salutem perveniat: Ita Auctores laudati, & hoc videtur expressisse Aug. qui lib. 3. de prædestinatione Sanctorum quæst. 5. hæc habet:

F. solv.

Solent dici: Ideo credere miris, quia vir bonus erat, antiquam crederet; quod de Cornelio dici potest, cuius necepsa erat. Cernimus, et eandem orationem, antequam credidisset in Christum: nec tamen sine aliqua Fide donabat, et orabat; Nam quomodo invocabas, in quem non crederas? sed si posset sine fide Christi esse saluus, non ad eum adificandum mitteretur Archiepiscopus Apostolus Petrus. Quare ex Augustino. fidem Christi solent præcedere bona opera, non quidem naturalia, sed procedentia ex fide supernaturali Dei Remuneratoris, quæ ad fidem Christi necessariam ad salutem disponant.

Prob. Conclusio. Non potest esse sensus illius axiomatis, quod Deus conferat auxilia gratiæ facienti quantum est in se viribus naturæ, seu intuitu operum naturalium, ut jam ostendimus; ergo sensus esse debet, quod non denegat gratiam ulteriorem facienti quod est in se, viribus primæ gratiæ prævenientis.

Confirm. ex Patribus, & Conciliis: Fulgen. in Epist. ad Theod. habet: Ipsa namque Gratia incipit infundi, ut incipias posci; ipsa quoque amplius infunditur, cum poscentibus datur. D. Bernard. de Gratia, & lib. Arb. Omnes nostri conatus ad bonum & casti sunt, si à gratia non adjuvantur, & nulli, si non excitantur. Hoc etiam expressit Trid. sess. 6. cap. 7. dicens: Cum dicitur Convertimini ad me, & ego convertar ad vos, libertatis nostra admonemur; cum respondemus, converte nos Domine ad te, & convertemur, Dei nos gratia præveniri confitemur.

III. In hoc sensu locutum esse Molinam in sua concordia, fuisse ostendit idem Aldrete, ut propterea immerito contra illum tragædiæ fuerint excitatæ coram summis Pontificibus; perinde ac si voluisset, gratiam esse naturæ pedissequam, juxta hæresim Mallilienam. nunquam enim Molina docuit, quod prius homo faciat quod est in se viribus naturæ, & deinde Deus conferat gratiam; quia sic aliquo pacto natura se ad gratiam disponeret, & Deum excitaret ad gratiam conferendam. Docuit solum, quod quoties conflurgant cogitationes naturales ad bene operandum, Deus simul gratis concedat in præsentem providentia ex meritis Christi Domini illustrationes supernaturales, quia semper stat ad ostium, & pulsat; si quis autem his illustrationibus adjutus faciat quantum in se est, ulteriorem gratiam obtinebit, quousque ad gratiam habitualem, & Gloriam perveniat.

IV. Ex dictis sequitur, minus apte ali-

quos cum Scoto, Gabr. Pallav. de Gratia hac in re distinguere inter gratiam sufficientem, & efficacem, dicendo, quod facienti quantum est in se viribus naturæ detur gratia sufficiens, non efficax: cum enim utraque gratia sit supernaturalis, neutra confertur intuitu operum naturalium. Quod autem gratia actualis auxilians, etiam si non sit efficax, sed mere sufficiens, sit intrinsece supernaturalis, constat, quia simul cum voluntate potest causare actum salutarem intrinsece supernaturalem; ergo cum supernaturalitas actus salutaris non præcontineatur in voluntate, præcontineri debet in auxilio sufficienti. Hinc secunda ad Cor. 3. dicitur: Non quod sufficienter finis cogitare aliquid ex nobis, quoniam ex nobis, sed scientia nostra ex Deo est; & Trid. sess. 3. can. 3. Si quis dixerit, sine prævenienti Spiritus Sancti, adjutorio hominem credere, sperare, diligere, & punire posse, sicut oportet; ut ei justificationis gratia conferatur, anathema sit. Præterea quod actus salutaris sit intrinsece supernaturalis, ex eo etiam constat, quia causat principaliter saltem meritorie gratiam, & gloriam, quæ toti naturæ est indebita. Nam vel actus salutaris antecedit justificationem, ut est contritio peccatoris, & meretur gratiam de congruo, & vel subsequitur, & meretur augmentum gratiæ, & gloriæ de condigno; atque adeo positis actibus salutaribus, est illis debita gratia, & gloria; non secus ac est debita forma subiecto disposito. Dispositio autem quamvis differre possit genere à forma, ad quam disponit, ut calor differt genere à forma ignis, & organizatio corporis ab anima; at non potest differre ordine, quia differre ordine importat nullam habere proportionem, adeo ut nec vage, nec determinate ab eo, quod est in ordine inferiori, exigatur quod est in superiori; ergo actus salutes cum disponant ad gratiam, & gloriam, illamque mereantur, non possunt non esse in eodem ordine, atque adeo intrinsece supernaturales.

V. Adde demum, Axioma illud in hoc alio sensu habere etiam legitimam explicationem, si dicatur, quod Deus ponenti bonam operationem supernaturalem vi gratiæ actualis, ultimò disponentem ad gratiam habitualem justificantem, infallibiliter hæc gratiam sit collaturus. Ratio est, quia Deus in ordine gratiæ accommodat se naturæ; atqui in naturalibus post ultimam dispositionem statim forma introducitur; ergo etiam post ultimam dispositionem ad

gratiam iustificantem statim hæc introdu-
citur, & consequenter etiam in hoc sensu
axioma illud verificatur..

Ac denum, Num auxilium inefficaciter des-
tur qua inefficax?

DISPUTATIO II.

De Gratia Auxiliante, prout sub-
stat Divinis Prædefinitionibus..

AD intelligendam gratiæ auxiliariæ ef-
ficacitatem oportet illam considera-
re, pro ut substat prædefinitionibus Divinis,
sive scientiam mediam consequentibus, si-
ve antecedentibus; sic enim constabit, quo-
modo conciliari possit infrustrabilitas Divi-
næ voluntatis: efficaciter intendentis con-
sensum liberum, & prædestinantis creatu-
ras cum libertate voluntatis creatæ; ap-
parebitque, quomodo scientia media ita sit
necessaria divino intellectui; cui omnium
omnino objectorum debetur notitia, ut sit
etiam necessaria ad salvandam efficaciam divi-
næ gratiæ; & infrustrabilitatem divinæ
prædefinitionis actum liberum intendentis.
Cum enim nequeat Deus efficaciter velle
actum liberum creaturæ: per physicam præ-
determinationem, quam supponimus libe-
ratis everfivam, (sicut etiam libertatem
actus evertit decretum concomitans Scoti-
cum, & prædefinitionis actus antecedens scien-
tiam mediam, ut mox ostendemus) sequi-
tur, non posse Deum aliter consensum libe-
rum infallibiliter obtinere, nisi conferendo
auxilium, quod per scientiam mediam præ-
visum fuit efficax, cum non possit non fo-
re, quod prævisum est futurum, si tale
auxilium indifferens conferatur. Ex quo et-
iam fit, quod Deus discernat Electos à Re-
probis per hoc, quod Electis præter auxi-
lium sufficiens, quod etiam Reprobis con-
feratur, conferat eis specialiter benevolentia
auxilium prævisum efficax; unde non so-
lum operari possint, sed etiam de facto o-
perentur. Queremus itaque primo, an,
& quomodo prædestinantur à Deo tum ef-
fectus necessarii, tum actus liberi? Secun-
do, Utrum in omni providentia: necessaria
sit prædefinitio actus boni? Tertio, Num præ-
ficiendo actum honestos Deus conferat auxi-
lium efficax ut efficax? Præterea, Num præ-
definitio actus liberi sive consequens, sive
antecedens scientiam mediam, adimat li-
bertatem actus prædefiniti? An Deus præ-
destinat materiale peccati? Num peccati ma-
teria consistat in positivo, an in negativo?

QUÆSTIO I.

An, & quomodo Deus prædestinat
tum effectus necessarios, tum a-
ctus liberos honestos?

Premittendum 1. plures esse actus
voluntatis Divinæ. Primus dicitur
Amor, seu simplex complacentia obje-
cti, quæ consistit in quadam affectiva æsti-
matione voluntatis, præcindens ab existen-
tia, vel non existentia objecti. Sicut enim
simplex apprehensio neque affirmat objectum,
neque negat, ita simplex complacentia ne-
que vult objectum esse, neque non vult;
idemque dicas de simplici displicentia, quæ
simplici complacentiæ opponitur. Secundus
actus divinæ voluntatis est desiderium, seu
voluntas, ut res existat; quod si versetur
circa finem, dicitur intentio, si circa me-
dia ad finem conducentia, dicitur Electio.
Huic actui opponitur Fuga, seu nolitio exi-
stentiæ rei. Tertius dicitur complacentia
de re existente, puta de actibus honestis;
Cui opponitur displicentia de existentia
objecti, puta de peccato..

Premittendum 2. voluntatem faciendæ
rei in Deo vel esse efficacem, quæ scilicet
effectum habet; vel inefficacem, quæ
non habet. Rursus voluntas Dei efficax
alia est efficax ab intrinseco, habens scilicet
intrinsecam & essentialiam connexionem
cum effectu sive immediatam, & ratione
sui, sive mediatam, & ratione alterius;
alia est efficax ab extrinseco, quæ
scilicet cum effectu connectitur, inde-
pendenter à prædicato ullo sibi intrinseco.

Premittendum ult. nomine prædefinitio-
nis venire voluntatem efficacem rei facien-
dæ, atque adeo connexionem essentialiter cum
effectu; quæ aliquando est absoluta, nul-
lam expectans conditionem, aliquando est
conditionata, quæ effectum non trahit,
quousque ponatur conditio. His positis,
Querimus, An, & Quæ sit prædefinitio
tum effectus necessarii, tum actuum honesto-
rum? In texta enim questione quære-
mus, An peccatum prædestinatur saltem
quoad ejus materiale?

II. Prima Conclusio. Effectus pendens à
solo Deo, & nullatenus à libertate creatæ,
cadit sub prædefinitionem Dei absolutam.

ita ut aequat poni citra hujusmodi præviam prædefinitionem.

Prob. quia hujusmodi effectus, v. gr. existentia Angelis, poni nequit, nisi per voluntatem Dei; atqui non per voluntatem Dei indifferentem, ut patet; ergo per voluntatem Dei prædefinientem absolutam.

Dices: potest Deus concurrere ad actum liberum creature, v. gr. ad peccatum, absque ulla prædefinitione; ergo etiam potest ponere Angelum absque prævia prædefinitione.

Confirm. Voluntas creata determinat se ad amorem absque prædefinitione prævia; ergo etiam Deus potest Angelum ponere absque prævia prædefinitione.

Resp. concessio antecedente, nego consequentiam. Nam in primo casu voluntas creata determinaret se ad agendum, videlicet ad peccatum; In secundo casu non nisi Deus potest sua voluntate determinare existentiam Angeli.

Ad Confirm. nego pariter consequentiam; quia cum amor sit actus voluntatis, non indiget actu alio voluntatis prævio, quo determinetur ad existendum: Angelus vero non est actus Divinæ voluntatis, & ideo indiget prædefinitione prævia, ut ponatur.

Quod dictum est de existentia effectus independentis à libertate creata (quod scilicet per prædefinitionem divinam absolutam ponatur) dicendum etiam primo de non existentia effectus hujusmodi; puta de non existentia alterius Mundi, cum non possit aliter determinari alius Mundus ad non existendum, nisi per voluntatem Dei prædefinitivam absolutam, qua efficaciter Deus vult, alium Mundum non existere; & ideo in Scripturis tam existentia rerum, quam non-existentia tribuitur Dei voluntati. Supponimus autem ex dictis in de Actibus Humanis disp. 6. quæst. 5. puram omissionem liberam repugnare, ac præsertim in Deo; unde non potest alterius Mundi non existentia haberi per puram Dei liberam omissionem circa illud, sed haberi debet per positivam volitionem illius, seu per prædefinitionem talis non existentis.

Secundo hoc item dicendum etiam de effectui necessario causæ secundæ omnino independentis à libertate creata, puta de existentia lucis, posito Sole; quandoquidem hic pariter effectus à voluntate divina determinatur ad existendum. Si tamen effectus aliquis necessarius, sive solius Dei, sive causarum secundarum aliquando

pendeat à libertate creata; tunc vel potest prædefiniri à Deo absolute, vel conditionate: quando enim conditio potest ipsa etiam prædefiniri, tunc effectus hic prædefinitur absolute, ut infusio gratiæ in peccatore, posita contritione, vel infusio gratiæ in infante, posito quod baptizetur. Quando vero conditio prædefiniri non potest, tunc prædefinitur solum conditionate, puta; si prædefiniatur auxilium sufficiens ad resurgendum, posito peccato, quia scilicet peccatum, quod est conditio, præfiniri non potest.

Tertio item dicendum de non existentia necessaria effectus liberi, v. g. de non existentia necessaria liberæ conversionis Tyriorum. Ratio est, quia in tantum ista non existentia conversionis liberæ Tyriorum potest esse necessaria, inquantum vel non existit causa talis conversionis, puta voluntas Tyriorum, vel inquantum causa non est completa ad agendum; atqui Deus voluntate sua efficaci determinat absolute, vel quod non existat hujusmodi causa, vel quod non compleatur ad agendum; ergo per prædefinitionem Dei absolutam habetur non existentia necessaria effectus liberi.

III. Secunda Conclusio: Actus liberi honesti præfiniri possunt à Deo absolute. Ita communiter contra nonnullos apud Vasq. l. p. disp. 99. cap. 5. nam. 3a. putantes, ex tali præfinitione tolli libertatem actus præfiniti.

Prob. primo ex Scripturis: Proverb. 11. dicitur: *Cor Regis in manu Dei, quocunque volueris inclinabis illud*; Estheris 13. *In disione tua cuncta sunt posita*; Non est qui possit resistere voluntati tue. Hinc August. in Enchirid. cap. 98. *Desperare, ait, & impedire desperare qui negat, Deum malas hominum voluntates, quas voluerit, quando voluerit, & ubi voluerit, in bonum posse convertere*.

Prob. secundo ratione, quia ad Dei dominium erga creaturas spectat, posse ab illis obtinere actus etiam liberos, quos voluerit, ut ostendimus disp. antecedenti, quæ. 2.; ergo potest Deus absolute præfinire actus bonos honestos; neque enim obstat eversio libertatis, ut infra ostendemus quæ. 4. Circa actus vero liberos malos, quod solum præfiniri à Deo possunt, non præfiniri, dicemus postea, quia scilicet obstat bonitati divinæ illos intendere, seu velle, ac præfinire.

IV. Tertia Conclusio. Actus liberi honesti de facto ab æterno non solum præfiniti sunt à Deo, sed etiam præfiniti, & efficaci-

faciter decreti determinate in particulari cum omnibus suis circumstantiis. Ita etiam communiter.

Prob. Primo auctoritate Patrum, & Scripturarum apud Ruiz de Providentia disp. 9. sed. 3. præsertim D. Prosperi, dicentis: *Dubium non est, Deum & præscire simul, & prædestinasse quæ ipso erant audire facienda, vel quæ malis meritis iusto erant iudicio retribuenda: præscire autem, & non prædestinasse, quæ non ipso erant causam operationis habitura.* Hinc illa. 45. dicitur: *Sanctus Israel Plaster ejus*, hoc est operum bonorum Deus est figuræ, prædestinatio illa per decretum absolutum efficax, non vero per velleitatem, aut voluntatem conditionatam, quæ communis est præcisiis, & electis; & Psal. 31. apertius dicitur: *Qui finis spem illam corda hominum: hoc est, ut explicat August. cogitationes, & voluntates.*

Probatur secundo, quia Deus est Prima causa per se, & ex efficaci intentione omnis boni: ergo omne, quod est simpliciter bonum, Deus causat per se, & ex intentione, ac voluntate efficaci illud causandi. sed actus liberi honesti creaturarum sunt simpliciter boni: ergo causantur ex efficaci divina absoluta prædeterminatione.

Confirm. Nequit capillus nasci, quin Deus illum efficaciter prædestinat, ac velit nasci, juxta dicta in prima Conclusionem; ergo à fortiori id dicendum de actibus liberis honestis, quippe qui sunt bonum præstantius.

Confir. secundo ex gratitudine, ad quam instinctu naturæ inclinatur erga Deum, gratias agendo non solum, quod dederit nobis posse benefacere, sed etiam quod dederit ipsum benefacere; atque adeo non solum est Dei beneficium actus primus proximus ad bene operandum, sed etiam ipsa bona operatio; atqui non esset Dei beneficium bona operatio, nisi illam præfinitur efficaciter: seu si vellet nobis solum dare actum primum proximum ad bene operandum; ita ut bona operatio consequens nobis tribueretur, non voluntati divinæ præfinitenti illam: ergo de facto omnes actus libere honestos Deus prædestinat.

V. Objic. Prædeterminatio istorum actuum, neque dici potest prior natura ipsis actibus liberis, neque posterior, neque concomitans; ergo non est possibilis, nec datur. Antecedens probatur. Non enim potest antecedere natura, quia cum sit causa determinata illorum incompossibilis cum omni-
fione, everteret libertatem; neque potest

natura consequi ipsos actus, quia est illorum causa; neque potest illos comitari, quia cum sit causa, non potest non antecedere.

Respond. omnes convenire in hoc, quod Deus præfinit actus liberos honestos; quamvis discrepent in modo explicandi præfinitionem. Thomistæ docent, esse priorem naturæ, quia per Thomistam prædeterminatio non est nisi decretum prædeterminans, quod per nos evertit libertatem. Alii cum Caterino apud Vasq. p. 2. quæst. 99. cap. 7. putant, præfinitionem esse naturæ posteriorem ad actus liberos, eorumque præficientiam absolutam. Sed neque hæc sententia subsistit, quia sic daretur nobis auxilium post bellum, seu post bonam operationem; nec Deus faceret, ut nos faciamus, sed liberum arbitrium efficeret, ut Deus concurrat ad nostras operationes, eo modo, quo concurrat ad peccata determinatus, non determinans. Alii denum apud eundem Vasq. putant, præfinitionem esse in eodem signo, & concomitantem cum actibus liberis honestis, quia nec potest natura antecedere, eo quod everteret libertatem, nec potest natura consequi, quia non deserviret ad actus eliciendos; unde sequitur, esse in signo concomitanti.

VI. Dicendum tamen cum Auctoribus Societatis, præfinitionem, quæ Deus efficaciter vult actus liberos honestos, dirigi à scientia media de iisdem conditionate futuris; atque adeo ita esse physice priorem naturæ actibus liberis, ut sit etiam aliquo modo, hoc est intentionaliter, & logicè posterior.

Primo quidem, quod præfinitio dirigatur à scientia media, probatur, quia præfinitio divina est sapientissima; non esset autem hujusmodi, si eæ modo procederet, non prælucente scientia media, quia vellet finem, nempe consensum, per auxilium, quod nesciret, an conjungeretur cum illo, si non prævideretur efficax per scientiam mediam; ergo non sapientissime Deus præfinitur, nisi ad prædeterminandum à scientia media dirigeretur: Ad hoc enim ut sapienter finis aliquis intendatur, & non frustretur intentio, debet prius examinari per quodnam medium obtineri possit; ergo ut divina præfinitio sit infrustrabilis, debet prius scientiam mediam consulere, ne loco auxilii efficaci det inefficax, & sic frustretur sine intento. Hinc qui docent, prædeterminationem antecedentem scientiam mediam non evertere libertatem actus prædestinati.

finiti, non docent, illam esse possibilem, sed absolute dicunt repugnare eo; quod Deus cæco modo procederet decernendo finem, antequam consulat de medijs, esto. non repugnaret ex eo, quod læderet libertatem.

Deinde quod præfinitio ista directa à scientia media sit prior natura physice ipsis actibus liberis prædefinitis, probatur, quia potentia proxima faciendi actum liberum est prior natura illo, ut patet: ergo etiam decretum de danda voluntati potentia proxima faciendi actum liberum; cum huiusmodi decretum sit causa talis potentie: atqui quando Deus actum prædefinit, tunc simul vult & actum, & potentiam proximam faciendi illam; cum omnia Deus eodem simplicissimo decreto decernat, ut supponimus ex dicendis in de Incarnatione; ergo præfinitio efficax actus liberi est physice prior natura ipso actu libero, & idque sine detrimento libertatis, ut quest. 4. ostendimus.

Denique quod præfinitio isthæc sit posterior ipso actu libero intentionaliter, & Logice, etiam probatur, quia Præfinitio supponit actum liberum per scientiam mediam prævisum; unde tenet hæc logica illatio; Ideo actus per scientiam mediam prævidetur, quia erit conditionate; & ideo potest prædefiniri, quia prævidetur, atque ideo ideo potest prædefiniri, quia erit conditionate. Quare sicut revelatio v. pr. facta à Christo Domino de peccato D. Petri dicitur prior tempore, sed logice posterior ipso peccato; quia futuritio peccati determinat Deum ad scientiam Visionis de illo, & hanc præscientiam consequitur revelatio; ita in casu nostro præfinitio est quidem tum tempore, tum natura prior physice ipso actu libero prædefinito, sed est logice, & intentionaliter posterior, quia consequitur ad scientiam mediam de tali actu conditionate futuro, & talis scientia media præsupponit eandem actum conditionate futurum, hoc est si tale auxilium confertur: unde præfinitio, quæ est prior natura, & physice actum liberum antecedit, intentionaliter, & logice ad illam consequitur.

QUESTIO II.

Utrum in omni Providentia necessaria sit Præfinitio actus boni consequens ad Scientiam mediam?

I. Præfinitio, seu decretum efficax intentum consensus definitur

Præfinitio aterna actus liberi boni, sua efficacia inducens illum tempore præfinito per causas proportionatas: natura talis actus. Hinc fit primo, prædefinitionem actus liberi præcedere actum prædefinitum non solum tempore, cum ea sit ab æterno; sed etiam natura, quatenus vi, & efficacia prædefinitionis ponuntur cause proportionatæ actus prædefiniti. Fit secundo, prædefinitionem actus non præsupponere scientiam Visionis de illo, ut patet (consequitur enim ad prædefinitionem existentia absoluta actus, & consequenter scientia Visionis de illo), sed præsupponere solum scientiam mediam de tali actu conditionate futuro; nisi enim Deus videret, quod si Petro daretur auxilium A, consentiret, & cæco modo prædefiniret talem consensum, posset divina præfinitio, & voluntas frustrari.

Ostendimus autem quest. superiore, dari de facto in præsenti ordine prædefinitionem cuiuscunque actus liberi honesti. Difficultas nunc est, An ea necessaria sit in omni providentia? seu, an possit Deus in alio ordine conferre auxilium per scientiam mediam prævisum efficax absque efficaci intentione actus boni secuturi? Negant communius esse necessariam Recentiores; putantes, posse à Deo in alia providentia conferri auxilia efficacia intendendo solum actum primum proximum ad bene operandum absque prædefinitione boni operis; eo modo, quo de facto confert Deus auxilium inefficax absque prædefinitione, sed cum sola permissione actus mali; Sicut enim Deus confert auxilium inefficax eo animo, ut si prævideretur efficax, adhuc illud conferret; & ideo non intendit, nec prædefinit, sed solum permittit inefficaciam, seu actum malum; ita docent, posse à Deo in alia providentia conferri auxilium A efficax eo animo, ut si prævideretur inefficax, adhuc illud daretur; Unde non intendatur, nec prædefinatur à Deo efficacia, seu actus bonus. In quo casu Deus non confertet specialius beneficium bene operato, quam non bene operato, quia bona operatio, seu gratia cooperans, non confertur bene operanti ex efficaci intentione illius: Unde bene operans ipse sibi bonam operationem compararet ex bono usu liberi arbitrii, citra specialem Dei providentiam intendentis illam.

II. Censet equidem, in omni providentia necessariam esse prædefinitionem actus liberi honesti, atque ideo impossibile esse, quod operatio libera precedat absque divina præ-

prævia prædefinitione consequente ad scientiam mediam. Ita Arrubal prima parte disp. 65. Mau. de Deo disp. 78. num. 7. Perez in primam partem disp. 6. Fasol. quæst. 23. art. 4. dub. 3. contra Gisbert, & alios, communis. Ubi adverte, nos non asserere, quod prædefinitio ista actus boni ab ipso actu exigatur: eodem enim pacto procederet actus ab auxilio indifferenti, circumscripta ejus prædefinitione; sed quod ea exigatur à divina voluntate, quæ nequit ad bonum ullum creatum, non solum necessarium, sed etiam liberum concurrere absque efficaci intentione, & amore illius. Neque asserimus, quod Deus teneatur conferre auxilium efficax, ut efficax simpliciter, ut explicabimus quæst. sequenti; sed solum, quod quando dat auxilium A efficax, det illud ex amore efficacæ; seu ex amore actus boni secuturi, etiam si non debeat esse paratus dare Auxilium B efficax in hypothesi, quod auxilium A prævisum fuisset inefficax. Eo modo, quo emeas v. g. equum, solvit pecuniam argenteam ex amore equi, quamvis non sit paratus dare aurum, si venditor non esset contentus argento. Sic explicata conclusio consonat iis, quæ diximus in de actibus humanis, ostendendo, Deum, non posse pure libere omittere, nec posse non prohibere actu peccatum.

Prob. primo, quia auctoritates adductæ quæst. præcedenti ostendunt, necessariam esse hujusmodi prædefinitionem in omni providentia: *Sandus Israel plastes ejus: Qui finxit sigillatim corda hominum: Deus attingit à fine usque ad finem fortiter*; atque adeo efficaciter præfiniendo. Scripturis concinunt Patres. Aug. in illud Apost. *Quis est, qui te discernit*, subdit: *Ille discernit, qui unde discernamus, impertis*; videlicet per gratiam, & per efficacem prædefinitionem bonorum operum; Et in Enchiridio, cap. 109. *Nullus fit saluus, nisi quem Deus voluerit salvare*; quod esset falsum, nisi Deus actus bonos prædefiniret efficaciter, sed solum haberet eorum velleitatem, seu voluntatem conditionatam, quæ communis est præcitis, & electis.

Prob. secundo à posteriori, quia naturalis instinctus agendum agendum Deo, non solum pro auxiliis ad bene operandum, quæ dantur etiam male operantibus, sed etiam pro ipsa bona operatione, indicat, quod ex natura rei, atque adeo in omni providentia Deo tribuenda sit bona operatio; ergo hæc in omni providentia efficaciter præde-

finitur. Consequentia sequitur. Antecedens probatur, quia instinctus naturalis non datur relate ad ea, quæ per accidens contingunt, sed relate ad ea, quæ per se, & ex natura rerum; ergo ex instinctu illo naturali bene colligitur, non esse per accidens in hac tantum providentia, sed per se, quod actus boni Deo tribuantur, atque adeo præfiniantur.

Confirm. ex illo Christi Domini Jo: 6. *Nemo potest venire ad me, nisi Pater, qui misit me, traxerit eum*: ergo impossibile est dari actum bonum citra præviam divinam præfinitionem, atque adeo in omni providentia hujusmodi prædefinitio est necessaria. Probatur consequentia, quia Verba illa Christi, *Nisi Pater, qui misit me, traxerit*, indicant, bonam operationem non haberi principaliter à nobis sequentibus, sed à Deo trahente, atque adeo prædefiniente illam. Quare si posset in alia providentia bona operatio non prædefiniri, possemus ad Deum ire, absque eo, quod Pater nostrat; quod ex verbis Christi Domini est impossibile.

III. Prob. demum à priori, quia Deus carere nequit perfectione simpliciter simplicis; atqui actu prosequi, ac intendere efficaciter omne bonum, quod ponitur sive necessario, sive ex libera determinatione creature, est perfectio simpliciter simplex: ergo nequit Deus carere efficaci prædefinitione relate ad quodcumque bonum, atque adeo in omni providentia necessario actus boni præfiniuntur. Major probatur. Quia sicut est perfectio simpliciter simplex posse quodcumque verum cognoscere, & actu cognoscere quodcumque cognoscibile; ita est perfectio simpliciter simplex posse amare quodvis bonum, & actu illud amare, quando amor non minuit libertatem divinam ad carendum quolibet à se distincto; & est perfectio etiam simpliciter simplex posse odire, & actu odire quodvis malum, quando odium non minuit eandem libertatem; atqui amare efficaciter, seu præfinire actus bonos, qui libere ponuntur à creatura, non minuit eam libertatem divinam, ut patet: ergo est perfectio simpliciter simplex illos præfinire.

Confirm. Deus necessario actu amat seipsum, quia est perfectio simpliciter simplex actu amare summum bonum; atqui eadem ratione, qua probatur esse perfectio simpliciter simplicem actu amare summum bonum, & actu cognoscere quodvis

verum etiam creatum, evincitur etiam, esse perfectionem simpliciter simplicem actu præfinire actus bonos libere positos à creatura: ergo. Probat minor. Ideo est perfectio simpliciter simplex actu amare summum bonum, & cognoscere quodvis verum, quia huiusmodi actus sunt actus secundi voluntatis, & intellectus; atque adeo ex suo conceptu important perfectionem, quæ quoties non derogat divinæ libertati ad carendum quovis à se distincto, eo ipso est perfectio simpliciter simplex; sed hoc probat, etiam præfinitionem bonorum actuum esse perfectionem simpliciter simplicem: ergo istorum actuum præfinitio est perfectio simpliciter simplex. Et sanè non alia de causa docent communis Doctores, ut diximus in de Actibus humanis, non posse Deum pure libere omittere, nisi quia carere nequit divina voluntas actu secundo, qui est perfectio simpliciter simplex; hoc autem accidit in casu nostro; ergo non potest actus liberos honestos non præfinire. In tantum Deus non debet actu efficaciter amare, ac præfinire quodvis bonum possibile, quia non esset liber ad carendum quovis à se distincto, & sic non haberet sufficientiam, & aseitatem debitam; at si prædefinit tum effectus necessarios, tum actus liberos honestos, qui possunt, adhuc est liber ad carendum quovis à se distincto; ergo debet huiusmodi actus præfinire in omni providentia.

IV. Obijc. 1. Præfinitio actus boni non est necessaria ex parte ipsius actus, seu ad hoc, ut ponatur actus bonus, ut admittitur; quia aliter esset everfiva libertatis actus, non secus ac prædeterminatio physica: Neque est necessaria ex parte Divinæ providentiæ, quia hæc perfectissime distribuit auxilia, si solum intendat sufficientiam, & aptitudinem ad bene operandum; quin amet, ac efficaciter intendat bonam operationem, quam prævidet securam; ergo præfinitio bonorum actuum non est necessaria in omni providentia. Et ratio à priori est, quia perfecta providentia non exigit, quod Deus inæquali amore amet media æqualiter apta ad finem; ergo cum æqualiter sit aptum ad finem, (nempe ad bonam operationem) tam auxilium A prævisum efficacius, quam B prævisum inefficax, non debet à Deo amari magis auxilium efficacius, quam inefficax: unde non debet præfiniri recta operatio in omni providentia.

Resp. concedendo, quod præfinitio non sit necessaria prærequisita determinati-

te ex parte actus prædefiniti, quia everteret ejus libertatem, non secus ac prædeterminatio, ut ostendimus quæst. 4. Dicuntamen, prædefinitionem necessario prærequiri ex parte providentiæ, ex hoc scilicet quod sit perfecta; & digna Deo; unde possit Deus exigere gratiarum actionem propter bonam operationem prædefinitam; nam si hæc non prædefiniretur, non tribueretur Deo, sed nobis, atque adeo non deberentur Deo gratiæ speciales propter illam. Præterea est necessario prærequisita ex parte Divinæ voluntatis: Primo, quia voluntas Divina, ut suppono, necessitatur moraliter ad optimum, atque adeo cum melius sit prædefinire actus bonos, & posse propter illos exigere à creatura gratiarum actionem, quam non prædefinire, necessitatur voluntas Divina ad illos præfiniendos. Secundo, quia præscindendo à quæstione de necessitate ad optimum, voluntas Divina carere non potest actu secundo perfectissimo, relate ad quodvis bonum etiam creatum, compossibili cum libertate ad carendum quolibet à se distincto; perfectior autem est actus prædefiniens nostras bonas operationes, utpote trahens illas efficaciter, & debitum actionis gratiarum, quam velleitas, seu voluntas conditionata; ergo Divina voluntas ad prædefinitionem necessitatur. Quare sicut præfinitia de peccato v. gr. Antiehristi tam conditionate, quam absolute futuro non est necessaria ex parte ipsius peccati, sed ex parte intellectus Divini, ad quem spectat actu cognoscere quodcumque cognoscibile; ita præfinitio actus boni est unica necessaria ex parte Divinæ voluntatis, ad quam spectat efficaciter velle quodcumque potest ita velle, & amare citra diminutionem suæ libertatis in ordine ad ponendas creaturas. Hinc diximus in de actibus humanis disp. 7. quæst. 1. cum Lumbier de voluntate Dei num. 221. Deum necessitari ad amorem simplicis complacentiæ erga creaturas possibiles, ut docet D. Thom. 1. p. quæst. 37. art. 2. ubi hæc habet: *Sic ut Patet diligit se, et omnem creaturam Verbo, quod genuit; ita diligit se, et omnem creaturam Spiritu Sancto*; atque adeo, sicut necessario Deus omnem creaturam possibilem cognoscit, & dicit Verbo; unde Verbum procedit ex cognitione possibilem; ita etiam necessario omnem creaturam possibilem diligit Spiritu Sancto, atque adeo Spiritus Sanctus procedit ex amore possibilem, quæ diligit Deus; non quidem dilectione effica-

ci, quia hæc derogaret Aseitati, sed dilectione simplicis complacentiæ.

Ad rationem à priori dictam, ad Divinam voluntatem spectare, ut auxilium efficax amet non solum qua sufficiens est, sed etiam qua efficax, seu ex intentione efficacitæ, & actus boni, ut explicabimus questione sequenti. Sic enim potest Deus gratiarum actionem exigere ex bona nostra operatione; unde & Providentia Divina est perfecta, & Deus ponit optimum, ad quod necessitatur, & Divina voluntas non caret actu suo perfectissimo.

V. Objic. 2. Deus potest amare efficaciter auxilium A sufficiens, non amando efficaciter ejus efficaciam; sicut non amat efficaciter auxilii efficaciam, quando confert auxilium prævisum inefficax; ergo conferendo auxilium A prævisum efficax, potest etiam amare ejus sufficientiam, & non amare efficaciam. Antecedens constat: Consequentia probatur, quia hoc videtur spectare ad Divinam libertatem, posse ex duobus bonis separabilibus unum tantum efficaciter velle, & amare, non alterum; atqui sufficientia auxilii, & efficacitæ sunt duo bona realiter separabilia; ergo potest Deus velle solum sufficientiam, & de efficacitæ habere ad summum complacentiam, non vero intentionem efficacem, seu prædefinitionem.

Resp. concessio antecedente, nego consequentiam. Ad probationem respondeo primo per instantiam: Deus potest velle auxilium sufficiens, quin habeat complacentiam de ejus efficacitæ, ut contingit, quando dat auxilium inefficax; ergo potest etiam conferendo auxilium prævisum efficax velle sufficientiam, & non habere complacentiam de ejus efficacitæ. Consequentia non sequitur, posito, quod Deus necessitetur, non solum ad simplicem complacentiam de quolibet bono possibili, sed etiam complacentiam de quolibet bono aliquando existente, idque ex perfectione suæ voluntatis, quæ nequit carere actu secundo perfectissimo relate ad quodvis objectum: ita in casu. Quare directe ad probationem consequentiæ, concessa majore, distinguo minorem: Sufficientia auxilii, & ejus efficacitæ sunt duo bona realiter separabilia secundum se, concedo; in hypothese quod auxilium A prævideatur efficax, nego minorem, & distinguo consequens: potest Deus amare sufficientiam auxilii A, & non efficaciam, si auxilium A non prævideatur efficax, concedo; si prævideatur efficax, nego consequentiam.

Par III.

QUÆSTIO III.

Utrum Deus præfniendo actus bonos conferat auxilium efficax ut efficax?

I. **Q**ueritur, Utrum Deus præfniendo consensum liberum creaturæ per auxilium A efficax, eo animo conferat auxilium A, ut si videret illud esse inefficax, adhuc illud ipsum daret permittendo dissentium; an vero eo animo conferat auxilium A efficax, ut si videret per scientiam mediam, illud esse inefficax, seligeret aliud efficax ad obtinendum consensum? Quod est querere, An Gratia efficax detur ut efficax? Cui quaesito sequentibus propositionibus facio satis.

Prima Propositio. Deus conferendo auxilium A prævisum per scientiam mediam efficax, intendit ejus efficaciam (in quacunque ea consistat, quod examinabimus disps. sequenti) seu confert illud ex motivo efficacitæ intendendo; ac præfniendo consensum.

Conclusio constat ex dictis questione præcedenti, ubi ostendimus, Deum conferendo auxilium efficax intendere efficaciter, ac prædefinire actum honestum; non enim per accidens, ac veluti præter intentionem concurrat ad bonam operationem, quando confert auxilium efficax, sed cum intentione efficaci conferendi creaturæ non solum auxilium, seu potentiam proximam ad actum bonum, sed etiam ipsum actum bonum. Unde benevolus, & beneficus est, & quia dat auxilium, & quia dat ipsam operationem bonam: Ubi relate ad peccatores, quibus confert auxilium prævisum inefficax, solum beneficus est, quatenus confert potentiam proximam ad bene operandum, qua posita per malum usum liberi arbitrii stat, quo minus bona operatio sequatur; non est benevolus, ita ut ipsam bonam operationem eadem efficacitæ velit relate ad peccatores, ac relate ad bene operantes.

II. Secunda propositio: Deus dupliciter potest conferre auxilium A prævisum efficax ex motivo efficacitæ, seu intendendo efficaciam, & actum bonum efficaciter. Primo ita ut si videret illud inefficax, adhuc daret illud idem, & permetteret dissentium. Secundo ita ut si prævideret illud auxilium esse inefficax, daret aliquod

G aliud

aliud intra aliquam seriem auxiliorum efficacium.

Prob. Qui vult efficaciter finem per aliquod medium, per quod videt, se finem obtenturum, vel potest finem illum velle, quatenus per tale medium obtineri potest, non curaturus de fine, si per hoc medium obtineri non potest; vel potest ita velle finem per medium A, ut sit paratus alia media adhibere, si per medium A non esset obtinendus; v. gr. qui vult emere gemmam decem aureis, vel potest velle emptionem, quatenus videt illam fieri posse, solvendo tantum decem aureos, non curaturus de gemma, si tanto pretio obtineri non posset; vel potest velle emptionem ex motivo gemmæ, ita ut sit paratus illam emere etiam pretio altiore; ergo Deus intendendo actum bonum creaturæ, & præfiniendo illud, utroque modo potest conferre auxilium A efficax; & ita ut non sit curaturus de actu bono, si non obtineretur per auxilium A; & ita ut esset collaturus aliud auxilium, si auxilium A prævideretur inefficax.

Confirm. Multi docent, quod Adamo non peccante ex vi præsentis decreti, Verbum non fuisset Incarnatum ex alio motivo à Redemptione, puta ex motivo exaltandi naturam humanam; ergo potest Deus intendere finem ex motivo A, & per medium A, ita ut non sit eundem finem intenturus ex motivo B, aut per medium B, si medium A esset inefficax; ergo potest conferre auxilium A efficax ex motivo efficaciz, ita tamen, ut si auxilium A non prævideretur efficax, non daretur aliud auxilium, sed permitteretur dissensus; quamvis possit etiam dare auxilium A efficax, in quantum efficax; ita scilicet ut si prævideretur inefficax, daretur aliud efficax intra aliam seriem auxiliorum.

III. Ubi adverte, quod sicut qui vult emere gemmam decem aureis, potest esse paratus dare pretium altius intra certam summam, puta infra 20. aureos, non tamen omne pretium: ita Deus præfiniendo consensum per auxilium A, potest esse paratus dare aliud auxilium efficacius intra certam seriem, puta vocationem intensiorem, quin sit paratus dare auxilium efficacius, seligendo illud ex collectione omnium auxiliorum efficacium. Et sicut potest quis emere gemmam eo animo, ut sit paratus offerre quodvis pretium pro illa emenda; ita pariter potest Deus dare auxilium A ef-

ficax eo animo, ut si prævideretur inefficax, daretur aliud efficax seligendum ex omnibus. Utrum autem in hoc casu evertatur libertas actus præfiniti, pendet ex dicendis quæst. 7. Qui enim docent, quod prædefinitio antecedens ad scientiam mediam evertat libertatem consensu præfiniti, quia esset essentialiter connexa cum illo, & inimpedibilis à voluntate, docent communiter, quod evertatur libertas actus honesti, quando Deus dat auxilium A efficax, in quantum efficax simpliciter, seu eo animo, ut si illud non prævideretur efficax, seligeretur aliud efficax ex omnibus auxiliis possibilibus; quia pariter huiusmodi prædefinitio esset essentialiter connexa cum actu, & inimpedibilis à voluntate. Quare nos, qui propugnabimus, prædefinitioem antecedentem evertere libertatem, dicimus, quod si Deus conferat auxilium efficacius, quia efficax simpliciter modo explicato, prædefinit consensum necessarium, non liberum, ac proinde quando prædefinit consensum liberum, non confert auxilium efficacius, in quantum efficacius simpliciter, sed in quantum efficacius secundum quid: hoc est confert auxilium A efficax eo animo, ut si prævideretur inefficax, daretur aliud efficax intra certam seriem, non vero aliud efficax seligendum ex omnibus; Sicut communiter accidit inter homines intendentes efficaciter aliquem finem; qui enim vult v. g. emere gemmam, aut ire Romam efficaciter, si non potest obtinere finem expendendo v. g. decem aureos, expendit forte 20. at non mille, vel omne pretium; ergo etiam Deus confert auxilium A in quantum efficacius secundum quid, non simpliciter, tum quia aliter evertetur libertas actus præfiniti, ut dicemus quæst. 7. tum etiam quia gratis in Deo fingimus decretum huiusmodi intentum efficaciz simpliciter, quod est præter ordinem; Ad eum modum, quo gratis fingeremus, quod Adamo non peccante, & cessante sine redemptionis generis humani, Verbum incarnatum fuisset ob redemptionem solius Petri (ut docent communius) aut pro peccatis venialibus generis humani; huiusmodi enim decreta in Deo non sunt gratis assumenda.

IV. Tertia propositio. Deus utrolibet ex duobus iis modis in secunda propositione adductis confert auxilium A efficax, semper confert illud cum speciali benevolentia, cum qua non confert auxilia præviisa inefficacia; siue scilicet daturus esset aliud

auxilium, si auxilium A non praevideretur efficax, siue non esset daturus.

Prima pars conclusionis est manifesta, quod scilicet cum speciali benevolentia det auxilium A: efficax in quantum efficax, seu daturus aliud, si illud non praevideretur efficax; hæc enim benevolentia non reluctatur, quando datur auxilium inefficax. Secunda pars conclusionis, quod scilicet etiam habeatur specialis benevolentia, quando auxilium A non confertur qua efficax, sed solum ex motivo efficaciz, ita ut si praevideretur inefficax, adhuc illud idem daretur, Prob. quia quando Deus dat auxilium A praevisum efficax, etiam si non det qua efficax, sed solum det ex motivo efficaciz, tunc præter gratiam præuenientem, dat etiam gratiam cooperantem, seu præter potentiam proximam ad operandum, dat ipsum bene operari, quod non dat ei, cui confert auxilium inefficax; ergo conferendo auxilium efficax ex motivo efficaciz, &c. non in quantum efficax, modo explicato, adhuc est specialiter beneficus, & benevolens.

Confirm. quando Deus dat auxilium pure sufficiens, seu inefficax, habet voluntatem inefficacem consensus, seu meram voluntatem s. quando vero dat auxilium efficax, habet juxta dicta quasi præcedenti voluntatem consensus efficacem, etiam si non esset daturus aliud auxilium, si praevisum esset hoc inefficax; atqui voluntas efficax, & absoluta consensus est majus beneficium, quam voluntas inefficax, & conditionata illius, ut patet; ergo Deus specialius beneficium confert, dando auxilium efficax, quam dando inefficax, etiam si non det efficax, ut efficax, seu aliud daturus esset, si praevideretur inefficax; Quamvis specialius esset beneficium, si efficax daretur ut efficax; nam qui amat finem per hæc media, paratus adhibere alia, si hæc forent inefficacia, certe magis amat finem, quam si non esset ad id paratus.

V. Ultima propositio. Deus de facto probabilius confert auxilia efficacia qua efficacia secundum quid, hoc est: alia daturus ejusdem rationis, si hæc praevideret inefficacia, atque adeo prædestinatis ita confert auxilia efficacia, cum quibus videt esse salvandos, ut alia ordinaria auxilia esset daturus si videret, per hæc auxilia non esse salvandos; quamvis non esset daturus auxilia extraordinaria, eo quod non det auxilia efficacia in quantum efficacia simpliciter, ut ostendimus in calce quintæ quæ-

stionis. Hæc conclusio est conformis ordinationi P. Claudii Aquavivæ, quæ habetur apud Henao, & Platel. prima parte cap. 4. §. 3. dicens. *Mandamus, ut nostri in posterum doceant, quod Deus ex efficaci proposito, ac intentione efficiendi certissime alius boni, de industria ipse ea media seligit, atque eo modo, & tempore conferat, quo videt effectum infallibiliter habitura, aliis utitur, si hæc inefficacia praevidisset.* Hactenus P. Claudius, quamvis deinde in hoc suo decreto ipsamet dispensarit, ut notat idem Platelius, relinquens nobis liberum, ut oppositam etiam sententiam sustinere possimus.

Prob. conclusio 1. ex Scripturis. Matth. 24. dicitur. *Nisi breviter fuissent dies illi, non fieret salva omnis caro, sed propter electos breviabuntur dies illi;* ergo Deus voluit dies, quos prævidit non nocituros electis, &c. noluit dies, quos prævidit nocituros; ergo si plures dies prævidisset nocituros, plures dies brevioratus fuisset, seu pauciores voluisset; atque adeo electis dat auxilia efficacia, seu congrua, ita ut alia daturus esset, si hæc non forent congrua. Sapientiz etiam 4. dicitur. *Raptus est, ne malitia mutaret insellum ejus;* ergo ex speciali benevolentia Deus removel auxilia inefficacia: qua talia, atque adeo dat efficacia, qua efficacia, non quidem simpliciter, quia everteret libertatem, sed qua efficacia secundum quid.

Prob. 2. ratione. Connaturalius est, & consuetum, ut qui finem intendit efficaciter, & ad illum obtinendum eligit medium, eligat ea intentione sive formali, si ve virtuali, ut aliud medium ejusdem rationis sit electurus, si illud prius non cognosceretur conduens ad finem; v. gr. Qui ex fine sublevandi miseriam pauperis dat monetam argenteam, quam videt conducentem ad finem, ea intentione solet illam dare, ut si cognosceret illam non conducere, daret monetam æream, vel auream ejusdem valoris, esto non esset daturus omnem suam rem familiarem, aut ingentem vim pecuniæ: Similiter qui emit doctum v. gr. centum aureis pecunia numerata, eo animo offerre solet pecuniam, ut offerret etiam oleum, vel frumentum constans centum aureis, si per pecuniam numeratam non posset obtinere finem; quia scilicet cum finis hic emptiois domus sit moraliter expectabilis per utrumque hoc medium, regulariter dat utrumque est paratus, qui vult efficaciter domum emere; quamvis non sit paratus ad solvendum mille aureos, quia

finis ille non est expetibilis, ut acquirendus per hoc aliud medium; ergo pariter Deus intendens efficaciter consensum per auxilium A efficax, dicendus est juxta conaturalitatem talis voluntatis eo animo dare auxilium A efficax, ut si illud videretur incongruum, daret aliud ejusdem rationis, quamvis non esset daturus omne quodcumque auxilium extraordinarium, si videret omnia auxilia ordinaria esse incongrua; quia scilicet finis ille, nempe consensus, est quidem æque expetibilis per quodcumque auxilium ordinarium, non extraordinarium.

Confirm. 1. quia Deus semper facit optimum: quicquid sit, an moraliter necessitetur ad optimum; atqui melius est conferre auxilia efficaciam in quantum efficaciam secundum quid, juxta conaturalitatem intendentis efficaciter aliquem finem; ergo ita de facto confert; Præsertim quia dando auxilium efficax in quantum efficax, non solum donat valorem auxilii, sed etiam ipsius bonæ operationis, etiam in hypothetico, quod hoc auxilium esset inefficax.

Confirm. 2. dignius sentimus de benevolentia Dei erga prædestinatos, si dicamus eis contulisse auxilia efficaciam in quantum efficaciam secundum quid, paratus scilicet dare alia ejusdem rationis, si videret hæc fore inefficacia; ergo dicendum ita contingere. Immo ita de facto contingit: quoties v. gr. ad preces Beatæ Virginis, aut Sanctorum Deus confert peccatori auxilium efficax, tunc profecto si per auxilium A peccator non converteretur, aliud conferretur auxilium, ne preces sint inanes, & vacuæ: Sic quando Verbum expectavit consensum Deiparæ, ut carnem fumeret, si auxilium A non transisset liberum consensum Beatæ Virginis, aliud contulisset.

VI. Ex dictis sequitur 1. Deum erga Prædestinatos de facto exercere non solum dilectionem specialem præ Reprobis, conferendo iis auxilium efficax ex motivo efficaciz, sed etiam dilectionem specialiorum, quatenus contulit auxilia efficaciam qua efficaciam secundum quid; quamvis non exercuerit specialissimam, conferendo efficaciam qua efficaciam simpliciter. Ratio est, quia sic optimo modo Deus intendit salutem prædestinatorum; nam si daret auxilium efficax in quantum efficax simpliciter, quamvis specialissimam dilectionem exerceret, eo quod infallibiliter salutem intendere, ac non optimo modo illam exerceret, quia operationes sic præstari non essent liberæ.

Sequitur 2. Quomodo verum sit, quod Deus Electos eligat, & discernat à Reprobis, juxta illud ad Ephes. 1. *Eligit nos in ipso ante mundi constitutionem*; & 1. ad Cor. 4. *Quis est, qui te discernit? quid habes, quod non accepisti?* quibus verbis Augustinus Pelagianos, & Semipelagianos redarguit, ostendendo, Electos non discernere seipsos per omnia, aut etiam per aliqua merita, quæ non acceperint à Deo. Ratio itaque est, quia cum Deus ex sua speciali benevolentia conferat Prædestinatis efficaciter non solum auxilia ad merendum, & perseverandum, sed etiam ipsa merita ad perseverantiam, ad quam salus consequitur; reprobis vero solum conferat potentiam ad merendum, sequitur, quod prædestinatos sic specialiter electos eligat, ac discernat.

VII. Dices; adhuc Deus eligit, ac discernit bene operantem, & confert illi majus beneficium, quam reprobo, per hoc, quod conferat auxilium prævisum efficax, quin prædestinat bonam operationem, & confert auxilium efficax qua efficax; ergo ex hoc capite non est assequenda ista prædestinatio. Antecedens explicatur ab Aldrete disp. 10. de Prædestinatione; nam qui v. g. vult dare pauperi totum, quod est in crumena, majus beneficium confert, si prævideat ibi esse centum, quam si solum decem; ergo etiam Deus majus beneficium confert dando auxilium A, si prævideat illud efficax, quam si non prævideat, etiam si bonam operationem non præstet.

Sed contra est, quia beneficium ex Augustino est *Allo benevola gaudium tribuens capienti*; ergo ut majus sit beneficium, non solum debet haberi scientia de bono majori, sed etiam voluntas; & ideo qui dat totum, quod est in crumena, majus beneficium confert, si prævideat ibi esse centum, quia vult dare donum majus. Deinde transmissio, quod beneficium sit majus, quando confertur auxilium cum sola præscientia bonæ operationis, quam si conferatur sine tali præscientia; at si bona operatio non præstetur, non tribuitur Deo, sed voluntati creatæ; ergo non Deus discernit, & eligit, sed propria voluntas; nec Deo debentur gratiæ speciales propter bonam operationem efficaciter intentam, ad quod instinctu naturæ inclinamur; ergo revera bona operatio prædestinatur. Aliiter quomodo Apost. diceret: *Nam est currentis, neque volentis, sed miserantis Deus. Quid habes, quod non accepisti?* Quomodo Aug. lib.

lib. de Prædeterminatione Sanctorum cap. 3. adeo commendaret illam Cypriani sententiam: *In nulla gloriamur, quando nostrum nihil est?* Quomodo verum esset illud Augustini apud D. Th. qu. 29. art. 8. *Nullus fit salvus, nisi quem Deus voluerit salvare; Et ideo rogandus est, ut velit, quia si velit, necesse est esse?*

VIII. Obijc. 1. Si Deus conferendo auxilium efficax, necessario illud in omni providentia conferret ex amore, & motivo efficacitæ, præfiniendo actum bonum, juxta dicta in prima Conclusionem, & connaturalius conferret quæ efficax secundum quid, ita ut efficaciam auxilii, & bona operatio tribui debeat speciali Dei benevolentia, sequeretur, quod Reprobi carerent sufficientia ad bonam operationem; sequela est absurda; ergo & id, unde sequitur. Probatur sequela, quia qui caret eo, quod est necessarium ad salutem, caret sufficientia ad salutem; Reprobi carerent speciali Dei benevolentia, quæ habetur per præfinitionem bonæ operationis, & hæc est necessaria ad salutem; ergo carerent aliquo ad salutem necessario. Probatur secunda pars minoris: Necessaria est ad salutem bona operatio, & ad bonam operationem necessaria est specialis illa benevolentia, & præfinitio; ergo isthæc præfinitio, quæ caret Reprobi, necessaria est ad salutem.

Resp. nego sequelam. Ad probationem dico, absque speciali illa benevolentia dari auxilium sufficiens, seu sufficienti ad bonam operationem, & ad salutem. Verum quidem est, quod ad salutem bona operatio sit necessaria, & quod præfinitio bonæ operationis necessaria sit, ut ponatur bona operatio; at nec ipsa bona operatio, nec ejus præfinitio est necessaria, ut possit bona operatio poni, & ut habeatur sufficientia ad salutem: Quod est dicere: necesse est, quod non ponatur bona operatio, si non ponitur ejus præfinitio; at non per hoc bona operatio non poterit poni. Sic præfinitio ab æterno de peccato Antichristi est necessaria, ut sit in tempore peccatum Antichristi; at non est necessaria, ut possit esse peccatum; nam si Antichristus bene operetur, adhuc poterit peccatum ponere, & tunc non daretur præfinitio de peccato.

Ut hoc altius percipiatur, sciendum ex Angelico 1. p. qu. 14. art. 1. 3. ad 3. aliquas propositiones esse necessarias necessitate dicti, quia sunt necessariae necessitate rei, ut sunt v. g. istæ: *Scitum à Deo, necesse est esse; Prædeterminatum necessario salvabitur &c.*

Sensus enim est, hæc dicta esse necessario vera, videlicet res scitur à Deo; ergo erit necessario; Res tamen ipsa, quæ scitur, non est necessaria; nam quod scitur à Deo, quamvis necessario erit, potest tamen libere esse. Ita in casu nostro in hac propositione: carentem auxilio efficaci, ut præfinitio impossibile est bene operari, habetur impossibilitas dicti, non rei; Sensus enim est, hoc dictum esse necessario verum: Datur carentia auxilii efficaci; ergo necessario non dabitur bona operatio; seu impossibile est, bonam operationem coexistere cum carentia auxilii efficaci; sicut impossibile est, bonam operationem Antichristi coexistere cum præfinitio de peccato; at non proinde impossibile est, quod ponatur bona operatio, posito auxilio inefficaci, aut posita præfinitio de peccato: Aliud enim est cum auxilio inefficaci bonam operationem non posse componi, quod est verum, aliud vero non posse poni, quod est falsum.

IX. Obijc. 2. Deus eadem facilitate quæ confert auxilium A efficax, confert quodcumque aliud efficax; ergo si confert auxilium A ex amore, & motivo efficacitæ, dicendum, quod confert illud quæ efficax simpliciter, non quæ efficax secundum quid. Probatur consequentia. Nam in tantum volens efficaciter emere domum v. g. centum aureis non est paratus solvere mille, quia non ea facilitate, & commoditate solvuntur mille, quam centum; sed Deus eadem facilitate confert auxilium ordinarium, ac extraordinarium; ergo si paratus est dare quodvis aliud ordinarium, erit etiam paratus dare extraordinarium.

Resp. nego consequentiam. Sicut enim Deus eadem facilitate secundat rerum exigentias, ac patrat miracula; sed non proinde dicendum, quod hic, & nunc patret miracula citra rationem positivam; ita eadem facilitate dat auxilia ordinaria, & extraordinaria, sed non proinde præsumendum, quod quando confert auxilium efficax ordinarium, esset collaturus alia non solum ordinaria, sed etiam extraordinaria, si illud prævideretur inefficax. Sic etiam eadem facilitate Verbum incarnatur ad offerendam condignam satisfactionem pro mortali, ac pro veniali, sed non est præsumendum, quod incarnatum sit eo animo, ut si defuissent mortalia, adhuc incarnatum fuisset propter venialia. Ratio à priori est, quia Deus semper facit optimum, & probabiliter etiam necessarium moraliter ad op-

ptimum; atqui optimum est, quod miracula raro patrentur, & quod auxilia extraordinaria raro conferantur; ergo dicendum, de facto Deum plerumque secundare rerum exigentias, & raro admodum conferre auxilia extraordinaria, prout v. gr. contulit D. Paulo, ut converteretur. Propterea cum connaturalitas voluntatis efficacia ferat ita eligi medium A conducent ad finem efficaciter intentum, ut si illud non prævideretur efficax, eligeretur aliud ejusdem rationis, non vero diversæ rationis, & extraordinarium, dicendum de facto, ita à Deo conferti auxilia efficacia, cum voluntate scilicet sive formali, sive virtuali dandi alia efficacia ejusdem rationis, si ea præviderentur inefficacia. Quare ad probationem consequentiae nego majorem; vera causalis est, quia id fert connaturalitas voluntatis efficacia.

QUÆSTIO IV.

Utrum Prædeterminatio consequens ad scientiam mediam tum in essendo, tum in operando, coercet cum libertate actus Prædeterminati?

I. **A**gredimur nunc extricare Gordianum nodum; Quomodo scilicet conciliari possit infirmitas Divinæ prædeterminationis cum libertate consensus prædeterminati. Triplex datur Prædeterminatio actus liberi apud Scholasticos. Prima est omnino independens à scientia media; & hujusmodi est decretum prædeterminans Thomisticum, & decretum condeterminans Scotisticum; utrumque enim independentem ab omni usu scientiæ mediæ intendit, actum voluntatis creatæ, & hujusmodi decreta non cohærere cum libertate actus prædeterminati, non secus ac ipsam prædeterminationem; & condeterminationem ostendimus Disputatione sequenti. Secunda est Prædeterminatio consequens ad scientiam mediam tum in essendo, tum in operando; & hæc est decretum intentivum actus boni, quod à Deo non ponitur, nisi post scientiam mediam de eodem actu; unde scientiam mediam præsupponit hæc prædeterminatio, & antequam sit, & antequam operetur, seu nunquam conferat auxilium prævisum efficax; & de hac quærimus in præsentem. Tertia est Prædeterminatio actus boni, quæ antecedit scientiam mediam in essendo, sed consequitur in o-

perando, & hujusmodi est decretum, quod incendit actum bonum, antequam consulat scientiam mediam, sed non confert auxilium, seu non operatur, nisi post consultationem scientiæ mediæ: Quare Prædeterminatio consequens dicitur, Volo consensum per auxilium, quod prævidi per scientiam mediam efficax; Prædeterminatio vero antecedens dicitur, Volo consensum per auxilium, quod post consultationem scientiæ mediæ invenero efficax. De hac secunda prædeterminatione agemus in quæstione sequenti. Quærimus nunc, An prædeterminatio consequens evortat libertatem actus prædeterminati? ut appareat quomodo efficacia gratiæ concilietur cum libertate arbitrii. Ratio dubitandi est, quia prædeterminatio ista, quamvis consequatur ipsam actum sub scientia media, atque adeo intentionaliter sit posterior actu prævisio, (non secus ac revelatio de peccato D. Petri est intentionaliter posterior ipso peccato prævisio) physice tamen est causa mediata actus boni; cum sit causa auxilii, à quo actus immediate causatur; unde prædeterminatio est aliquid antecedens ipsam actum, impossibilem cum omissione actus, & ideo videtur esse libertatis eversiva.

II. Dico 1. Necessitas quæcumque mere consequens nullatenus lædit libertatem actus; si hic prodeat à principiis indifferentibus ad utramque partem contradictionis.

Prob. Necessitas, quæ consequitur ad actum, non immutat intrinsecam constitutivam actus; atqui si actus prodeat à principiis indifferentibus, est intrinsece liber; ergo necessitas consequens ad talem actum non lædit ejus libertatem intrinsecam, si hic prodeat à principiis indifferentibus. Hinc qui peccat, libere peccat, quamvis ex suppositione quod peccet, non possit non peccare; & quamvis ex suppositione præscientiæ peccati, vel revelationis de peccato necessario peccet; quia omnis ista necessitas est mere consequens; unde peccatum est quidem necessarium, sed non necessarium, nisi solum necessitate consequente, non antecedente, seu, ut loquitur Angelicus, necessitate dicti, non necessitate rei, prout explicavimus quæstione superiore.

Confirm. Deus libere decrevit ponere Mundum; & cognoscit scientia visionis hujusmodi decretum; ex suppositione autem talis scientiæ non potest non esse hujusmodi decretum; & tamen est liberum; ergo impossibilitas seu necessitas quoties est ex suppositione, seu consequens, non lædit libertatem; quamvis enim præscientia v. g.

de peccato Antichristi, tempore præcedat peccatum, logice tamen ad illud consequitur; & ideo dicitur esse logice, & intentionaliter prius; Ego nonnulli per abusum vocabuli dicant, esse etiam natura prius, per hoc scilicet, quod peccatum pro tali tempore existens fit conditio necessaria, ut consurgat in Deo ab æterno præscientia de illo.

III. Dico tertio: omnis necessitas mere consequens ad actum liberum est impedibilis, saltem indirecte, à potentia libera, proxime potente ponere illum, & ejus omissionem; v. gr. Antichristus, qui ita peccat, ut possit non peccare, potest impedire indirecte præscientiam de suo peccato; cum necessitas hujus præscientiæ sit mere consequens ad peccatum, quod pro tali tempore libere ponetur.

Probat. Qui potest impedire A, potest etiam impedire quodcumque consequitur ad A; sed Antichristus v. g. peccans potest impedire, seu non ponere peccatum; ergo potest impedire indirecte præscientiam de illo, & quodcumque ad peccatum consequitur: Sic qui impedit approximationem ignis ad stupam, impedit etiam indirecte combustionem stupæ, quæ ad approximationem consequitur. Et sanè quomodo potest præscientia Dei overtere libertatem peccati Antichristi? Nam si ego videam Petrum libere currentem, visio mea, esto sit impossibilis cum carentia cursus, non aufert libertatem currendi, præcise quia ad cursum consequitur; atqui etiam præscientia, quamvis tempore præcedat, consequitur tamen ad peccatum logicè, ita ut sit verum dicere, Ideo Deus præscit peccatum, quia Antichristus peccat; & non è contra: ergo neque præscientia evertit libertatem, atque adeo est impedibilis indirecte.

IV. Objic. Non datur potentia impediendi præteritum: ergo non potest Antichristus impedire præscientiam de suo peccato, atque adeo necessario peccabit. Antecedens communis admittitur à Philosophis, & Theologis juxta illud, quod dixit Agatho apud Philosophum 6. Eth. 2.

Hoc etiam ipse Deus, solumque carere videtur,

Infatum ut factus quod factum est, atque peractum

Unde vulgo dicimus: *Factum infatum fieri non potest.*

Respond. licet non detur potentia impediendi præteritum directè, potest tamen

impediri indirectè, impediendo scilicet illud, quod nunc positum est determinativum, seu conditio requisita, ut ejus præscientia fuerit ab æterno. Eodem modo posita revelatione Christi Domini de peccato D. Petri; hic poterat non peccare, & sic indirectè impedire, ne fuisset revelatio, quæ ad præscientiam consecuta est; quamvis non potuerit D. Petrus directè præscientiam, & revelationem impedire: Illud axioma: *Factum infatum fieri non potest*, facit sensum, quod in sensu composito, quod aliquid sit præteritum, semper erit præteritum; non vero, quod non detur potentia indirectè impeditiva, ne illud fuerit præteritum. Quare solum datur impotentia componendi non præteritum cum præterito, non vero impediendi indirectè, ne quid fuerit præteritum.

Neque dicas, hoc idem competere futuro; unde eodem modo repugnet futurum fieri non futurum, ac præteritum fieri non præteritum; & consequenter eodem modo daretur potentia ad futurum, & ad præteritum.

Nam contra est, quia futurum potest impediri directè, præteritum vero non nisi indirectè; ergo dispar ratio de utroque. Deinde præteritum in eo sensu non potest non esse præteritum, quia ex suppositione, quod semel fuerit, semper erit præteritum: contra vero futurum ex suppositione, quod sit futurum, non semper erit futurum; Nam postquam erit, incipiet esse præteritum. Denique futurum non potest non esse futurum ex hypothesi, quod sit futurum; ita tamen, ut hæc conditio sit purificanda: contra vero præteritum ita non potest non esse præteritum ex suppositione, quod fuerit præteritum, ut hæc conditio sit jam purificata; atque adeo præteritum absolute non potest non esse præteritum; quia conditionatum, purificata conditione, evadit absolutum; futurum vero non potest non esse futurum solum conditionate, hoc est ex suppositione, quod erit: Ex quibus patet, in quo sensu absolute dicimus non dari potentiam ad præteritum.

V. Dico tertio. Scientia media, v. g. de consensu Petri sub auxilio A, quamvis dirigat Deum ad dandum Petro auxilium A, & sit in priori ad talem consensum in statu absolutè positum, adhuc est impedibilis indirectè à voluntate Petri, nec lædit libertatem consensuum.

Conclusio quoad primam partem, quod sci-

scilicet scientia ista media dirigat Deum ad dandum Petro auxilium A, ut possit obtinere consensum, patet; quia nequit Deus sapientissime decernere, ac prædefinire consensum absque prævia directione scientiæ mediæ; aliter cæcō modo decerneret, & decretum exponeretur periculo frustrationis.

Quoad secundam vero partem, quod scientia ista media fit in priori ad consensum, qui ponitur à Petro, etiam patet; nam dirigat Deum ad dandum Petro potentiam proximam ad consensum; adeoque natura præcedit hanc potentiam proximam, quæ est causa consensus; ergo antecedit etiam natura ipsum consensum; etenim si A est in priori ad B, & B est in priori ad C, erit etiam A in priori ad C; sed scientia media de consensu, utpote dirigens Deum ad dandum auxilium A, est in priori ad hoc auxilium, quod est causa, atque adeo in priori ad consensum, qui hic, & nunc ponitur; ergo scientia media de consensu conditionate futuro est in priori ad eundem consensum positum in statu absoluto.

Quoad tertiam partem, quod scilicet quavis ista scientia media in priori sit ad consensum, adhuc fit impedibilis indirecte à voluntate, nec tollat libertatem consensum, Probatur: scientia ista media ita est prior natura relate ad consensum, ut tamen consensus sit determinatione, seu logice prior ipsa scientia media (sicut diximus de peccato Antichristi, quod licet sit tempore posterius ad ejus præscientiam, logice tamen, seu determinatione est prius) ergo voluntas ponens hunc consensum, ad quem consequitur scientia media de illo, sicut potest hunc consensum impedire directe, ponendo dissensum, ita poterit indirecte impedire scientiam mediam de tali consensu, atque adeo consensus est liber. Ratio à priori est, quia ideo Deus videt per scientiam mediam hunc consensum, quia consensus esset, si daretur auxilium, & non è converso ideo consensus esset, si daretur hoc auxilium, quia Deus videt illum per scientiam mediam; ergo talis scientia, quavis dirigat Deum ad conferendum auxilium A, seu potentiam proximam ad consensum, adhuc posita hac potentia proxima, indirecte est impedibilis, unde nullatenus lædit libertatem consensum.

VL Objic. 1. Scientia media de consensu Petri conditionate futuro præcedit natura ipsum consensum, ut absolute ponendum; cum ex tali scientia Deus dirigatur ad dandum Petro potentiam proximam, ut consensus absolute ponatur; ergo non potest

consensus habere prioritatem logicam relate ad illam scientiam; alioquin daretur mutua prioritas, quæ repugnat.

Resp. nego consequentiam: non enim repugnat mutua prioritas in diverso genere causæ; de facto enim datur inter causam efficientem, & finalem: Nam sanitas v. gr. est causa finalis, cur ponatur ambulatio, & ambulatio est causa efficiens sanitatis; ita consensus est logice prior scientia media de illo, & scientia media dirigens Deum ad conferendam potentiam proximam, qua ille physice causetur, est natura prior illo: Sic quando medicus præcians v. gr. ex revelatione divina, quod si daretur ægroto pharmacum, sanaret, dat de facto pharmacum, habetur mutua prioritas inter præscientiam illam, & sanitatem; Nam præscientia utpote dirigens Medicum ad conferendum pharmacum, quod causat sanitatem, est prior sanitate; Rursus sanitas conditionate futura est prior illa scientia; ideo enim illa scientia habetur, quia sanitas est conditionate futura; ergo dari potest hæc mutua prioritas in diverso genere causæ citra ullum inconveniens.

VII. Objic. 2. Achillem Adversariorum. Nullus effectus impedire potest suam causam, dependenter à qua ponitur; sed voluntas ponitur sæpe sub auxilio A dependenter à scientia media de consensu conditionate futuro, cum hæc scientia dirigat Deum ad collationem auxilii A; ergo voluntas sub auxilio non potest impedire indirecte scientiam mediam de consensu; atque adeo talis scientia est inimpedibilis, & violans libertatem.

Confirm. 1. quia quod supponit aliquod ut positum, ne indirecte quidem potest illud impedire; sed potentia proxima ad consensum supponit ut positas omnes suas causas, à quibus de facto pendet, adeoque scientiam mediam de consensu, ac prædeterminationem; ergo non potest illas impedire.

Confirm. 2. liberum arbitrium Petri, pro quando existit, ne indirecte quidem potest impedire id, quod eodem pacto daretur, siue ipsum liberum arbitrium existat, siue non; atqui scientia media de consensu ejusdem Petri eodem modo datur, siue existat liberum arbitrium Petri, siue non; ergo liberum arbitrium Petri nequit hujusmodi scientiam impedire.

Resp. cum Mauro disp. 83. de Deo, scientiam mediam de consensu sub auxilio A, neque esse causam immediatam talis con-

consensus: cum hic immediate solum pendeat ab auxilio indifferenti; neque esse causam remotam præcisam, seu determinate prærequisitam, ut possit poni consensus; sed solum esse necessariam ex parte intellectus divini, si ponatur consensus: Sicuti præscientia absoluta de peccato Antichristi non est necessaria, ut possit poni peccatum Antichristi, sed solum est necessaria ex parte intellectus divini, si peccatum ponatur. Patet, quia si ab Antichristo ponatur bona operatio, adhuc poni potest peccatum; & tamen tunc non datur præscientia de peccato; ergo hæc præscientia non est necessaria, ut possit poni peccatum: Eodem modo si Petrus sub auxilio A peccat, adhuc potest ponere consensum, & tunc non datur scientia media de consensu sub auxilio A; ergo ut poni possit consensus sub auxilio A, non est necessaria determinate scientia media de illo.

In forma itaque distinguo majorem: nullus effectus potest impedire suam causam vel immediatam, vel remotam præcisam, concedo; causam remotam per accidens, seu non determinate prærequisitam, quæ essentialiter pendeat logice ab aliqua operatione talis effectus ut conditionate futura, sicut est scientia media de consensu, quæ essentialiter pendet logice ab operatione voluntatis, ut conditionate futura, subdistinguo: non potest impedire directe, concedo; indirecte, ponendo scilicet aliquod, quo posito, tollitur futuritudo conditionata, ad quam consequitur scientia media, nego majorem, & distincta pariter minore, nego consequentiam. Hinc patet, quare calor. v. gr. à quo adequate pendet calefactio, non possit impedire existentiam ignis, à quo per accidens causatur (cum possit etiam calor causari à Sole). possit tamen voluntas sub Auxilio A, à quo adequate pendet consensus, impedire existentiam scientiæ mediæ de consensu, aut prædeterminationem, à quibus remote, & per accidens consensus causatur. Disparitas est, quia ignis non pendet logice ab operatione caloris, videlicet à calefactione ut conditionate futura: contra vero scientia media, & prædeterminatio consensus pendet logice ab operatione voluntatis, seu à consensu conditionate futuro; & ideo calor potens ponere calefactionem non potest impedire existentiam ignis, à quo causatur per accidens; voluntas vero potens ponere consensum, & dissensum, potest impedire scientiam mediæ, & prædeterminationem consen-

sus, à quibus causatur.

Ad primam confirmationem distinguo majorem: quod supponit aliquid ut positum, non potest illud impedire, ne indirecte quidem, si illud præsupponatur per se, concedo; si præsupponatur per accidens, seu non tamquam determinate prærequisitum, nego majorem, & distincta minore, nego consequentiam. Voluntas sub auxilio A eodem modo se habet intrinsece, sive supponatur scientia media de consensu, sive de dissensu; idcirco quando ponit consensum, cum possit etiam directe ponere dissensum, potest etiam indirecte impedire scientiam mediæ de consensu, à qua per accidens causatur; & sic potest voluntas se determinare, ut pendeat à scientia media de dissensu. Hinc patet disparitas, quare voluntas non possit impedire suum ullam constitutum, aut causam, à qua per se dependet, possit vero impedire indirecte causam remotam, à qua dependet per accidens: Nam liberum arbitrium prout existens non potest secundum se præscindere à suis constitutivis, neque à causa, à qua per se dependet: contra vero cum possit existere voluntas, sive ab hac, sive ab illa causa remota videl. sive dependenter à scientia media de consensu, sive de dissensu, idcirco secundum se præscindit ab hoc, quod existat dependenter ab hac potius, quam illa causa; unde secundum se potest ita pendere à scientia media de consensu, ut possit illam indirecte impedire.

Ad secundam confirmationem distinguo etiam majorem: Non potest voluntas Petri indirecte impedire id, quod eodem pacto daretur, etiamsi voluntas Petri non existeret; si illud pendeat essentialiter ab effectu conditionate futuro ipsius voluntatis, ut pendet scientia media de consensu, nego majorem; si non pendeat, concedo majorem, & distincta pariter minore, nego consequentiam.

VIII. Dico ultimo: neque prædeterminatio consensus, neque permissio dissensus, si consequantur ad scientiam mediæ, violant libertatem actus prædeterminati, aut permissi. Ita communiter Doctores Societatis cum Suar. lib. 9. de auxiliis cap. ultimo, Mau. dis. 84. de Deo &c. Et quamvis in contrarium citentur Vasq. dis. 84. Lessi, Mol. Ercic, tamen, ut notat Quiros de prædeterminatione dis. 8. sect. t. nemo istorum aperte contradicit; sicut nec Pater Thyrsus Gonzalez tom. 2. ubi plurimas difficultates contra hujusmodi prædeterminationem congerit;

illam enim probabilis dari docet in calce disputationis 13. Conclusio hæc constat ex hæcenus dictis.

Prob. Quod antecedit physice consensum, si logice ad illum consequatur, est indirecte impedibile à voluntate, & non violat libertatem consensui, ut patet exemplo præscientiæ de peccato Antichristi; sed prædeterminatio consensui consequens ad scientiam mediam ita est in priori ad consensum physico, quatenus est causa illius remota, & non determinate requisita, ut logice consequatur ad eundem ut conditionate futurum, & ad scientiam mediam de illo; ergo prædeterminatio isthæc est indirecte impedibilis, & non violat libertatem consensui prædeterminati.

Confirm. Necessitas mere consequens logice ad actum, ac proinde indirecte impedibilis à voluntate non violat libertatem talis actus, ut ostendimus questione præcedenti exemplificando in revelatione peccati D. Petri; sed necessitas orta à prædeterminatione, quod inducatur consensum, est mere consequens logice ad consensum ut conditionate futurum, & ad scientiam mediam de illo; ac proinde impedibilis indirecte à voluntate; ergo non violat libertatem consensui.

IX. Obij. v. Necessitas antecedens ad actum, & impedibilis à voluntate lædit libertatem actus; sed prædeterminatio consequens scientiam mediam inducit necessitatem antecedentem ad consensum inimpedibiliter; ergo violat libertatem consensui prædeterminati. Probatur minor. Hæc prædeterminatio non solum æternitate, sed etiam causalitate antecedit potentiam liberam, & consensum; ergo antecedit ad consensum inimpedibiliter; aliter posset voluntas impedire ipsam causam, deponderet à qua est posita; quod videtur repugnare.

Confirm. In tantum præscientia de peccato Antichristi non violat libertatem peccati, quia consequitur logice ad peccatum, & non causat illud; tenet enim hæc illatio. Ideo Deus prævidet peccatum, quia peccatum est futurum, & non è contra; unde peccatum, posita præscientia, est necessarium, necessitate solum consequente. At prædeterminatio causat mediate consensum, adeo ut teneat hæc illatio, Ideo consensus erit, quia est prædeterminatio; ergo prædeterminatio, quamvis consequatur ad scientiam mediam, infert necessitatem consensui antecedentem, & inimpedibilem læsivam libertatis.

Confirm. 2. Ex Aug. in Enchirid. cap. 95. ubi hæc habet. *Nefas est cogitare de Deo, ideo non facis, quia non fuit quod volubat Omnipotens, volumus hominis impedivis; ergo voluntas divina, seu prædeterminatio ex Augustino est inimpedibilis, atque adeo everiva libertatis.*

Resp. nego minorem, Ad probationem distinguo antecedens. Prædeterminatio ista antecedit causalitate potentiam liberam, & consensum; ita tamen ut sit determinatione; & logice posterior ipso consensui conditionate futuro; & scientia media de illo, concedo; secus, nego antecedens; & consequentiam. Quamvis enim causalitate antecedit ipsam potentiam liberam, antecedit tamen solum tamquam causa remota consensus, & non determinate requisita; unde est indirecte impedibilis à voluntate; nec violat libertatem consensui prædeterminati, ut ostendimus in tertia Conclusionem.

Ad primam confirmationem: ex hoc, quod prædeterminatio sit causa remota consensus, non fit, quomodo sit impedibilis à voluntate, quæ sicut potest directe impedire consensum, ita potest indirecte impedire scientiam mediam de illo, & prædeterminationem, quæ ad scientiam mediam consequitur. Non repugnat enim, ut ostendimus, mutua ista prioritas inter prædeterminationem, & consensum in diverso genere causæ, ut patuit in Medico dante pharmaceutum ex præconitione, quod si detur, agrotus sanaret: Sic etiam si Rex conferret arma militi ex eo, quod prævidet eis bene usurum, habetur mutua prioritas inter arma, & bonum usum armorum, quia bonus usus futurus sub conditione causæ ejus prævisionem; talis prævisio determinat ad collationem armorum, & arma causant bonum usum; in quo casu miles, quatenus potest libere ponere malum usum armorum, posset impedire prævisionem boni usus; qua impedita, impediretur collatio armorum; atque adeo existentia potentie proximæ ad bonum usum.

Ad secundam confirmationem Augustinus bene dicit, voluntatem divinam, seu prædeterminationem esse inimpedibilem, hoc est in frustrabilem à voluntate hominis, si illa ponatur, non vero esse inimpedibilem, ne ponatur; potest enim voluntas hominis impedire, ne existat voluntas Dei prædeterminativa consensus consequens ad scientiam mediam, quamvis ea posita, impediri non possit ejus effectus; quod non obest libertati actus prædeterminati.

X. Objic. 1. Non stat libertas, ubi com-
principia immediate concurrentia ad con-
sensum non sunt indifferentia; atqui posita
prædefinitione, hoc non habetur; ergo nec
libertas. Probatur minor: Inter comprincipia
proxima immediate ad consensum concurre-
ntia est ipsa Omnipotentia; hæc autem,
posita prædefinitione, concurrit ut deter-
minata ad consensum, non ut indifferens;
Sicut enim voluntas creata, posita inten-
tione efficaci finis, est determinata ad e-
lectionem medii, ita Omnipotentia deter-
minatur à voluntate divina efficaci, seu à
prædefinitione consensui; ergo.

Confirm. 1. In tantum prædefinitio con-
sequens non determinaret concursum indis-
ferentem Omnipotentiae, in quantum est
impedibilis; si enim voluntas non consen-
siret sub auxilio A, impediret ea Deo
scientiam mediam de consensu sub auxilio
A; & sic prædefinitio consensui sub eo-
dem auxilio impediretur, atqui hoc ipsum
dicunt Thomistæ de prædeterminatione con-
sensus, quod scilicet si voluntas sub præ-
determinatione non consentiret, impediretur
præscientia absoluta de consensu, &
sic etiam prædeterminatio; ergo si non stat
indifferentia, & libertas cum prædetermi-
natione, nec statit cum prædefinitione.

Confirm. 2. dum consensus dicitur sub
prædefinitione esse liber, quia prædefini-
tio est impedibilis, committitur circulus;
nam consensus dicitur liber, quia præde-
finitio est indirecte impedibilis; deinde præ-
definitio dicitur impedibilis, quia consen-
sus est liber.

Resp. argumentum probare, quod neque
Antichristus libere peccet sub præscientia
de peccato, quia Omnipotentia immédia-
te concurrens ad peccatum afficitur hac
scientia essentialiter connexa cum peccato;
Quare sicut præscientia accipit Omnipoten-
tiae consequenter ad determinationem
voluntatis Antichristi, & ideo non lædit
libertatem peccati; ita quia prædefinitio ac-
cedit ad Omnipotentiam, consequenter ad
scientiam mediam de consensu, atque adeo
consequitur ad ipsam determinationem vo-
luntatis, ideo nec lædit libertatem con-
sensus. In forma neque minore; Ad pro-
bationem dist. antec. Omnipotentia sub
prædefinitione est determinata determina-
tione consequenti, conc. antecedenti, ne-
go antecedens, & consequentiam.

Ad primam confirmationem: prædefinitio
ideo est impedibilis, quia voluntas sub au-
xilio A indifferens potest ponere tum

consensum, tum dissensum; ita ut possit
utrumque actum cum auxilio componere;
unde cum possit impedire consensum, po-
test indirecte impedire scientiam mediam de
consensu prærequisitam essentialiter ad præ-
definitionem; & ideo potest prædefinitio-
nem impedire. Contra vero cum præde-
terminatione non potest utrumque actum
componere; ergo prædeterminatio ne indi-
recte quidem est impedibilis. Præterea præ-
definitio licet physice antecedit consensum,
consequitur tamen illum logice, & ideo
potest voluntas illam impedire; secus ve-
ro prædeterminatio, ut dicemus disp. se-
quenti. Hinc prædefinitio est in manu vo-
luntatis, cum sit in manu voluntatis præ-
requisitum ad prædefinitionem; Prædetermi-
natio vero per Thomistam nullatenus ef-
fectus dicitur in manu voluntatis, sive se te-
neat ex parte actus primi, sive secundi;
ergo lædit libertatem.

Ad secundam nullus à nobis committitur
circulus: dicimus enim, consensum sub præ-
definitione esse liberum, præcise quia pro-
cedit à principis indifferentibus: dicimus
deinde, prædefinitionem non obflare nam
cum logice consequatur ad scientiam me-
diam de consensu, atque adeo ad deter-
minationem voluntatis, ideo est indirecte
impedibilis.

XL. Objic. ultimo: si posset voluntas im-
pedire prædefinitionem sui consensui, pos-
set etiam illam acquirere, & sic posset
acquirere causam sui: sequela est absurda;
ergo id unde sequitur. Prob. sequela pari-
tate scientiæ mediæ. Nam si posset vo-
luntas impedire scientiam mediam de con-
sensu conditionate futuro sub auxilio A,
potest etiam acquirere sibi scientiam me-
diam de tali consensu, ponendo scilicet
consensum; ergo pariter si posset impedire
prædefinitionem de consensu, ponendo dis-
sensum, poterit etiam acquirere prædefini-
tionem consensui; cum autem prædefinitio
consensus liberi sit causa tum ipsius con-
sensus, tum potentiae liberæ ad consen-
sum, sequitur manifeste, quod si posset vo-
luntas acquirere sibi prædefinitionem con-
sensus, posset sibi causam suam acquirere,
& sic esset prior se ipsa.

Resp. quod sicut A. Petrus per hoc,
quod libere peccavit, potuit acquirere sibi
præscientiam de peccato, non tamen reve-
lationem de illo; ita qui libere consentit,
potest acquirere sibi præscientiam de con-
sensu conditionate futuro, non tamen præ-
definitionem. Est ratio est, quia sicut ad

peccatum D. Petri necessario consequitur præscientia, non vero revelatio, quia intellectus Divinus necessitatur ad cognoscendum, voluntas vero Divina est libera ad revelandum; ita ad consensum sub auxilio A, necessario consequitur scientia media de illo, non tamen prænitio, quia hæc est libera voluntati Divinæ. Quare possumus prænitioem tantum impedire, cum possumus impedire scientiam mediam de consensu essentialiter prærequisitam; at non possumus prænitioem acquirere, quia ad illam scientia media prærequisitur; non consequitur tamen necessario, sed libere à Deo ponitur.

XII. Dices: prænitio consequens in omni providentia est necessaria, ut diximus, ex parte voluntatis Divinæ; sicut est necessaria ex parte intellectus Divini scientia media de consensu; ergo sicut potest voluntas creata acquirere sibi scientiam mediam de consensu, ita & prænitioem.

Resp. 1. per instantiam, quæ maxime urget: sicut per nos est necessaria in omni providentia prædefinitio consensus, non quidem ex parte consensus, sed ex parte voluntatis Divinæ, quæ non potest carere amore efficaci boni, quod ponitur, unde fit causa per se omnis boni, & inducat debitum gratitudinis etiam ex bona operatione; ita per Adversarios in omni providentia, quandocumque ponitur consensus, requiritur collatio auxilii prævisi efficacis, non quidem ex parte consensus (qui posset poni, etiam si auxilium prævideretur inefficax; aut si probabiliter tantum prævideretur efficax) sed ex parte intellectus Divini, qui non potest carere certa scientia omnium conditionatorum; & tamen per adversarios non potest absolute voluntas acquirere sibi collationem auxilii prævisi efficacis; ergo nec per nos prædefinitioem.

Resp. 2. concesso antecedente diss. consequens: potest voluntas acquirere sibi prædefinitioem consensus, supposita collatione auxilii, quæ est libera Deo, concedo; non posita tali collatione, nego consequentiam: Sicuti per Adversarios potest voluntas acquirere sibi collationem auxilii, in quantum prævisi efficacis, si auxilium libere conferatur à Deo, non vero simpliciter, & absolute. Non potest itaque negari, ut notat Gisbert de voluntate Dei, cap. 3. quod voluntas, posita collatione auxilii A, sicut potest directe ponere consensum; ita possit indirecte & impedire, & acquirere

re sibi tum scientiam mediam de consensu, tum etiam prædefinitioem, posito, quod hæc sit necessaria in omni providentia. Illud tamen interest inter scientiam mediam, & prædefinitioem, quod in intellectu Divino est simpliciter necessaria aliqua scientia media vage, videlicet vel de consensu, vel de dissensu sub auxilio A, etiam si auxilium A de facto non conferatur; quia illa scientia media confargit in Deo per liberam determinationem voluntatis creatæ, quæ esset, si non vero, quæ est de facto: Contra vero in voluntate Divina non est necessaria vage vel prædefinitio consensus, vel permisso dissensus, nisi in hypothese, quod libere Deus conferat auxilium indifferens; & ideo voluntas creata non potest acquirere sibi prædefinitioem, nisi in hypothese; quod auxilium de facto conferatur; Sicut enim potest prædefinitioem indirecte impedire, non quidem quatenus est collativa auxilii, sed quatenus est prædefinitiva consensus, quia sic est causa per accidens, & non determinate requisita, ita eodem modo potest illam sibi indirecte acquirere.

QUESTIO V.

An Prædefinitio antecedens scientiam mediam in essendo, consequens in operando, convertat libertatem auctus Prænitii?

I Difficultas est de prædefinitioe, seu decreto intentivo consensus, quod Deus poneret immediate post scientiam simplicis intelligentiæ, qua videt non defuturum in collectione auxiliorum aliquod auxilium efficax; quamvis deinde antequam auxilium conferatur, indigeat Deus consultatione scientiæ mediæ ad inquirendum de auxilio efficaci, quod tenetur conferre vitalis prædefinitiois, ne exponatur periculo frustrationis.

Communissime docent, huiusmodi prædefinitioem absolute repugnare, tum quia Deus minus perfecte cognosceret quæ debet cognoscere, nempe obiectum scientiæ mediæ; tum quia minus perfecte, & veluti cæco modo decerneret. Primo quidem, ut notat P. Jusius laudatus à P. Thyrio Gonzalez disp. 2. sect. 6. minus perfecte cognosceret obiectum scientiæ mediæ, quia illud non cognosceret statim ac potest, videlicet ante quodvis decretum liberum; de-

debet autem Deus illud cognoscere statim ac potest, cum sit obiectum necessarium. Secundo minus perfecte decerneret, tum quia non decerneret omnia unico decreto; consensum enim praedefinit ante scientiam mediam, & deinde post consultationem scientiae mediae decerneret dare auxilium praevium efficax; tum etiam quia decretum hoc, seu praedefinitio non consequeretur ad scientiam mediam, quae est Deo necessaria; omne autem liberum in Deo cum fauatur in necessario, debet consequi ad necessarium. Tertio minus sapienter praedefiniret consensum, quia ita praedefiniret, ut deinde indigeret consultatione scientiae mediae ad dandum auxilium efficax, ne praedefinitio frustraretur; sapientissime autem decerneretis, & non indigentis consultatione est simul intendere finem, & eligere media; ergo. Quarto caeco modo decerneret, ac praedefiniret consensum, nondum videns in particulari, per quodnam auxilium sit inducendus. Repugnat itaque absolute ex parte Dei decerneretis praefinitio ista antecedens. Solum itaque quaeritur; An si per impossibile Deus ita praedefiniret consensum, huiusmodi praedefinitio everteret libertatem actus praedefiniti?

ARTICULUS I.

Auctoritate, & ratione stabilitum conclusio affirmativa.

II. **C**Enseo equidem, praedestinationem, quae anteverit scientiam mediam in essendo, consequitur in operando, evertere libertatem actus praedefiniti. Unde fit, praedestinationem istam neque esse possibilem ex parte Dei decerneretis, neque ex parte consensus liberi. Ita Suar. l. 9. de gratia, c. 53. & 54. Martinonius de Deo qu. 81. Cataneus tom. 4. disp. 12. sec. 5. P. Thyrsus Gonzalez tom. 2. dis. 4. num. 76. dicens, Hanc esse communissimam inter Doctores Societatis contra nonnullos in manuscriptis: Nam Coninck dis. 22. num. 98. qui in contrarium citatur, videtur potius admittere praedestinationem consequentem, quam antecedentem; Idemque dicas de Perez dis. 5. de Providentia c. 4. & Praeposito prima parte qu. 22. art. 4. num. 46. Citatur etiam ab Adversariis Suar. quippe qui 3. parte dis. 37. sect. 3. docet, conciliari impeccabilitatem Christi Domini cum libertate ad obediendum precepto mortis per unionem hypostaticam, exigivam

auxiliorum efficaciam. Sed Suarius etiam, teste eodem P. Thyrsio, interpretandus est de unionem hypostaticam consequente, non antecedente ad scientiam mediam, atque adeo de unionem, quae se habet iuxta praedestinationis consequentis, non antecedentis; supponente, non trahente praevisionem auxiliorum efficaciam; Nisi velimus cum aliis dicere, Suarium re melius considerata in libris de auxiliis retractasse sententiam: Btenim lib. 5. cap. 54. num. 12. aperte dicit, repugnare libertati, quod Deus nullo habito respectu ad usum libertatis sub conditione praevium apud se statuat, & praefiniat facere talem actum; & c. 53. num. 4. docuit, non posse à Deo concipi electionem ad gloriam ante scientiam conditionatam, salva ejus efficacia, & praedeterminatorum libertate; & c. 23. num. 8. habet, impossibile esse, quod sit in mea potestate effectus, nisi in mea potestate etiam sit quicquid est necessarium, ut effectus ponatur: ecce quam aperte Suar. sententiae oppositae adversatur.

Auctoritati Scholasticorum accedit auctoritas uniformis PP. Aug. l. 1. Retractionum cap. 22. dicit. *In potestate nostra non est, nisi quod nostram consequitur voluntatem.* Ber. lib. de Gratia, & lib. arbit. *Ubi necessitas, ibi libertas non est.* D. Ansel. lib. 2. *Cum Deus homo, c. 14.* docet, duplicem dari necessitatem, videlicet antecedentem, quae causa est, ut res sit; & consequentem, quam res ipsa facit; illamque simpliciter evertere libertatem.

Prob. conclusio ratione. Primo quia voluntas sub illa praedestinatione antecedente ita poneret consensum, ut non esset proxime potens ponere dissentiam; ergo consensus non esset liber: Consequentia sequitur; Antecedens probatur, non posset voluntas ponere dissentium, neque in sensu composito praedestinationis, hoc est componendo dissentium cum praedestinatione consensus, ut patet; praedefinitio enim, utpote infrufragilis, est impossibilis cum dissentio: Neque posset dissentium ponere in sensu diviso, hoc est ponendo dissentium, & abigendo praedefinitioem, seu dividendo se ab illa (eo modo quo voluntas amans ponere potest odium in sensu diviso) quia non potest praedefinitioem impedire; ergo non posset simpliciter ponere dissentium; cum à Philosophis non assignetur alius modus ponendi, quam vel in sensu composito, vel diviso.

Quod autem illa praedefinitio abici, seu

impediri non possit à voluntate creata, patet, quia nec est impedibilis directe, cum non sit actus ipsiusmet voluntatis create, sed Divinæ; nec est impedibilis indirecte, tollendo scilicet aliquod prærequisitum ad ipsam, eo modo, quo prædefinitio consequens est indirecte. Impedibilis per hoc, quod possit impediri scientia media de consensu prærequisita ad ipsam; quia prædefinitio antecedens non prærequirit scientiam mediam de consensu, sed scientiam simplicis intelligentiæ, qua Deus videt, sibi non defuturum auxilium efficax; & huiusmodi scientia cum sit in Deo necessaria, non est impedibilis à voluntate creata; ergo prædefinitio antecedens est simpliciter inimpedibilis.

Vis ratiocinationis sit manifesta exemplificando. Sit sedes v. g. capax unius tantum hominis, & in ea sedet Petrus, qui non possit à Paulo expelli; certe Paulus in hac hypothesi simpliciter non habet potentiam proximam, ibi sedendi, cum non possit sedere nec in sensu composito cum Petro, eo quod sedes non sit capax duorum; neque in sensu diviso, cum non possit illum expellere; ergo similiter in casu nostro. Ratio à priori est, quia toties potentia aliqua non potest proxime ponere effectum, quoties inter ipsam, & effectum debet aliquid intercedere: sic ignis, distans à passo non potest proxime combutere, quia inter ignem, & combustionem debet intercedere remotio, distans; atqui inter potentiam sedendi, quæ est in Paulo, & sessionem debet intercedere remotio sessionis Petri faciendæ ab alio, eo quod non possit à Paulo Petrus expelli; ergo Paulus non dicitur posse proxime ibi sedere: Eodem pacto inter voluntatem, & dissensum debet intercedere remotio prædefinitionis inimpedibilis; ergo voluntas sub prædefinitione consensus non potest proxime ponere dissensum, atque adeo non est libera.

III. Confirm. Concl. Si voluntas sub prædefinitione antecedente posset ponere dissensum, eo ipso posset componere dissensum cum prædefinitione; sequela est absurda; ergo. Probatur sequela: Si immoto, & inimpedibili A, potest poni B, eo ipso potest A componi cum B; ergo si posita prædefinitione immota, & inimpedibili, potest poni dissensus, potest cum ea componi dissensus: Antecedens patet: quoties enim ponere A, idem est, ac componere illud cum B, qui potest ponere A, potest illud componere cum B; atqui posita præ-

definitione consensus ponere dissensum, est componere dissensum cum prædefinitione, ut patet; ergo si voluntas sub prædefinitione consensus potest ponere dissensum, potest componere dissensum cum prædefinitione; quod est habere potentiam ad chimeram.

Dices 1. voluntas sub prædefinitione potest ponere dissensum: tam in sensu composito, componendo scilicet se cum dissensu, non vero prædefinitionem cum dissensu; tam in sensu diviso, non dividendo se à prædefinitione active, & directe, hoc est expellendo illam immediate; nec formaliter, & indirecte, hoc est expellendo mediate, impediendo scilicet prærequisitum ad illam; sed arguendo, & quasi formaliter, per hoc scilicet quod spectata virtute voluntatis sub auxilio indifferenti, possit poni dissensus, quo posito argueretur, quod non præfuisset prædefinitio; ergo stat libertas consensus cum prædefinitione antecedente.

Sed contra est, quia iuxta has interpretationes, etiam potentia progressiva sub compedibus diceretur posse proxime ambulare tum in sensu composito, tum diviso; ut patet consideranti: Similiter Paulus posset proxime in ea sede sedere, quod tamen nemo dixerit. Etenim, quamvis Paulus secundum se spectatus possit ibi sedere; quia tamen inter potentiam sedendi, & sessionem, intercedere debet remotio sessionis Petri inimpedibilis à Paulo, ideo Paulus non habet potentiam proximam, & expeditam ad sedendum; sed impeditam à sessione Petri, tanquam ab impedimento insuperabili. Ita in casu nostro: quævis enim prædefinitio sit extrinseca voluntati, adhuc est impedimentum rigorosum, ut dicemus articulo sequenti: sicut sessio Petri inimpedibilis, quamvis sit extrinseca Paulo, adhuc est impedimentum; ne Paulus possit sedere: ad rationem enim impedimenti solum spectat, quod sit impossibile cum effectu, & inimpedibile ab agente, non vero, quod sit intrinsecum agenti; Nam gratia v. g. quamvis sit intrinseca animæ, non est impedimentum ad peccatum, cum quo est impossibile, quia non est inimpedibilis à voluntate.

IV. Dices 2. ex Martínez contrav. 4. disp. 6. sect. 1. Qui potest ponere A impossibile cum B in sensu diviso, non debet posse tollere, seu impedire ipsum B, sed satis est, quod possit componere potentiam cum B; ergo ut voluntas sub prædefinitione consensus possit ponere dissensum, non

de-

debet posse impedire praedestinationem, sed satis est, quod possit voluntatem componere cum dissensu; ergo stat libertas. Antecedens patet multis exemplis. Nam qui potest v. gr. proxime ponere visionem Solis fulgentis, non debet posse tollere, vel impedire negationem Solis, vel Eclipsim, cum qua visio illa est impossibilis: Sic qui potest credere fide Divina, Spiritum Sanctum non esse incarnatum, non debet posse impedire Incarnationem Spiritus Sancti, cum qua fides illa est impossibilis; ergo pariter qui potest proxime ponere dissensum, non debet posse impedire praedestinationem consensus.

Resp. debere esse inconcussam, quod ut potentia sit proxime expedita, nihil debeat intercedere inter ipsam, & effectum, quod non possit ab ipsa poni. Hinc fit, quod quae sunt impossibilia cum effectu, vel debent posse ab ipsa potentia removeri, vel saltem debent supponi remota, & impedita ab alio, ut in casibus adductis in argumento. Nam ut quis dicatur posse proxime videre Solem, debet saltem praesupponere sublatam à Deo negationem existentiae Solis, cum qua talis Visio est impossibilis; ergo cum in casu nostro non supponatur sublatam à Deo praedestinatio consensus, debet voluntas posse illum impedire, ut dicatur posse proxime dissentire. In forma distinguo antecedens: non debet semper posse impedire B, concedo: non debet posse impedire, aut supponere impeditum B, nego antecedens & consequentiam. Quoties duo sunt non mutuo connexa, ut visio Solis cum Sole (visio enim existere nequit sine Sole, sed potest Sol sine visione) tuac qui potest ponere A, nempe Visionem Solis, debet supponere sublatam B, nempe negationem existentiae Solis, cum qua illa est impossibilis: seu debet supponere Solem existentem; aliter non posset proxime illum videre.

ARTICULUS II.

Stabilitas maxima universalis in hac materia.

V. Probatur 1. Conclusio à priori ex hac maxima, quae debet in sententia Societatis esse ineluctabilis, & aperte ducitur ab Eximio Doctore lib. 3. de Gratia, cap. 23. num. 8. *Omne antecedens consensus omnino antecedens, si sit impossibile cum dissensu, et impossibile à voluntate*

voluntatis, eversit libertatem consensus; sed ita se habet praedestinatio antecedens; ergo eversit libertatem consensus praedestinati: Dixi, Omne antecedens omnino antecedens, hoc est non solum physice, ut antecedit praedestinatio consequens, sed etiam logice, ita ut valeat illatio: ideo datur consensus, quia datur id, quod antecedit consensus; & non viceversa, ideo datur id, quod consensus antecedit, quia datur consensus; sicuti ideo datur praedestinatio consequens, quia datur consensus, ut proinde praedestinatio consequens antecedit consensus physice tantum, non logice. Quod autem praedestinatio antecedens sit huiusmodi, est indubitatum; antecedit enim consensus tum physice, cum sit causa auxiliorum, quae causant illam; tum etiam logice, valet enim haec illatio, Ideo datur consensus, quia datur praedestinatio, ut dicitur de praedestinatione; non vero è contra, Ideo datur praedestinatio, quia supponitur consensus pro ista conditionata, ut dicitur de praedestinatione consequente.

Prob. itaque ea Maxima. Illud est eversivum libertatis consensus, quod reddit potentiam liberam impeditam ad dissensum, seu quod est impedimentum ad dissensum; atqui omne antecedens omnino antecedens (sicut est praedestinatio) est impedimentum ad dissensum; ergo omne huiusmodi antecedens est eversivum libertatis. Major patet, quomodo enim dari potest libertas, seu potentia proxime expedita ad utramque partem, si detur impedimentum ad alteram? Probatur itaque minor: Illud est impedimentum, quod est ratio sufficiens, ne aliquid ponatur insuperabilis ab agente; atqui praedestinatio, & omne antecedens omnino antecedens, est huiusmodi; ergo est impedimentum. Major huius syllogismi constans tam ex nominis Etymologia; quid enim aliud est impedire, quam efficere ineluctabiliter, ne aliquid sit? tum inductione; tum etiam ratione, quia aliter posita huiusmodi ratione ineluctabili, potentia posset, & non posset ponere effectum: posset quidem, quia re vera careret impedimento juxta sententiam Adversariorum; non posset vero, quia neque posset in sensu composito, neque in sensu diviso, juxta dicta art. antecedenti.

VI. Ubi advertit, quod tam praedestinatio, quam ipsa voluntas se determinans ad consensus sit ratio sufficiens, ne ponatur dissensus: cum hoc tamen discrimine, quod consensus non sit inimpedibilis ab agente, seu

seu à voluntate; secus vero prædefinitio; & ideo sola prædefinitio est impedimentum ad dissensum.

Dices 1. impedimentum debet se tenere ex parte principii proximi; non vero remoti, & non per se requisiti; atqui prædefinitio se tenet ex parte principii remoti, & non per se requisiti ad consensum; quandoquidem etiam sine illa potest poni consensus, & ea non influit immediate in consensum, sed solum mediate, quatenus causat auxilium, à quo est consensus; ergo prædefinitio non est impedimentum ad dissensum.

Resp. impedimentum debere se tenere ex parte principii proximi, non quia debet immediate influere ad effectum, aut quia ad effectum prærequiritur, aut quia debet intrinsece efficere potentiam, (aliter sessio Petri inimpedibilis non esset impedimento Paulo, ne sedeat, & decretum Dei nolentis concurrere cum igne ad combustionem non esset impedimentum in igne ad comburendum) sed debet se tenere ex parte principii proximi, quatenus debet esse destructivum principii, in quantum proxime expediti; atqui prædefinitio cum sit ratio sufficiens, ne ponatur dissenus inimpedibilis à voluntate, se vera destruit in voluntate vim proxime expeditam ad dissensum; ergo prædefinitio se tenet ex parte principii proximi, prout spectat ad rationem impedimenti. In forma distinguo majorem: impedimentum debet se tenere ex parte principii proximi, ut constitutivum principii proxime potentis ponere effectum, nego; ut destructivum illius, concedo majorem, & nego consequentiam.

VII. Dices 2. hanc esse notionem impedimenti, quod sit id, quod supposita virtute adæquata causæ, ita est ratio sufficiens, & includibilis, ne effectus ponatur, ut ea sublata statim effectus debeat confluere: Sic distantia ignis à passo est impedimentum, quia ea sublata, statim ignis calefacit; at sublata prædefinitione consensus non statim voluntas ponit dissensum, cum sit libera ad illum non ponendum; ergo prædefinitio consensus non est impedimentum ad dissensum. Imo relate ad potentiam liberam, nullum videtur dari posse rigorosum impedimentum, sed solum dari potest defectus requisitorum ad agendum.

Resp. hujusmodi notionem impedimenti non subsistere, neque in causis necessariis, neque in liberis. Primo non subsistit in

causis necessariis; nam si duo deantur impedimenta, ne ponatur effectus, altero sublato, effectus non ponitur, & tamen illud erat verum impedimentum; v. gr. si descensum lapidis impediatur cum columna, à qua sustentatur, tum funis, cui suspenditur, columna sublata lapis non descendit; & tamen columna erat impedimentum. Deinde non subsistit in causis liberis; nam compedes v. gr. in potentia libere progressiva sunt impedimentum ad motum, & tamen sublatis compedibus, non statim ponitur motus; Sic visio beata, Unio hypostatica sunt impedimentum ad peccatum, & iis sublatis, non statim ponitur peccatum; ergo falsum est, ad rationem impedimenti requiri non solum quod sit ratio sufficiens, ne ponatur effectus insuperabilis ab agente; sed etiam, quod ea sublata statim ponatur effectus. Et ratio à priori est, quia licet causa necessaria, eo quod sit necessaria, sublatis omnibus impedimentis, debeat statim agere; nihilominus causa libera, eo quod sit libera, sublato impedimento, non debet eatenus operari.

Adde, non posse ab Adversariis negari, quod potentia libera sit capax impedimenti, cum ipsi admittant possibilem prædefinitionem consequentem indirecte impedibilem; Quid enim est, prædefinitionem consequentem ad scientiam mediam esse impedibilem, quam posse dari ad illam impedimentum? videlicet carentiam scientiæ mediz de consensu, quæ est prærequisitum ad illam. Quare sicut admittunt rigorosum impedimentum ad hanc prædefinitionem, quæ est actus voluntatis divinæ per hoc, quod possit illi deficere prærequisitum; ita admittere debent impedimentum ad actum voluntatis creatæ, v. g. ad dissensum, si deficiat illi requisitum, nempe carentia allicujus essentialiter connexi cum consensu, & inimpedibilis, sicut est prædefinitio antecedens. Ubi advertit, Adversarios admittere, quod voluntas dicatur impedita, quando caret requisitis ad actum, v. g. voluntas, si cum cognitione ænigmatica Dei habeat simul visionem beatam, dicitur impedita ad peccandum, quia caret requisitis, nempe remotione visionis beatæ, quæ est impossibilis cum peccato, & inimpedibilis; ergo pariter voluntas si cum auxilio indifferenti stet sub prædefinitione consensus, etiam erit impedita ad dissensum, quia caret consimili requisito. Præterea in eo sensu, in quo Adversarii admittunt, voluntatem posse impediri, non est verum, quod

eo impedimento sublato, statim voluntas operetur; nam scientia media de diffusa est impedimentum in voluntate divina ad prædeterminationem consensus, & tamen hoc impedimento sublato, non ideo ponitur à Deo prædeterminatio; ergo notio impedimenti adducta ab Adversariis non subsistit.

VIII. Confirm. ratiocinatio, & Maxima adducta ex absurdis. Nisi ea Maxima esset universaliter vera in Schola Societatis, sed posset ab Adversariis limitari dicendo, quod omne antecedens, omnino antecedens impossibile cum diffensu, & inimpedibile evertit libertatem, si se teneat ex parte principii proximi, non vero remoti, sequeretur, non posse amplius à nobis impugnari Prædeterminationes, & Conddeterminationes; atque adeo si prædeterminatio antecedens non tollit libertatem, neque tolleretur prædeterminatio, & conddeterminatio; Sequela non admittitur; ergo neque antecedens. Probat per sequela, quia possent pariter Prædeterminatores aliter limitare, & distinguere Maximam illam, dicendo esse veram, si antecedens omnino antecedens se teneat ex parte principii proximi spectantis ad causam secundam, non vero ad causam primam, tamquam instrumentum Dei applicantis causas secundas ad libere agendum, sicut est prædeterminatio; seu, ut loquuntur Thomistæ, si determinet per modum naturæ, non libertatis: Sic autem limitando illam Maximam procul dubio prædeterminatio (& idem dicas de conddeterminatione) non everteret libertatem; ergo si posset à nobis illa Maxima limitari, non posset à nobis impugnari prædeterminatio, ut everteret libertatis. Quod autem posset Thomistæ etiam illam Maximam limitare, & eo pacto distinguere, probatur, quia quæ adversus hanc limitationem Thomistam à nobis obijciuntur, militant etiam adversus limitationem adductam à prædeterminatoribus; sicut enim persistit in sua familiaris limitatione. Prædeterminator; ita posset etiam in sua persistere Prædeterminator; præsertim quia plura habet Prædeterminator argumenta, quæ in speciem suadent, admittendam esse suam limitationem; quia scilicet sic salvatur in Deo conceptus non solum primi entis, sed etiam primi Præmotoris, qui causas secundas ad agendum non solum movet, sed etiam præmovet.

Præterea juxta sententiam Jo: Vincentii celeberrimi Thomistæ sustinentis, prædeterminationem non esse necessariam, ut ponatur actus liber, eo quod possit divinitus præ-

ter determinationem actus liber poni, quamvis non connaturaliter, sequeretur, quod posset etiam inimpugnabiliter limitari aliter illa Maxima, dicendo, Omne antecedens omnino antecedens impossibile, & inimpedibile evertit libertatem, si sit antecedens necessarium ad actum, non vero si non sit necessarium, ut non est necessaria in hac sententia prædeterminatio, quæ superaddatur auxilio indifferenti; ergo maxima illa in schola Societatis esse debet universalissima.

IX. Neque dicas, juxta doctrinam Angelici, effectum dici liberum, si causa proxima sit indifferens, quamvis remota, qualis est prædeterminatio, sit necessaria: Sicuti & contra effectus est necessarius, si causa proxima sit determinata ad unum, quamvis causa remota sit libera; ex. gr. calor est effectus necessarius, quia est ab igne, qui est causa proxima necessaria, quamvis causa productiva ignis, nempe voluntas Dei, sit libera; ergo consensus sub prædeterminatione, quæ est causa proxima, est necessarius; sub prædeterminatione vero, quæ est causa remota, erit liber.

Nam contra est, quia sicut Prædeterminatores dicunt, effectum dici liberum, si solum causa proxima sit indifferens, ita Prædeterminatores dicunt, effectum esse liberum, si sit indifferens causa proxima secundum ea, quæ spectant ad causas secundas, non ad causam primam; & secundum ea, quæ sunt necessaria ad actum, non secundum ea, quæ non sunt necessaria; ut est prædeterminatio in sententia Jo: Vincentii; ergo dicendum, ad libertatem consensus requiri, quod omnia omnino principia sint indifferentia. Et ratio à priori est, quia Bonum ex integra causa, malum ex singulis defectibus; ergo libertas, quæ est bonum, debet habere indifferentiam ex parte omnium omnino principiorum, etiam si sint remota, aut se teneant ex parte causæ primæ, aut non sint necessaria: Contra vero necessitas, quæ est malum, habetur in actibus ex singulis istorum principii determinatis. In forma distinguo antecedens: ut effectus sit liber, satis est, quod causa proxima sit indifferens, indifferentia solum negativa, nego; indifferentia etiam positiva, qua excludatur omne antecedens determinatum ad unam partem, & inimpedibile, concedo antecedens, & nego consequentiam. Duplex agnoscenda in principio proximo indifferentia, altera negativa, quatenus secundum se non est

determinatum ad unam partem; altera positiva, quatenus excludit omne antecedens determinatum ad unam partem, & impossibile. Voluntas sub auxilio indifferenti est principium proximum habens solum indifferenciam negativam, non vero positivam, nisi careat impedimentis; sicut potentia progressiva non habet positivam indifferenciam ad motum, nisi careat compedibus; & idcirco consensus, sive sit sub prædeterminatione, sive sub prædefinitione, non est liber.

ARTICULUS III

Roboratur Conclusio ex Regulis Summulisticis.

X. Probatur ultimo cum Mauro, & Cattaneo locis citatis, & simul roboratur adversus Prædeterminationem physicam Maxima adducta, ex hac regula Summulistica. Ex necessario non sequitur nisi necessarium; ergo ex necessario mihi non sequitur, nisi necessarium mihi; sed prædefinitio consensus est mihi necessaria, utpote inimpedibilis à me: ergo ex ea non sequitur consensus, nisi necessarius mihi, atque adeo non liber. Sensus illius regulæ est, quod si veritas antecedens est necessaria, erit etiam necessaria veritas consequens, v. gr. cum necessarium sit, quod Petrus sit homo, non potest non esse necessarium quod Petrus sit animal, quæ est veritas consequens ad illud antecedens. Ex hac regula inconcussa descendit illa consequentia; ergo ex antecedente necessario mihi, sequitur consequens necessarium mihi, v. g. ex hoc antecedente, Datur prædefinitio consensus, quæ est veritas necessaria mihi, sequitur hoc consequens necessarium mihi; ergo datur consensus: atqui si est necessarium voluntati, quod detur consensus, eo ipso non est liber: ergo posita prædefinitione antecedente (sicut etiam prædeterminatione) consensus non est liber.

Dices. Ex necessario simpliciter sequitur quidem necessarium simpliciter, juxta regulam summulisticam; At ex antecedente necessario mihi, non sequitur consequens necessarium mihi. Ratio est, quia potest aliquando antecedens trahere consequens necessario, non necessarium; ita ut posito antecedente, v. g. posita prædefinitione, sequatur consensus necessarius, necessitate tamen consequentis, non consequentis, atque adeo ex prædefinitione necessaria mihi potest sequi consensus mihi liber.

Sed contra est primo, quia ita se habet simpliciter ad simpliciter, ut secundum quid ad secundum quid: ergo si ex antecedente necessario simpliciter sequitur consequens simpliciter necessarium necessitate tum consequentis, tum consequentis; pariter ex antecedente necessario mihi sequetur consequens mihi necessarium tum necessitate consequentis, tum consequentis. Contra secundo; Ideo ex necessario simpliciter non potest sequi nisi necessarium simpliciter, quia aliter posset esse verum antecedens, & falsum consequens v. gr. posset esse verum, quod Petrus sit homo, & falsum, quod sit animal; quod est contra conceptum veritatis antecedentis, & consequentis; atqui hoc etiam probat, ex necessario mihi non sequi nisi necessarium mihi: ergo. Probatur minor, quia aliter posset pariter esse verum antecedens, & falsum consequens; v. gr. posset esse verum, dari prædefinitionem, & falsum, quod datur consensus, quod pariter repugnat: etenim si consensus, etiam posita prædefinitione, est liber, & contingens, etiam posita prædefinitione posset non dari; unde posset esse verum antecedens, & falsum consequens.

Neque dicas, quod posita prædefinitione possit non dari consensus, spectato principio proximo, non vero spectatis omnibus. Nam quando dicitur, quod possit non dari consensus, spectato principio proximo, non possit vero, spectatis omnibus, seu spectata etiam prædefinitione, vel sit sensus, quod simpliciter, & absolute possit non dari consensus; vel sit sensus, quod absolute non possit dari, sed posset non dari, si non daretur prædefinitio. Si dicatur hoc secundum, habemus intentum. Si primum, sequitur, quod possit esse verum consequens, falsum antecedens, contra regulam summulisticam. Idemque dicimus omnes contra prædeterminatores, si dicant, posita prædeterminatione, posse non dari consensum, spectatis iis, quæ spectant ad causas secundas, non vero ad causam primam. Præterquamquod in tali casu neque voluntas posset dissentire in sensu composito prædeterminationis, aut prædefinitionis, neque in sensu diviso: ergo simpliciter non posset dissentire.

XI. Confirm. Si per impossibile prædefinitio consensus esset necessaria Deo, sequeretur, quod consensus prædefinitus etiam sub auxilio indifferenti esset necessarius, ergo etiam si prædefinitio ista sit libera Deo. Consequentia videtur sequi, Probatur ante-

cedens, quia in tali hypothefi prædefinitio effet neceffaria simpliciter: ergo cum ex regula dicta ex neceffario simpliciter non fequatur nifi neceffarium simpliciter, deberet ex præfinitione (simpliciter neceffaria fequi confenfus neceffarius simpliciter; aliter poffet effe verum antecedens, falſum conſequens; quod repugnat.

Replicabis. Quamvis ex neceffario ſimpliciter non poſſit fequi nifi neceffarium ſimpliciter, falſum tamen eſt, quod ex neceffario mihi non fequatur nifi neceffarium mihi: ergo ruit ratiocinatio adducta. Probatur antecedens: quamvis juxta aliam regulam ſummuliſticam. Ex poſſibili non fequatur nifi poſſibile, falſum tamen eſt, quod ex poſſibili mihi non fequatur nifi poſſibile mihi: ergo neque ex neceffario mihi fequitur neceffarium mihi. Probatur antecedens, nam ex hac veritate antecedente poſſibili, Video Solem, fequitur quidem hoc conſequens poſſibile: ergo Sol exiſtit; at ex hoc alio antecedente, Eſt poſſibile mihi videre Solem, non fequitur, quod ſit poſſibile mihi hoc conſequens; ergo Sol exiſtit; cum non poſſim ego ponere exiſtentiam Solis, quamvis poſſim videre Solem.

Reſpond. nego antecedens, & retorqueo argumentum. Sciendum tamen, dupliciter poſſe ſummi poſſibile; primo pro non repugnante; ſecundo pro contingente, ſeu non neceſſario; nam v. gr. hominem eſſe rationalem eſt poſſibile in primo ſenſu, quatenus non repugnat, non vero in ſecundo ſenſu, cum non ſit id contingens. Hoc poſito, illa regula ſummuliſtica, Ex poſſibili non fequitur nifi poſſibile, intelligenda eſt de poſſibili ſumpto in primo ſenſu, non in ſecundo: nam ex poſſibili, hoc eſt non repugnanti, v. gr. Petrus eſt homo, fequitur poſſibile, ſeu non repugnans: ergo eſt animal; at ex poſſibili, ſeu non neceſſario, Petrus intuetur Deum, non fequitur hoc conſequens poſſibile, ſeu non neceſſarium, ergo Deus exiſtit. Hinc ex poſſibili mihi fequitur poſſibile mihi, ſumpto poſſibili in primo, non ſecundo in ſenſu: nam ex hoc, quod ſit mihi poſſibile, hoc eſt non repugnans hoc antecedens, Intueor Deum, eſt poſſibile mihi, ſeu non repugnans hoc conſequens: ergo Deus exiſtit; quamvis ex eo, quod ſit poſſibile mihi, hoc eſt non neceſſarium hoc antecedens, Intueor Deum, non fequitur eſſe mihi poſſibile, ſeu non neceſſarium hoc conſequens: ergo Deus exiſtit.

XII. Confirm. ulterius Concluſio ex hac alia regula ſummuliſtica. Non poſſet eſſe falſum conſequens, & verum antecedens, v. g. falſum eſſe, quod Petrus ſit animal, & verum, quod ſit homo; falſum, quod detur conſenfus, & verum quod detur prædefinitio: ergo, poſita prædefinitione, conſenfus eſt neceſſarius. Probatur conſequentia: ſi enim conſenfus eſſet liber, poſſet voluntas ſub prædefinitione, ponere diſſenſum, quin poſſet tollere prædefinitionem: ergo contra regulam adductam poſſet falſificare conſequens, non falſificato antecedente.

XIII. Confirm. dèum ex hac alia regula. Veritas antecedenti trahit veritatē cōſequentis, & falſitas conſequentis trahit falſitatem antecedentis; v. gratia iſta Veritas, Petrus eſt homo, trahit veritatem hujus conſequentis: ergo eſt animal; & iſta falſitas, lapis eſt animal, trahit falſitatem hujus antecedentis, lapis eſt homo. Sic etiam veritas hujus antecedentis, Datur prædefinitio, trahit veritatem conſequentis: ergo datur conſenfus; & falſitas hujus conſequentis, Datur conſenfus, trahit falſitatem hujus antecedentis, Datur prædefinitio. Nunc ſic arguo ex hac regula. Si verum eſt, quod non exiſtat conſenfus, verum erit, quod non exiſtat prædefinitio: ergo ſi verum eſt, quod poſſit non exiſtere conſenfus, debet eſſe verum, quod poſſit non exiſtere prædefinitio; & conſequenter ſi non poſſet non exiſtere prædefinitio, utpote inimpedibilis, nec poterit non poni conſenfus; unde non eſt liber. Probatur conſequentia, quia ſi A trahit B, potentia ad A, eſt potentia ad trahendum B; ergo ſi negatio conſenfus, trahit non exiſtentiam prædefinitionis, voluntas, quæ poſſet efficere, ne exiſtat conſenfus, debet poſſe efficere, ne exiſtat prædefinitio. Antecedens hoc conſtat, quia aliter potentia poſſet, & non poſſet A; poſſet ut ſupponitur, non poſſet, quia non poſſet quod neceſſario conſequitur ad A, & conſequenter non poſſet ſimpliciter iplum A.

ARTICULUS IV.

Objectionibus ſu ſatis.

XIV. **O**bjicies primo. Prædefinitio, quæ eſt inductiva libertatis, non poſſet illam laedere; ſed prædefinitio antecedens eſt libertatis inductiva: ergo non eſt cœriva. Probatur minor: Si Deus poſſ.

1. a. ſciē.

scientiam simplicis intelligentiæ, qua videt sibi non defuturum auxilium efficax, decernat ponere hujusmodi auxilium, quod deinde per scientiam mediam apparebit efficax, non potest ponere nisi auxilium indifferens; atqui collatio auxilii indifferens est collatio ipsiusmet libertatis, ut patet: ergo prædeterminatio antecedens est indidiva libertatis.

Confirm. quia Deus per scientiam simplicis intelligentiæ cognoscit, se posse per auxilia indifferencia inclinare cor hominis quo voluerit actu libero; ergo potest post hujusmodi scientiam velle facere, quod videt se posse facere; ergo potest prædefinire consensum liberum.

Respond. voluntatem divinam, quæ exercite destruit quicquid vult signate, esse chimericam; sicut si Deus vellet per prædeterminationem physicam inducere actum liberum. Quando Deus per prædeterminationem antecedentem decernit efficaciter consensum liberum inducendum per auxilium indifferens prævidendum efficax, tunc signate vult actum liberum, & exercite vult actum necessarium, ut hæcenus ostendimus, & ideo talis prædeterminatio est chimerica: eodem propterea pacto, si quis adverteret, se posse ponere actum voluntatis non imperatum, imperaret hujusmodi actum, tale imperium signate vellet quod exercite destrueret. In forma nego minorem: ad probationem distinguo minorem, collatio talis auxilii indifferens est collatio libertatis, si non conjungatur cum prædeterminatione consensus, aut alio incompossibili cum dissensu, & inimpedibili, concedo; si conjungatur, nego minorem, & consequentiam.

Ad Confirm. dist. primum consequens: potest velle facere Deus quod videt se posse facere, & eo modo, quo videt se posse, concedo; eo modo, quo videt se non posse, nego primam, & secundam consequentiam. videt enim, se posse inducere consensum liberum per auxilium indifferens, cui non superaddatur impedimentum ad dissensum, ut est prædeterminatio; & ideo si superaddatur prædeterminatio, videt, se non posse consensum liberum obtinere.

XV. Objic. 2. prædeterminatio consequens non evertit libertatem; ergo nec antecedens; quandoquidem in hoc solum differunt istæ prædeterminationes, quod consequens supponit prævisum auxilium efficax; antecedens vero supponit prævidendum; utraque autem se tenet ex parte actus primi remoti, & non immutat actum primum pro-

ximum de se indifferentem; ergo utraque coheret cum libertate actus prædeterminati. Ratio à priori est, quia ex D. Th. prima parte quæ. 19. art. 8. Necessitas, vel contingencia effectus unice defumitur à causa proxima, non à voluntate Divina, quæ est causa remota applicans proximas; atque adeo si causa proxima est indifferens, effectus est liber, ut in casu conclusionis: si vero sit determinata ad unum, effectus est necessarius, ut calor est necessarius, quia est ab igne determinato ad producendum calorem, quamvis voluntas Divina causativa ignis sit libera.

Confirm. 1. quia ut actus sit liber, factus est, quod possit non poni, spectato principio proximo, etiam si spectata prædeterminatione non possit non poni; ergo ut supra. Antecedens probatur eadem paritate; Supposita prædeterminatione consequente, consensus non potest non poni, & tamen est liber, quia spectato principio proximo potest non poni; ergo idem dicendum, posita prædeterminatione antecedente.

Confirm. 2. etiam prædeterminatio consequens est in priori, & causa consensus, & tamen, quia ponitur dependenter à scientia media de consensu conditionate futuro, quæ potest à voluntate impediri, non violat libertatem; ergo prædeterminatio antecedens quamvis sit causa consensus, quia tamen ponitur post scientiam simplicis intelligentiæ, qua videt Deus, non defuturum auxilium efficax in scientia media mox consulenda, nec violabit libertatem.

Resp. ita differre prædeterminationem antecedentem à consequente, sicut differret præscientia peccati, aut scientia decretorum liberorum, si antecederet hujusmodi actus liberos, ab ea, quæ de facto consequitur; Sicut enim præscientia peccati, si antecederet determinatione ipsum peccatum, læderet libertatem, quia esset inimpedibilis: secus vero, si consequatur, & sit impedibilis; ita prædeterminatio antecedens, utpote inimpedibilis, lædit libertatem, quam non lædit consequens. Ad rationem à priori ex Angelico dicendum, effectum esse liberum, si sit à principio proximo expedito ad utramque partem, & indifferenti indifferencia etiam positiva: consensus autem sub prædeterminatione est à principio proximo impedito, & indifferenti indifferencia solum negativa; ergo non est liber. Ad id, quod addit Angelicus, effectus necessitatem non desumi à voluntate Divina, quæ est causa remota applicans causas proximas indiffe-

differentes ad agendum; intelligi debet de voluntate Divina impedibili à voluntate creata, ut est prædeterminatio consequens, non vero de inimpedibili, quæ destruit principium proximum expeditum ad utramque partem. Quare sensus Angelici est, voluntatem Divinam etiam si infirmitabilis, & efficax, non derogare libertati, dummodo sit impedibilis, sicut præscientia de peccato, quamvis sit infirmitabilis, non derogat libertati, si sit impedibilis. In forma nego antecedens: differunt enim prædeterminatio consequens ab antecedente, quia cum hæc sit inimpedibilis, est impedimentum ad dissentium, & destruit indifferentiam positivam in principio proximo.

Ad primam confirmationem dist. antec. ad libertatem consensus sufficit, ut possit non poni, spectato tantum principio proximo expedito, & indifferenti tum positive, tum negative, conc. impedito, & indifferenti solum negative, nego antecedens, & consequentiam. Ad probationem: falsum est, quod supposita prædeterminatione consequente, consensus non possit non poni; potest enim per nos non poni in sensu diviso impediendo prædeterminationem; secus vero, posita prædeterminatione antecedente. Ubi notandum, quod quando Adversarii repunt, posita prædeterminatione antecedente, posse voluntatem dissentire, spectato principio proximo, licet non possit, spectatis omnibus, interrogandi sunt, num Tò spectato principio proximo sit additum distrahens à potentia ad dissentiendum (sicuti quando dicitur, est homo pictus, vel mortuus, hoc additum est distrahens à ratione hominis, unde non potest simpliciter, & absolute dici, est homo sine tali addito) Si enim negant, posse dici absolute, & sine addito, quod voluntas possit dissentire, habemus intentum, quod non detur libertas, cum non detur potentia ad dissentium; si affirmant, quod possit voluntas dissentire, sequitur posse esse falsum consequens, & verum antecedens, contra regulam summam, juxta dicta art. 3. Præterquam quod falsum est, quod possit dissentire, cum neque possit ponere dissentium in sensu composito, neque diviso.

Ad secundam: prædeterminatio consequens licet sit causa actus, atque adeo in priori prioritate causalitatis, & physica, est tamen in posteriori posterioritate determinationis, & logica, ut diximus quæst. antecedenti, & ideo est impedibilis indirecte, & coheret cum libertate; non sicut ad præscientiam

de peccato Antichristi, quæ physice, & durative antecedit ipsum peccatum: At prædeterminatio antecedens etiam si operando dependeat à scientia media, est simpliciter inimpedibilis: antecedit enim actum tum physice, tum logice, & ideo libertatem evertit.

XVI. Objic. 3. falsum est, quod omne antecedens omnino antecedens ad consensum impossibile cum dissenso, & inimpedibile evertat libertatem; ergo prædeterminatio antecedens coheret cum libertate consensus prædefiniti. Probatur antecedens. Faciat Deus hoc decretum ante scientiam mediam: Si prævidero auxilium A efficax, dabo illud Petro, si vero illud prævidero inefficax, loco auxilii indifferens, dabo Petro prædeterminationem ad consensum; & deinde videat, auxilium A esse efficax, & conferat illud; in tali casu consensus erit liber; & tamen decretum, quod præsupponitur, est inimpedibile à voluntate, ut patet, & simul impossibile cum dissenso; nam si Petrus prævideretur sub auxilio A dissenso, daretur prædeterminatio ad consensum, & sic non erit dissenso. Quod autem talis consensus sit liber, explicatur à Coninck exemplo Angeli, qui vocet Petrum, & simul decernat illum cogere ad veniendum, si non velit libere venire: in quo casu si Petrus se determinet ad motum, motus erit liber, quamvis antecedit in Angelo illud propositum cogendi, si non venire libere, quod est impossibile cum omissione motus, & inimpedibile.

Confirm. De facto per nos datur in Deo exigentia infirmitabilis videndi per scientiam mediam aliquod vage auxilium efficax, quæ necessitas essentialiter conneditur cum consensu pro statu conditionato, & est inimpedibilis à voluntate, & tamen non violat libertatem dissenso, ne pro statu quidem conditionato; ergo ruit Maxima illa universalis. Et ratio à priori est, quia quoties principium proximum non immutatur intrinsicè, remanet intrinsicè indifferens; sed per prædeterminationem non immutatur intrinsicè: sicut in pariete v. gr. non immutatur vis proxime receptiva albedinis per hoc, quod Deus non concurreret ad receptionem albedinis.

Resp. nego antecedens. Ad probationem nego, consensum illum fore liberum. Ad exemplum Angeli respondeo cum Martinio de actibus humanis sect. 9. motum illum Petri esse liberum solum denominati-

ve per denominationem ab actu interno libero, à quo impetratur; non esse liberum simpliciter. Ad eum modum, quo si Petrus actu libero acceptet morbum à Deo immittum, ægrotatio ita est solum libera denominative, non simpliciter. Ratio est, quia ut diximus, quoties inter causam, & effectum debet aliquid intercedere, quod non possit ab ipsa causa poni, toties causa non dicitur proxime expedita ad talem effectum; & ideo ignis distans v. gr. non dicitur posse proxime comburere: in casu debet mediare remotio impimenti insuperabilis; ergo in casu non datur potentia ad consensum proxime expedita; unde consensus non esset liber.

Hinc fit, quod si Petrus v. gr. vocatur à Deo per auxilium indifferens, sed cum animo prædeterminandi illum ad consensum, si nolit consentire, in tali casu consensus sub auxilio indifferenti erit necessarius ratione talis animi in Deo, qui est impossibile cum omissione consensus, & impossibile à Petro. Rursus si Petrus vocetur ab Angelo, ut ambulet animo cogendi illum physice, si nolit ambulare, ambulatio, quæ potest esse denominative libera ab actu interno libero, erit physice necessaria ob illum animum Angeli, qui physice est impossibile cum omissione ambulationis, & impossibile à Petro. Denique si Angelus vocet eo animo, ut si nolit Petrus ambulare, velit illum cogere moraliter tantum, precibus, suavione, &c. talis ambulatio erit necessaria solum moraliter.

Ad confirm. Exigentia illa connectitur quidem essentialiter cum consensu (immo etiam cum dissensu) sed sub aliquo auxilio vage, non tamen sub ullo auxilio determinato, sub quo solum voluntas est libera; & ideo neque pro statu conditionato, neque absolute datur impedimentum aut ad consensum, aut ad dissensum. Ad rationem à priori dico, immutari intrinsecam indifferenciam voluntatis, etiam per impedimentum voluntati extrinsecum, quia huiusmodi impedimentum reddit potentiam intrinsecè impeditam, non quatenus est intrinsecum voluntati, sed quatenus est intrinsecum denominationi impediti; sicut cognitio, quæ est extrinseca objecto, est intrinseca denominationi cogniti. Hinc nego, parietem esse in potentia proxima ad recipiendam albedinem, si stet sub illo decreto; sicut ignis non dicitur proxime expeditus ad comburendum, si Deus nolit cum illo concurrere ad combustionem, nec

voluntas dicitur libere consentire, si Deus decreverat conservare consensum, etiam si voluntas non se determinet ad illum.

XVII. Objic. ult. Saltem supposita scientia media reflexa, datur aliquod antecedens omnino antecedens consensum essentialiter cum illo connexam, & inimpedibile, non violans libertatem; ergo Maxima illa non est universaliter vera. Antecedens probatur à Martinez contrav. 4. disp. 6. sect. 1. & à Perez disp. 5. de Providentia sic. Detur hæc scientia media reflexa, Si viderem Petrum dissensurum auxilio A, non darem illi auxilium A; & deinde det Deus auxilium A: in tali casu ex tali scientia media reflexa, & ex collatione auxilii A, infertur necessario existentia consensus liberi; atqui neque scientia illa media est inimpedibilis à voluntate Petri, neque collatio auxilii A, ut patet; ergo supposita scientia media reflexa ruit Maxima illa.

Resp. 1. hypothetice. Si verum esset, quod in casu adducto daretur aliquod antecedens impossibile cum dissensu, & inimpedibile, nego huiusmodi consensum esse liberum ob rationes Conclusionis.

Resp. 2. etiam hypothetice. Si talis consensus esset liber, & necessario sequatur ex illa scientia media reflexa, nego esse possibilem huiusmodi scientiam mediam reflexam, quæ scilicet sit prior scientia media directa, & assumat hæc pro hypothesi, ut habetur in casu: Si enim multi negant, simpliciter dari in Deo scientiam mediam reflexam, à fortiori poterit negari huiusmodi scientia reflexa, quæ sit prior directa, utpote quæ trahit hoc inconveniens.

Resp. 3. directe, admissa hac scientia reflexa, consensum Petri in casu adducto esse liberum, quia voluntas Petri, licet non possit impedire directe neque scientiam reflexam, neque collationem auxilii A, secundum se, & seorsim, potest tamen impedire scientiam illam mediam directam præsuppositam ad reflexam, & necessariam, ut conferatur auxilium A dependenter à scientia reflexa; unde indirecte potest impedire ipsam collationem auxilii A, quatenus dependentem à scientia reflexa: & consequenter non datur in casu adducto antecedens essentialiter connexus cum consensu, & inimpedibile à voluntate. Adversandum quippe, quod existentia consensus non inferatur aut ex illa scientia reflexa, aut ex collatione auxilii A seorsim sumptis, sed ab utroque complexum veniente. Quare voluntas sub auxilio A potest dissensi-

re per hoc, quod posset impedire scientiam mediam directam, quæ Deum vidit, quod si conferretur auxilium A, consentiret; sic autem impediendo scientiam mediam directam, posset etiam impedire, quod conferretur auxilium A in sensu compositionis scientiæ reflexæ hujus, quod si prævideretur auxilium A efficax, daretur, & sic posset impedire hoc complexum, quod essentialiter trahit consensum liberum; Unde nil mirum, quod non laedatur libertas. In forma nego antecedens. ad probationem distinguo majorem: ex scientia illa reflexa, & ex collatione auxilii complexim sumptis sequitur ineluctabiliter consensus liber, concedo; scorsim sumptis, nego majorem, & distinguo minorem, voluntas nequit illa impedire scorsim, concedo; complexim, nego minorem; & consequentiam.

Consimilis doctrina datur ab eodemmet Martinonio disp. 3. sect. 4. ad 4. quando obijcit, quod ex complexo scientiæ mediæ reflexæ, & directæ sequeretur, Petrum posse esse prædestinatum absque decreto libero Dei, atque adeo ex necessitate: singamus enim, dari primo hanc scientiam reflexam, si viderem per scientiam mediam directam, quod Petrus sub auxilio A consentiret, prædestinarem illum; secundo dari hanc scientiam mediam directam, Si Petrus haberet auxilium A, consentiret: ex utraque hac scientia sequitur necessario, quod Petrus sit prædestinatus, & quidem absque ullo decreto actuali Dei. Ad quod Martinonius respondet, quod quamvis utraque illa scientia complexim sumpta inferat prædestinationem Petri, nequit tamen utraque dari complexim absque decreto actuali Dei, esse possit dari scorsim: nam ex illa scientia reflexa, Si viderem, quod Petrus sub auxilio A consentiret, prædestinarem illum, necessario sequitur, quod detur actuale decretum prædestinativum, purificata hypothesi, seu supposito, quod per scientiam directam videatur, quod consentiret auxilio A, si daretur; ergo prædestinatio non habetur independententer ab actuali decreto prædestinativo. Sicut igitur in hoc casu utraque ista scientia reflexa, & directa complexim sumpta inferat prædestinationem, dandam tamen libere à Deo; ita in casu nostro, utrumque illud antecedens, videlicet scientia illa media reflexa, & collatio auxilii A, complexim sumptum inferat consensum libere ponendum à voluntate creatæ, quod fufus ostendimus in de Deo, dum de scientia mediæ reflexa disp. 3. quæ ult.

XVIII. Ex dictis sequitur primo, Everti libertatem consensum, si Deus conferat auxilium A efficax quia efficax simpliciter, hoc est paratus dare, aliud efficax seligendum ex omnibus, si A non esset efficax; quia talis animus Dei, seu talis prædeterminatio est pariter impossibilis cum consensu, & impedibilis à voluntate. Secundo everti libertatem consensum, si Deus conferat auxilium A efficax eo animo, ut si prævideretur inefficax, daretur prædeterminatio ad consensum: ratio est eadem. Tertio everti etiam ex hoc decreto, Si præviderem per scientiam mediam, Petrum non beng ulurum libertate sub auxilio A, non crearem illum, seu non darem illi auxilium A, quia tamen prævideo consensum, ideo illum creo, & confero illi auxilium A: Ratio est, quia pariter hoc decretum est impossibile cum consensu, & impossibile, & idem dicas de similibus prædeterminationibus.

Dices. Si Christus Dominus petat à Patre auxilium congruum, & efficax Petro, ut respiciat, & libere convertatur; & rursus Deus promittat Christo Domino, se daturum Petro tale auxilium, in tali casu poenitentia, & respicientia Petri erit libera, & tamen complexum illud petitionis Christi Domini, & promissionis Dei Patris est impossibile cum omissione poenitentiae Petri, & est impossibile à voluntate Petri; ergo illationes adductæ nituntur in falso supposito, quod scilicet omne antecedens impossibile; & impossibile evertat libertatem actus.

Resp. dist. antec. si Deus det Petro auxilium A prævisum per scientiam mediam efficax eo animo, ut si illud prævisum fuisset inefficax, daret aliud seligendum ex tota collectione auxiliorum, nego quod poenitentia Petri in tali casu sit libera ob rationes adductas; si tamen Deus det Petro ad petitionem Christi Domini auxilium A prævisum efficax, sed non eo animo, nego quod complexum illud sit impossibile cum omissione poenitentiae; unde nego consequentiam.

QUÆSTIO VI.

Utrum Deus prædefiniat peccata, saltem quoad materiale, an solum ea permittat?

I. **H**æretici apud Bellar. lib. 2. de amissione gratiæ c. 1. cum Simone Mago dixerant, Deum dedisse nobis naturam, quæ non posset non peccare. Manichæi, Priscillianistæ, Marcionistæ, Albigenses somniarunt, deos dari Deos, alterum à quo omne bonum, alterum à quo omne malum. Florinus, & alii, Deum esse auctorem scelerum omnium. Calvinus, Zuïnglius, Beza, Deum non solum permittere, sed etiam prædefinire peccatum, quamvis bona intentione, videlicet, ut ex malo bonum oriatur. Adversus hos omnes Trident. sess. 6. can. 6. definit: *Si quis dixerit, mala opera, ita ut bona Deum operari, non permittendo solum, sed etiam propriè, & per se, adeo ut sit proprium ejus opus non minus perditio Judæ, quam vocatio Pauli, anathema sit.* Et ratio est, quia divinz bonitati repugnat malum intendere, atque adeo prædefinire. Unde Psal. y. dicitur: *Non Deus volens iniquitatem Tu es;* & Ezech. 18. *Numquid voluntatis meæ es mors impiis, dicit Dominus?* & 2. Petr. 3. *Nolens aliquos perire.* Rationem reddit Fulgent. ad Monim. cap. 22. dicens: *Deus non potest esse amator ejus, cujus est ultor; justitia enim justa non erit, si puniendum reum non invenisse, sed fecisse dicatur.* Adde ex Ansel. lib. de liber. arbit. c. 8. Quod si Deus vellet hominem peccare, homo peccando non peccaret. Ratio est, quia homo non peccat, quoties vult quod Deus, qui est prima regula, vult se velle: ergo si Deus vellet hominem peccare, homo dum vult peccare, non peccaret; quod confirmabimus disp. seq. q. 2. n. 20.

II. Difficultas est inter Catholicos, An Deus, qui nequit peccatum prædefinire quoad formalem ejus malitiam, possit illud prædefinire quoad entitatem materiale actus? Ad intelligentiam supponendum extract. de vitiis, & peccatis, aliquos docere, quod malitia formalis peccati v. g. blasphemix, odii, consistat in ipsa entitate positiva blasphemix, aut odii, quatenus per suam entitatem opponuntur legi prohibenti: Alios vero velle, quod consistat in privatione rectitudinis debitz, ac debiti ordi-

nis ad regulam rationis; quæ privatio rectitudinis debitz juxta varias sententias, vel identificatur realiter cum entitate positiva actus peccaminosi, & ab ea solum ratione distinguitur; vel ab ea realiter distinguitur, sed necessario consequitur: Sicut relatio similitudinis v. g. si est forma media realiter superaddita, necessario consequitur ad complexum duorum alborum.

Thomistæ admittentes physicam prædeterminationem ad peccatum, docent, peccatum consistere in hac privatione, & idcirco posse Deum prædefinire peccatum solum quoad entitatem materiale actus, non quoad formale peccati; quatenus enim Deus concurrat ad entitatem positivam peccati, prædefinit solum materiale peccati; quia vero ad privationem rectitudinis debitz Deus concurrere non potest, ideo non prædefinit formale peccati. Ubi advertit, quod prædefinire peccatum quoad ejus materiale non sit solum concurrere physice ad illud ex determinatione creaturæ; cum hoc in omnium sententia concedatur; sed sit concurrere ad illud prædeterminando, & efficaciter volendo talem entitatem; quod nos contra Thomistas dicimus repugnare.

III. Dico itaque primo cum Auctoribus Societatis contra Thomistas; Deus non potest prædefinire, seu efficaciter velle actus peccaminosos quoad materiale eorum entitatem, seu quoad materiale peccati. Probatur. Si Deus prædefiniret hic, & nunc e. g. blasphemiam deliberatam quoad materiale talis peccati, Deus esset Auctor peccati; & Deo tale peccatum imputaretur: Sequela est absurda: ergo & id, unde sequitur. Probatur sequela: Ille est auctor peccati, & illi peccatum imputatur, quo volente, & sciente peccatum fit; atqui si Deus prædefiniret blasphemiam deliberatam, talis actus procedens hic, & nunc cum malitia formali fieret Deo sciente, ac volente; ergo Deus esset auctor malitiæ formalis talis peccati. Major constat ex Augustino, qui lib. QQ. 83. quæst. 5. hæc habet: *Illo auctore cum dicimus, illo volente dicimus;* Hinc pluribus in locis docet, idcirco nunquam in Scripturis legi, quod omnia fiant Deo auctore; quia peccata non sunt Deo volente. Hæc sunt ejus verba de Spir. & lit. cap. 31. *Nusquam legimus, Non est voluntas nisi à Deo; & res non scriptum est; aliqui enim peccatorum, quod ab eo; auctor est Deus, si non est voluntas nisi ab illo.* Et l. 5. de Civit. c. 8. dicit: *Deo sunt omnium potestates, quamvis ab illa*

illo non fuit omnium voluntates. Quibus verbis indicat, potestatem ad malum esse à Deo volitam, ac praedefinitam, non vero voluntatem ad malum, puta blasphemiam, eo quod deberet aliter dici auctor blasphemiae; quod divinae bonitati repugnat.

Neque dicas, Deum velle entitatem blasphemiae v. g., non vero privationem rectitudinis debitae annexam, in quo consistit malitia peccati: Ad eum modum quo volens martyrium, non vult peccatum Tyranni; sicut etiam qui alium occidit, dum se defendit cum moderamine inculpatae tutelae, non dicitur velle, sed permittere illius mortem.

Nam contra est, quia qui vult A praevideos, quod illi annexatur, vel ad illud necessarii, & tanquam à priori consequatur B, consuetur velle ipsum B; atqui ad entitatem blasphemiae necessarii consequitur privatio rectitudinis debitae, seu malitia formalis peccati: ergo Deus volens blasphemiam, praefiniendo entitatem materialem illius, vellet etiam malitiam formalem peccati; Sic qui videt, comestitionem carnis hic, & nunc annexi transgressionis legis prohibentis, volens comestitionem, vult etiam transgressionem legis, & ideo peccat; Sic etiam qui videt, ex projectione sagittae securarum homicidium, volens projicere sagittam reus est homicidii. Quod aperte docuit D. Thom. p. p. qu. 49. ar. 3. dicens: *Agens, in quantum sua virtute producit aliquam formam, ad quam sequitur corruptio, & defectus, causas sua virtute illam corruptionem, & defectum.* Ad id, quod opponitur: Idcirco qui vult martyrium non vult peccatum tyranni, quia non vult martyrium absolute, sed ex suppositione, quod Christianos velit tyrannus occidere; Deus tamen absolute vellet entitatem materialem blasphemiae; ergo absolute etiam vellet privationem rectitudinis, seu malitiam formalem peccati, cui connequitur. Praeterea qui permittit alterius mortem, dum se defendit, intantum non dicitur velle illius mortem, quia per accidens illa sequitur ad sui defensionem; & vellet, illam non sequi: contra vero non per accidens sequitur, sed essentialiter ad entitatem blasphemiae deliberatae privatio rectitudinis debitae; ergo non posset Deus blasphemiam velle, quin vellet etiam privationem rectitudinis.

IV. Confirm. Conclus. ex doctrina D. Angel. loc. cit. Si Deus praedefiniret entitatem blasphemiae, quando homo videt illam

prohiberi, sequeretur; quod homo blasphemando, non peccaret; ergo non potest illam praedefinire. Prob. sequela: Nemo peccat, quando facit quod vult Deus, ut faciat, ut notat D. Th. p. 2. quæst. 19. a. 10: quia scilicet ponit actum conformem primae regulae honestatis; atqui Deus vellet hic, & nunc, quod homo blasphemaret, seu quod ponat entitatem positivam blasphemiae, praedefiniendo, ad volendo illam; ergo homo blasphemando non peccaret. Verum quidem est, quod possit aliquando Deus velle objectum, quod nos velle non possimus, v. g. nostram reprobationem, peccatum, &c.; at quando vult nos aliquid velle, certe non peccamus volendo illud, sed laudabiliter operamur, ut esset in casu.

Neque dicas, Deum velle, quod homo ponat actum materialem blasphemandi, non vero ejus malitiam formalem. Nam contra est, quia Deus praedefinit, ac vult, quod homo ponat hic, & nunc positivam entitatem blasphemiae eo modo, quo potest illam ponere; atqui in hypothesis, quod homo videat illam sibi prohiberi, non potest hic, & nunc illam ponere, nisi cum malitia formali, seu cum privatione rectitudinis debitae, ut patet: ergo Deus vult, quod homo hic, & nunc ponat blasphemiam cum malitia formali. Dum autem ponit quod Deus vult, ut hic & nunc ponat, jam non peccat: ergo ponendo entitatem blasphemiae cum malitia formali, homo non peccaret; atque adeo si Deus praedefiniret materiale peccati, homo, dum peccat, non peccaret.

Neque sepius, Deum praedefinendo materiale peccati velle malitiam formalem voluntate tantum secundaria, non primaria; cum illam prohibeat, non suadeat. Nam velle formale peccati voluntate tantum secundaria, vel est velle concurrere physice ad peccatum, ex determinatione libera creaturae, non impediendo, ut possit; & hoc non est praedefinire, sed permittere peccatum; Vel est velle ad peccatum concurrere ex determinatione ipsius Dei sive praedeterminantis, sive condeterminantis; & jam Deus peccatum vellet voluntate primaria: unde esset auctor peccati, & homo non peccaret, dum peccat. Praeterea Deus solum verbo tenus diceretur prohibere malum, & fudere bonum; ad eum modum, quo praeceptor verbo tenus prohiberet malos characteres, si duceret manum pueri ad illos male efformandos; ut dicemus etiam disput. sequenti q. 2.

gentes de physica prædeterminatione.

Confirmatur ulterius, quia ille dicitur concurrere ad materiale peccati, qui concurret ad illud ut determinatus, quia proprium materiei est determinari; ille verò dicitur concurrere ad formale peccati, qui concurret ut determinans, quia proprium formæ est determinare; atqui Deus prædeterminando peccatum, ac prædeterminando ad illud concurreret ut determinans, ac ut prædeterminans; ergo concurreret ad formale peccati, atque adeo esset Auctor peccati.

V. Constat denique Conclusio auctoritate Conciliorum, & Patrum, qui absolute docent, Deum neminem prædestinare ad malum; & ex Scripturis absolute dicentibus, Deum nolle iniquitates. Nec Hæretici asserentes, Deum prædestinare ad voluntatem peccandi, id asserbat explicitè de voluntate peccandi quoad formalem ejus malitiam, sed simpliciter, ergo adversus Hæreticos simpliciter, & absolute dicendum, Deum non posse prædestinare ad malum. Adde, Calvinum lib. 1. c. 18. n. 4. loquentem de defectione decem Tribuum à filio Salomonis; ita loqui: *Videris, ut Deus perfidiam volens, defectionem tamen iussit: id est: ergo Deus iuxta Calvinum volebat solum materiale peccati, non formale, nempe perfidiam; atque sententia ista Calvini damnatur à Trident. sess. 6. can. 6. ergo ex Trident. nequit Deus prædestinare etiam materiale peccati. Et sane quomodo posset apte explicari, quod Deus expectarit, ut homo faceret uvas, & fecit labruscas, si Deus prædeterminavit ad labruscas? Quomodo posset dici, quod Deus erga peccatores sit benevolus, conferendo auxilium inefficax, si determinat ad peccatum? Imo quomodo potest dici, auxilium istud esse sufficiens ad bene operandum, si non est in potestate operantis carere prædeterminatione ad peccatum; & habere prædeterminationem requisitam ad bene operandum?*

VI. Dico 3. Deus potest solum peccata ex directione scientiæ mediæ permittere, seu non impedire, quod importat, Deum conferre auxilium sufficiens animo sincero, ut sequatur bona operatio, quamvis per scientiam mediā prævideat, quod ex malitia voluntatis secuturum sit peccatum. Ita communiter, apud Ruiz disp. 26. de voluntate Dei sect. 6. docentes, Deum non solum permittere, sed etiam velle positiva voluntate ipsam permissionem peccati. Pro-

batur. Deus peccata non potest prædestinare, seu efficaciter velle, neque quoad formale, neque quoad materiale, ut ostendimus: ergo solum potest ea permittere, seu non impedire. Præterea voluntate positiva velle permissionem peccati, non dedit Deum; ergo potest permissionem velle. Probat. hoc antec. quia permissio peccati quatuor involvit: Primò negationem voluntatis efficacis impediendi peccatum: Secundò negationem mediorum efficacium ad illud impediendum: Tertiò productionem auxiliorum pure sufficientium, quæ per scientiam mediā prævisa sunt inefficacia: Quartò exhibitionem concursus Dei, ad quamcunque actionem liberam arbitrii creati; Atque hæc omnia positive velle, non docet Deum; cum non ferat amorem peccati: ergo velle permissionem peccati non docet Deum. Imo aliquando permissio peccati, quamvis secundum se non sit gratia per Christum, ac prout subest divini ordinationi, & efficacis conducentiæ ad salutem, potest esse gratia specialis, ac beneficium per Christum, ut communias docent contra Vasquez, & Becan. apud Platellum p. p. c. 4. n. 95. Nam ex August. *Utile aliquando est superbi cadere, ut sic sibi displiceant, unde & salventur.*

VII. Objic. 1. contra primam Conclus. Deus in Scripturis sæpe dicitur obdurare corda hominum, mentes vertiginè percutere, spiritu soporis inebriare: ergo prædestinat malum.

Confirm. 1. Deus non potest concurrere ad nullum effectum, nisi volens: ergo vult concurrere suum in actu secundo ad peccatum; sed talis concursus identificatur cum ipso peccato: ergo vult, ac prædestinat peccatum.

Confirm. 2. Deus est causa per se, & ex intentione omnis boni tum physici, tum moralis; sed peccatum cum sit ens, est physice bonum: ergo Deus est causa per se, & intentiva peccati; atque adeo illud prædestinat.

Confirm. demum, quia Deus potest concurrere ad actum physicum peccati secundum entitatem, ac bonitatem suam physicam, quin concurrat ad illud, in quantum est moraliter malum: ergo poterit velle, ac prædestinare peccatum, in quantum est physice bonum, non in quantum est moraliter malum, quod est prædestinare materiale peccati, non formale.

Respond. Deum obdurare corda, non adjuvando, sed deservendo, ut loquitur August.

gust. epist. 109. non impediendo malitiam, sed non impediendo misericordiam: seu conserendo auxilia: pure sufficientia, non efficacia; quod fieri potest citra amorem, ac prædeterminationem peccati. Adde aliquando Deum indurare non solum permissivè, conserendo auxilium pure sufficienti, non impediendo peccatum, quod prævidet consueturum, eo quod ad id non teneatur ex munere causæ primæ; sed etiam aliquatenus positive, non quidem directe, & proprie, sed occasionaliter, & impropiè; hoc est absque ulla voluntate peccati intentione, idque in peccatum culpam præcedentiam; in his videlicet occasionibus potendo peccatorem, in quibus prævidet, illum pro sua malitia culpas multiplicaturum. In quo sensu August. l. 5. contra Jul. c. 3. docuit, impios suis desideriis tradi, non solum per divinam patientiam, sed etiam per divinam potentiam; & l. de grat. & lib. arb. c. 35. dixit, Deum in cordibus hominum operari ad inclinandas eorum voluntates, seu ad bona pro sua misericordia, seu ad mala pro meritis eorum. Et in eodem sensu intelligendum est illud Angelici l. 3. in cap. 9. ad Roman. dicentis: Infusa quidem interiori moventur homines à Deo & ad bonum, & ad malum; quod idem Angelicus explicavit in 2. dist. 37. q. 2. a. 1. ad 1. dicens: Deus non eodem modo inclinatur voluntatem in bonum, & in malum; inclinatur siquidem voluntatem in bonum adhibendo virtutem agendi; & directè movendo ad bonum; sed ad malum dicitur inclinari, in quantum gratiam non præbet; per quam quis à malo retrahatur, & non quod directè voluntatem ad malum ordinet.

Ad 1. confirm. dist. antec. nisi volens, five positive; five permissive; conc., semper positive, ac prædeterminative, nego antec. & dist. pariter consequ. ac transmissa minus sumpta, quod scilicet actio identifiatur cum actu libero, nego conf. Deus ad peccatum concurrere volens voluntate permissiva, hoc est conferendo concursum ad utramque partem paratum, & prohibendo, ac inefficaciter volendo peccatum, ad quod voluntas ex propria malitia se determinat.

Ad 2. dist. maj. Deus est causa per se boni physici, quod non sit moraliter malum, conc. quod sit malum moraliter, nego maj. & dist. min. nego conf. Bonum physicum, quod est moraliter malum, sit tantum, Deo permittente, seu voluntate permissiva, non intentione, ac prædeterminativa. Unde Deus non dicitur per se, & ex in-

tentione causa illius.

Ad 2. concessio antec. nego conf. disparitas est, quia omnipotentia potest concurrere ad peccatum per accidens, & ut determinata à natura; ut si voluntas Dei esset prædeterminativa peccati, & non pure permissiva, ipsa determinaret ad entitatem positivam peccati, atque adeo ad privationem rectitudinis debitæ, quæ illi annexa; unde voluntas Dei determinaret ad formale peccati; si illud prædefiniret. Si vero tantum permittat, sicuti omnipotentia per accidens concurrat ad peccatum, quia à creatura determinatur ad concurrendum ad illud; ita voluntas Dei terminatur ad entitatem peccati per accidens, seu ex determinatione creaturæ; quod est Deum nolle impedire peccatum, & illud permittere, non prædefinire.

VIII. Objic. 2. Deus cognoscit peccatum à creatura vitari non posse absque speciali gratia, & de facto non vitari, si non conferat auxilium efficax; ergo dum negat specialem gratiam, & auxilium efficax, vult ipsum peccatum. Sicut Nauticus censetur velle naufragium, dum causat illud per sui absentiam, ut notat Philos. 2. Phys.

Confirm. Deus potest facile vitare peccatum, conferendo auxilia efficacia, & non vitat; ergo signum est, quod peccata velit; Sicut medicus censetur velle ægritudinem, si potens facile adhibere pharmacum curativum, non adhibeat.

Confirm. 2. Deus vult permissionem peccati, ut diximus in 2. Conclus. ergo cum ad hanc consequatur peccatum, vult etiam ipsum peccatum. Consequ. prob. Ideo enim dicimus, quod Deus prædeterminans materiale peccati prædefiniret etiam formale, quia formale peccati consequitur ad materiale; sed ad permissionem peccati consequitur peccatum; quia prædeterminans permissionem peccati, vult ipsum peccatum.

Confirm. 3. Deus ex malis bona colligit ergo potest velle malum sub ratione boni, seu quatenus ex eo potest bonum oriri. Imò de facto Deus vult universum opus unum; atque ad perfectionem universi spectat peccatum; nam, ut notat Ruiz de Providentia, perfectior est mundus, qui nunc est, quam si non fuisset permissa peccata: ergo de facto vult Deus peccatum.

Respond. argumentum istud non nisi à Lutheranis, aliisque Hæreticis promoveri. Ex primò quidem falsum est, quod postea gratis sufficienti peccatum vitari non possit;

fit; solum verum est, quod sine gratia effici non vitetur, non vero quod vitari non possit. Sed omisso in hoc sensu antecedente, nega consequentiam; non enim censetur velle peccatum, qui dat auxilia sufficientia ad illud vitandum, illudque prohibet; esto prævideat, quod ex vitio, ac concordia creaturæ auxilium sit futurum inefficax. Naucleri absentia ideo dicitur esse causa naufragii, quia naucerus tenetur illud vitare; quod ex eo patet; Nam naufragium non imputatur Angelo, qui potest illud impedire, & non impedit, quia Angelus impedire non tenetur; æqui Deus non tenetur impedire peccatum, quia si teneretur impedire, eo ipso peccatum esset impossibile, unde non posset creaturam condere liberam ad peccandum; ergo peccatum non imputatur Deo neganti auxilium efficax.

Ad primam confirmationem recurrit eadem responsio. Medico imputatur ægritudo, quando tenetur illam curare, & non curat: Angelo enim Raphaëli ideo ægritudo non imputatur, quia licet possit illam curare, non tenetur; ergo cum Deus non teneatur impedire peccatum, non imputabitur Deo; Sic quando quis cum moderate debito se defendendo alium occidit, non dicitur homicida, quia non tenetur homicidium vitare; Neque enim in illud influit physice, cum per accidens sequatur; neque moraliter, cum non detur obligatio illud vitandi; ergo non est simpliciter voluntarius.

Neque dicas, quod posset etiam Deus velle materiale peccati, & non formale; quin neque teneretur impedire formale. Nam contra est, quia ad materiale peccati non sequitur formale per accidens, sed per se, cum non possit dari materiale sine formali; ergo nequit Deus velle materiale, quin velit etiam formale. Sicut enim repugnat, quod Deus velit parietem nigrum, quin etiam velit dissimilitudinem huius cum pariete albo; ita repugnat, quod velit actum peccaminosum sub his circumstantiis, sub quibus conscientia dicitur illud non esse peccandum, quin velit huius actus difformitatem cum rationis dictamine; in quo consistit ejus malitia formalis.

Ad secundam negatur consequentia. D. Th. r. p. quæst. 19. docet, quod quæ Deus permittit, vult tantum voluntate signi, non voluntate beneplaciti; voluntas autem signi est tantum metaphorice voluntas, quatenus apud nos permissio solet esse signum

voluntatis. Ad probationem consequentiæ: ideo Deus volens materiale peccati vellet etiam formale, seu difformitatem cum rella ratione, quia hæc annectitur illi per se, & consequitur veluti à priori; at ad permissionem peccati consequitur peccatum à posteriori, & necessitate consequentiæ, non consequentis; eo modo quo ad præscientiam de peccato consequitur peccatum: sicut enim potest voluntas impedire præscientiam de peccato, ita potest impedire permissionem peccati sub tali auxilio; ergo Deus volens peccati permissionem, non dicitur velle peccatum.

Ad ultimam: bona, quæ Deus ex peccatis colligit, non sunt per se fructus peccati; nemo enim colligit de spinis uvas, ut dicitur Matt. 7. unde fructus peccati sunt præter intentionem peccantis; Sicuti, ut loquitur D. Th. loc. cit. art. 9. præter intentionem Tyrannorum fuit, quod ex eorum persecutionibus claresceret patientia Martyrum, & præter Dæmonis intentionem fuit Incarnatio, & redemptio mundi orta ex peccato Protoplastarum. Eodem modo peccatum confert ad perfectionem Universi omnino per accidens; non enim ex peccato per se fit, quod Mundus sit perfectior, quam si non esset peccatum, cum peccatum minuat potius, quam augeat Mundi perfectionem, ut loquitur idem Angelicus. Quare solum ex vi providentiæ suæ Deus majora bona colligit, posita permissione peccati, quam si illud non permisisset, quia Incarnatio, penitentia, & alia bona, quæ ad peccatum consecuta sunt, in Universo desissent, si peccata abfuissent.

IX. Objic. 3. ex D. Th. r. 2. quæst. 19. art. 2. potest Anima esse causa per se motus, & solum causa per accidens claudicationis, quæ procedat à curvitate tibiarum; ergo similiter potest Deus per se prædefinire materiale peccati, & per accidens formale, quod procedat à voluntatis pravitate. Hinc Angelicus quodlibet. 12. q. 4. art. 4. dicit: *A providentia Dei omnia sunt prædeterminata, & ordinata.*

Confirm. 1. potest iudex v. gr. velle mortem hominis, qui velit impenitens mori, quin velit ejus damnationem æternam, quæ consequitur; ergo poterit etiam Deus velle materiale peccati, non formale, quod consequitur: Sicut de facto vult generationem humanam, ad quam consequitur peccatum originale, quin illud velit.

Confirm. 2. potest voluntas sapere obiectum ut bonum, non ut verum; & intel-

Quaestio VI. Num peccata quoad materiale praesintantur? 77

Iustus cognoscere ut verum, non ut bonum; ergo potest Deus intendere actum inhonestum, ut ens, & bonum physicum est, & secundum materiale peccati, non vero secundum formale; quia scilicet sicut est extra sphaeram intellectus bonum, & voluntatis verum, ita extra sphaeram divinae voluntatis est formale peccati.

Resp. 1. per instantiam; ergo sicut potest Deus praesumere materiale peccati, ita potest etiam suadere, & praecipere blasphemiam secundum materiale, non secundum formale. Secundo directe nego consequentiam; & retorqueo paritatem. Ideo claudicatio non refunditur in animam, sed in tibiam curvam hominis, quia anima de se causat motum, non vero motum curvum; unde si claudicatio esset actus prohibitus, solum peccaret tibia, seu homo claudicando; at non peccaret anima, quae de se non determinat ad motum curvum, sed simpliciter ad motum, & ex intentione naturae ad motum rectum; ergo pariter si Deus solum permittat peccatum, peccat voluntas, quae se determinat ad actum malum, non peccat Deus, qui ut causa universalis solum determinat ad actum intendendo actum bonum: Contra vero si Deus praedefinit materiale peccati, eo ipso Deus etiam determinaret ad formale; & ideo peccatum non imputaretur voluntati, sed Deo ad illud determinanti. Quare quando Angelicus dicit, omnia esse à Dei providentia praedeterminata, & ordinata, intelligendus est, quod sint praedeterminata sive decreto intentivo, sive solum permissivo; Decretum siquidem peccati permissivum in bono sensu dici potest praedeterminativum peccati, quatenus à tali decreto tanquam à primo determinante non quidem positive per modum causae, sed negative per modum removentis prohibens, dependet absolutio eius existentia.

Ad primam confirmationem: patet disparitas, quia damnatio aeterna consequitur per accidens ex perversitate illius impotentis; pariter originale consequitur per accidens ad generationem humanam ratione consensus interpretativi voluntatis inclusae in voluntate Adami: & ideo Deus, qui est auctor generationis humanae, non est auctor originalis. At formale peccati consequitur per se, & essentialiter ad materiale; ergo si Deus vellet materiale peccati, vellet etiam formale; sicut in sententia Thomistica ideo tribueretur Deo peccatum Angeli, si hic peccaret in primo in-

stanti creationis, quia prima operatio per se consequitur ad naturam Angelicam; unde tribui debet generanti.

Regula generalis est haec: si ad A sequitur per se, seu essentialiter B, non potest voluntas velle A, & non B, aliter vellet chimeram; si vero ad A sequitur B per accidens, ita scilicet ut possit non sequi, qui vult A, tunc solum censetur velle B, quando tenetur illud impedire, non vero quando non tenetur; & ideo si ex defensione propria sequatur homicidium, hoc non censetur volitum, nec voluntarium, quia in morali estimatione non censetur volitum eo ipso, ac deest obligatio illud impediendi.

Ad secundam, in quam vim faciunt Adversarii, retorqueo etiam paritates: ideo voluntas fertur in bonum, & non in verum, quia fertur amando; & ideo intellectus fertur in verum, & non in bonum, quia fertur cognoscendo; ergo quia ferri in formale peccati non est aliud, quam velle actionem dissonam legi, Deus volendo hanc actionem, fertur formaliter non solum in materiale, sed etiam in formale peccati: Sicut enim intellectus ferretur formaliter in bonum, quod est extra sphaeram suam, si amaret, ita divina voluntas ferretur in formale peccati, quod est extra sphaeram suam, si posset velle actionem dissonam legi, praedefiniendo illam; in quo consistit velle peccatum secundum ejus formale.

X. Obje. ult. contra secundam Conclusionem: permissio peccati non est actus Dei benevolus erga Reprobos; ergo non est digna Deo; atque adeo nequit Deus peccata permittere. Antecedens probatur, quia nemo prudens vellet se tali amore amari, imo mallet se nullo potius amore à Deo amari, quam sic amari; unde Christus Dominus de Juda dixit, Matth. 26. *Bonum erat ei, si natus non fuisset homo ille.*

Resp. hoc etiam argumentum esse Haereticorum. Negatur itaque antecedens. Deus dando auxilium praevium inefficax, benevolus est erga Reprobos, quatenus dat illis sufficientiam ad bene operandum: Nonne Deus benevolus dicitur, dum *Solem suum oriri facit super bonos, & malos, & pluviam super iustos, & iniustos?* Matt. 5. Et sicut beneficus est erga reprobos, illos creando, ac redimendo, sic etiam conferendo gratiam sufficientem, quamvis praevideat inefficacem. Imo ex hoc SS. Patres apud Ruiz de praedestinatione, disp. 17. magis com-

meant Dei amorem erga reprobos, quod cum præviderit illos peccaturos, non per hoc desisterit à benefaciendo. Chrysostomus hom. 5. de anathemate hæc habet: *Adversus est pro inimicis, quos vales tempore constitutionem mundi scire, eosque proficisci formavit, viventes præstantiam bonitatis.* Ad probationem antecedentis distinguo majorem: nemo prudens vellet se tali amore amari, secundum prædicata, quæ habet Dei voluntas benevola per se, & ex intentione volentis, negatur; secundum prædicata, quæ habet per accidens, & impedibiliter, & ex abusu liberi arbitrii, conceditur. Voluntas itaque Divina collativa auxilii inefficacis est simpliciter benevola, quamvis non sit appetibilis secundum ea, quæ fert per accidens ex nostra malitia, non vero secundum ea, quæ fert per se ex divina voluntate.

Quomodo autem eligibilis fuerit Judæ non fuisse, quam peccasse? varii varia. Sed dato, quod melius sit non esse, quam esse miserum; & eligibilis, spectatis omnibus, carere auxilio inefficaci, & libertatem, quam esse liberum, & peccare, non proinde fit, quod spectato tantum Dei dono, ac iis, quæ per se sequuntur ex divina voluntate, eligibilis sit carere auxilio inefficaci, quam illud habere. etiam id, ratione cujus non est eligibilis, auxilium inefficax; provenit per accidens ex dono Dei, & præter intentionem dantis; unde voluntas Dei non definit esse benevola erga reprobos.

QUESTIO VII.

Utrum malitia Formalis peccati consistat in positivo, an in negativo?

I. Hæcenus ostendimus contra Thomam, non posse Deum prædefinire materiale peccati, etiam dato, quod malitia formalis consequatur ad entitatem positivam actus, vel tanquam formalitas, vel tanquam realitas superaddita, ut superadditur tertia entitas partibus unitis, in sententia Scotistica. Nunc inquirimus, Utrum revera hujusmodi formalis malitia consistat in prædicato negativo; hoc est in privatione rectitudinis debite, quæ ad entitatem positivam actus consequitur, an ve-

ro in positivo, hoc est in ipsa entitate positiva actus, ad quam ex privatio consequatur; non secus ad essentiam hominis constitutam per prædicatum positivum rationalitatis consequitur negatio. v. gr. inanimabilitatis? Si enim formalis malitia consistit in hoc positivo, à fortiori, & apertissime sequitur, quod non possit Deus peccatum prædefinire, quin sit auctor peccati.

Prima itaque sententia docet cum Alex. Scot. Oliva Valen. Molin. Suar. Gran. & aliis apud Amic. disp. 17. de Gratia, malitiam formalem peccati consistere in eo prædicato negativo. Secunda docet, consistere in prædicato positivo: Ita Cajet. Ovid. Amic. Arr. tom. 3. disp. 3. sect. 4. Platellius tom. 2. num. 176. Vaf. Lessi Coninck &c. Tertia cum Capre. & Ferrariensi partim in positivo, partim in negativo; in illo scilicet radicaliter, in hoc vero formaliter, & complexive. Quarta Tanneri tom. 2. disp. 2. quæ. 5. in positivo morali resultante in ipso actu ex vi voluntatis creatæ operantis contra dictamen rationis. Quinta Martinonii, & aliorum tantum, peccatum commissionis consistere in positivo, peccatum vero omissionis in negativo, etiam si repugnet pura omissione libera.

II. Dico equidem 1. cum secunda sententia, malitiam formalem peccati commissionis consistere in positivo, seu in entitate positiva actus disformis legi æternæ, ad quam consequitur privatio rectitudinis debite actui humano. Ita videtur sentire etiam D. Th. prima secundæ quæ. 29. art. 1. ad primum; & ita communissime Rectiones, præsertim Hispani, teste Lorca apud Platell. loc. cit.

Prob. In eo consistit malitia formalis peccati, per quod actus constituitur malus moraliter, seu inhonestus, ac peccaminosus; sed per entitatem positivam est malus moraliter; ergo malitia formalis consistit in positivo. Minor constat ex dictis in de actibus humanis; actus enim est moraliter malus præcise per dissonantiam cum natura rationali, & cum lege æternæ, seu cum voluntate Divinæ; atqui per positivam suam entitatem blasphemia v. g. opponitur voluntati Divinæ, & dissonat naturæ rationali; ergo per entitatem positivam suam actus est moraliter malus, & peccaminosus. Minor hæc patet: opponi enim voluntati Divinæ formaliter, est esse contra Divinam voluntatem; Sed blasphemia secundum esse positivum est contra voluntatem Divinam, quippe secundum esse suum prohibetur; et-

go blasphemiam per entitatem positivam opponitur formaliter voluntati Divinae.

Confirm. 1. quia non potest assignari, in quam privationem consistat malitia formalis peccati; ergo consistit in positivo. Probatur antecedens: neque enim consistit primo in privatione rectitudinis debita: ipsi actui, v. g. blasphemiae, secundum rationem specificam, ut patet, quia tali actui repugnat rectitudo, unde non potest esse ei debita: Neque secundo, ut vult Scotus, in privatione rectitudinis debita actui humano secundum rationem genericam, quia non ex hoc, quod ratio generica sit capax alicujus perfectionis, ideo talis ratio generica dicitur habere capacitatem, & privationem illius, quando contrahitur à differentia opposita; v. g. Equus non dicitur habere privationem, & capacitatem rationalitatis, per hoc, quod ratio generica animalitatis, quae est in equo, sit capax rationalitatis; ergo neque blasphemiam dicitur habere privationem rectitudinis per hoc, quod ratio generica animi humani, quae est in blasphemiam, sit capax rectitudinis. Neque tertio in privatione rectitudinis debita voluntati, ut docent Gabr. Molin. Sal. tum quia potest aliquando homo peccare, quin tunc obligetur ad ullum actum bonum, si non peccet; praesertim si Deus nolit tunc concurrere ad actum bonum; tum etiam quia sic omnia peccata essent aequalia, quia omnia aeque trahunt privationem rectitudinis debita voluntati: tum denique, quia huiusmodi privatio non esset formaliter, & immediate libera, sed solum denominative, & mediante eo actu positivo malo, qui elicitur; atque adeo peccatum non esset formaliter, sed denominative malum ac denominatorium; ergo à primo ad ultimum malitia peccati non consistit in privato, sed positivo, quod secundum se, & formaliter dissonat voluntati Divinae.

Confirm. 2. paritatibus luculentissimis. Falsitas, seu error in actibus intellectus non constituitur per privationem ullam conformitatis debita: aut actui secundum rationem genericam, aut intellectui; ergo neque malitia in actibus voluntatis consistit in privatione rectitudinis debita: aut actui humano secundum rationem genericam, aut voluntati. Praeterea qualitas physica mala, ut est calor aquae, dolor, tristitia homini &c. non est formaliter mala per privationem qualitatis consonae, sed per propriam positivam entitatem; ergo idem dicendum de malitia morali. Hinc

D. Th. quae. 2. de malo, art. 5. ad tertium docuit, bonum, & malum morale opponi contrariè, ut opponitur calor, & frigus; non contradictoriè, ut lucidum, & tenebrosum: ergo sicut calor v. g. est malus aquae per seipsum, non per privationem frigoris, quam inducit; ita blasphemiam est mala moraliter voluntati per entitatem suam, non per privationem rectitudinis, quam trahit.

III. Dico 2. malitia formalis peccati commissionis consistit adaequate in positivo; non vero partim in positivo, partim in negativo.

Conclusio constat ex dictis. In eo formaliter, & adaequate consistit malitia v. g. blasphemiae, per quod blasphemiam formaliter, & adaequate est mala moraliter, & inhonesta: est autem inhonesta adaequate per suam entitatem positivam, per quam disformatur voluntati Divinae, & dissonat naturae rationali; ergo. Prob. min. universum quod alteri disformatur, seu est dissimile, disformatur adaequate per suam esse positivum, quod trahit carentiam conformitatis: Sic calor disformatur exigentiae aquae per suum esse positivum; sic febris dissonat corpori humano; sic album est dissimile nigro; sic animal hominis discrepat ab animali equi per esse proprium positivum, ad quod consequitur negatio. Hinc Aug. lib. 22. contra Faustum definit peccatum, *Dissim, falsum, concupiscentia contra legem Dei*; ergo per huiusmodi actus positivos, secundum quod sunt contra voluntatem Divinam, habetur adaequate formalis malitia peccati.

Confirm. à contrario sic. Bonitas formalis actus honesti adaequate consistit in sola entitate positiva actus conformis voluntati Divinae, ad quam consequitur negatio inhonestatis in ipso actu, & privatio actus inhonesti in voluntate; ergo idem dicendum de malitia actus inhonesti. Et ratio à priori est, quia praesice per entitatem positivam actus mali habetur oppositio, & disformitas cum Divina voluntate.

Dico 3. contra Tannerum: Malitia formalis peccati commissionis non consistit in aliquo positivo morali superaddito ipsi entitati physicae actus peccaminosi, sed in sola entitate positiva physica talis actus, quae praesice per hoc, quod supponat advertentiam ad regulam morum, seu ad voluntatem Divinam, dicitur habere esse morale.

Prob. Entitas moralis superaddita entitati physicae actus est omnino superflua; er-

go non datur. Antecedens probatur, quia ea præcisa habetur in esse physico actus denominationis moralis tam in actu honesto, quam in inhonesto, præcise per hoc, quod supponat advertentiam ad regulam morum.

Confirm. Deus odit peccatorem præcise per hoc, quod ponat v. g. blasphemiam advertendo, quod ea prohibetur, etiam si huic actui nihil morale superaddatur; ergo malitia formalis peccati, quæ est ipsa odibilitas peccatoris, habetur præcise per positivam entitatem actus prohibiti, supponens advertentiam ad regulam morum, seu ad legem prohibentem; ita ut esse morale realiter identificetur cum esse physico actus, non vero superaddatur.

Hinc etiam constat, neque malitiam formalem consistere in relatione disconvenientiæ, & difformitatis cum voluntate Divina, quæ relatio sit forma media superaddita ipsi actui difformi: etenim hæc etiam relatio superaddita est omnino superflua.

IV. Dico ultimo. Malitia formalis etiam peccati omissionis consistit in positivo.

Prob. peccatum omissionis dari non potest sine actu positivo; repugnat enim pura omisso libera, ut supponimus ex dictis in de actibus humanis, disp. 6. qu. 5. Quare in tantum v. gr. potest quis peccare omitendo audicionem Sacri præcepti, in quantum, vel per actum fugæ non vult audire Sacrum, vel per actum persecutivum, aut vult omissionem sacri directæ, aut indirectæ, volendo scilicet aliquid impossibile cum illo, v. gr. si velit ire venatum; ergo peccatum omissionis tunc habetur, quando habetur aliquis ex his actibus positivis; æqui malitia formalis horum actuum consistit in entitate positiva ipsorum, trahente carentiam actus præcepti; ergo peccatum omissionis formaliter consistit in positivo. Minor subsumpta constat ex dictis; etenim entitas positiva horum actuum formaliter opponitur voluntati Divinæ illos prohibenti, dum præcipitur auditio Sacri; ergo in ea entitate positiva habetur formaliter inhonestas, & malitia moralis.

V. Objic. 1. peccatum cum sit malum morale, non potest esse volitum à Deo; sed quatenus est entitas positiva, cum sit quid physice bonum potest à Deo amari; ergo peccatum secundum quod est malum morale, non est ipsa entitas positiva actus, acque adeo formaliter consistit vel in privatione, vel in entitate morali superaddita.

Confirm. Ens positivum est Dei similitu-

do, ac participatio perfectionis Divinæ; sed peccatum non est hujusmodi: immo potius per peccatum tollitur Dei similitudo ab anima; ergo peccatum formaliter non est ens positivum. Quod si dicas, peccatum esse Dei similitudinem secundum esse physicum, non morale: Contra est, quia vel esse morale in peccato distinguitur ab esse physico, vel non: Si primum, habetur intentum, si secundum, recurrit, quod deberet esse Dei similitudo, & participatio, secundum quod est malum morale.

Confirm. 2. Deus nullatenus dici potest causa peccati: ex Tridentino enim sess. 6. can. 6. *Deus non operatur proprie, & per se peccatum*; atqui Deus est causa cujusvis entitatis positivæ; ergo peccatum non consistit in positivo, sed vel in negativo, vel in positivo morali superaddito.

Resp. 1. cum Valq. 1. 2. dis. 129. argumentum solvendum ab Adversariis, qui volunt, Deum causare, & velle materiale peccati, non vero privationem consequentem, aut esse morale, in quo consistit malitia formalis; nam universum qui vult A, ad quod essentialiter consequitur B, vult ipsum B; aliter vellet chimæram, si vellet B non consequi: Sic qui vult fundamentum privationis vult ipsam privationem, v. g. qui vult claudere fenestras, vult, & causat tenebras: quare ergo Deus volens materiale peccati, quod est fundamentum privationis constituentis formale peccati, non dicitur velle etiam formale? Respondeant adversarii.

Resp. 2. directæ, Deum velle peccatum voluntate permissiva, seu non impeditiva, non vero voluntate intentiva; velle autem voluntate permissiva est velle concurrere ad entitatem positivam peccati ex determinatione creaturæ. Quare distinguere oportet in peccato duas formalitates, & esse physicum, & esse morale: esse physicum importat totum esse actus, secundum quod est extra causas; esse vero morale importat dependentiam actus ab advertentia ad regulam morum (eo modo, quo in actu vitali est considerare esse physicum, in quo convenit cum actu non vitali, & esse vitale constitutum per dependentiam à principio intrinseco) Dependencia ista in actu morali ab advertentia ad regulam morum probabilius identificatur cum ipso actu morali, sicut probabilius cum actu vitali identificatur dependentia à principio intrinseco; propterea Deus concurrens ad esse physicum actus moralis, concurret etiam identice ad esse mo-

morale identificatum cum physico; quia tamen ad actum inhonestum concurrir determinatus, non determinans, idcirco dicitur Deus formaliter concurrere ad esse physicum, non ad esse morale peccati. Quod si Deus ad peccatum concurreret prædeterminando ad illud, in tali casu non solum concurreret ad esse physicum, sed etiam ad esse morale formaliter, ut explicabimus dissequenti qu. 2. ar. 3.

Dices: Pariter Deus ad actum liberum honestum concurrir determinatus à voluntate creata, non determinans; & tamen Deus formaliter, nedum identice concurrir tam ad esse physicum, quam ad esse morale actus honesti; ergo quamvis ad peccatum concurrat determinatus, adhuc concurrir formaliter ad esse morale peccati, si hoc identificatur cum entitate physica.

Resp. concesso antecedente, nego consequentiam. Disparitas est, quia Deus ad actum liberum honestum non solum concurrir; ut causa physica universalis, determinatus à voluntate creata, sed etiam concurrir ut causa moralis, hoc est suadens, aut præcipiens illum. Contra vero ad peccatum concurrir solum ut causa physica prohibendo illud. Hinc sequitur, quod Deus magis, quam creatura dicatur causa actus honesti; quia effectus magis tribuitur causæ morali, quam physicæ: v. g. homicidium magis tribuitur mandanti, quam exequenti; Unde ille prius tenetur ad restitutionem. Et eo magis tribuitur Deo actus bonus, quam nobis, quia Deus non solum est causa moralis consulens, aut mandans, sed etiam dat nobis vires ad illum exequendum, & seligit auxilia efficacia prædefinendo actum; ubi mandans homicidium hæc non præstat. Sequitur secundo, quod Deus non debeat dici causa actus inhonesti, quia nec est causa moralis, cum non suadeat, aut præcipiat illum, sed prohibeat; nec est causa physica concurrrens ad illum cum inclinatione, sed cum renitentia, & ideo simpliciter nec dicitur velle, nec causare peccatum. In forma ad argumentum dist. maj. malum morale non est volitum à Deo voluntate permissiva, seu signi, nego: voluntate intentiva, seu beneplaciti conc. maj. & dist. min. Deus vult omnem entitatem positivam voluntate sive permissiva, sive intentiva, conc. semper intentiva, nego. min. & consequentiam.

Ad primam confirm. respondeo primo per instantiam: potentia peccandi non assumi-

latur Deo impeccabili; ergo huiusmodi potentia non consistit in positivo. Secundo directe distinguo antecedens; ens positivum est Dei similitudo, secundum quod est ens physicum, concedo; secundum quod est ens morale, seu secundum quod est determinatio voluntatis creatæ ad id, quod dissonat voluntati Divinæ, nego antecedens, & consequentiam. Ad id, quod additur dico, non distingui ex parte objecti ens physicum à morali: nihilominus huiusmodi entitas, quæ est simul physica, & moralis, assimilatur Deo secundum quod est ens physicum, seu extra causas, non vero secundum quod est ens morale, seu determinatio ad malum; sicut in homine animal, & rationale ex parte objecti identificantur, sed homo secundum quod est animal assimilatur brutò, non secundum quod est rationale formaliter.

Ad secundam conc. maj. & dist. min. Deus est causa physica cuiusvis entitatis positivæ, quæ non sit mala moraliter, conc. quæ sit mala moraliter, subdist. si faciat sensum, quod physice concurrat, conc. si faciat sensum, quod concurrat physice, & cum inclinatione, in quo sensu usurpatur nomen causæ, nego min. & consequ. Quare per hoc, quod Deus non sit causa moralis peccati, nec sit causa physica determinans ad illud cum inclinatione concurrrens, simpliciter non dicitur causa peccati: universum enim causa dicitur illa, quæ dat esse effectus cum inclinatione, ac determinatione innata ad illum, ut constat inductione in omnibus causis; ergo cum Deus non concurrat physice ad entitatem positivam peccati cum inclinatione, sed cum renitentia, non potest dici causa peccati ne physica quidem.

Breviter esse morale peccati identificatur cum esse physico, non secus ac in visione beata v. g. identificatur vitalitas, & supernaturalitas: sicuti autem in visione vitalitas dicitur haberi formaliter ab intellectu, & supernaturalitas à lumine gloriæ, ita in peccato esse, seu bonum physicum dicitur formaliter haberi à Deo, cuius est participatio; esse vero morale, seu determinatio ad malum, supposita advertentia ad regulam morum, dicitur formaliter haberi à voluntate creata. In hac tamen paritate datur aliqua disparitas, quia intellectus est vera causa inadæquata visionis beatæ, eo quod influat in illam cum inclinatione innata, aut saltem sine renitentia; Deus vero nullatenus dicitur causa

peccati, quia influit reuens, ac prohibens illud; ac propterea solum dicitur permittere peccatum, non vero causare, praestigare, ac velle ne materiale quidem peccati.

VI. Obijc. 3. malum est privatio boni debiti; ergo malum morale est privatio relictitudinis moralis debite voluntati. Antecedens passim ab omnibus docetur, praesertim ab Aug. qui 11. de Civit. cap. 9. haec habet: *Mali nulla natura est, sed amissio boni mali nomen accepit.*

Confirm. 1. passim SS. Patres docent, peccatum esse non ens, ac nihilum; esse absentiam relictitudinis, & defectum. D. Athan. ait: *mala non entia dicenda sunt; bona autem entia, utpote quae Deum aulterem sui habent.* Ambros. quid est malitia, nisi boni indigentia?

Confirm. 2. Peccatum non habet causam efficientem; ergo non est quid positivum, sed negativum. Antecedens est Augustinus dicens lib. 21. de Civitate cap. 7. *Nemo quareat causam efficientem mala voluntatis; non enim est efficiens, sed deficiens.*

Resp. quod sicut bonum est duplex, ut notat D. Th. prima parte, quaest. 3. art. 1. ad primum, & Vasq. prima secundae disp. 95. cap. 9. alterum Absolutum, & simpliciter dictum, quod est ipsa rei integritas, seu ipsa entitas rei habens quicquid exigit, ut sit integraliter perfecta; alterum respectivum, quod scilicet dicit convenientiam cum subiecto etiam si non exigatur ab illo, ut visio beata, voluptas, &c. dicitur bona homini: ita duplex datur malum; alterum absolutum, & est carentia boni debiti, ut si aqua careat frigore, homo brachiis: alterum respectivum, quod scilicet de se dicit positivam dissonantiam cum subiecto, ut calor in aqua, error in intellectu; sextus digitus in manu, & peccatum in voluntate. Hoc posito, quando dicitur malum esse privatio boni debiti, sermo est de malo absoluto; peccatum autem cum sit malum respectivum, non est quid privativum, sed positivum, trahens privationem boni debiti unde dicitur esse privatio positiva, seu privatio radicalis, non formalis boni debiti: eo modo, quo in homine v. g. negatio perfectionis Angelicae non est quid privativum, sed est ipsum esse positivum hominis trahens illam negationem.

Ad primam confirmationem, Resp. 1. cum Vasquez loco laudato: SS. Patres loqui adversus Manichaeos admittentes duas

naturas substantiales, alteram bonam, & causam bonorum, malam alteram, & causam malorum: proinde saepe inculcant, malum non esse ens, seu non dari ens substantiale malum. Et in hoc sensu D. Athan. dicit: *Est haereticum dogma tribuere sensum malo.* Caeterum SS. Patres etiam docent saepe, peccatum esse *Diffusum, factum, concupiscit contra legem*; atque adeo esse quid positivum. Resp. 2. Patres intelligi posse, quod peccatum sit non ens causaliter, quatenus causat privationem relictitudinis debite in anima, & privationem gratiae. Denique possunt etiam intelligi de peccato habituali, quod secundum id quod dicit in recto, non est ens physice existens, sed est ipsum peccatum praeteritum, moraliter perseverans; quousque enim non ponatur condonatio, vel condignisatisfactio, peccatum praeteritum in morali estimatione se habet perinde ac si physice existeret.

Ad secundam: in peccato duplex datur praedicatum, seu formalitas, bonitas physica, & malitia moralis: secundum quod est physice bonum, tribuitur Deo fonti bonitatis; secundum quod est malum moraliter, tribuitur voluntati moraliter defectibili; Sicut in visione beata vitalitas tribuitur intellectui, & supernaturalitas luminis. Praeterea peccatum dicitur non habere causam efficientem, sed deficientem, non quia sit nihil, sed quia malitia formalis, seu determinatio ad malum dependenter ab advertentia ad regulam morum non potest haberi, nisi à voluntate, quae deficit moraliter, dum peccat; non à Deo moraliter indefectibili.

VII. Obijc. 3. ex Mauro; peccatum est moraliter malum propter oppositionem cum lege Dei, & dissonantiam cum natura rationali; sed hanc oppositionem non habet secundum rationem positivam, sed ratione privationis relictitudinis debite, quam inducit; ergo in hac privatione consistit malitia peccati. Probatur minor. Si peccatum secundum rationem positivam opponeretur voluntati divinae, eo ipso illi opponeretur secundum entitatem suam, atque adeo secundum suam bonitatem, quia ens, & bonum convertuntur; sed repugnat, quod a Deo, secundum quod est bonus, opponatur eum voluntate divina: ergo &c.

Confir. nihil potest esse malum ratione suae bonitatis, sed solum est malum per id, quod non habet, & habere debet, ut constat in artefactis, quae non minus pendere à directione artis, quam actus moralis à di-

electione prudentiæ: ergo ut prius.

Respond. nego. minorem: Ad probationem distinguo majorem: opponeretur cum voluntate divina secundum entitatem, ac bonitatem physicam, identice, concedo; formaliter, nego majorem: eo modo, quo homo disconvenit cum bruto per animal identice, non formaliter: & distincta pariter minore, nego consequentiam. Actus inhonestus, qui est physice bonus, & sic Deo similis, est malus moraliter, & sic dissimilis; propterea sicut explicamus in homine similitudinem, & dissimilitudinem cum bruto per meram distinctionem rationis inter animal, & rationale, ita in casu.

Ad Confirm. distinguo anteced. nihil potest esse malum absolute ratione suæ bonitatis, concedo; malum respectu, nego antecedens, & consequentiam: Sic calor est malus, seu disconveniens aquæ, & error malus intellectui per suam entitatem, ac bonitatem. Circa artefacta dico, artefactum esse malum per ipsam entitatem positivam figuræ malæ, seu dissimilis regulæ artis. Illud tamen est discrimen inter figuram artefacti malam, & actum malum, quod figura est mala solum per dissimilitatem cum regula artis, non per hoc quod disconveniat subiecto: Unde figura bona, & mala non opponuntur contrarie; sicut calor, & frigus; contra vero peccatum non solum est malum per dissimilitatem cum regula morum, sed etiam quia disconvenit naturæ rationali; unde actus bonus, & malus opponitur contrarie, ut diximus ex Angelico quæst. 2. de malo, articulo 3.

VIII. Objic. ultimo contra 4. Conclusio nem. Actus positivi, in quibus habetur peccatum omissionis, in tantum sunt formaliter contra voluntatem divinam, atque adeo inhonesti, in quantum inferunt omissionem actus præcepti; unde si per impossibile hanc non inferrent, non essent mali: ergo malitia formalis peccati omissionis consistit formaliter in omissione actus præcepti, atque adeo in negativo.

Confirm. primo: actus est inhonestus per hoc, quod disformetur legi; sed omisso non pura actus præcepti est dissimilis legi præcise per hoc, quod non ponat, quod à lege præcipitur: ergo peccatum omissionis formaliter consistit in negativo.

Confirm. secundo. Id, quo præcise sublatum tollitur malitia formalis peccati omissionis, est constitutivum talis malitiæ; sed

præcise sublata omissione actus præcepti, ea tollitur: ergo hæc omisso constituit peccatum omissionis.

Confirm. demum ex Hieronymi. dicentem: *Negius est adesse justitiam, quam non fuisse*; ergo aliud est peccatum, quo quis odit positive justitiam, consistens in positivo; aliud, quo quis justitiam omittit, consistens in negativo.

Respond. Si fiat hypothesis impossibilis, quod detur in peccato omissionis non pure actus positivus, & non detur privatio actus præcepti, utraque pars contradictionis sequitur. Quare concessio antecedente, nego consequentiam. Si actus positivus, quo quis non vult audire sacrum, non inferret omissionem actus præcepti, non haberet totum suum esse positivum, quod habet: Sicut calor, si non esset exclusivus frigoris, non haberet totum esse caloris. Unde nil mirum, quod in hac hypothesis impossibili utraque pars contradictionis sequatur per locum intrinsecum.

Ad primam Confirm. distinguo minorem præcise per hoc, quod non ponat pure, quod à lege præcipitur, nego; non pure, seu per actum positivum, concedo minorem, & nego consequentiam. Positio non pura actus præcepti est positio actus prohibiti, ad quam sequitur omisso actus præcepti; quando autem ponitur actus prohibitus, semper ponitur aliquid positivum disforme legi, & ratione talis positivi actus est inhonestus.

Ad secundam nego minorem. Omissio enim actus præcepti, nisi fundetur in positiva entitate actus, non est omisso peccaminosa.

Ad tertiam: sensus D. Hieronymi est, pejus esse odisse justitiam actu aversativo, quam actu positivo nolle exequi præcepta justitiæ abique ejus odio, ac aversione: utrumque tamen peccatum habetur per actum positivum; unde consistit malitia formalis culpæ in positivo.

IX. Colliges ex dictis, peccatum sive commissio, sive omissionis formaliter, & adæquate consistere in positivo morali, non quidem superaddito, sed identificato cum entitate physica actus; in actu enim peccaminoso plurimæ sunt formalitates: Primo quidem esse vitale per dependentiam essentialem à principio intrinseco: Secundo esse voluntarium per dependentiam à principio intrinseco cognoscente: Tercio esse liberum per dependentiam à principio intrinseco cognoscente indifferente: Quarto esse

esse morale per dependentiam à principio indifferente, & advertente ad regulam morum: Quinto esse peccaminosum per determinationem ad objectum malum, supposita dependentia ab advertente ad regulam morum. Hinc si blasphemia v. g. sit in amente, cum determinatio ad tale objectum non supponat advertentiam ad regulam morum, huiusmodi actus non est moralis, atque adeo non est malus moraliter, sed tamen physice bonus, unde potest à Deo prædesiniri: non secus ac si blasphemia ponatur in lapide, in quo casu non esset vitalis, sicut blasphemia in amente, cum non sit moralis, specie differens à blasphemia moraliter mala.

QUESTIO VIII.

An auxilium inefficax detur, & an dari possit ut inefficax?

I. **S**upponendum primum ex dicendis disp. sequenti, auxilium dici efficax in actu secundo, quod conjungitur cum consensu; dici inefficax in actu secundo, quod non conjungitur cum consensu; dici vero efficax in actu primo, quod ita est sufficiens ad consensum, ut conjungatur cum scientia media de consensu, & cum voluntate Dei benefica ordinante illud ad consensum; dici vero inefficax in actu primo, quod præter entitatem auxilii importat negationem scientiæ mediæ de consensu; & huiusmodi beneficiæ voluntatis divini. In præsentis questio est de auxilio inefficaci in actu primo, An scilicet detur ut inefficax?

Supponendum secundo, auxilium posse esse re vera sufficiens, etiam si non sit efficax in actu primo. Probatur: auxilium est sufficiens per esse per se indifferens ad consensum, & dissensum; atqui auxilium, quod non est efficax in actu primo, potest esse indifferens de se ad utrumque; ergo potest auxilium esse sufficiens, & non esse efficax in actu primo. Hinc certum est contra secundam propositionem Jansenii, in statu naturæ lapsæ posse non interiori gratiæ resistere, juxta illud Act. 7. *Vos semper Spiritui Sancto resistitis*: quod sonat dari gratiam sufficientem, cui resistamus, atque adeo gratiam, quæ in actu primo non est efficax, esse sufficientem.

Supponendum tertio, in hoc differre auxilium efficax in actu primo ab inefficaci in actu primo, quod auxilium efficax in a-

ctu primo, cum constituitur tum per entitatem auxilii indifferenteris, tum per scientiam mediæ de consensu, & per voluntatem Dei beneficam ordinantē illud ad consensum, constituitur per aliquid, quod non solum infert necessario consensum liberum; eo modo, quo præscientia peccati infert necessario peccatum liberum; sed etiam causat ipsum consensum, seu efficaciam in actu secundo: cum enim voluntas illa Dei benefica causet auxilium, & per auxilium causetur ex libera determinatione voluntatis consensus, ipsa Dei voluntas, scilicet prædefinitio constitutiva efficaciz in actu primo dicitur causa consensus; causa enim causat est causa causati. Contra vero auxilium inefficax in actu primo importans præter entitatem auxilii, negationem scientiæ mediæ de consensu, & beneficiæ voluntatis divini, infert quidem necessario necessitate consequentiæ dissensum liberum, & inefficaciam in actu secundo; at non est causa inductiva dissensus, seu omissionis consensus, quia negatio voluntatis beneficiæ divini ordinantis auxilium ad consensum, neque causat physice auxilium, neque per auxilium causat dissensum, vel omissionem, quia dissensus, aut omissio omne causatur ex determinatione voluntatis. His explicatis, elucescit status questionis; nam conferri auxilium inefficax in actu primo ut inefficax, importat non solum dari auxilium sufficiens prævisum inefficax, cum negatione scientiæ mediæ de consensu, & voluntatis beneficiæ; sed etiam dari auxilium sufficiens cum positiva voluntate divina ordinante auxilium ad dissensum, seu ad inefficaciam in actu secundo. Contra vero dari auxilium inefficax in actu primo, & non ut inefficax, importat dari idem auxilium citrà divinam voluntatem positivam ordinantem illud ad dissensum; sed cum voluntate permixta sive assensus, sive dissensus.

II. Dico nunc cum communi. Deus non confert auxilium A inefficax, ut inefficax; sed ita confert auxilium A prævisum inefficax, ut paratus sit illud ipsum conferre, si prævideretur efficax.

Prob. Deus confert auxilium A inefficax animo sincero, intendendo primo, & per se, ut per illud voluntas bene operetur; bona vero, quæ per accidens aliquando ex peccato consequuntur, intendit secundario; atqui hoc non verificaretur, si daret auxilium A inefficax ut inefficax; ergo non datur ut inefficax. Major constat, quia aliter non digne sentiremus de bonitate divina, si præ-

ma-

uario intenderet Deus peccatum. Minor etiam patet, quia non potest intelligi, quod primo, & per se intendat consensum, si non esset collaturus idem auxilium A, posita prævisione consensus. Certe medicus, qui dat pharmacum trahens mortem, illud non daturus, si prævidisset, quod esset alaturum sanitatem; non daret pharmacum animo sincero, & ex intentione sanitatis, sed mortis.

Confirm. Si Deus conferret auxilium inefficax ut inefficax, eo ipso amaret peccatum, essetque peccati auctor; ergo non confert ut inefficax. Antecedens constat ex dictis qu. 6. Qui enim vult A, ad quod necessario consequitur B, censetur velle ipsum B; sed ad hujusmodi decretum collativum auxilii inefficacis ut inefficacis consequitur necessario peccatum; ita ut ex illo inferatur tanquam à priori, ergo Deus volens hujusmodi suum decretum censetur velle peccatum: Esto verum sit, quod peccatum etiam tribueretur voluntati ereatæ libere dissentienti; Sicut dicimus contra Prædeterminatores, quod etiam si prædeterminatio staret cum libertate actus, adhuc Deus prædeterminans ad peccatum esset auctor peccati.

Hinc sequitur, Deum non solum non conferre de facto, sed etiam non posse de potentia absoluta conferre auxilium inefficax quia inefficax; cum hoc repugnet bonitati divinæ, eo quod traheret in Deo amorem peccati, non vero puram permissionem.

III. Objic. 1. Si Deus conferendo auxilium A inefficax vellet consensum, daret auxilium B efficax, quod habet in promptu; ergo cum non det auxilium B efficax, signum est, non dari auxilium A inefficax animo ut inducatur consensus, sed dari ut inefficax.

Respond. Deum dare auxilium inefficax animo sincero, ut inducatur consensus per tale auxilium, quamvis prævideat non inducendum ex vicio voluntatis; non dare tamen auxilium A animo, ut inducatur consensus, ut habendus per alia auxilia; idque ex sua libertate, ad dominio, ratione cuius non tenetur intendere consensum efficaciter per aliquod ex auxiliis prævisis efficacibus, sed potest per quodcumque auxilium sufficiens illud intendere, saltem inefficaciter. Hinc diximus, quod quando intendit consensum per auxilium prævisum inefficax, duplex confertur beneficium, videlicet gratiam sufficientem, seu excitantem, & simul cooperantem; nam ultra collationem auxilii sufficientis habet specialem il-

lud beneficium voluntatem ordinandi auxilium sufficiens ad bonam operationem ut ponendam. Non tenetur tamen hoc speciale beneficium Deus supremus Dominus conferre, & ideo sufficienter est beneficium conferendo auxilium pure sufficiens. Præsertim cum hoc confert ad universalem providentiam, ad quam spectat concedere singulis quicquid requiritur ad consecutionem ultimi finis, & absque detrimento libertatis permittere mala moralia, unde majus bonum provenire potest. Ex quibus habes, ut diximus quæst. 6. ex Sanctis Patribus; in hoc divinam bonitatem esse magis commendandam, quod cum prævideat peccatum, & ingratitudinem voluntatis, adhuc confert auxilium sufficiens, & est beneficium ingratis.

IV. Objic. 2. Non potest explicari, Num Deus concedat auxilia inefficacia pure omittendo volitionem auxiliorum efficacium, an verò positive nolendo? Si enim pure omitteret velle, quare etiam non posset nolere positive? quæ enim satis sunt ad reddendam rationabilem, licitam, & iustam puram omissionem, reddunt etiam rationabilem nolitionem positivam auxiliorum efficacium. Si vero posset positive nolere, ergo jam nollet simul, & vellet consensum; nollet, quia non vult auxilia efficacia; vellet, quia vult auxilium sufficiens, quod unice intendi potest in ordine ad consensum; cum autem hoc repugnet, dicendum dari inefficax ut inefficax.

Confirm. quia motivum Dei ad conferendam auxilium inefficax, habens in promptu auxilia efficacia, nisi sit ipsa inefficacia auxilii, esset auxilii sufficientia ex amore consensus; ergo deberet conferre auxilium B efficax, non A inefficax; ut accidit in humanis: nam Medicus, qui dat pharmacum ex amore sanitatis inducendæ, debet dare pharmacum, quod videt induciturum sanitatem, non mortem. Neque dicas, quod ex motivo universalis providentiæ possit velle sufficientiam auxilii ex amore inefficaci consensus, ut ex permissione peccati majora bona proveniant. Nam posset Deus suam Providentiam, Sapientiam, ac Bonitatem melius manifestare, conferendo auxilia efficacica; ergo non dat inefficacia, nisi quando ut inefficacia.

Resp. cum Suario, Deum positive nolere dare auxilia efficacia, quando dat inefficacia; per hoc autem, quod nolit dare efficacica, sequitur tantum, quod non habeat voluntatem efficacem, sed solum inefficax.

scilicet.

cem consensus; non vero sequitur, quod efficaciter nolit consensum, cum non fiet auxilium A inefficax quia inefficax, sed sit paratus idem auxilium A libentius conferre, si prævideretur efficax.

Ad confirm. concessio antecedente, nego consequentiam. Medicus tenetur dare pharmacum causans sanitatem, nec potest permittere mortem, si prævideat pharmacum hic, & nunc allaturum mortem. Contra vero Deus supremus Dominus potest peccatum permittere; aliter non posset condere creaturam liberam. Ergo licet prævideat auxilium A esse inefficax, & B efficacem, potest amore sincero dare auxilium A inefficax præ B efficacem. Ad id, quod additur, verum quidem est, quod posset Deus ostendere suam providentiam etiam dando auxilium efficacem, quando dat inefficax; ac debet posse Deus utroque modo suam providentiam ostendere, tum dando auxilium inefficax, ac permittendo peccatum, tum etiam dando efficacem, quo peccatum impediat: neuter enim modus dissonat bonitati Divinæ, & uterque est magis consonus Divino dominio, quam unus tantum, quo scilicet semper conferat auxilia efficacem; ergo potest ex motivo universalis providentiæ dare auxilium inefficax, ratione cuius concedit creaturis quicquid requiritur, ac sufficit ad consecutionem ultimi finis, nolendo dare efficacem, quod habet in promptu.

V. Obijc. ultimo. Potest Deus dare auxilium efficacem ut efficacem; ergo etiam inefficax ut inefficax. Sicut enim est liber ad dandum A efficacem, paratus illud idem dare, si sit inefficax, & est etiam liber ad dandum A efficacem, non daturus illud, si esset inefficax, sed aliud: ita pariter debet esse liber Deus ad dandum A inefficax, paratus illud idem dare si esset efficacem, & liber etiam ad dandum A inefficax, non daturus illud, si esset efficacem.

Neque dicas disparitatem, quod dando A inefficax quia inefficax amaret peccatum; falsum enim est, quod intenderet peccatum, sed solum intenderet conferre auxilium sufficientem nolendo conferre bonum majus, videlicet auxilium efficacem. Sic qui dat pauperi monetam argenteam, non daturus illam, si esset aurea, non dicitur amare, ac velle carentiam monetæ aureæ, seu subditi majoris, sed solum velle monetam argenteam, quia velit auream.

Confirm. a contrario, quia qui vult impingere alapam Titio, non insistitur, si

esset allatura mortem, hanc non dicitur velle carentiam mortis; quandoquidem hic actus esset bonus, sed velle alapam, qui actus est malus; ergo Deus volens conferre auxilium inefficax, non collaturus, si esset efficacem, non dicitur velle carentiam efficacem, seu peccatum (qui actus esset repugnans bonitati Divinæ) sed dicitur velle sufficientiam, ac bonam operationem, qui actus est benevolus. Et ratio à priori est, quia qui potest velle alicui duplex bonum separabile, potest benevole velle unum, relicto alio; ergo Deus potens velle creaturæ gratiam pure sufficientem, seu inefficacem ex motivo sufficientiæ, & gratiam cooperantem, seu efficacem, potest benevole velle illam, nullatenus volens illam: sicut ex motivo sublevandi miseriam pauperis potest quis velle dare decem, non centum.

Resp. nullatenus dici posse, quod gratia inefficax detur quia inefficax, quia eo ipso Deus inferretur determinare ad peccatum, ac amare illud; sicut è contra, si detur gratia efficacem: ut efficacem, inferatur in Deo esse amorem actus boni. Ratio à priori est, quia eo ipso, quod ex aliquo Dei decreto inferatur à priori existentia peccati, dicitur Deus exigere peccatum; & quia in Deo omnis exigentia est actus elicitus, seu amor; jam Deus diceretur amare peccatum. Hinc patet ad argumentum: potest Deus dare auxilium efficacem ut efficacem, quia potest amare actum bonum, quem exigeret; non posse vero inefficax, quia inefficax, quia nequit amare peccatum, quod inferretur exigere. Ad paritatem de moneta argentea, retorqueo: Qui vult dare monetam argenteam qua talem, non daturus, si esset aurea, eo ipso censetur velle carentiam monetæ aureæ; quod ex eo patet, quia si quis teneretur dare monetam auream, & daret argenteam qua talem, procul dubio peccaret, quia scilicet censetur nolle dare auream, ad quam tenetur; ergo pariter si Deus daret inefficax, quia inefficax, censetur nolle dare efficacem, atque adeo nolle bonam operationem, sed velle peccatum.

Ad confirm. retorquetur etiam paritas; qui vult dare alapam qua talem, duo vult, & dare alapam, & carentiam mortis, quavis talis actus, quatenus vult carentiam mortis, sit bonus, & quatenus vult impingere alapam, est malus, & ideo simpliciter est actus malus, & iniustus, quia malum ex singulis defectibus. Eodem modo Deus volens auxilium inefficax qua tale, duo vult, & sufficientiam auxilii, & carentiam effi-

efficacis, seu consensus, atque adeo peccatum; quatenus vult sufficientiam auxilii, est actus benevolus, & dignus Deo; quatenus vero vult carentiam efficacis, & peccatum, obstat Divinae bonitati, & ideo simpliciter talis actus est malus, & Deo indignus.

DISPUTATIO III.

De efficacia Divinae Gratiae.

Longum esset hac de re pro merito disputationem instituere, ceteroqui pugnam, & contentiosem. Quinimmo decretis Pontificis districte id inhibetur. Propterea ad eruditionem Theologis per necessarium. In prima hujus disputationis questione solum exponimus quatuor celebriores sententias de Gratiae efficacia, praemittendo, id non vetari à legibus hactenus emanatis; quoniam voluntati Sedis Apostolicae esse consonum. In secunda vero, omitta disceptatione illa, Num & quomodo possit Gratiae efficacia consistere in aliqua physica Promotione? Solum inquiremus, Num praedeterminatio physica, ac decretum Praedeterminans evertant arbitrii libertatem? In tertia idem quaerimus de decreto Concomitante ad mentem Scotistarum. In quarta explicabimus sententiam reponentem gratiae efficaciam in Praedeterminatione morali; necnon reponentem illam in collatione auxilii praevisi per scientiam mediam efficacis, neglecta harum sententiarum dilquisitione. Denique exponemus, Quid importet in sententia Societatis gratia efficax in actu primo? Quid Gratia efficax, in quantum est speciale beneficium erga consentientem? Quid demum Gratia efficax in actu secundo?

QUESTIO I.

Exponuntur Sententiae celebriores de Gratiae efficacia.

I. Eminem lateet, quantum dissidii hac in re fuerit circa initium praeteriti saeculi inter Patres Praedicatorum, & Patres Societatis, illis contenditibus, quod Gratia efficax sit efficax ab intrinseco, ut proinde entitative differat gratia efficax à pure sufficienti; Istis vero acriter propugnans, non posse gratiam efficacem locum

iri infallibilitatem suam, nisi beneficio scientiae mediae, atque adeo ab extrinseco, eandemque entitative gratiam conferri posse tum consentienti, & sic denominari efficacem, tum dissentienti, & sic denominari pure sufficientem. Hac praesertim de causa habitae sunt coram Clemente VIII. trigintaseptem Congregationes; & aliae decem coram Paulo V. ut in re tam gravi Sedes Apostolica quid sentiendum, quid docendum, ediceret. Quae tandem die 28. Augusti 1606. statuit, utramque sententiam in scholis Catholicis doceri possit, ac impune, donec aliud ipsa decerneret; ea tamen lege, ut neutra ex his censuris capatur, aut iniuriis lacescat; Hujus controversiae Historiam refert ab ovo Ripalda disp. 113. Fuisse tamen de illa loquitur Eleutherius offendendo, quantum à vero aberrant, qui aliter illam retulerunt cum Le Blanc.

II. Illud dumtaxat hic advertendum, à Paulo V. & Urbano VIII. sub gravibus poenis, etiam excommunicationis, interdicti, ne libri, Tractatus, aut compositiones in lucem edantur tractantes de materia auxiliorum divinarum, seu de gratia, & libero arbitrio, absque licentia expressa Sedis Apostolicae; quam prohibitionem confirmarunt postmodum, ac innovarunt Innoc. X. & Alex. VII., ut videre est apud Platellium n. 604. Et quamvis nonnemo dixerit hanc prohibitionem esse usu abrogatam; fallitur tamen, ut idem Platellius ostendit; cum passim Auctores signate protestentur, ab hoc tractatu se abstinere ob debitam erga decreta Pontificia religionem. Nihilominus communiter docent, hinc non vetari, quominus hac de re aliquid modeste tradatur, ne Theologus in quaestione tam gravi, tam scitu digna, ac necessaria omnino jejunet; nec vetari, quominus Catholicorum sententiae de gratiae efficacia in libris, qui typis dantur, tantummodo explicentur ad eruditionem Lectorum, dummodo ab iis propugnandis, ac contutandis absterneatur; quod praxis ipsa confirmat, & videntur Pontifices permisisse; etenim Spondanus referens decretum Pauli V. apud Platellium haec habet: *Paulus V. disputationes de auxiliis con- tinguere iussit; sanxitque postmodum, utriusque, dum aliud decerneretur, librum esse suam sententiam in scholis modeste tractari, sed sine damnatione alterius partis.* Et Petrus Ledesma in Praefatiuncula ad tract. de auxiliis habet: *Clementis VIII. propter doctrinae utilitatem, ac necessitatem Theologiae concessisse do-*

hac materia disputare; ut constat ex literis testimonialibus Cardinalis Madrucci, quas ego vidi; Omnibus tamen præcipio, ut à nota, & censura opposita sententia abstineant. Et Leonardum apud eundem Platellum dicit, publicationem decreti Pauli V. his verbis Hispali factam esse: *Facultatem præstamus, ut possint tractare de præfata materia; & mandamus sub pena excommunicationis, ut nullus audeat censurare contrariam sententiam, nec utatur verbis mordacibus, quæ malam intentionem animo latentem indicare videantur.*

III. Adde, nec vetati, quominus directe agatur de Scientia media, de Prædestinatione, de Providentia, de Prædeterminatione physica, ac de decreto prædeterminante, ac condeterminante, num scilicet evertant arbitrii libertatem? ac de similibus, dummodo directe non agatur de gratia intrinseca voluntati, ac de modo conciliandi illam cum libertate arbitrii, etiam si nonnihil obiter de his ad eruditionem innuatur. Quod pariter praxis ostendit; cum fere omnes Theologi cujuscunque Ordinis directe in suis libris agant de his materiis. Et ratio est, quia hujusmodi tractatus solum remote spectant, indirecte, & tanquam principia, ad constitutionem gratiæ efficacis, & ad materiam propriam divinorum auxiliorum; prohibitio autem, ut notat Henao n. 67. solum fert, ne directe de iis agatur; cum nulla fere sit Theologiæ pars, in qua non janciantur fundamenta, quæ ad hanc materiam deservire possint. Hinc sicut passim discutitur ab Auctoribus, Num scientia media obstat libertati consensus per illam prævisi, & libertati voluntatis Divinæ eundem consensum præfinientis, præsciindendo, An, & quomodo illa spectet ad constitutionem gratiæ efficacis, ita passim ab Auctoribus discutitur, An prædeterminatio physica, ac decretum prædeterminans, & condeterminans coherere cum libertate arbitrii, & præsciinditur, an & quomodo spectent ad efficaciam gratiæ. Sic Gonetius pluribus conatur ostendere in sexta disputatione de Actibus Humanis, quod Deus non solum præmoveat, sed etiam prædetermineat causas secundas etiam liberas ad operandum, adducendo rationes Theologicas ex ipsa sufficientia, & efficacia gratiæ desumptas, & tamen sancte in de Gratia protestatur, se nolle ingredi materiam Divinorum auxiliorum, ad obtemperandum decretis Pontificiis. Sic etiam Jo. à S. Thom. in 1. 2. p.

efficacia Divina Gratia.

359. necnon P. Izquierdo nostræ Societatis t. 2. in p. 2. tr. 10. disp. 30. n. 433. & alii passim. His præmissis

IV. Certum est, Gratiæ efficaciam non consistere in delectatione victrice necessitate inferente voluntati, ut docent Catholici omnes contra Lutherum, Calvinum, Janseum. Etenim Ianoc. X. damnavit ut hæreticam propositionem tertiam Janseii dicentis: *Ad merendum, & demerendum in statu naturæ lapsæ, non requiritur in homine libertas à necessitate, sed sufficit libertas à coactione.* Contra Lutherum vero Tridentinum sess. 6. cap. 3. & can. 4. definivit, *Libertum hominis arbitrium à Deo motum, & excitatum cooperari assentiendo Deo excitanti; & contra Calvinum pariter definivit, idem liberum arbitrium posse dissentire, si velit, & posse inspirationem abjicere: aliter quomodo verificari posset illud Actoc. 7. Vos semper Spiritui Sancto resistitis, Si gratia efficax voluntatem cogeret.*

V. Difficultas inter Catholicos est, quomodo cum libertate ista arbitrii coherere possit efficacia Divinæ voluntatis, quæ debet esse infirmitas, adeo ut de illa verificetur, quod dicitur ad Roman. 9. *Voluntati ejus quis resistit?* & Hæsterius 13. *Non est, qui possit tua resistere voluntati, si decreveris salvare Israel.* Usque adeo difficilis est hæc concordia libertatis creatæ cum infirmitate Divinæ voluntatis, ut ipse Augustinus lib. 2. de peccat. merit. cap. 18. dixerit: *Quarentem vehementer angustat, ne sic defendamus gratiam, ut liberum arbitrium auferre videamur; rursum ne liberum sic offeramus arbitrium, ut superba impietate ingrati Dei gratia judicemur.* Et Cajet. in caput 9. Epist. ad Rom. dixit: *Scio, verum vero non esse contrarium, sed nescio has jungere, sicut nescio Mystrium Trinitatis &c.* Et 1. p. qu. 23. art. 4. idem Cajet. habet: *Ad hanc dubitationem nihil scriptum reperi in D. Thoma; in aliis vero Doctoribus nihil hallenus comperi ad præsentem questionem, nisi quæ communiter dicuntur de sensu composito, & diviso, de necessitate consequentia, & consequentie; de libertate electionis Divinæ in eternitate, & de natura causarum ad utrumlibet; sed hæc omnia intellectum non quiescant.*

VI. Quatuor sunt præcipuæ Catholicorum opiniones in hac gravissima difficultate, quas hic solum inquirimus, ut laudatis decretis morem geramus. Prima Thomistarum reponentium cum Bagnes Gratiæ efficaciam in physica prædeterminatione, quæ

simul

simul flet cum potentia dominativa ad utramque partem, & simul determinat ad consensum. Secunda Scotistarum, reponentium illam in congruitate cum ingenio ejus, qui vocatur, & in decreto non antecedente, sed concomitante determinationem voluntatis per quamdam veluti sympathiam. Tertia nonnullorum Recentiorum etiam ex Thomistis, & Scotistis, reponentium illam in praedeterminatione non physica, sed morali, seu in multitudine tot adminiculorum, & auxiliorum in Deo, ut quamvis singula deficere possint, omnia tamen simul infallibiliter sint effectum habitum, idque independentem à scientia media. Quarta demum sententia Doctorum Societatis, & aliorum etiam à Scotistis, & ex quovis ordine apud Platel. num. 190. constituit efficaciam gratiae in praedestinatione consensum consequente ad scientiam mediam, seu in collatione auxilii indifferentis praevius per scientiam mediam efficacis. Sic enim apte concordatur libertas creaturae, & infirmitas gratiae; sicut apte conciliatur infallibilitas v. gr. revelationis de peccato Divi Petri cum libertate talis actus; nam ratione auxilii omnino indifferentis incolumis est libertas voluntatis; & ratione scientiae mediae, qua Deus praevidet, quod si tale auxilium conferatur, voluntas consentiet, posita collatione auxilii, & praedestinatione consensum, infallibiliter hic est eventurus.

QUESTIO II.

De physica Praemotione, ac de Decreto Praedeterminante ad consensum?

1. **B** Agnez primus inter Thomistas vocabulum praedeterminationis in Scholas inveniit, cujus nusquam meminit D. Th. Imo illam, ne quoad rem quidem agnovisse Angelicum, fuisse ostendit Fasolus quae. 14. art. 13. dub. 17. pun. 4. Quod ex eo praeterea clare deducitur, quia 1. p. quae. 14. art. 13. D. Thomas docuit, futura contingentia à Deo non cognosci in suis causis, nisi conjecturaliter; & prout sunt in se ipsis, cognosci infallibiliter, in quantum subduntur divino conspectui secundum suam praesentialitatem. Certe si Angelicus praedeterminationem physicam agnovisset, non dixisset, futura contingen-

Part III.

tia solum conjecturaliter attingi à Deo in suis causis, cum decretum praedeterminans sit causa essentialiter connexa per Thomistas cum actu praedeterminato. Praeterea D. Th. in 2. dist. 39. quae. 1. hoc habet: *Ipsa quidem potentia voluntatis indifferens est, sed quod determinate eruat in hunc, vel illud actum, non est ab alio determinante; & quamvis in aliquibus veteribus codicibus legatur. Non est ab alio determinante; idem tamen est sensus, ut advertit P. Thyrsus Gonzalez t. 3. disp. 6. Explicant nonnulli cum P. Fr. Jo. Nicolai hunc textum, quod actus non sit ab alio determinante naturali, non vero quod non sit à Prima causa praedeterminante. Sed immerito, tum quia D. Th. loquitur universaliter, tum quia quaelibet determinatio, quae sit antecedens, & impossibilis cum non actu, est eversa libertatis; tum demum quia passim D. Thom. docet, voluntatem à seipsa, & non ab alio determinari ad actum liberum. In 2. dist. 39. q. 1. art. 2. habet: *Ratio culpa in actu deformi est ex hoc, quod procedit ab eo, qui habet dominium sui actus: hoc autem est in homine secundum illam potentiam, quae ad plura se habet, nec ad aliquod eorum determinatur, nisi ex seipsa; quod tantum voluntati convenit.* Idem etiam docet Angelicus primo contra gentes cap. 68. num. 6. & alibi. Hinc Reverendissimus Tuorums Generalis Ordinis Praedicatorum, ut habetur apud Henao, sect. 499. in publica disputatione cuidam defendenti, quod esset ex mente D. Th. ista praemotio dixit: *Ostende mihi locum D. Th. in quo physicam praemotorem propugnaris, Et creabo te Magistrum adversus constitutiones tuae provinciae.* In historia Congregationum de auxiliis legitur, quod dum coram Pontifice inquiretur, An sit de mente Angelici praedeterminatio physica multis nostri ostenderint, illam cum principiis D. Thomae non cohaerere; atque adeo non esse de ejus mente. Pater Lemos Ordinis Praedicatorum putavit, ostendisse locum apertissimum D. Thomae qu. 3. de Veritate, art. 7. ubi videtur docere, quod Deus in priori moveat, ac determinet voluntatem: sed huic textui danda est interpretatio consona principiis Angelici dicentis passim cum omnibus Catholicis, quod voluntas se determinet ad actum. Quare sensus est, quod in priori ad actum liberum Deus moveat, ac excitet voluntatem cogitatione congrua, & inspiratione sancta, ac determinet illam ad bonum in genere; quandoquidem à natura,*

M

tura,

tura, atque adeo à Deo voluntas non inclinatur, nisi ad bonum in genere, & ad illud habet à Deo determinationem; ad bonum vero parziale hic, & nunc eligendum voluntas se determinat; unde peccat, si eligat bonum delectabile præ honesto, & bene operatur, si eligat honestum præ delectabili. His positis, discutimus primo, An præmotio ista physica, seu Prædeterminationis, necnon decretum Prædeterminans coherere cum libertate arbitrii? secundo an ea tollat sufficientiam ad non peccandum? tertio An reddat Deum Authorem peccati?

ARTICULUS I

Num physica Præmotio coherere cum libertate arbitrii.

II. **D**ico equidem cum communissima Societatis, & cum Angelico contra Bagnesianos, Præmotionem physicam evertere libertatem arbitrii; idemque consequenter dicendum de decreto prædeterminante, hoc est causante hanc præmotionem, seu prædeterminationem. Etenim ex Coneto tom. 7. disp. 6. art. 2. §. 3. pro eodem sumi debet præmotio, ac prædeterminatio.

Conclusio constat ex regulis summum illis adductis contra prædefinitionem antecedentem disp. superiore quæst. 9. videl. Ex necessario non sequitur nisi necessarium; ergo ex prædeterminatione, quæ voluntati est necessaria, (cum non possit nec directe, nec indirecte impediri; eo quod non possit impedire ullum prærequisitum ad illam) non sequitur nisi consensus voluntati necessarius. Constat etiam ex illa maxima ibidem adducta; Omne antecedens omnino antecedens consensum impossibile cum dissensu, & inimpedibile evertit libertatem, cum sit rigorosum impedimentum ad dissensum. Neque dicant Thomistæ, quod sicut solus Deus prima causa non renetur impedire peccatum, ita solus Deus prima causa, & primum liberum potest prædeterminare ad consensum, quin dicatur ponere impedimentum ad dissensum: Nam spectat quidem ad causam primam posse permittere, seu non impedire peccatum, non tamen potest ponere omnia constitutiva impedimenti, & non impedire; atqui prædeterminatio ad consensum habet veram rationem impedimenti, cum sit ratio sufficiens, ne detur locus dissensui, in-

superabilis à voluntate; ergo non potest Deus efficere, ne voluntas sub prædeterminatione ad consensum sit impedita ad dissensum.

Prob. iterum Conclusio. ex conceptu libertatis. Libertas consistit in hoc, quod potentia, positis omnibus requisitis ad agendum, possit agere, & non agere, hoc est possit cum iis requisitis componere tum agere, tum non agere, prout explicavimus in de Actibus humanis disp. 6. quæst. 3. sed posita prædeterminatione ad consensum, non potest voluntas cum ea componere dissensum; ergo per prædeterminationem requisitam ad consensum evertitur libertas. Minor constat; voluntas enim posita præmotione ad consensum, neque posset ponere dissensum in sensu composito, hoc est componendo illam præmotionem, & dissensum, cum sint impossibilia; neque posset in sensu diviso, cum non possit voluntas illam à se dividere, neque directe, cum ea non sit actus voluntatis, neque indirecte, cum non possit ullum prærequisitum impedire; ergo simpliciter voluntas sub prædeterminatione ad consensum non posset dissentire.

Confirm. ex eodem conceptu libertatis. In eo consistit libertas voluntatis, quod ipsa se determinet, non quod determinetur ab alio, cum hoc sit proprium causæ necessariæ; atqui si voluntas indigeret prædeterminatione, non ipsa se determinaret, sed antecedenter ad suam operationem determinaretur à Deo; ergo non esset libertas.

Confirm. 2. Ideo per Bagnesianos datur prædeterminatio, quia à causa indifferenti, qua indifferenti, non potest prodire effectus determinatus; cum autem voluntas sit indifferens ad consensum, vel dissensum, ad hoc ut ponat consensum prædissensu debet per prædeterminationem ejus indifferentiæ tolli; atqui si tollatur à voluntate indifferentiæ, eo ipso tollitur libertas; ergo si voluntati superaddatur prædeterminatio, eo ipso tollitur libertas. Minor patet: damnata enim est ut hæretica propositio 3. Jansenii dicentis; *Ad moriendum, vel demerendum in statu naturæ lapsæ non requiritur in homine libertas à necessitate, seu libertas indifferentiæ*; ergo de fide est, in voluntate esse libertatem indifferentiæ, quando ponit actum meritorium; ergo cum prædeterminatio tollat hanc indifferentiæ, eo ipso tollit libertatem ad meritum requisitam. Sicut enim materia v. gr. non

dic-

dicatur amplius indifferens ad quamcumque formam, quando per dispositiones praevias determinatur ad hanc, v. gr. ad formam ignis; nec potentia viva dicitur indifferens ad Visionem albi, vel nigri, si per species albi determinetur ad videndum album; nec intellectus dicitur indifferens ad assentiendum, vel dissentiendum articularis fidei, si à voluntate determinetur ad assensum: ita voluntas non est indifferens ad consensum, vel disconsensum, si à Deo praedeterminetur ad consensum. Nec aliunde motus primo primi in voluntate, & motus gratiae excitantis, qui sunt in nobis sine nobis, dicuntur necessarii, non liberi, nisi quia ad eos voluntas antecederet determinator.

III. Prob. ult. Conclusio. Decretum praedeterminans, seu praedeterminatio non pendet à nostra voluntate, ita ut illam ad arbitrium habere, aut impedire possimus, eo quod antecedit quamcumque nostram operationem; ergo quando nobis datur, non datur libere, sed necessario; ergo necessario etiam ponitur quodcumque ad illam consequitur, nempe consensus. Probatur haec consequentia ex receptissima doctrina D. Anselmi in libro de Concordia cap. 2. quod scilicet cum libertate cohaereat sola necessitas consequens, quae scilicet rem consequitur, & quam res ipsa facit, non vero necessitas antecedens, quae praecedat rem, & facit illam esse; atque necessitas ista praedeterminationis relate ad consensum cum illa connexum esset necessitas antecedens quamcumque nostram liberam operationem, faciens consensum esse; ergo esset necessitas evertens libertatem. Haec ratiocinatio adeo visa est efficax Lessio, ut cap. 3. de gratia dixerit: *Si haec ratio non convincit, ingemur fatore, totum hoc negotium libertatis magis mihi esse obscurum, quam illum fidei nostra mysterium.*

Confirm. Deus praecise per hoc, quod neget voluntati aliquod praerequisitum ad operandum, v. gr. cognitionem praevisam, indifferenciam iudicii, concursum suum &c. eo ipso necessitat voluntatem ad non operandum; sed praedeterminatio ponitur ab Adversariis tanquam praerequisitum ad operationem; ergo si Deus illam denegat, voluntas necessario caret operatione; atque quando Deus praedeterminat ad consensum, tunc denegat praedeterminationem ad disconsensum; ergo posita praedeterminatione ad consensum, negatio disconsensus sequitur necessario; atque adeo evertitur libertas.

Confirm. demum, quia Deus praedeterminando ad consensum, vel exhibet voluntati concursum ad disconsensum, si velit dissentire, vel non. Si exhibet; ergo non datur praedeterminatio, sed decretum collativum concursus simultanei ad utramque partem, ad quam maluerit voluntas se determinare, quod nos dicimus: Si non exhibet; ergo deficit in voluntate aliquod necessario praerequisitum ad disconsensum; atque quoties deficit necessario praerequisitum ad disconsensum, nec habet in manu voluntas illud ponere, toties impossibile est, quod ponatur disconsensus; ergo si Deus non exhibet concursum ad disconsensum, datur necessitas, non sit disensus; unde consensus non est liber.

IV. Hinc sequitur, salvari non posse, quod Trid. sess. 6. can. 4. definit, videlicet, *Libertum arbitrium assentiendi Deo excitanti, posse dissentire, si velit*: si enim deficit illi aliquod essentialiter praerequisitum ad disconsensum, nempe praedeterminatio, nec est in manu voluntatis illam habere, quomodo poterit dissentire, si velit? Pingamus, cognitionem necessario praevisam ad amorem objecti non esse in manu voluntatis, poterit ne verificari, quod voluntas possit amare, si velit? Certe non poterit, quia si non potest habere cognitionem praevisam ad sui arbitrium, nec erit in sua potestate habere amorem, qui cognitionem praesupponit. Quare ut salventur haec duo, & quod: Divinae voluntati efficaci nemo possit resistere, & quod possimus gratiae efficaci resistere, si velimus, dicendum, gratiam praevisam efficacem nobis liberaliter conferri, ita ut posita indifferencia talis gratiae, seu auxilii, possimus conjungere cum illa disconsensum; sed quia praevisa est conjungenda cum dissensu, idcirco necessario necessitate consequente ponitur consensus; unde voluntas Divina est inflexibilis. Quod si dicatur juxta Adversarios, praedeterminatio eonnecti essentialiter cum consensu, jam haberetur necessitas antecedens ad consensum, non consequens; atque adeo eversio libertatis. Aliter quomodo impugnari possent Gentiles, qui delirando asserunt, necessitatem fatalem inductam ab astris non evertere libertatem: possent enim Gentilis pariter dicere, quod influxus astrorum ita sit necessario praevisus ad operationem, & ad illam determinans, ut cohaereat cum libertate, quia voluntas in sensu diviso à tali influxu possit non operari: omnes tamen fatalem hanc necessitatem explodimus, &

cum Augustino dicimus, *Fatum non potest nisi fatum*; quia eo ipso ac voluntas non potest se ab illo ad arbitrium dividere, nequit dici, quod in sensu diviso possit non operari; atque adeo non libere operatur. Idem dicas in casu nostro.

V. Respondent, incolumem esse libertatem sub prædeterminatione ad consensum, quia voluntas potest dissentire, si minus in sensu composito, certe in sensu diviso. Sed hæc responsio pluribus impugnatur præter hæcenus dicta. Primo quidem si non potest se dividere voluntas à prædeterminatione ad consensum, eo ipso nequit in sensu diviso ab illa dissentire; aliter neque compedes tollerent libertatem ad motum, nec visio beata tolleret libertatem ad peccandum, nec gratia Calvinistica, aut fatum inferret necessitatem; quia datur potentia ad hæc omnia in sensu diviso, etiam si non possit se voluntas ab iis dividere. Secundo nec potest voluntas in sensu diviso à prædeterminatione ad consensum ponere dissentium; quia etiam secundum à prædeterminatione ad consensum, non per hoc habet in manu sua prædeterminationem ad dissentium, quæ prærequiritur ad ponendum talem actum; ergo etiam ex hoc capite non daretur potentia ad dissentium in sensu diviso. Quare ista propositio, voluntas prædeterminata ad consensum potest dissentire, si velit, nullatenus est vera, ne in sensu quidem diviso à prædeterminatione, etiam si posset voluntas ab illa se dividere. Tertio quando Tridentinum dicit: *Libertatem arbitrium assensuendo Deo vocanti, et vocanti posse dissentire, si velit*; intelligendum est in sensu composito talis vocationis, nam nemo dicitur resistere virtuti, quæ non existit, & resistentia semper habetur in sensu composito virtutis impellentis. Hinc cum damnatur propositio secunda Jansenii, quæ habet: *Interiori gratia in statu naturæ lapsæ nunquam resistitur*, sensus est de resistentia in sensu composito cum gratia.

Neque dicas 1. cum Bagnex, Concilium non esse intelligendum de gratia efficaci, sed prædeterminatione, sed de gratia sufficienti, seu de inspiratione, & illustratione. Nam Tridentinum loquitur contra Calvinum, qui dicebat, posse nos resistere inspirationibus, & illustrationibus, & nos de facto resistere gratiæ pure sufficienti, & solum negabat, posse nos resistere gratiæ efficaci; ergo Concilium intelligendum est de gratia etiam efficaci.

Neque dicas 2. cum Alvar. disp. 13. de auxiliis, Tridentinum intelligendum esse de auxiliis non ut datis, sed ut oblati, quibus resisti potest. Nam hæc etiam responsio dari posset à Calvinistis ad tuendum suum errorem.

Neque dicas 3. cum aliis, posse nos resistere entitati gratiæ, seu prædeterminationi secundum se, non vero pro ut substat Divinæ voluntati infirmitati; eo modo, quo in sententia Societatis potest voluntas resistere auxilio efficaci entitative sumpto, non tamen pro ut substat prædeterminationi Divinæ consequenti ad scientiam mediam. Nam sententia Thomistarum longe distat à nostra: nos enim dicimus, voluntatem non posse resistere prædeterminationi Divinæ efficaci impotentia consequente, quæ non violat libertatem, & contingentiam ex D. Anselmo; Thomistæ vero impotentia antecedente, quæ libertatem evertit.

VI. Respondent 2. Recentiores Thomistæ, prædeterminationem non lædere libertatem, quia non se tenet ex parte actus primi, sed secundi: sicut non lædit per nos libertatem, seu potentiam ad dissentium concursus Dei ad consensum, quamvis sit necessarius, ut actus ponatur, quia se tenet ex parte actus secundi.

Sed contra est 1. quia prædeterminatio per Adversarios est causa actus, & est in priori ad actum; ergo se tenet ex parte actus primi; cum ex parte actus secundi non se teneat nisi ipse actus, & actio, quæ juxta communiorum sententiam identificatur cum ipso actu vitali. Secundo etiam si prædeterminatio non esset causa actus, sed solum prærequisitum, adhuc se tenet ex parte actus primi, sicut approximat v. g. agentis ad passum, quatenus removet distantiam impeditivam actionis, est in priori ad actionem, & se tenet ex parte actus primi, ut notat Angelicus. Sic pariter habitus, qui supponit actum primum, & dat solum facile posse, dicitur se tenere ex parte actus primi; ergo à fortiori prædeterminatio, quæ à Thomistis dicitur esse complementum actus primi. Tertio etiam dato, quod prædeterminatio se teneat ex parte actus secundi, at ita est necessario requisita ad actum, ut non sit in manu voluntatis illam habere, vel non habere; ergo actus, ad quem prædeterminat, non est liber; Sicuti si concursus Dei in actu secundo necessario requisitus ad actum non esset in manu voluntatis, quis dixerit, volun-

lun-

hantatem ponere libere actum, etiam si talis concursus identificetur cum actione creaturae? Pinguius itaque, quod praedeterminatio se teneat ex parte actus secundi, sicut se teneat ex parte actus secundi actio, seu concursus Dei, & sicut sessio est actus secundus potentiae ad sedendum: certe si non habet voluntas in manu sua concursum Dei ad consensum, non libere consentit, nec libere sedet; qui non habet in manu sua sessionem; ergo nec libere consentit qui non habet in manu sua praedeterminationem, quamvis haec se teneat ex parte actus secundi.

VII. Respondent 3. alii apud Pasolum, posita praedeterminatione, consensum esse necessarium necessitate consequentiae, seu ex suppositione, non necessitate consequentis; quia praedeterminatio non tollit potentiam dominativam aequilibrem ad dissensum in statu suspensivo antecedente ad praedeterminationem.

Sed contra est, quia ex doctrina Anselmi necessitas antecedens, quae fert necessitatem tum consequentiae, tum consequentis, est necessitas praecedens actum, & est causa, ut res sit: necessitas vero consequens, quae fert necessitatem solius consequentiae, est necessitas sequens actum, & quam res ipsa facit; ut ostendit Anselmus: exemplificando sic: *Præcedens, & efficiens necessitas est, Colum volui, quia necesse est ut voluatur; sequens vero, & quae nihil efficit, est, te ex necessitate loqui, quia loqueris*; atqui praedeterminatio est necessitas antecedens actum, non sequens illum: ergo fert necessitatem tum consequentiae, tum consequentis. Neque obstat, quod in priori ad praedeterminationem voluntas sit indifferens. Nam illa indifferentia est solum negativa, seu praecisiva, non positiva; tollitur enim per praedeterminationem. Sicut per speciem albi tollitur ab oculo indifferentia ad videndum album, vel nigrum, quia praedeterminatio & est causa actus necessario inferens illum, & antecedit actum tum physice tum logice; atque adeo fert necessitatem antecedentem violativam libertatis.

Neque dicas cum Ripolis apud eundem Pasolum, doctrinam D. Anselmi intelligendam esse, quod destruat libertatem necessitas antecedens, quando antecedens supponitur per modum necessarij libertatem destruentis; non per modum necessarij lenientis, confortantis, & dulciter determinantis. Nam contra est, quia haec responsio petit principium, dum dicit, tollere liber-

tatem illam necessitatem antecedentem quae destruit libertatem. Quare omnis omnino necessitas antecedens, si credimus D. Anselmo, & rationi, est libertatis eversiva. Sic ex. gr. tam vinculum, quod cruciat, quam carcer, qui descendit à temporum injuriis, libertatem laedit: quia utrumque est impedimentum ad motum: ergo cum omnis necessitas antecedens consensum sit impedimentum ad dissensum, omnis necessitas antecedens evertit libertatem, etiam si se habeat per modum necessarij lenientis, ac dulciter determinantis.

VIII. Respondent 4. Alvarez disp. 18. cum praedeterminatione manere libertatem, quia manet iudicium indifferens.

Sed contra est, quia posito iudicio indifferenti circa bonum particulare v. g. circa jejunium, compossibili cum ejus amore, vel odio, adhuc potest voluntas necessitari à Deo; si scilicet Deus nolit concurrere, nisi ad amorem jejunii, aut si per qualitatem superadditam ad talem amorem determinet: Ad eum modum quo si cognitioni abstractivae Dei, compossibili cum amore, & ejus omissione, superaddatur Dei visio, certe per visionem tollitur libertas; ergo etiam per praedeterminationem physicam superadditam iudicio indifferenti; non secus ac Gratia Calvinistica necessitans, si superaddatur iudicio de se indifferenti, libertatem evertit.

Respondet ult. Gonetus, per praedeterminationem non everti libertatem, quia necessitas orta ex praedeterminatione est necessitas aequivalenter consequens ad nostram libertatem; Sicut enim odium v. g. non tollit libertatem ad amorem, quia odium est ipsa determinatio nostrae libertatis; ita quia praedeterminatio est determinatio orta à Deo, qui, ut habet Augustinus, *magis in sua potestate voluntates hominum habet, quam ipsi suas*, idcirco nec violat libertatem.

Sed contra est, quia sic posset etiam dici libera voluntas sub gratia Calvinistica. Immo etiam si voluntas passive tantum se habet relate ad suos actus; quia etiam in his casibus actus esset aequivalenter à voluntate, quatenus est à Deo continente magis voluntates hominum, quam ipsi suas. Quare ista praecontinentia nihil confert ad actus imputabilitatem, quia est solum praecontinentia physica, quae non satis est, ut actus praecontentus dicatur libere à nobis positus, & moraliter imputabilis: Aliter etiam actus beatificus posset dici liber, & meritorius.

IX. Hic autem notandum, præter prædeterminationem hanc Bagnerianam, quam omnes Thomistæ admittunt ut necessariam in quovis actu bono libero, ad salvandam debitam subjectionem Creaturæ in operando erga Deum primum liberum, admitti à Neotericiis novum genus Prædeterminationis, quam vocant Augustinianam, quæ scilicet solum datur in statu naturæ lapsæ ad operandum salutariter, non ut salvetur subiectio creaturæ primo libero, sed ut salvetur, quomodo gratia medicinalis collata nobis per merita Christi Redemptoris faciat nos salutariter operari. Docet quippe D. Augustinus lib. de Corrupt. & Grat. cap. 12. duplex dari genus Gratia; Alteram vocat *Adjutorium sine quo non*, quatenus sine illa nemo potest salutariter operari, quamvis habens illam non eatenus operetur; sicut sine cibo nemo potest vivere, quamvis habens cibum non eatenus vivat: Alteram vocat *Adjutorium quo*, quatenus cum illa salutariter operatur. Additque Augustinus, in statu naturæ integræ collatum fuisse Adamo, & Angelis peccantibus. Adjutorium sine quo non, ut possent perseverare in gratia; aliter non peccassent, si caruissent tali auxilio; In statu vero naturæ lapsæ conferri nobis per merita Christi. D. Adjutorium quo, nempe gratiam medicinale, quatenus sine tali adjutorio nemo perseveraret in statu gratiæ. Hinc Neoterici docent, auxilium gratiæ in statu naturæ integræ non fuisse prædeterminationem ad actum bonum; aliter non potuisset cum eo auxilio coherere peccatum Adæ, & Angelorum: contra vero in statu naturæ lapsæ auxilium gratiæ prædeterminare; aliter posset cum eo componi omisso actus salutaris, unde esset, & non esset Adjutorium quo. Quamvis autem, ut advertit Ripalda tom. 3. disp. 7. & disp. 24. Bajani vellent, adjutorium quo ita prædeterminare, ut tollat libertatem indifferentiæ, & solum relinquat libertatem à coactione, quam putabant sufficere ad meritum, & demeritum in statu naturæ lapsæ; nihilominus Neoterici, isti post condemnationem tertiæ propositionis Jansenii, qua asserabatur, sufficere libertatem à coactione ad meritum, docent, Adjutorium quo ita prædeterminare ad consensum, ut relinquat libertatem indifferentiæ ad dissensum; & in hoc dumtaxat adherent Thomistis, cum tamen à principiis Thomisticis longe recedant.

Adversus hanc sententiam dicimus Primo, quod eadem argumenta, quæ expun-

gunt prædeterminationem physicam ad mentem Thomistarum tanquam eversum liberum, expungant etiam hanc Neotericorum. Secundo, incoherenter admitti prædeterminationem ad actum salutarem in statu naturæ lapsæ, & negari in statu naturæ integræ; cum in utroque statu salvari debeat efficacia gratiæ, quæ non solum det posse, ut gratia sufficiens, sed etiam det ipsum facere, & faciat nos facere, unde sit Adjutorium quo; quamvis non in eo sensu, in quo Augustinus vult, nobis per merita Christi dari in statu naturæ lapsæ Adjutorium quo, seu liberatio à captivitate peccati, & auxilium gratiæ uberius, quo perseveremus in statu gratiæ. Tercio dicimus, juxta hanc viam negari non posse scientiam mediam ad salvandam efficaciam gratiæ in statu naturæ integræ; admissa autem semel scientia media, optime salvatur efficacia gratiæ etiam in statu naturæ lapsæ circa ullam prædeterminationem, ut pendenti sit pariam. Denique dicimus, D. Augustinum nunquam somniasse de hac prædeterminatione, & nomine Adjutorii sine quo non, intellexisse gratiam sufficientem, nomine Adjutorii quo, gratiam efficacem. Propterea sicut in natura integra Adamo, & Angelis peccantibus non defuit Adjutorium sine quo non; ita Angelis perseverantibus libere in accepta justitia non defuit Adjutorium quo (quamvis non fuerit illis necessaria gratia Redemptoris pro eo statu, in quo culpa non præsupponebatur) & sicut in natura lapsa bene operantibus conferatur gratia medicinalis, & efficax, seu Adjutorium quo, ob merita Christi Medici, ac Redemptoris, ita peccantibus deesse non potest Adjutorium sine quo non, seu gratia sufficiens; aliter non peccarent, dum peccant. Hinc dicitur 1. ad Timoth. 4. *Noli negligere gratiam Dei*; & 2. ad Timoth. 2. *Resuscita gratiam, quæ est in te*; & ad Hebr. 12. *Ne quis desit gratia*. Quare dum Augustinus dicit, dari nobis in statu naturæ lapsæ gratiam medicinale, quæ sit Adjutorium quo, solum vult, quod per merita Christi Redemptoris detur gratia, quæ expugnet demeritum peccati, & simul sit uberior, ac intensior, quam esset in statu naturæ integræ; ut proinde sit efficax, & superet difficultates omnes provenientes ex concupiscentia inclinate ad bonum delectabile; quas non superaret, nec esset efficax, si esset minus intensa, prout conferretur in statu naturæ integræ inde-

independentem à meritis Christi. Quæ omnia fufissime ostendit Ripalda loco laudato, ubi num. 107. varia alia discrimina distinguit auxiliorum gratiæ in statu naturæ integræ, & in statu naturæ lapsæ.

ARTICULUS II

Utrum admiffa præmotione physica, fequatur, eos qui peccant, carere fufficientia ad non peccandum, atque adeo non peccare?

X. **C**ertum est, præter gratiam efficaçem, quæ confertur bene operantibus, dari gratiam pure fufficientem in iis qui peccant; aliter non peccarent, si carerent fufficientia ad non peccandum. Propterea damnata est fecunda propositio Jansenii, negantis in natura lapsæ gratiam pure fufficientem, & admittentis solum gratiam efficaçem: dicebat enim: *Interiori gratia in statu naturæ lapsæ nunquam refiftitur*; quem errorem deducebat ex prima propositione pariter damnata, quæ habet: *Aliqua Dei præcepta hominibus iustis voluntibus, & conantibus, secundum præfentes, quas habent, vires, sunt impossibilia. Deest quoque illis gratia, quæ possibilia sunt*; & quia hinc sequebatur, vacare culpa eos, qui hujusmodi præcepta transgrediuntur, idcirco Jansenius ulterius diliravit, dicendo in tertia propositione: *Ad merendum, vel demerendum in statu naturæ lapsæ non requiri libertatem à necessitate*.

XI. Dico nunc. Admiffa necessitate præmotionis physicæ ad consensum, seu ad non peccandum, salvari non posse in male operantibus fufficientiam ad non peccandum necessariam prærequisitam, nec dari iisdem de facto gratiam pure fufficientem; Ex quo fit vacare culpa eos, qui male operantur.

Probatum conclusio. Qui caret actu primo proximo ad non peccandum, seu ad ponendum consensum præceptum, caret fufficientia ad non peccandum, atque adeo si dissentit, non peccat; atqui si præmotio physica sit necessaria ad consensum, qui peccat, seu dissentit, caret actu primo proximo ad consensum, seu ad non peccandum, cum careat præmotione ad consensum: ergo caret fufficientia ad non peccandum. Unde fit, admiffa necessitate prædeterminationis, tolli de medio gratiam pure fufficientem, & vacare culpa eos, qui male operantur. Major est certa; Minor proba-

tur primo, quia præmotio physica juxta sententiam Adversariorum, est complementum actus primi proximi, ita ut ea circumferèpta, debeat actus primus proximus. Secundo vero, quod præmotio non effet causa actus, sed solum prærequisitum, sicut est approximatio agentis prærequisita ad actionem circa poffum, adhuc fequitur, quod peccans caretet actu primo proximo ad non peccandum; quia fcilicet caretet prærequisito, quod se tenet ex parte actus primi: cum enim fit in priori ad actum secundum, nempe ad consensum, & ad actionem (quæ probabilius cum ipfo actu identificatur) eo ipfo confistat actum primum proximum. Tertio etiam transmittatur Recentioribus Thomistis, quod prædeterminatio se tenet ex parte actus fecundi, ne fiat lis de voce, adhuc recurrit ratiocinatio adducta: nam qui non habet in manu sua carere, vel habere actum secundum peccaminofum, caret fufficientia ad non peccandum; Sicut qui non habet in manu sua fessionem, quæ est actus secundus sedendi, non habet fufficientiam ad non sedendum; & qui non habet in potestate sua concursum Dei ad consensum, non habet fufficientiam ad consentiendum: Sed voluntas dum peccat, non habet in manu sua prædeterminationem ad consensum, cum non poffit illa ad arbitrium carere, utpote quæ datur à Deo antecedenter ad operationem creaturæ; ergo voluntas, dum peccat, caret fufficientia ad non peccandum.

Neque dicas, quod peccans, quamvis careat prædeterminatione ad consensum, confitente actum primum proximum, aut se tenente ex parte actus fecundi, non per hoc caret fufficientia ad non peccandum, quia: fcilicet si vellet consentire, eo ipfo haberet prædeterminationem ad consensum: Sic, ut notat Alvarez, qui caret aliis ad volandum, vel pharmaco ad fanandum, non dicitur carere fufficientia ad volandum, aut ad fanandum, dummodo poffit ea habere, si velit.

Nam contra est, quia voluntas non potest habere ad fui arbitrium prædeterminationem ad consensum, si operari nequit independentem à tali præmotione; ergo qui peccat, seu dissentit, ita caret præmotione ad consensum, ut nec poffit illam habere ad fui arbitrium; unde caret fufficientia ad non peccandum. Sicuti qui ligatus compedibus nequit ad arbitrium se illis extricare, nullatenus dicitur, quod habeat fufficientiam ad motum, cum careat actu primo

mo proximo ad illum, videlicet remotione compe-
dum, & impedimentorum, quæ a-
ctum primum proximum constituit.

XII. Confirm. Conclusio exemplis addu-
ctis ab ipsismet Adversariis. Cause inferio-
res non habent sufficientiam ad motus suos
peragendos, subtilis cælestibus influentis:
nec instrumenta artis habent sufficientiam
ad artefacta, si non moveantur ab artifice,
nec oculus satis est ad videndum, si non
illuminetur, quia scilicet iis omnibus in-
digent ad hos effectus: ergo cum suppona-
mus, voluntatem indigere præmotione, ut
consentiat, si careat præmotione, caret
sufficientia ad consensum; atqui omnes, qui
peccant, carent præmotione ad consensum:
ergo caret sufficientia ad illum; atque
adeo caret sufficientia ad non peccandum;
unde nunquam datur gratia pure sufficientis;
neque peccat, qui male operatur.

Neque replicent Adversarii, præmotio-
nem non requiri ad posse agere, sed ad
agere, atque adeo se tenere ex parte actus
secundi. Sic panis non requiritur ad po-
testatem consecrandi, sed ad ipsam consecra-
tionem, ut advertit D. Thom. quæst.
1. de potentia, artic. 1.

Nam contra est, quia si prædetermina-
tio non est ipsum agere, sed prærequiritur
ad agere, eo ipso constituit actum primum;
cum non nisi actus primus præcedat ipsum
agere, seu actum secundum; & idcirco pa-
nis constituit potentiam proximam, & com-
pletam consecrandi, quia scilicet prærequiritur
ad consecrationem. Deinde ne fiat lis in
vocalibus, etiam dato, quod se teneat
ex parte actus secundi, si verum est, quod
non sit in manu voluntatis prædetermina-
tio, & quod prærequiritur ad consensum,
eo ipso voluntas, dum peccat, caret suf-
ficientia ad consensum.

XIII. Oppones primo. Qui caret concursu
Dei in actu secundo ad consensum in
sententia nostra, non caret sufficientia
ad consensum, quamvis careat aliquo es-
sentialiter requesito ad illum: ergo idem di-
cendum de prædeterminatione: Antecedens
est certum; nam qui peccant, carent concursu
Dei in actu secundo ad bonam ope-
rationem; & tamen non caret sufficien-
tia ad illam, quamvis talis concursus es-
sentialiter ad bonam operationem requira-
tur. Consequentia itaque probatur, quia
tam per concursum Dei in actu secundo,
quam per prædeterminationem datur nobis
ad Deo ipsum operari, non vero posse o-
perari, seu actus secundus, non primus.

Confirm. quia plus requiritur ad agere,
quam ad posse agere; sicut plus requiritur
ad esse sapientem, quam ad posse esse; er-
go quamvis prædeterminatio ad consensum
denegata male operantibus tollat sufficien-
tiam ad ponendum consensum, non tollit
tamen sufficientiam ad posse ponere consen-
sum, atque adeo non reddit eos immunes
à culpa.

Respond. nego consequentiam, & retor-
queo paritatem: Si non esset in manu vo-
luntatis concursus Dei in actu secundo ad
consensum, non peccaret voluntas non po-
nendo consensum; ergo cum non sit in
manu voluntatis prædeterminatio ad con-
sensum, non peccat, qui dissentit. U-
bi adverte, ad consensum liberum po-
nendum non prærequiri antecedenter, tan-
quam constitutum sufficientem ad illum,
Dei concursus in actu secundo, quia hic
identificatur cum actione, qua producit
consensum, & probabilis etiam cum ipso con-
sensu; solum itaque prærequiritur concursus
Dei in actu primo paratus ad utrum-
que juxta liberam electionem creature:
Contra vero prædeterminatio ad consensum
prærequiritur ad talem actum, cum consti-
tuit actum primum proximum, atque adeo
sufficientiam ad consensum; quod si dicas
cum Recentioribus Thomistis, se tenere ex
parte actus secundi, illud certum est, non
pendere à libera electione creature, sed ab
arbitrio Dei; ubi in sententia Societatis concursus
Dei in actu secundo ad consensum,
sive importet actionem à consensu distin-
ctam, sive cum consensu identificatam,
pendet à libera electione creature.

Ad confirmationem pugnant in terminis
quæ docent Adversarii, videl. deficiente præ-
determinatione ad consensum, deficere suf-
ficientiam ad agere, & non deficere actum
primum; nam quod prærequiritur ad agere,
non est ipsa actio, sed est id, quod præ-
cedit actionem, atque adeo est actus pri-
mus. Verum quidem est, plura requiri ad
agere, quam ad posse agere; quia scilicet ad
agere requiritur, licet non prærequiratur
ipsa actio, seu ipse actus secundus, qui in
sententia nostra est in manu voluntatis;
prædeterminatio vero est solum in manu
Dei.

XIV. Oppones secundo. Si dicatur, quod
inter prædeterminationem ad dissensum, &
ipsum dissensum detur mutua quedam prio-
ritas, salvatur, quomodo peccator culpa
sua ponat dissensum, & careat prædeter-
minatione ad consensum; potest autem hæc

mutua prioritas apte poni dicendo, quod dissensus disponat in genere causae materialis ad praedeterminationem, & haec causet dissensum in genere causae efficientis. Univerſum enim in Schola Thomistica non repugnat mutua prioritas in diverso genere causarum; ut inter actionem subjectatam intermino, & ipsum terminum, inter dispositionem ultimam ad formam, & ipsam formam: Sicuti communiter admittitur mutua causalitas inter causam finalem, & efficientem; & in Theologia admittitur mutua prioritas inter actum Charitatis, qui est ultima dispositio ad gratiam, & ipsam gratiam; ita Joa. à S. Thoma, & Gonet.

Resp. etiam transmissa possibilitate mutuae prioritatis in diverso genere causarum, non potest ea admitti in casu nostro à Thomistis. Primo quia sic cornit eorum doctrina, quae docet, Deum, utpote causam primam, ita determinare, ut creatura expectare debeat determinationem à Deo, nullatenus vero Deus à creatura; & ideo dicunt, actum bonum tribui Deo, quia Deus ad illum praedeterminet. Secundo si admittitur haec mutua prioritas, jam non esset in diverso genere causarum, sed in eodem genere causae efficientis; nam creatura non aliter posset se disponere ad dissensum, nisi eliciendo, & producendo illum. Tercio quia repugnant duo agentia libera, quae se mutuo determinent, ut ostendimus quaest. sequenti contra Scotistas; quia aliter rueret demonstratio primi motoris unici excludentis consortium plurium Deorum. Et ratio est, quia si utrumque condeterminaret, ita determinaret, & esset determinatum ab altero; repugnat autem primo agenti esse determinatum, dum determinat; ergo repugnat, duo agentia libera se mutuo determinare; unde impossibilis est haec mutua prioritas Thomistarum. Quare dicendum cum Sententia Societatis, quod voluntas eligat, & determinet Omnipotentiam paratam ad utrumque, quin violetur ratio causae primae, quia Deus adhuc est primum efficiens, dando creaturae esse, & posse, & agere, quamvis ad agendum hunc actum praeter illo determinetur à libero arbitrio.

ARTICULUS III.

Utrum Physica Praemotio reddat Deum peccati Auctorem?

XV. **U**ltimum caput, quo efficaciter impugnari solet praedeter-

Part. III.

minatio physica, necnon decretum praedeterminans, est, quia redderet Deum peccati Auctorem, ac volentem peccatum creaturae, quod summæ bonitati oblatrat. Constat hoc ex iis, quae diximus disput. antecedente quaest. 6. ubi ostendimus, Deum non posse praedefinire, seu praedeterminare materiale peccati, quin sit peccati Auctor, eo quod non possit velle efficaciter materiale, ad quod consequitur essentialiter formale peccati, quin velit ipsum formale.

Ostenditur iterum hoc assumptum sic: Deus praedeterminando ad peccatum creaturae, vellet illud efficaciter; ergo esset peccati Auctor. Consequentia sequitur; quia ex Aug. lib. Quaestionum 83. qu. 5. *Ille auctore cum dicimus, illo volente dicimus*; Cui enim tanquam volenti imputatur opus, ille dicitur Auctor operis. Antecedens itaque probatur, quia qui vult medium essentialiter trahens finem, & ut tale cogitatum, eo ipso vult, & amat ipsum finem; quid enim est velle effectum, puta homicidium in causa, nisi velle causam, puta ebrietatem, in qua praevидetur secuturum homicidium? atqui praedeterminatio ad peccatum essentialiter trahit illud, idque à Deo cognoscitur; ergo Deus volens praedeterminationem, vult & peccatum, atque adeo est peccati Auctor.

Neque dicas, Deum velle solum materiale, non formale peccati. Nam contra est, quia in peccato materiale, & formale non distinguuntur realiter, sed solum penes diversos causandi modos, ita ut dicatur concurrere ad materiale qui concurrat determinatus (cum materiae sit determinari) concurrere vero ad formale qui concurrat determinans (cum forme sit determinare) atqui posita praedeterminatione, Deus concurreret ad entitatem peccati ut Primum determinans; ergo concurreret ad formale peccati. Neque enim aliter Creatura dicitur esse causa peccati, & concurrere ad ejus formale, nisi quia & vult illud efficaciter, cognoscens, licet non intendens, ejus malitiam, & determinat ad illud; hoc autem praestaret Deus, si praedeterminaret; ergo esset causa, & Auctor peccati, & ad ejus malitiam formalem concurreret.

Hinc Zamel t. p. q. 22. ar. 4. in Appendice haec habet: *Nullus Haereticorum dicit, Deum concurrere ad formale peccati, sed tantum ad materiale praemovendo, ac praedeterminando arbitrium nostrum, Et tamen damna-*

N

tur;

tur; ergo, *signum est, non possit Deum prædeterminare ad materiale peccati, quin simul prædeterminet ad formale.* Propterea multi Thomistæ cum Blasio Verdû, Nazario, Gonzalez, Jo. Vincentio, M. Aravio Episcopo Segovienfi, M. Passerino Procuratore Generali Ordinis Prædicatorum, & aliis apud Fasolum qu. 14. ar. 13. n. 136. negant prædeterminationem ad malum. Committunt tamen qui ita sentiunt, ne cogantur facere Deum peccati Auctorem, notantur incoherentia; qui qua ratione probarent requiri prædeterminationem ad actum bonum, indivisim evincerent requiri etiam ad actum malum.

XVIII. Confirm. 1. quia si Deus concurreret moraliter ad peccatum suadendo illud, hortando, &c. idcirco diceretur peccati Auctor, quia moraliter inclinaret voluntatem creaturæ ad peccandum, volendo hujusmodi inclinationem; ergo à fortiori erit peccati Auctor, si voluntatem creaturæ inclinet ad peccatum physice, volendo talem inclinationem; si enim peccatum imputatur concurrenti moraliter, à fortiori concurrenti physice, si hic determinet ad illud.

Neque dicas cum Thomistis: ex hoc, quod Deus non possit peccatum suadere, non sequitur, quod non possit ad illud physice concurrere, & quod teneatur illud impedire, aut quod non possit ponere Creaturam in iis circumstantiis, in quibus prævidetur peccatura; ergo neque sequitur, quod non possit prædeterminare; quia hoc etiam spectat ad rationem primæ causæ.

Nam contra est, quia constat, ad rationem causæ primæ spectare, quod possit physice ad peccatum concurrere, & quod non teneatur peccata impedire; aliter non posset condere Creaturam liberam, nec posset ex malis bona facere; quod ex Augustino præstantius est, quam mala nulla esse permittere: At ad rationem primæ causæ spectare non potest, quod sit peccati auctor. Adde: in tantum creaturæ imputaretur peccatum alterius creaturæ, si poneret illam in circumstantiis, in quibus prævidet illam peccaturam, quia nequit una creatura dare alteri vires, ne labatur, ita ut si peccet, sibi imputet lapsum: Contra vero Deus potest ita vires voluntatis librare, ut quamvis offerat concursum indifferenter, nullatenus Deo tribuatur peccatum; & ideo uni causæ primæ licitum est ponere creaturam in circumstantiis, in quibus prævidetur peccatura: At neque creaturæ, ne-

que: Deo licitum est concurrere ad peccatum alterius determinando ad illud: sive moraliter, sive physice; quandoquidem peccatum imputatur determinanti. Sic juxta celebre exemplum D. Thom. quando tibia determinatur à curvitate ad motus obliquos, obliquitas non tribuitur virtuti progressivæ, sed curvitati, quia ad curvaturam, consequitur; ergo quando voluntas à prædeterminatione determinatur ad peccatum, hoc non tribuitur voluntati, sed prædeterminanti, quia non consequitur ad voluntatem secundum se, sed ad prædeterminationem.

XIX. Confirm. 2. ex doctrina D. Thom. 1. p. qu. 63. art. 5. Ubi docet, quod Angeli si peccassent in primo instanti, eorum peccatum tribueretur Deo, quia scilicet illa operatio, quæ simul incipit cum esse rei, est ei ab agente, à quo habet esse; sicut moveri sursum in igne est à Generante, ergo ex D. Thom. illi tribuitur peccatum: à quo tanquam à determinante procedit, sicut motus sursum in igne tribuitur generanti, quia ab illo determinatur; ergo si Deus prædeterminaret ad peccatum, illi imputaretur. Præsertim quia magis verificatur quod ad peccatum determinet quæ ad illud præmoveret, quam qui dat esse agenti, à quo in primo instanti est operatio peccaminosa.

XX. Denique si Deus prædeterminaret ad peccatum, non solum esset peccati auctor, sed etiam sequeretur, quod creatura inculpabiliter, immo & laudabiliter peccaret juxta ratiocinationem, quam adduximus disp. antec. q. 6. Probatur hæc sequela, quia ex D. Th. qu. 23. de Verit. a. 7. Unaquæque voluntas ex eo est bona, quod Divinæ voluntati conformetur; Neque enim aliunde habetur rectitudo operationum moralium, quam ex conformitate cum prima regula morum, quæ est Divina voluntas; ita ut licet possit aliquando nostra voluntas esse mala, si velit quod est tantum materialiter volitum à Deo, v. g. Christi Domini crucifixionem, damnationem reprobatorum, &c. nunquam tamen non recte operatur, si velit quod est à Deo formaliter volitum, seu si velit quod Deus vult nos velle: Atqui posita prædeterminatione ad peccatum, creatura vult quod Deus vult ipsam velle, etiam quando vult v. gr. blasphemiam; ergo posita hac prædeterminatione, creatura dum peccat, non peccat, sed laudabiliter operatur. Minor probatur, quia, creaturam ponere talem actum, v. g. blasphemiam, est, creaturam vel-

le blasphemiam; atqui Deus prædeterminando ad blasphemiam vult, ut creatura ponat, seu velit illam; ergo creatura ponendo blasphemiam, vult illam, quam Deus vult ipsam velle: quod fuisse promovere Ruinæ de voluntate Dei disp. 38.

XXI. Dices 1. cum Goneto. Intellectus attingit ens ut verum, non ut bonum, quia bonum est extra sphaeram intellectus; ergo Deus attingit materiale, non formale peccati per prædeterminationem, quia peccatum est extra sphaeram voluntatis Divinæ.

Sed retorquetur. Si intellectus attingeret Ens amando, attingeret ut bonum formaliter, & sic bonum deberet esse intra sphaeram potentivæ intellectivæ; ergo si Deus attingat peccatum determinando, attingeret formale peccati, & sic peccatum deberet esse intra sphaeram voluntatis Divinæ.

XXII. Dices 2. Decretum Dei indifferens, & permissivum peccati non facit Deum auctorem peccati; ergo nec decretum prædeterminativum. Probatur consequentia. Si Deus daret consilium indifferens ad bonum, vel malum, peccaret; non tamen peccat, si concurrat physice ad peccatum cum indifferencia, seu cum decreto indifferenti, ac permissivo peccati, quia scilicet hoc spectat ad primam causam, ergo neque peccat, si prædeterminet, quia pariter spectat ad primam causam præmovere secundas ad operandum, ut docent Thomistæ; ergo par ratio de decreto indifferenti, ac de prædeterminativo.

Resp. nego consequentiam. Ad probationem: Consilium indifferens pugnat cum sanctitate Divina, quia Deus æquilibriter se haberet ad bonum, & ad peccatum; at concurrendo indifferenter, non se habet æquilibriter, sed peccatum odit, & prohibet; ac solum permittit, & concurret ad illud determinatus à creatura, non vero determinans; quod primæ causæ licitum est, cum non teneatur peccatum impedire: At si prædeterminaret ad peccatum, quamvis Thomistæ dicant, Deum etiam execrari peccatum, re vera tamen illud efficaciter vellet determinando ad illud; ergo esset peccati Auctor. Et sane irrideretur Præceptor, qui prohiberet malos characteres, & manum pueri duceret ad illos male formando; quia esset auctor illorum, quos vetaret; ita in casu. Hæc abunde dicta sint ad physicam præmotionem impugnamam.

ARTICULUS IV.

Num rationationes Thomistarum efficaciter evincant necessitatem physice præmotionis?

XXIII. Objiciunt 1. Ab indifferenti qua tali, non potest prodire determinatum; cum nemo det quod non habet; ergo nisi voluntas prædeterminetur, cum sit de se indifferens, non potest ponere determinate consensum. Neque dici potest, quod uterque actus, consensus scilicet, & dissensus præcontineatur in voluntate indifferenti. Nam actualitas est perfectior omni potentialitate; ergo actualitas consensus non potest præcontineri in potentia indifferenti.

Confirm. 1. quia ex D. Thom. 1. p. qu. 19. art. 3. ad 5. Causa, quæ est ex se contingens, oportet, quod determinetur ab aliquo exteriori ad effectum; sola enim voluntas Divina, quæ ex se necessitatem habet, determinat se ipsam ad volitum, ad quod habet habitudinem non necessariam; ergo in voluntate creata requiritur prædeterminatio.

Confirm. 2. ex Goudino, quia ut creatura agat, debet prius constitui in actu secundo in ratione principii operativi; unumquodque enim agit, in quantum est actu; ergo indiget prædeterminatione. Probatur consequentia, quia antecedenter ad prædeterminationem non est operativa actu, sed potentia, nec constituitur actu potens proxime operari per concursum simultaneum; tum quia hic est indifferens; tum quia non est prævius ad operationem; ergo per prædeterminationem.

Resp. argumentum nimis, atque adeo nihil probare; probat enim, quod nec Deus possit absque prævia prædeterminatione libere operari, cum ne Deus quidem dare possit quod non habet: Præterea probat etiam, quod nec sufficiat prædeterminatio; quia ea posita, nec habetur actualitas operationis, quæ communicatur adui. Quare duplex distinguenda est indifferencia. Altera passiva, & per defectum, qualis est in materia, ac subiecto, quod ab alio determinari debet ad hanc potius formam recipiendam, quam illam; Altera activa, & per excessum, qualis est in potentia libera; quæ cum præcontineat utrumque actum impossibilem, potest à semet determinari; in quo casu dat quod præcontinet virtualiter, seu eminenter, licet non præcontineat formaliter; ut dicitur de qualibet causa æquivoca: unde sicut potest intellectus

v. g. dare esse intellectui, quam non præcontinet formaliter, sed eminenter, ita potest voluntas dare esse vel consensui, vel dissensui, quos præcontinet eminenter. Negandum itaque, quod actus sit simpliciter perfectior potentia, cum effectus non sit perfectior sua causa. Quod si aliqua perfectio sit in effectu, quæ in causa creata præcontineri non potest, (ut est perfectio individualis, quæ scilicet unumquodque distinguitur ab omni imperfecto, quod non est ipsum, atque adeo à sua causa creata, quod prædicatum non continetur in ipsa causa creata, quæ à se ipsa imperfecta non distinguitur) tunc satis est, quod talis perfectio præcontinueatur in causa prima coeunte, quæ ob id etiam debet immediate concurrere ad omnes effectus creatos.

Ad primam confirm. Datur ab Angelico discrimen inter causam primam liberam, & secundam, quod scilicet hæc agit in quantum mota, seu in quantum prædita ab alio, nempe à Deo, principiiis requisitis ad se libere determinandum, cognitione scilicet objecti, & oblatione concursus in actu primo; secus vero causa prima libera. Ut ergo ignis ex. gr. secundum se speculatus nequit operari, donec approximetur passo, quo posito, ex natura sua, & à generante determinatur ad agendum; ita Voluntas secundum se speculata nequit operari, donec proponatur per intellectum illud objectum, quo posito, redditur proxime potens operari, & tunc libere se determinat. Quod autem hæc sit mens D. Thomæ in eo textu, patet, quia non dicit, voluntatem debere determinari ab exteriori principio, sed *ab exteriori*, hoc est ab aliquo se tenente ex parte objecti, quod est cognitio, à qua determinatur non quidem ad operationem, sed ad hoc, ut possit proxime operari.

Ad secundam. distinguenda est in principio operativo virtus operativa, hoc est potens proxime operari, & virtus operativa, hoc est actu operans: in primo tantum sensu conceditur antecedens, & negatur consequentia. Ad probationem pariter distinguendus est concursus simultaneus in actu primo, qui constituit potentiam proxime operativam, & concursus simultaneus in actu secundo, qui constituit potentiam actu operantem. Unde fit, per concursum simultaneum in actu primo voluntatem reddi proxime operativam; nec solum non obstat, sed est necessaria indifferentia talis concursus, qui sic speculatus est præviis ad operationem.

XXIV. Obijciunt 2. Causa secunda non potest moveri ad operandum, nisi moveatur à prima, in cuius virtute agit, ut possum docet Angelicus ex Philosopho dicens, causam secundam movere ut motam, seu ut applicatam ad agendum à causa prima; eo pacto, quo instrumentum movetur, & applicatur ab artifice ad opus artis ponendum; ergo sicut instrumentum præmoveretur ab artifice, ita causa secunda libera debet præmoveri à prima.

Confirm. 1. quia subordinatio causæ secundæ exigit, ut ipsa pendeat à causa prima in operando, & non è contra; atqui si non præmoveretur, causa prima penderet à secunda; nam in tantum Deus concurreret ad consensum, quæ creatura determinatur omnipotentiam, non quia determinatur ab Omnipotentia ad concurrendum ad consensum; ergo ut prius.

Confirm. 2. Deus sicuti est prima causa, ita est primum liberum; sed quia Deus est prima causa, quælibet causa secunda debet subordinari primæ, ita ut ab ea dependeat in esse, & operari; ergo quia Deus est primum liberum, debet quælibet creata libertas illi subordinari, ita ut à primo libero pendeat, etiam in quantum est libere operans; atqui si creatura determinaret Omnipotentiam ad concurrendum ad consensum, penderet quidem creatura à Deo, in quantum est operans, sed non in quantum libere operatur; ergo à Deo debet creatura prædeterminari ad consensum. Adde, quod si creatura determinaret Omnipotentiam, creatura esset primum determinans; ergo creatura esset primum liberum.

Confirm. ult. Si creatura determinaret, & non determinaretur ab Omnipotentia ad consensum, vera esset hæc propositio: *Deus nobis subijcit suam Omnipotentiam*; quæ tamen novitatis, & temeritatis damnata est ab Innoc. XI. 27. Nov. 1679. sicut & illa alia: *Deus donat nobis Omnipotentiam suam, ut ea utamur, sicut aliquis donat alteri villam, aut librum*; ut videre est apud Lumbier, & in Trutina Theologica Thesium damnatarum. Et sane causa determinans subordinat, ac subijcit sibi causam determinatam, ut voluntas subordinat sibi suum habitum; sed posito eoneursu simultaneo in actu primo, omnipotentia esset causa determinata, & voluntas esset causa determinans; ergo Omnipotentia subijceretur voluntati creatæ. Quod quàm sit absensum, ex eo etiam patet, tum quia determinabilitas ex suo conceptu fert potentialitatem, quæ nequit com-

pete-

petere Aeterni puri; tum etiam, quia Deus est primum in omni linea perfectionis; sed determinate est perfectio; ergo Deo tribui debet determinare, non creaturæ.

Resp. Prædeterminatores, ut Deum constituant primum liberum, tollere ab eo rationem primi liberi; ostendunt enim, Deum non esse primum, sed esse unicum liberum, dum evertunt libertatem creatam. Quare Deus in hoc habere debet rationem primi entis, primæ causæ, primi liberi, quod canset creaturas, & ad earum operationes tum necessarias, tum liberas concurrat modo consentaneo, atque adeo non determinando operationem liberam, sed relinquendo creaturis liberis, ut se determinent. Neque in hoc est ulla subiectio Dei ad creaturas, quia hanc ipsam facultatem determinandi Omnipotentiam ad concurrendum ad consensum potius, quam ad dissentium, habet creatura à Deo. Sic creatura, cui Deus gloriam promissit, quamvis possit Deum cogere ad dandam sibi gloriam promissam, non per hoc non subiecit Deo perfectissime, quia hanc potestatem ab eo ipso habet sibi communicatam: & sicut ad perfectionem Dei spectat posse communicare creaturæ promissariæ hanc potestatem; aliter non posset Deus exercere fidelitatem, unde deficeret illi hoc attributum; ita ad perfectionem Dei spectat posse communicare creaturæ liberæ facultatem ad se determinandum; aliter deficeret Deo potestas concedendi creaturam liberam, nec posset exercere misericordiam, iustitiam, &c. Quare Deus dicitur primum liberum, non quia ipse determinat operationes liberas creaturæ, sed quia ipse dat creaturæ liberæ & esse, & virtutem operandi, & virtutem determinandi se ad operationem, offerendo concursum simultaneum Omnipotentis in actu primo. Sicut enim Deus dicitur primum ens, quia potest dare aliis esse, & dicitur prima causa, quia potest communicare aliis virtutem operativam; ita dicitur primum liberum, quia potest aliis communicare, quod se determinent ad operandum; eo modo, quo dicitur primum vivens, quia potest aliis communicare, quod moveantur à principio intrinseco. Tunc tolleretur à Deo ratio primi liberi, quando causa secunda determinaret concursum Omnipotentis independentem ab illa, & virtute non accepta à causa prima; Sicuti si creatura promissaria posset obligare Deum ad dandam Gloriam promissam independentem à voluntate Divina illam liberaliter promittente,

creatura non esset perfecte Deo subiecta.

Ad argumentum concessio antecedente nego consequentiam; causam secundam mo veri ut motam, est, causam secundam operari prævia semper operatione Dei, quæ creaturæ det esse, & posse, offerendo etiam creaturæ liberæ concursum simultaneum; Causam secundam agere in virtute primæ, est, agere accepta virtute operandi à causa prima: & eodem modo creaturam liberam agere in virtute primi liberi, est, agere accepta virtute semetipsam determinandi à primo libero, à quo habet libertatem sibi communicatam. Præterea Deus applicat omnes causas secundas etiam liberas ad operandum, sed applicatione iis consentanea; hoc est conferendo quicquid requiritur ad operandum. Ubi adverte, applicationem causæ secundæ ad operandum dupliciter sumi posse; vel pro actu primo proximo, vel pro ipsa actione: si sumatur pro actu primo proximo, illam creatura habet adæquate à Deo; si vero sumatur pro actione, quæ dicitur voluntatem conjugere cum effectu, Deus etiam est ejus causa immediata, licet non adæquata, cum actio ista sit à Deo simul, & à creatura. Quamvis autem Deus sit talis applicationis prima, & immediata causa, non est tamen immediate determinans; aliter creatura non esset libera: Illudque est discrimen inter actum liberum bonum, & malum, quod licet neuter sit Deo immediate liber in ratione exercitii, actus tamen bonus est immediate liber in ratione objecti voliti, ac prædefiniti, malus vero solum in ratione objecti permissi.

Ad id, quod additur de instrumenti artitis, verum quidem est, creaturam esse Dei instrumentum, quatenus agit virtute accepta à Deo, causa principali, sed diversimode agit ab instrumentis artitis: Hæc enim cum vim ad operandum non habeant iustam, indigent motione artificis transeunte; neque enim serra secat, nisi impetum recipiat ab artifice: at creatura, quia à Deo accipit cum esse virtutem instam ad operandum, per hoc præcise, quod habeat esse, ac reliqua principia ad operandum, est potens proxime operari absque alia præmotione Dei distincta ab operatione ipsius Dei concurrentis; unde non indiget præmotione in sensu adversariorum, sicut indigent instrumenta artitis. Et sane sicut indifferencia materiæ, quia oritur ex defectu, indiget prædeterminante ad hanc potius formam, quam illam; ita etiam indifferencia instrumenti artitis, quia pariter ori-

tur

tur ex defectu virtutis inſitæ, indiget præmotione artiſicis : at indifferentia voluntatis, quæ pritur ex exceſſu, & præcontingentia utriuſque actus incompoſibilis, non indiget alia præmotione diſtincta ab ea, quæ ponitur cum ipſa entitate voluntatis.

Ad primam confirmationem : ſicut non pendet Deus à creatura promiſſaria, quævis ab illa obligetur, quia dependenter à Divina voluntate habet creatura vim obligandi ; ita nec pendet à creatura Deus, quævis ab ipſa determinetur Omnipotentia ad conſenſum præ diſſenſu. Prioritas iſta, quam habet creatura ad Deum in hoc, quod ideo Deus concurrit ad conſenſum, quia creatura eligit conſenſum, eſt prioritas logica, quæ non obſtat ſubjectioni perfectiſſimæ creaturæ ad Deum ; & ſi quæ prioritas phyſica habetur in hoc, quod creatura determinet, eſt ſolum prioritas in genere cauſæ formalis, cujus eſt determinare, non in genere cauſæ efficientis : ſicut enim verum eſt, operationem eſſe vitalem, quia eſt in hoc, & ab hoc, ita ut ſubjectum operationis vitalis ſit voluntas, quæ habet in genere cauſæ materialis primatum, & Deus ſit primum in genere cauſæ efficientis ; ita verum eſt, operationem creaturæ eſſe liberam, quia determinatur à creatura, ita ut creatura in genere cauſæ veluti formalis ſit primum in denominatione liberi, & Deus ſit primum in genere cauſæ efficientis.

Ad ſecundam patet ex diſtis : Creatura pendet à Deo prima cauſa, in quantum eſt operans per hoc, quod à Deo habet non ſolum eſſe, ſed etiam virtutem proximam operandi : pendet vero à Deo primo libero creatura, in quantum eſt libere operans, per hoc quod à Deo habet non ſolum eſſe, & virtutem proximam operandi, ſed etiam virtutem ſe determinandi ad hanc operationem præ illa : Per hoc, quod voluntas ſit primum eligens, & primum determinans, habet primitatem ſolum ſecundum quid, & in genere cauſæ formalis, non primitatem ſimpliciter, & in genere cauſæ efficientis ; primitas hæc in genere cauſæ formalis eſt ſolum logica, ſicut enim in homine v. gr. rationale eſt logice prius animali, quia ex hoc, quod homo ſit rationalis, bene inferitur, quod ſit animal, non e contra ; ita in conſenſu determinatio, ſeu conſenſus voluntatis dicitur prior conſenſu Omnipotentis, quia ex hoc, quod creatura ſe determinet, & concurrat ad conſenſum, ſequitur, quod Deus concurrat, non e contra. Hinc voluntatem crea-

tam eſſe primum determinans, non eſt eſſe cauſam primam, aut primum liberum, quia non habet primitatem ullam phyſicam, & in genere cauſæ efficientis, cum ſupponat primam cauſam, & primum liberum, unde accipit potentiam, & libertatem. Adde, quod quævis voluntas ſit primum, immo unicum determinans actionem malam, non eſt tamen primum determinans relate ad bonam, quia actionem bonam Deus ab æterno intendit, & per auxilia congrua in tempore operatur.

Ad tertiam ; merito damnatæ ſunt propoſitiones illæ ab Innoc. XI. Quis enim illas admiſerit ? In ſententia noſtra Omnipotentia ponitur quidem in manu Creaturæ, ſed non ſubjicitur creaturæ ; non enim ex hoc, quod determinetur à voluntate creatæ, idcirco huic ſubjicitur ; quandoquidem hoc ipſum poſſe determinare Omnipotentiam voluntas habet ab ipſa Omnipotentia. Sic Deus tenetur creaturæ promiſſariæ dare bonum promiſſum, quin per hoc dicatur illi ſubjectus, quia hanc vim obligandi Deum creatura habet ab ipſo Deo. Determinabilitas itaque iſta Omnipotentis eſt dignationis, non ſubjectionis, libere collata, non naturalis. Neque eſt verum, quod eodem modo voluntas ſe habeat ad Omnipotentiam, ac ad habitum, quævis determinet utrumque : non enim voluntas habet eſſe, & poſſe ab habitu, ſicut habet ab Omnipotentia. Denique determinabilitas iſta in Deo non dicit potentialitatem, & imperfectionem, quia non oritur ex defectu, & impotentia, ſed ex liberalitate Dei volentis communicare creaturæ libertatem ; in voluntate vero determinare ad actum eſt perfectio mixta imperfectione ; non ſecus ac vivere per actus creatos ; Et ideo ſicut Deus eſt primum vivens, ſed non eſt vivens per actus creatos ; ita eſt primum liberum, & primum determinans, ſed non determinat actum voluntatis creatæ.

XXV. Obj. 3. Actus bonus debetur magis Deo, quàm voluntati ; dicente Apoſtolo : *Non ego, ſed gratia Dei mecum* ; atqui niſi daretur præmotio, tribueretur magis voluntati eligenti ; ergo danda eſt præmotio. Probat minor : illi magis tribuitur actus, qui concurrit ut determinans, quàm qui ut determinatus, tum quia determinare eſt potius formæ, quæ dicitur eſſe tota quidditas compoſiti ; tum etiam quia activa, non paſſiva determinatio eſt ratio imputabilitatis.

Conſirm. Ideo peccans dicitur auſtor peccati,

rati, non vero Deus, quia peccans determinat Omnipotentiam, & hæc concurrit ut determinata; ergo quia voluntas determinat ad actum bonum, esset etiam auctor actus boni; hoc autem dici non potest, cum omnis boni auctor sit solus Deus; ergo ut supra.

Resp. nego minorem: Deo tribuitur magis actus bonus, quam creaturæ, primo quia Deus est causa moralis actus boni, suadens, ac mandans illum; Unde sicut homicidium magis tribuitur mandanti, quam exequenti; ita &c. secundo quia licet creatura eligat, Deo tamen debet esse, posse, & ipsum bene operari, cum ex intentione boni operis conferatur auxilium congruum; quia tamen creatura cooperatur eligendo, idcirco etiam creaturæ tribuitur bona operatio, ita tamen, ut dicat: *Non ego, sed gratia Dei mecum*; quia scilicet vires gratiæ sunt incomparabiliter majores, quam vires naturæ. Quare sicut puer adjunctus à gigante dicere potest, Non ego, sed Gigas mecum tollimus pondus ingens; ita in casu. Ad probationem minoris distinguo: Illi magis ascribitur actus, qui concurrit ut determinans physicæ, & quasi formaliter, nego; qui determinat efficienter, & moraliter, concedo: voluntas determinat Omnipotentiam quasi formaliter; Deus vero relate ad actum bonum est moraliter determinans, & primum efficiens, juxta explicata; relate vero ad actum malum, utpote à Deo non intentum, creatura est unicuique determinans physicomoraliter, & idcirco uni creaturæ ascribitur.

Ad confirm. dicitur. Auctor peccati qui peccat, quia determinat formaliter simul, physicæ, & moraliter concursum Dei in actu primo simultaneum; ita ut ad peccatum nullatenus Deus concurrat moraliter intendendo illud, sed solum physicæ; contra vero ad actum bonum. Sic ex. gr. si Dux det arma militi ad patriam defendendam, & ille abutatur ad occidendos concives, Dux non dicitur esse auctor hujus sceleris; si vero iis strenue utatur, Dux dicitur esse hujus boni operis auctor, ita ut egregia facinora Duci tribuantur. Et sane multo magis Duci, quam militi tribuerentur, si Dux non solum conferret arma, sed etiam vires & ipsam bonam operationem: eo modo, quo nobis à Deo confertur per collationem auxilii præviæ efficacis; Etenim causa physica evadit moralis, si effectum ponat ex amore, & intentione illius; Deus autem solum actum bonum cau-

sat ex ejus amore, non vero malum; ergo solum relate ad actum bonum est causa moralis, & auctor. Quod explicatur etiam exemplo D. Thomæ. Nam motus curvus non imputatur virtuti motivæ, quæ de se tendit ad motum rectum, sed curvitatibus, quæ virtutem modificat, & obliquit; solum vero motus rectus.

XXVI. Objic. ult. quamplures D. Thomæ locationes, bonis videtur evinci necessitas physicæ prædeterminationis. Primo quidem, quia 1. p. q. 2. docet, Deum movere causas secundas ad agendum. Secundo quia 3. contra Gent. c. 67. & 2. p. q. 105. art. 5. docet, Deum applicare causas secundas ad operandum. Tercio quia loco nuper laudato dicit, causas secundas agere in virtute causæ primæ. Quarto quia quæst. 14. de Verit. cap. 4. docet, Creaturas esse instrumentum causæ primæ. Quinto quia in 2. dist. 37. quæst. 1. art. 3. ad 5. docet, Deum causis secundis dare non solum posse agere, sed etiam ipsum agere.

Resp. his, aliisque Angelicis doctrinis nullatenus evinci physicæ prædeterminationis necessitatem; Siquidem multiplex habeat verum, ac obvium sensum excludentem omnem prædeterminationem, ut constat ex hæstenu distis.

Ad primam dico, Deum movere causas secundas ad agendum, tum quia conservando earum vim operativam ordinatam ad operationem, eas quodammodo movet ad operandum; tum etiam quia simultaneè concurrendo ad eorum operationes producit actionem, qua causæ secundæ à Deo simul, & à seipsis moventur: etenim, ut loquitur Cajet. 1. p. q. 19. art. 8. *Cum aliquis vult aliquid, seu cum Sol illuminat, non oportet primam causam prævia motione cooperari, sed sufficit et evigilare, tam intrinsece cooperari tali electioni, vel illuminationi, motione scilicet cooperativa intrinsece tali actioni*. Tum deum, quia Deus causas secundas liberas specialiter movet ad actus bonos liberos suis illustrationibus, & inspirationibus; ut notat Angelicus 1. p. 2. q. 9. a. 6. ad 3. Hinc in bono sensu dici potest, quod Deus præmoveat causas secundas, etiam liberas ad operandum, etiam si illas non prædeterminet.

Ad secundam Deus applicat causas secundas ad operandum, tum quia præbet illis omnia requisita, ut sint proxime expeditæ ad operandum; tum etiam quia facit, ut actualiter agant, concurrendo cum illis concursu simultaneo.

Ad tertiam: causæ secundæ agunt in virtute causæ primæ, non solum quia agunt per virtutem acceptam à causa prima, sed etiam quia agunt actione, quæ essentialiter est etiam actio causæ primæ; quod notavit Cajet. loco laudato dicens: *dum dicitur causa secunda nihil agere, nisi in virtute Causæ primæ, non est sensus, quod causa secunda nullam virtutem habeat, nisi primæ; sed quod ipsa secunda nullum effectum producat, nisi virtute primæ concurrente, & conjungente virtutem secundæ suo effectui; quoniam prima omnia attingit immediate immolatione virtutis.*

Ad quartam: Creaturæ dicuntur esse instrumentum causæ primæ, tum quia Deus illis utitur, tanquam suæ providentiæ instrumentis, ad obtinendos fines à se intentos; tum etiam quia Deus illis pro libito utitur ad effectus producendos; tum deum, quia Concursum simultaneum nequeunt habere causæ secundæ, nisi dependent à causa primæ; quæ idcirco se habet ut causa principalis movens causas secundas tanquam causas instrumentales ad earum operationes.

Ad quintam: Deus causis secundis non solum dat posse, sed etiam ipsum agere, tum quia illas proxime complet ad operandum per concursum in actu primo eis exhibitum; tum etiam quia præbet illis concursum simultaneum, sine quo impossibilis est actio Creaturæ, & quo præcisè posito, habetur actio Creaturæ dependenter à Deo.

QUESTIO III.

Utrum decretum concomitans Scotistarum libertatem arbitrii evertat?

MEdiam ineunt viam Scotistæ, cum Smifink, & Pontio in constituenda gratiæ efficacia; negant enim, determinationem divinam præcedere determinationem voluntatis; negant etiam subsequi, & docent, comitari, putantes sic salvare voluntatis divinæ infastrabilitatem, & creatæ libertatem. Cum enim decretum hoc voluntatem condeterminans sit divinum, est infastrabile, & ex altera parte cum non se teneat ex parte actus primi, sed secundi concurrentis cum voluntate crea-

ta ad actum, ad quem ipsa vult se determinare, ex essentiali sympathia inter creatam, & divinam voluntatem, videtur libertatem non evertere. Proinde docent primo, decretum hoc esse efficax non effectivè, sed affectivè, quia non efficit consensum per modum causæ, sed per modum applicantis causam, ita ut essentialiter cum illo connectatur connexionē mutua, velut purus affectus essentialiter inferens illum. Docent secundo, relate ad peccatum Deum condeterminare quidem ratione dominii in libertatem creatam, sed non velle illud voluntate primaria, sed veluti secundaria, ac per quamdam convenientiam, cum illud prohibeat, odio habeat, & execretur. Equidem à discutienda hac sententia præscindendo, & solum inquiri, Num decretum condeterminans sit libertatis creatæ eversum, non secus ac prædeterminans, & ipsa physica prædeterminatione?

II. Dico equidem cum communissima Scotetatis, Decretum condeterminativum Scoticum evertere libertatem arbitrii.

Prob. I. quia hoc decretum Comitans poni debet à voluntate creata inimpedibile; ergo evertit libertatem voluntatis creatæ; Prob. antecedens, quia si poneretur impedibile, everteretur infastrabilitas voluntatis divinæ. Nam si potest impediri decretum, jam poterit non fore actus prædefinitus, quod est voluntatem divinam esse infastrabilem.

Confirm. quia non potest voluntas impediri directe hujusmodi decretum, ut patet; indirecte vero in tantum posset impedire, in quantum posset voluntas creata tollere aliquod essentialiter prærequisitum ad illud (sicut in sententia Societatis est scientia media de actu prædefinito) atqui in sententia Scotistarum nihil essentialiter prærequisitum ad decretum comitans potest à voluntate impediri; ergo simpliciter est inimpedibile, & consequenter evertit libertatem, ex illa Maxima, quod omne antecedens consensum impossibile cum consensu, & inimpedibile à voluntate est libertatis eversum.

Confirm. duo agentia libera non possunt constitui ita concordia, ut non possint in actibus liberis discordare: Alter ruet communis etiam Philosophorum Gentilium demonstratio de unitate Dei. Et ratio est, quia vel A determinat B, vel non determinat; si primum, ergo utrumque est prius altero, & agit, ut determinatum simul, & ut determinans, quod repugnat,
tum

tum quia daretur mutua prioritas, & causalitas, tum etiam quia destrueretur ratio primæ causæ, quæ solum agere debet per Scotistas ut determinans, non ut determinata: si secundum; ergo neutrum potest determinare suam operationem, cum hæc existeret nequeat sine actione alterius; cum autem actiones alterius determinare non possit, nec poterit propriam.

Neque dicas, ex hac rationatione concludi repugnantiam plurium Deorum, non vero sympathiam inter Agens liberum creatum, & increatum, quæ habetur ex subordinatione huius ad illud. Nam contra est, quia subordinatio ista vel efficit, quod Deus determinet potius creaturam, quam creatura Deum, & jam decretum est antecedens, non comitans: vel æqualiter determinatur, & recurrit adducta demonstratio contra pluralitatem Deorum. Etenim quæ ratione repugnat mutua prioritas, quia scilicet alterum præsupponeretur alteri, repugnat pariter in duabus voluntatibus mutua determinatio. Præterquamquod inter duo sympathia dari non potest, nisi unum physice influat in alterum, aut ea duo æqualiter subiaceant influxui tertii, quod in casu nostro repugnat.

III. Prob. 2. Si eodem modo se habet voluntas divina, & creata relate ad determinandam operationem peccaminosam, non est major ratio, cur formalis peccati tribuatur creaturæ, & non Deo; illi enim tribuitur formale peccati, qui concurrit ut determinans, & eligens; illi vero materiale, qui concurrit ut determinatus, quia propriam formæ est determinare, & proprium materię determinari: Neque dicat Manistius, 1. Sent. dist. 2. quest. 3. art. 2. Deum concurrere ad peccatum voluntate secundaria, & ex conniventia; Nam vel hoc sonat, Deum concurrere ut determinatum, & corrui decretum condeterminans; vel ut determinantem, & jam voluntate primaria concurrere, ita ut non possit simul peccatum odisse. Aliter etiam Thomista posset idem dicere de decreto prædeterminante; nec posset à Scotista impugnari. Quare sicut contra Thomistas dicimus, non posse v. gr. præceptorem exprobrare puerum malos characteres, si ipse ducat manum pueri; ita idem dicimus contra Scotistas, si Deus concurrat ut condeterminans, & complectens vires voluntatis. Et ratio à priori est eadem, quia ex Augustino: *illo auctore cum dicimus, illo volente dicimus*; atqui tam per Thomistas,

quam per Scotistas Deus determinando ad peccatum vult illud; volens enim A, quod essentialiter, & à priori trahit B, vult consequenter ipsum B; ergo Deus in utraque sententia est auctor peccati.

IV. Adde, quod decretum comitans non posset non esse antecedens, & prædeterminans, atque adeo violativum libertatis. Prob. si decretum comitans est affective efficax relate ad consensum, ut ponitur à Scotistis, est etiam efficax effective, & primum ordine causalitatis, ut ponitur à Thomistis decretum prædeterminans; ergo si est condeterminans, est prædeterminans. Probatur antecedens, quia si Decretum comitans est efficax affective, eo ipso determinat Omnipotentiam, & applicat actum primum proximum ad consensum (posito enim eo affectu, seu voluntate consensus in Deo, non potest Omnipotentia non agere, & actus primus proximus non applicari ad consensum) atqui si determinat Omnipotentiam ad agendum, & actum primum proximum applicat ad consensum, eo ipso est efficax effective; sicut per hanc ipsam vim determinandi Omnipotentiam, & applicandi causas naturales ad effectus naturales, dicitur decretum Dei efficax effective relate ad effectus naturales; ergo si decretum condeterminans est efficax affective, est etiam efficax effective, atque adeo prædeterminans.

Confirm. quia decretum Dei efficax Scotizum est efficaciter insensitivum finis, nempe consensus; ergo etiam debet vi talis intentionis eligere medium, seu actum primum proximum causativum consensus; atqui quatenus decretum eligit tale medium est prius consensu; sicut quatenus eligit voluntatem causativam consensus, est prius consensu; ergo decretum comitans est prius consensu, atque adeo est decretum antecedens, & prædeterminans.

Confirm. etiam, quia Deus efficaciter benevolus est etiam beneficis, atque adeo efficiens bonum, quod nobis vult efficaciter; ut proinde à Philosopho secundo Rethoricorum quarto Amor. amicitie dicatur activus in quantum potest; ergo consensus volutus à Deo procedit ab ejus benevolentia simul, ac beneficentia, & efficientia; atqui si Deus suo decreto efficaci benevolus efficit consensum, eo ipso consensus pendet ab illo, tanquam à causa; ergo decretum comitans Scotizum eo ipso est antecedens, atque adeo eversum libertatis.

V. Ubi adverte, decretum comitans di-

ti Scotieum, quia multi insignes Scotistae tribuunt illud Scoto, re tamen vera: Scetus de illo nunquam somniavit, ut ostendit Henao descientia media sect. 342. Quod ex eo patet, quia Doctor subtilis in 4. distin. 17. ostendens contra Monothelitas, quomodo voluntas Christi Domini semper cum voluntate Dei concordarit, hæc habet: *Deus non operatur, nisi voluntate libero agente, & determinante se ad operandum, & tunc Deus operatur cum ea.* Idcirco plures Scotistae apud eundem Henao cum Ugone, Cabello, & omnibus Lectoribus Seraphicæ familie in Provincia S. Jacobi docent, de mente Scoti fuisse scientiam mediam.

VI. Objic. 1. non obstat libertati creaturæ concursus Dei simulaneus in actu secundo: ergo nec decretum comitans. Prob. consequ. quavis in linea efficientiæ, ideo Deus concurret ad consensum, quia creatura se determinat ad consensum, non per hoc concursus creaturæ est in priori ad concursum Dei, aut è contra; ergo pariter in linea determinationis, quavis ideo Deus determinet ad dissensum, quia creatura se determinat ad dissensum, non per hoc determinatio creaturæ est in priori ad decretum Dei, aut è contra; ergo fiat, quod peccatum, seu dissensu tribuatur creaturæ, etiamsi Deus condeterminet; sicuti tribuitur creaturæ, etiamsi Deus concurrat. concursu simultaneo.

Resp. nego consequentiam. Ad prob. concessio antecedente, nego consequ. Disparitas est, quia in primo casu efficientia est simultanea; & determinatio, quæ fert antecedentiam logicam, est unice à creatura. At in secundo casu determinatio creaturæ ex una parte esset logice antecedens determinationem Dei: nam ideo Deus determinaret ad dissensum, quia creatura se determinaret; ex altera parte determinatio creaturæ non esset antecedens, sed comitans, quia uterque condeterminaret.

VII. Objic. 2. Deus videt, sibi non deesse auxilia sufficientia ad consensum liberum; ergo potest illa efficaciter velle, & sic, quæ frustrabiliter inducere consensum liberum. Neque dicas, ex hoc efficaci decreto everti libertatem consensu, nisi præcedat scientia media de illo. Nam contra est, quia independentè à scientia media videt Deus per scientiam simplicis intelligentiæ, sibi non deesse auxilia sufficientia ad inducendum consensum liberum: ergo independentè à scientia media potest velle efficaciter ponere hæc auxilia inductiva consensu

liberi; aliter non posset velle ponere quod potest ponere, quod repugnat.

Resp. hoc argumentum posse etiam à Thomistis fieri: imo probaret, quod possit Deus ponere in voluntate creatæ amorem Dei liberum simul cum visione beata: quare respondeo directe, Deum posse velle ponere quod potest ponere, eo tantum pacto, quo res poni potest; quia tamen consensus liber poni non potest sub decreto prædeterminante, aut comitante, aut cum visione beata; ideo acquirit Deus efficaciter velle auxilia sufficientia ad consensum liberum sub his decretis, sicut nec cum visione beata; sed solum consequenter ad scientiam mediam de consensu libero; in quo solum casu habetur infruabilitas Divinæ voluntatis coherens cum libertate consensus.

QUESTIO IV.

Exponitur sententia reponens Gratia efficaciam in Prædeterminatione morali; necnon sententia reponens illam in collatione auxilii prævisi per scientiam mediam efficacis.

I. A Liqui apud Suarez lib. 3. de auxiliis, cap. 10. & 14. efficaciam gratiæ reponunt in impossibilitate morali rigorosa ad dissensum, quatenus ita voluntas sub auxilio gratiæ potest physice dissentire, ut nunquam sit verum, quod dissentiat; eo modo, quo damnati nunquam elicient opus moraliter bonum; nec unquam nos cum auxiliis gratiæ ordinariis vitabimus omnia venialia collective, licet physice possimus. Hoc posito, putant, conciliari libertatem creaturæ voluntatis cum infruabilitate voluntatis Divinæ, quia licet per scientiam simplicis intelligentiæ videat Deus, gratiam efficacem connecti cum consensu, non per hoc evertitur libertas physica ad dissensum, sed moralis. Hanc prædeterminationem moralem Episcopus Mascarenas Lusitanus dis. 3. pu. 4. explicat per hoc, quod auxilium gratiæ attemperet se ad subiectum, & eo modo excitet, & alliciat voluntatem humanam, ut infallibiliter bona operatio sequatur.

II. Verum communissime docent, efficaciam gratiæ non posse reponi in hac morali prædeterminatione, seu in attempera-

etione ad subiectum. Etenim infirmitas Divinæ voluntatis debet esse metaphysica; & non moralis; ergo gratia efficax, quæ confertur à Divina voluntate, debet esse metaphysice, & infirmitabiliter connexa cum bona operatione; atqui si consisteret gratia efficax in prædeterminatione morali, non conderetur metaphysice, sed solum moraliter cum bona operatione; ergo non potest reponi in prædeterminatione morali. Deinde vel in peccatoribus gratia pure sufficiens stat semper cum prædeterminatione morali ad dissentium, & cum impossibilitate morali ad consensum, vel non: si secundum; ergo contingere potest, quod gratia pure sufficiens connectatur cum bona operatione, & sit efficax; in quo casu gratia efficax haberetur sine prædeterminatione morali ad alterutram partem. Si primum; ergo peccatores sunt excusabiles, si damnetur, quia fuerunt moraliter impossibilitati ad bene operandum, & ad salutem procurandam; idque non in peccatam, sicut damnati.

Adde in hac sententia, qui peccat, posset Deo dicere, Si dedisses mihi prædeterminationem moralem, vel auxilium tali tempore, & sub talibus circumstantiis, non peccassem, ut dicimus contra Thomass, si gratia consisteret in prædeterminatione physica; ergo peccatores essent excusabiles. Neque dicas, quod etiam in nostra sententia, qui peccat, posset Deo dicere: si dedisses mihi auxilium prævium efficax, non peccassem. Nam: quamvis plus Deo debeat qui obtinet gratiam efficacem, quam qui pure sufficientem, & peccat; hic tamen non potest de Deo conqueri, cum habuerit plenissimam insufficientiam cum potentia etiam morali ad non peccandum: quod enim Deus præviderit, cum gratia pure insufficienti non esse conjugendum consensum, non obstat plenissimæ libertatis voluntatis, sicut obstat prædeterminatio sive physica, sive moralis.

Experientia demum constat, sæpe nos bene, aut male operari absque morali impossibilitate ad alteram partem. Immo quando v. g. diligimus inimicos propter amorem Dei, experimur, magis inclinari ad illos odio habendos: ergo consentimus gratiæ sine necessitate morali ad consensum.

III. Adducuntur pro hac sententia varialoca D. Aug. præsertim lib. de bono perseverantiae cap. 4. & ad Simplicianum qu. 2. ubi passim dicit: *Deus scit, cum vocat, quomodo sitis, et congreget, ut vocantes non*

respuant. Sed D. Augustinus non est intelligendus, quod Deus conferat gratiam efficacem cum attemperazione ad subiectum in priori ad scientiam mediam, ob rationes adductas; sed in posteriori ad illam, & in hoc sensu gratia efficax etiam à nobis appellatur congrua. Hæc obiter de hac sententia, quæ non multum negotii facessit, nec multos habet Aseclas.

IV. Quod attinet ad quartam sententiam reponentem gratiæ efficaciam in collectione auxilii prævisi per scientiam medii efficacis, supponendum 1. ex Suario lib. 3. de auxiliis, cap. 14. gratiam efficacem posse tripliciter sumi: Primo prout idem est efficax, & effectivum, seu potens ponere actionem; & in hoc sensu gratia efficax confunditur cum sufficienti. Secundo prout idem est efficax, ac actu efficiens; sicut oratio v. g. si persuadere, dicitur efficax, etiam si non sit talis, ut infallibiliter pariat persuasionem. Tertio prout idem est efficax, ac actu efficiens infallibiliter, & in hoc postremo sensu usurpatur in hac sententia gratia efficax, ita ut gratia, quæ est effectiva infallibiliter bonæ operationis, dicatur efficax in actu primo; quæ vero est efficiens infallibiliter, dicatur efficax in actu secundo.

Supponendum pariter ex dicendis questione sequenti, non solum distingui in hac sententia ex parte objecti gratiam efficacem in actu secundo à non efficaci in actu secundo, seu à pure sufficienti per hoc, quod illa connotet operationem, quam non connotat ista; sed etiam distingui gratiam efficacem in actu primo à non efficaci in actu primo, seu à pure sufficienti; quia gratia efficax in actu primo præter effectivitatem (in quo convenit cum pure sufficienti,) importat etiam id, per quod constituitur infallibiliter effectiva, nempe tum: futurationem conditionatam consensum, seu veritatem illam objectivam: si daretur hæc gratia, poneretur consensus; tum: scientiam mediam de tali objecto; ac demum, saltem in præsentii providentia, prædefinitionem consensus sub tali auxilio, v. conjunctæ prædefinitionis gratia efficax fert specialem Dei benevolentiam, & est speciale beneficium, quod non confertur habenti gratiam pure sufficientem. His positis.

V. Sequitur primo, quod juxta sententiam laudatam reponentem efficaciam gratiæ in collectione auxilii prævisi per scientiam mediam efficacis, Gratia efficax in actu primo, antequam intelligatur in uno conjuncto.

genda cum consensu, in altero non conjungenda, quoad suam entitatem intrinsecam non differat necessario; atque adeo eadem gratia præveniens secundum se invariata potest esse tam in consentiente, quam in non consentiente. In tantum enim deberet esse intrinsece diversa, in quantum gratia præveniens, quæ datur consentienti, esset physica prædeterminatio ex intrinsecis suis connexa essentialiter cum consensu; cum autem prædeterminatio physica ex dictis sit inimica libertatis, idcirco in hac sententia gratia efficax in actu primo non differt intrinsece à sufficiente.

Sequitur secundo, posse Petrum, & Judam eodem auxilio secundum suam entitatem spectato affici, & Petrum consentire, Judam dissentire; Et rursus, idem auxilium A collatum eidem Petro diversis temporibus posse nunc conjungi cum consensu, nunc cum dissensu; Imò poterit auxilium A minus secundum suam entitatem intrinsecam conjungi cum consensu, & auxilium B entitative majus cum dissensu; ita tamen, ut auxilium A minus habeat majorem rationem beneficii, eo quod bonum majus efficiat, & animo magis benevolens conferatur, atque adeo sit physice minus, sed moraliter, seu in ratione doni majus. Quæ doctrina videtur colligi ex Scripturis, & Patribus. Nam Matth. 18. dicitur: *Viri Ninivita surgens in iudicio cum generatione ista, & condemnabunt eam*; quia scilicet Judei majoribus auxiliis vocati, quam Ninivitarum, non egerunt penitentiam Ninivitarum: & Matth. 11. *Va tibi Bethsaida, quia si in Tyro, & Sidone facta fuissent virtutes, quæ facta sunt in te, elim in illicio, & citius penitentiam egerissent*. August. lib. de Prædest. cap. 15. hæc habet: *Unde Nabuchodonosor penitentiam meruit fructuosam? Nonne post innumeras impietates illum flagellatum punivit; Pharao autem ipso flagello est durior effectus, & perit? Hic mihi rationem reddat, qui divinum consilium sapienti corde judicet. Quoad naturam ambo homines erant; quoad dignitatem ambo Reges; quantum ad causam ambo captivum populum Dei possidentes; Quid ergo sine eorum facis esse diversus? nisi quod unus manet Dei sentiens in recordatione propria iniquitatis ingenuus, alter libere contra Dei misericordissimam veritatem pugnavit arbitrio. Ratio demum videtur esse, quia posito in duobus æquali auxilio, remanet in utroque libertas integra: ergo potest unus consentire, alter dissentire; aliter auxilium non esset sufficiens.*

Neque dicas, dissentientem habere ignorantiam, quæ caret consentiens, cum omnis peccans sit ignorans. Nam etiam posita eadem cognitione in intellectu utriusque, & eadem affectione in voluntate, remanet libertas, atque adeo potest alter tantum consentire. Omnis peccans dicitur esse ignorans, non quidem speculative, sed practice, & interpretative, quatenus operatur perinde ac si ignoraret, ut diximus in de Angelis disp. 3. quæst. 1.

QUÆSTIO V.

Explicatur per quid discriminetur Gratia efficax in actu primo ab efficaci in actu secundo?

I. **E**xplicandum ulterius in hac sententia reponente gratiæ efficaciam in collatione auxilii prævisi per scientiam mediam efficacis, quid importet Gratia efficax in actu primo? quid etiam importet Gratia efficax in actu primo, in quantum est speciale beneficium relate ad consentientem? & quid demum importet Gratia efficax in actu secundo? Quoniam dedecet Theologum hæc ignorare, oportet ea paucis exponere superaddendo à discussione hujus materie.

Itaque juxta postremam hanc viam, quæ est Doctorum Societatis, Gratia efficax in actu primo, in quantum effectiva infallibiliter consensus, importat præter intrinsecam entitatem gratiæ, etiam scientiam mediam de consensu conditionate ponendo sub tali auxilio; atque adeo ipsam futuritionem conditionatam consensus, quæ est objectum talis scientiæ mediæ. Gratia enim efficax in actu primo, ut jam præmissimus, duo dicit, & effectivitatem, & infallibilem connexionem cum consensu; ita ut effectivitate habeat ab intrinseco, connexionem vero infallibilem, cum non possit habere ab intrinseco, eo quod esset prædeterminatio physica, habeat ab extrinseco, seu per conjunctionem cum forma extrinsecam, quæ posita, infallibiliter secuturus est consensus; atque, posita scientiæ mediæ de consensu sub hoc auxilio, imò posita tantum futuritione conditionata consensus, quæ est objectum talis scientiæ mediæ, eo ipsa consensus est infallibiliter secuturus; ergo, gratia efficax in actu primo, in quantum infallibiliter connexa cum consensu futuro, importat præter entitatem gratiæ scientiam mediam de consensu; atque adeo futuritionem conditionatam consensus: *Quæ*

duo.

duo complent gratiam efficacem in actu primo, non quidem in ratione effectivitatatis, sed in ratione infallibiliter connexæ cum consensu; impossibile enim est, dari scientiam mediam de consensu conditionate futuro sub auxilio A, & dari de facto auxilium A, & non dari consensum; sicut impossibile est, dari scientiam visionis, aut revelationem de peccato D. Petri pro tali tempore, & dari tale tempus, quin detur peccatum D. Petri; cum impossibile sit, scientiam Divinam aut Visionis, aut mediam falsificari.

II. Unde deducitur primo, denominationem gratiæ efficacis in actu primo in hac sententia esse partim intrinsecam desumptam ab entitate gratiæ, quæ habet effectivitatem consensus, & partim extrinsecam desumptam à scientia illa media, necnon ab ejus objecto, ratione cujus gratia essentialiter connectitur cum consensu futuro.

Deducitur secundo, quod gratia efficax in actu primo non cognoscat pro causa efficiente de præsentis voluntatem creatam, sed solum Deum; etenim entitas intrinseca gratiæ de se effectivæ consensus est à solo Deo; scientia vero media indentificatur cum ipso Deo; & futuritio, seu veritas illa conditionata, quæ est objectum scientiæ mediæ, cum non habeat esse physicum, sed logicum, non debet habere causam ullam physicam, sed logicam: Sicut enim hæc veritas de futuro absoluto, Antichristus peccabit, cum non habeat nunc esse physicum, sed logicum, non debet habere causam physicam nunc, sed tunc, quando erit peccatum; ita hæc veritas de futuro conditionate, si daretur auxilium A, Petrus consentiret, non debet habere causam physicam nunc, sed quando purificatur conditio.

Deducitur tertio, quod gratia efficax in actu primo, in quantum infallibiliter connectitur cum consensu absolute futuro, constituta per consensum conditionate futurum, & per scientiam mediam de illo, sit antecedens, & prior logice, relate ad eundem consensum absolute futurum. Ratio est, quia sicut e.g. Antichristus possibilis dicitur esse prior Antichristo existente, prioritatem tantum logicam, & à subsistendi consequentia, quatenus valet hæc illatio, Antichristus est existens; ergo est possibilis; non tamen est contra: Ita consensus conditionate futurus habet eandem prioritatem relate ad eundem consensum absolute existentem, quatenus valet hæc illatio: Consensus existit absolute sub auxilio A; ergo erat con-

ditionate futurus sub eodem auxilio; non tamen valet è contra: Est conditionate futurus; ergo existit.

III. Circa secundum, quid importet in hac sententia Gratia efficax in actu primo, in quantum est speciale beneficium relate ad consentientem? Dicendum, quod præter intrinsecam entitatem gratiæ, & scientiam mediam de consensu conditionate futuro simul cum futuritione illa conditionata, importat etiam prædefinitionem talis consensus consequentem ad talem scientiam mediam; seu importat voluntatem Dei beneficem seligentem auxilium prævium efficac præ aliis inefficacibus ex intentione consensus secuturi. Et ratio est, quia in hoc Deus est specialiter benevolus, & beneficem erga consentientem præ non consentiente, quia licet utrique det gratiam sufficientem, consentienti tamen præter posse, dat etiam ipsum agere ex intentione bonæ operationis; atqui nisi daretur prædefinitio consensus, haberetur quidem præter posse ipsum agere, sed non ex intentione talis bonæ operationis: ergo circumscripta hac prædefinitione, Deus non esset specialiter benevolus, & beneficem erga bonæ operantem; etque adeo gratia efficax, in quantum est speciale beneficium, importat hujusmodi prædefinitionem, qua Deus discernit bene operantem à male operante, & prædestinatum à reprobo. Et sane si eodem modo Deus conferret auxilia, non diceretur magis beneficem erga bonæ operantem, quamvis illi conferret præter posse etiam ipsum agere; quia scilicet conferret bonam operationem veluti per accidens, & non ex intentione conferendi illam: ergo si eandem conferat post scientiam mediam, sed citra prædefinitionem consensus, neque erit specialiter beneficem erga consentientem. Sicut è contra non est maleficem erga dissentientem per hoc, quod considerando auxilium pure sufficientem, prævideat tantum, sed non prædefinit peccatum. Et ratio à priori est, quia ad rationem beneficii non satis est conferre bonum, sed debet conferri ex intentione, quod bonum illud sequatur. Neque enim dicitur benevolus, aut beneficem v. g. erga inimicos, qui metu naufragii projicit merces, quas videt illis profuturas, cum non projiciat ex intentione beneficiandi.

IV. Videtur tamen, quod si gratia efficax in actu primo constitueretur per futuritionem consensus conditionatam, & per scientiam mediam de illo, sequeretur pri-

mo, quod gratia efficax qua talis tribueretur nobis, & à nobis penderet, quia nobis tribuitur futuritio illa conditionata consensus, quæ debet scientiam mediam præire. Sequela autem est absurda, quia gratia efficax in actu primo unice Deo tribui debet, & nobis ad summum aliquatenus tribuitur cooperatio, quæ spectat ad gratiam efficacem in actu secundo.

Secundo sequeretur, quod cum gratia efficax in actu primo discernat bene operantem à non bene operante, non Deus solus nos discerneret, contra illud Apostoli: *Quis est, qui te discernit? quid autem habet, quod non accipisti?*

Tertio sequeretur, quod gratia determinaretur ab arbitrio, in ratione efficacis in actu primo, atque adeo nostra operatio prout conditionate futura præiret gratiam efficacem in actu secundo, seu gratiam cooperationis; unde gratia esset pedissequa naturæ contra id, quod Ecclesia definit adversus Semipelagianos.

Quarto, quod Deus expectaret liberi arbitrii determinationem, ut posset gratiam efficacem conferre: quod est contra Concil. Arafricanum IV. quod negat, Deum expectare voluntatem nostram, ut à peccato purgemur.

Hæc tamen facili negotio elucescunt dicendo ad primam sequelam, quod gratia efficax in actu primo duo importet: primo collationem auxilii, quod de se potest causare consensum, & huiusmodi collatio non potest tribui nobis, nec à nobis dependet, ut patet: Secundo, infallibilem connexionem cum consensu, quæ habetur per scientiam mediam de illo; propterea eo pacto, quo huiusmodi scientia media tribuitur voluntati, non quæ est, sed quæ esset sub tali auxilio; ita pariter tribuitur voluntati infallibilitas futuritionis consensus. Quare cum scientia media non sit causativa consensus (quippe qui solum causatur à voluntate, & ab auxilio) & ratio gratiæ, inquantum gratiæ in actu primo efficacis, consistat in hoc, quod possit causare consensum, ideo ratio gratiæ efficacis in actu primo non tribuitur voluntati, sed Deo, ut fufius explicat Amic. diff. 26. num. 114. In forma distinguo sequelam: tribueretur nobis gratia efficax in actu primo, secundum quod est potens causare consensum, nego; secundum quod est infallibiliter connexa cum consensu, concedo.

Ad secundam discernere non est aliud, quam dare aliquid, per quod antecedenter ad

consensum absolutum possit quis infallibiliter separari à male operantibus; hoc autem unice fit à Deo conferente existentiam gratiæ sub prædefinitione consensus consequente ad scientiam mediam: ergo unice Deus nos discernit. Unde supra diximus, prædefinitionem consequentem esse in omni providentia necessariam: quamvis enim scientia media constituit gratiam efficacem in actu primo in ratione infallibiliter connexam cum consensu futuro, & scientia media supponat futuritionem conditionatam consensus; ista tamen futuritio conditionata non habet esse physicum, sed logicum: propterea id, quod datur de facto physice discernens Electos à Reprobis, est sola prædefinitio divina, feligens auxilium prævisum efficacem ex amore efficacis.

Ubi advertet, prædefinitionem divinam discernere tantum causaliter, consensum vero discernere formaliter, cum hoc discrimine inter electos, & reprobos, quod reprobos Deus discernat ab electis causaliter negative, quatenus non vult dare auxilium prævisum efficacem, quin velit discensum, Electos vero discernat positive per hoc, quod velit auxilium efficacem, & intendat ipsum consensum.

Ad tertiam Semipelagiani somniabant, consensum conditionatum esse quoddam veluti meritum naturæ ad obtinendum à Deo gratiam pro statu absoluto. Unde dicebant, gratiam esse naturæ pedissequam, quod tamen longe abest à nostra sententia, quæ dicit: solum, futuritionem conditionatam consensus dare gratiæ efficacis infallibilitatem, non meritum. Quod si gratia, ideo putetur naturæ pedissequa, quia præsupponit futuritionem conditionatam consensus, Adversarius abutitur vocabulis; nam consensum conditionatum prærequirit ad gratiæ efficacis infallibilitatem, nemo non videt; quin tamen hinc sequatur, aliquid aliud præire consensum nostrum in statu absoluto præter Dei gratiam, quæ voluntatem adjuvat ad operandum.

Ad quartam: quod negat Concilium, est, gratiam expectare consensum conditionatum naturæ viribus elicitem, ut volebant Semipelagiani; non negat tamen, quod Deus expectet consensum nostrum viribus gratiæ positum, cum dicatur Isa. 30. *Expectas Domine, ut miseratur vestri*. Adde, consensum conditionatum prærequiri secundum esse logicum ad hoc, ut habeatur prædefinitio, & gratia efficax in actu primo, non secundum esse physicum; adeoque im-

rigore nullatenus expectari; in priori enim ad quodcumque decretum Dei liberum habetur ea futuritio conditionata contingens, atque adeo scientia media de consensu, quae constituit gratiae infallibilitatem absque lesione libertatis.

V. Videtur deinde, quod gratia efficax, in quantum est speciale beneficium, non importet praedestinationem consensui; quia verè est homicida v. g. qui praevideat in ebrietate secturum homicidium, etiamsi illud non intendat; ergo verè Deus est specialiter beneficus, si praevideat, auxilium A, quod confert, esse coniungendum cum consensu, etiamsi non praedestinat, ac intendat consensum; ergo gratia efficax in actu primo habet rationem specialis beneficii unice propter scientiam mediam de consensu, non propter praedestinationem.

Sed concessio antecedente, negatur consequendo; Disparitas est, quia ad prosequendum inonestum satis est praevidere, quod ex aliqua operatione illud sequatur; contra vero ad prosequendum honestum requiritur non solum cognitio, sed etiam intentio illius: Sic ad contrahendum peccatum satis est ponere actionem, quae cognoscitur Deo iniuriosa, quamvis non ponatur ex intentione inonorandi Deum; at ad eliciendum adum v. g. misericordiae non satis est ponere actionem, ex qua praevideatur miseria sublevanda, sed debet eo animo poni. Et ratio ulterior est, quia bonum ex integra causa; Unde honestum debet & cognosci, & intendi: malum vero ex singulari defectibus, unde contrahitur praecise per hoc, quod cognoscatur, etiamsi non intendatur.

VI. Instabis: ad augendum meritum non requiritur nova notitia majoris dignitatis in operante; ergo neque ad augendum beneficium requiritur nova notitia majoris boni, quod confertur; ergo à fortiori neque requiritur ejus intentio; atque adeo bene fiat, quod gratia efficax conferat majus beneficium consentienti & prae non consentiente, praeter praedestinationem, ac intentionem consensui.

Sed difficultas haec solvenda est ab omnibus, cum nemo dixerit, beneficium conferri absque notitia boni, quod confertur, cum Seneca lib. 6. cap. 8. dicat: *Beneficium aliquis nesciens accipit, nemo à nesciente*; contra vero meritum juxta omnes crescit absque notitia novae formae augmentis meritum: Nam gratia habitualis v. g. quae ignoratur à merente, transfert meritum à congruo ad

condignum; & unio hypoflotica transfert meritum à finito ad infinitum. Et ratio est, quia quicquid conciliat magis amorem praemiantis, augeat valorem meriti; conciliatur autem amor praemiantis etiam à forma ignorata, ut patet; nam si quis v. g. ignoret se esse filium Regis, & Regi obsequatur, magis ejus amorem sibi conciliat, quam si non ut filius: contra vero beneficium non est majus, nisi sit major benevolentia; nec benevolentia est major sine cognitione boni majoris, quod confertur; etenim beneficium est donum collatum absque spe retributionis; unde in beneficio potissimum attendendus est animus donantis, qui sine cognitione doni, quod exhibet, benevolus esse non potest.

VII. Explicata juxta hanc sententiam efficacia gratiae in actu primo, descendendo ad explicandam efficaciam gratiae in actu secundo. Tunc auxilium seu gratia dicitur esse efficax in actu secundo, quando praeter efficaciam gratiae in actu primo supra explicatam, habetur etiam ipse consensus, seu operatio Creaturae cum concursu Dei. Et ratio est, quia illud constituit gratiam efficacem in actu secundo, quod est Donum supernaturale indebitum, & non solum potest efficere, sed etiam efficit infallibiliter consensum liberum supernaturalem; hujusmodi autem est auxilium supernaturale adjuvans arbitrium in exercitio bonae operationis; & ideo in hoc reponitur gratia efficax in actu secundo. Quare illud ipsum auxilium supernaturale, quod consideratum in actu primo dicitur excitans, ac praeveniens, si consideretur ut consequens consensum in actu secundo, dicitur adjuvans, & concomitans, & alio nomine vocatur Gratia cooperationis.

Hinc fit, quod gratia inefficax in actu secundo sit illa, quae potest quidem ad arbitrium voluntatis consensum actu ponere, non tamen possit; ac proinde est tantum pure sufficiens, & efficax in actu primo, quatenus id efficax in actu primo importat virtutem proximam ad efficiendum; non vero quatenus importat infallibilem connexionem cum consensu: hujusmodi enim connexio independenter ab aliqua forma extrinseca, nempe à scientia media, prout explicavimus in questionibus antecedentibus, nequit competere praedeterminationi physicae, aut decreto praedeterminanti, aut condeterminationi, citra libertatis eversionem.

Porro grati, prout efficax in actu secundo, ita est essentialiter coaeva cum consensu.

sensu, ut non sit prior illo, nec posterior, sed omnino simultanee se habeat ad illum simul cum determinatione voluntatis. Et ratio est, quia Gratia, prout efficax in actu secundo, importat auxilium supernaturale prout actu causans cum cooperatione creaturæ consensum, ut supra diximus; atqui actio, qua efficitur consensum, est ipsa positio consensum, quæ vel cum consensu ipso identificatur, ut communius docent in Philosophia, vel si distinguitur, non est prior consensu, cum non se teneat ex parte actus primi, sed secundi; ergo gratia efficax in actu secundo ita conneditur essentialiter cum consensu, ut simultanee se habeat ad illum, & probabilius cum ipso consensu identificatur.

Hinc fit, gratiam efficacem in actu secundo in aliquo sensu posse dici necessariam ad bonam operationem, quatenus voluntas nequit bonam operationem ponere absque gratiæ cooperatione, & concursu in actu secundo; & in alio sensu posse dici non necessariam, quatenus sine ista datur in gratia sufficienti, & inefficaci in actu secundo integra vis, & potentia proxima ad bonam operationem: quare est necessaria huiusmodi gratia, ut bona operatio ponatur, & existat, non vero, ut possit poni; eo pacto, quo dicimus, Visionem v. g. esse necessariam, ut oculus sit videns, non vero ut possit videre, seu causare visionem: antecedenter enim ad visionem datur potentia proxima ad videndum, seu ad ponendam visionem: sicuti ergo juxta diversum sensum, & appellationem terminorum veræ sunt ambæ istæ propositiones: Deus independentem à meritis videt, hominem salvandum, & Deus non videt hominem salvandum independentem à meritis; ita istæ aliæ: voluntas sine gratia efficaci in actu secundo, seu sine gratia cooperationis potest consentire; & voluntas non potest consentire sine gratia cooperationis.

VIII. Dices: gratia efficax in actu secundo distinguitur ab efficaci in actu primo juxta hanc sententiam per meram causalitatem consensus identificatam cum ipso consensu; sed causalitas ista unice tribuitur creaturæ determinanti concursum Dei in actu primo indifferentem; ergo unice gratia cooperationis in hac sententia tribuitur creaturæ; quod repugnat. Evacuatur tamen difficultas distinguendo minorem: unice tribuitur creaturæ, ut electivæ, ac determinativæ; conceditur; ut causæ efficienti,

ac intendenti efficaciter consensum, negatur minor & consequentia. Certe ut creatura libere operetur, debet ipsa eligere, ac determinare; quia tamen electio bonæ operationis poni non potest, nisi creatura habeat à Deo vires supernaturales, & feligat auxilium prævium efficax, idcirco principalis bona operatio tribuitur Deo; sicut si Dux ex prævisione strenuitatis militis conferret illi arma ad fortiter pugnandum, principalis tribueretur Duci victoria, quàm militi, quamvis miles se determinet ad pugnandum; idque multo magis, si Dux daret militi non solum arma, sed etiam existentiam, & si certus omnino sit, de bona operatione secutura, ut accidit in Deo; propterea Apostolus ait: *Non est volentis, æque currentis, sed misericordis Dei.*

IX. Dices ulterius. Gratia efficax in actu secundo est essentialiter connexa cum operatione arbitrii, imo per illam in hac sententia constituitur; ergo non pendet à potestate dominativa arbitrii; ergo non coheret cum libertate. Sed umbratilis est difficultas; sic enim illi satis primo per instantiam: Voluntas libere amans constituitur per amorem liberum; ergo hæc denominatio libere amantis non pendet à voluntate. Secundo directe, concessio antecedente, negatur consequentia; pendet enim à potestate dominativa arbitrii, quod habeatur gratia efficax in actu secundo qua talis; unde bene coheret cum libertate: Quia tamen pendet à voluntate, non existentia gratiæ, sed bonus ejus usus, & à Deo efficaciter, & principalius intenditur bonus usus gratiæ, seu bona operatio, idcirco bene etiam stat, quod gratia cooperationis simul pendeat à voluntate, & simul sit gratia supernaturalis, & indebita dicente Apostolo: *Quid habes, quod non accepisti? quid autem gloriaris, quasi non accepisti? Non est volentis, neque currentis, sed misericordis Dei;* ita tamen misericordis, ut etiam nos ad hanc Dei misericordiam cooperemur. Propterea hortatur Apostolus, ut gloriemur in Domino, non quidem præsumptuose, quasi vero ex nostris viribus cooperati simus, sed modeste, & humiliter, quasi accepta à Deo potestate bene usi sumus, ita ut de hac etiam nostra cooperatione, quasi de novo dono gratias agere debeamus, quia illam eandem accepimus à Deo, seligente ex animo benevolenti auxilium efficax, ut ea ponatur: in hoc itaque sensu dicit Apostolus: *Si volatis gloriari,*

non ero infirmus; nam ut dicitur ad Rom. 2. Gloria, & honor, & pax omni operanti bonum; gloriari tamen debemus, non quasi non acceperimus.

X. Ex quibus Sequitur 1. gratiam efficacem in actu secundo constitutam per consensum supernaturalem liberum esse verum donum Dei, & gratiam intrinsece supernaturalem, adeo ut non possit gloriari creatura, quod illam non acceperit absque ulla prævia exigentia, aut merito. Ratio est, quia Deus gratuito dedit creaturæ non solum posse, sed etiam ipsum agere liberum, quatenus gratuito selegit auxilium prævisum efficaciter intendens nobis bonam operationem.

Sequitur 2. gratiam istam cooperationis intrinsece supernaturalem esse ab intrinseco efficacem. Ratio est, quia essentialiter connectitur cum consensu, imo constituitur per ipsum consensum, si supponamus cum communiori ex Philosophia, quod actio identificetur cum actibus vitalibus. In hoc tamen differt gratia ista ab intrinseco efficaci ad prædeterminationem Thomistica, quod gratia entitativa, & ab intrinseco efficaci, quam nos admittimus, vel identificatur cum ipso consensu, vel saltem non est in priori ad illum; quia actio nostra, cum qua identificatur cooperatio Dei, seu gratiæ, non est in priori ad consensum, etiam si ab illo distinguitur: At prædeterminatio est in priori ad consensum, & essentialiter cum illo connectitur; Unde cum non sit in manu voluntatis, est læsiva libertatis: hæc enim habet Aug. lib. 3. de libero arbitrio: *Si laboriosum est omnia mandata memoria, hoc brevissimum tene: quacumque, ista causa est voluntatis, si non potest ei resisti, sine peccato ei ceditur.*

Sequitur 3. esse in potestate arbitrii habere, vel non habere gratiam cooperationis, etiam si sine ista gratia non possit dari bona operatio. Ratio est, quia sine ista gratia habet homo sufficientiam ad bene operandum, quamvis non possit conjungere operationem suam cum operatione Dei sine ista gratia; Unde cum habeat sufficientiam ad bonam operationem, & ad conjungendam illam cum cooperatione Dei antecedenter ad istam gratiam, sequitur, quod in manu sua sit habere, vel non habere gratiam cooperationis; Sicut enim voluntas in manu sua habet ponere hanc denominationem libere volentis, quia in manu sua habet liberam volitionem, quæ constituit hanc denominationem; ita in manu sua habet

ponere gratiam cooperationis, quia in manu sua habet propriam operationem, quæ constituit inadæquate gratiam cooperationis, seu gratiam efficacem in actu secundo.

Sequitur ult. quod carens gratia cooperationis illa careat sua tantum culpa, & voluntate; contra vero habens illam, non habet ex sua tantum voluntate, sed etiam, & principaliter ex voluntate Dei. Ratio est, quia culpa tantum sua homo peccat, & peccando hanc gratiam reculat; non enim Deus confert gratiam inefficacem ex intentione malæ operationis secuturæ: Contra vero bonam operationem supernaturalem non ponit homo per solas vires suas naturales, sed per vires supernaturales liberaliter præstitas à Deo intendente tum posse, tum ipsum agere, dum seligit ad id omnino liberaliter auxilium prævisum efficaciter; ergo bona operatio non tribuitur tantum creaturæ, sed principaliter Deo. Atque hæc pro explicatione hujus sententiæ dicta sunt satis. Qui tamen quæ huc faciunt alte discussa velit, consulat Suarium lib. 5. de Gratia cap. 25. Bellar. de Gratia, & lib. arb. cap. 12. & lib. 6. cap. 14. alioque apud Thyrsium Gonzalez t. 1. in 1. p. dis. 17. sect. 12.

DISPUTATIO IV.

De Gratia Habituali Justificante.

Actualis gratia ad habituales ordinatur, qua justificamur, & sanctificamur; Propterea ad hujus superni doni naturam, ac proprietates investigandas gradum facimus, Quærentes primo ejus essentialitatem physicam, tum metaphysicam: Deinde ejus formales effectus, impossibilitatem cum peccato, An ab habitu charitatis distinguatur; & alia hujusmodi: quænam vero auxilia gratiæ necessaria sint ad gratiam hanc habituales promerendam, & conservandam, & ad salutem obtinendam, examinabimus disputatione ultima.

QUÆSTIO I.

Quanam sit physica essentia Gratia habitualis?

I. **C**irca gratiam gratum facientem, & iustificantem plures fuerunt Hæreticorum errores negantium, & qualitatē animæ intrinsicam, quia peccata remittuntur, & ex iniusto homo fit iustus, ex inimico amicus, & filius Dei adoptivus, atque hæres vitæ æternæ. Lutherani dixerunt, causam formalem nostræ iustificationis esse iustitiam Christi nobis imputatam: Osiander iustitiam incrematam Dei imputatam nobis: Calvinus iustificationem haberi per imputationem iustitiæ Christi nobis; non tamen aliud præstare, quàm peccatorum remissionem: Bucerus, & Pighius duplicem constituerunt causam formalem iustificationis, alteram imperfectam consistentem in virtutibus inhaerentibus, alteram perfectam consistentem in imputatione iustitiæ Christi nobis. Doctrina tamen catholica est ex Tridentino sess. 6. cap. 7. unicum esse causam formalem nostræ iustificationis, iustitiam Dei, non qua iustus est, sed qua nos iustos facit; qua videlicet ab eo donati renovamur spiritu mentis nostræ, & non modo reputamur, sed filii Dei nominamur, & sumus: Additque Tridentinum, illam iustis inhaerere, eique inferi Fidem, Spem, Charitatem. Quod autem per hanc reddamur simplices, & absolute iusti, & non secundum quid, & imperfecte, docuit Apostolus ad Rom. 5. dicens: *Si enim antus delicto mori regnavit per unum, multo magis abundantiam gratiæ donationis, & iustitiæ accipientes in vita, regnabunt per unum Jesum Christum.* Unde fit, duos esse formales effectus gratiæ inhaerentis, alterum negativum, quatenus tollit mortale; alterum positivum, quatenus reddit nos Dei filios adoptivos, amicos, & vitæ æternæ hæredes. Omnes iustificationis causas enumerat Tridentinum loc. cit. dicens, quod causa finalis sit gloria Dei, ac Christi, & vita æterna; Causa efficiens principalis sit Deus; Causa meritoria sit Christus Dominus per merita suæ passionis; Causa instrumentalitatis Sacramentum Baptismi, & Prebentitiæ: Causa demum formalis iustitia Dei, non qua iustus est, sed qua iustos nos facit; hoc est iustitia nobis inhaerens. Magister sententiarum in 1. disp. 17. docuit,

gratiam non esse habitum creatum, sed Spiritum Sanctum in anima inhabitantem; & in 2. disp. 27. explicat, Spiritum Sanctum inhabitare in nobis per qualitatem inhaerentem, qua sanctificamur; ita tamen, ut iustitia creata sanctificet ut quo, & Spiritus Sanctus, seu iustitia increata sanctificet ut quod; hæc tamen sententia rejicienda ex verbis Tridentini dicentis, causam formalem iustificationis non esse iustitiam Dei, qua iustus est; ergo non sanctificamur ut quod à Spiritu Sancto, sed à iustitia nobis inhaerente: His præmissis

II. Dico, physicam gratiæ iustificantis essentiam consistere in qualitate supernaturali physice animæ inhaerente permanentemente, qua homo redditur Divinæ maturæ particeps, Dei amicus, filius adoptionis, & æternæ beatitudinis hæres.

Conclusio constat ex Tridentino can. 17. ubi Anathematizatur qui dixerit, *hominem iustificari vel sola imputatione Christi, vel sola peccatorum remissione, exclusa gratia, & Charitate, qua in cordibus eorum per Spiritum Sanctum diffundatur, atque illis inhaerere.*

Prob. etiam ratione; & primo quidem, quod huiusmodi gratia sit qualitas, constat, quia non potest esse substantia, posito, quod inhaerent substantiæ completæ; nec potest ad aliud prædicatum pertinere. Deinde, quod huiusmodi qualitas sit physica permanens; & supernaturalis radix, ac fundamentum supernaturalitatis, sic ostenditur: Dantur in nobis actus Theologici, & supernaturales Fidei, Spei, & Charitatis, cum ad illos aliquando exercendos obligemur; ergo dantur in nobis principia intrinsicæ horum actuum, nempe habitus infusi supernaturales; ergo datur gratia habitualis, quæ sit qualitas physica permanens supernaturalis, radix, & fundamentum cum habitu, tum actuum supernaturalium. Utraque consequentia est probanda. Probatur prima, quia licet Deus possit esse proxime assidens potentis naturalibus ad eliciendos actus supernaturales, eisque per decretum quasi habitualiter unitus; at naturalis modus operandi potentie creatæ postulat, ut per principium intrinsicum fiat proxime potens; ergo dari debent principia intrinsicæ, & permanentia ad actus Fidei, Spei, & Charitatis supernaturales, nempe habitus infusi: sicut datur lumen Gloriæ intrinsicum in ordine ad Visionem beatam. Probatur nunc secunda consequentia, quia cum habitus infusi sint quædam po-

potentiae, & proprietates supernaturales, quae dant simpliciter posse relate ad actus supernaturales, debent connaturaliter supponere naturam ejusdem ordinis, hoc est supernaturalem; hujusmodi autem est gratia, quae sit qualitas physica supernaturalis permanens, radix omnis supernaturalitatis, à qua habitus infusi, vel physice, vel moraliter fluant; ergo datur de facto gratia habitualis, cujus physica essentia sit qualitas permanens supernaturalis, radix omnis supernaturalitatis, seu quae natura supernaturalis sit.

III. Objc. 1. Non est de fide, gratiam habitalem esse qualitatem physicam; cum Tridentinum loquens de iustitia inhærente nunquam utatur nomine habitus; unde explicari potest vel de actibus supernaturalibus inhærentibus, vel de gratia actuali, ut docent Sot., Med., Sal. apud Amic. disp. 29. sect. 2. Ex altera parte dicere, quod gratia sit forma moraliter inhærens videtur conformis locutioni Apostoli dicentis ad Rom. 5. *Sicut per inobedientiam unius hominis peccatores constituti sunt multi, ita per obedientiam unius iusti constituentur multi*; atqui per inobedientiam Adami homines constituuntur peccatores, per formam moralem, non physicam; ergo per obedientiam Christi homines fiunt iusti etiam per formam moralem.

Confirm. quia effectus gratiae, nempe esse filium adoptivum, Amicum, haerem, sunt effectus morales; ergo ipsa gratia est forma moralis.

Resp. Vsq. 1. 2. disp. 203. cap. 6. putare, esse de fide, quod gratia sit qualitas physica, saltem respectu parvulorum, qui absque proprio actu per baptismum iustificantur; cum relate ad illos non possit explicari Tridentinum, quod loquatur de actibus supernaturalibus inhærentibus, aut de gratia actuali, quando loquitur de iustitia inhærente. Verum dato, quod nec hoc sit de fide, conveniunt tamen Doctores, id pertinere ad Conclusionem theologicam, adeo ut oppositum sit: temerarium, & saltem errori proximum. Adde, Tridentinum damnare eos, qui volunt, nos iustificari per iustitiam Dei, aut per Christi merita, nobis moraliter inexistencia per imputationem; ergo videtur excludere inhærentiam solum moralem formae sanctificantis. Ad textum Apostoli dicendum, non eodem modo parvulos esse iniustos per originale ex Adami culpa dimanans, ac esse iustos per gratiam dimanantem à meritis Christi: Ete-

nim originale, cum sit actio moralis, & libera, non poterat physice ad parvulos libertatis expertes pertinere, nec ab Adamo ad ipsos physice profluere; propterea originale est proprium, uniuscuiusque proprietate actionis moralis, eo modo, quo voluntas Tutoris contraheatis est moraliter propria pupilli, ex hoc, quod à Republica Tutor sit constitutus caput pupilli in ordine ad contrahendum: At gratiam non habemus propriam, per hoc, quod Christus Dominus eodem modo sit constitutus caput nostrum morale, adeo ut ejus obedientia per unionem moralem voluntatum nostrarum cum illo fiat obedientia nostra; sed ex meritis Christi Domini obtinemus gratiam physice inhærentem. Quamvis autem in alio ordine potuisset gratia haberi per formam extrinsecam physice, & solum moraliter intrinsecam, ut infra dicemus; at de facto habetur per formam physice inhærentem: etenim verba Conciliorum, non secus ac verba Scripturae accipienda sunt in sensu proprio, & usitato, si nihil obset; inhærere autem absolute prolatum importat physicam inhærentiam; ergo cum Tridentinum dicat, iustitiam nobis inhære, intelligendum est de inhærentia physica.

Ad confirm. esto inter homines esse amicum, adoptivum, haerem habeatur per formam moralem; at de facto esse amicum Dei, adoptivum, & haerem habeatur à forma physica, nempe à gratia, quae est participatio Divinae naturae; quare adeo filio Dei, non quidem naturalis, cum sit in persona extranea, sed adoptiva; filius autem Dei non potest non esse etiam amicus, ut infra explicabimus, & haeres; ergo omnes hujusmodi effectus de facto habentur à forma physica, & consequenter sunt physici.

IV. Objc. 2. Esto verum sit, quod gratia sit qualitas physice inhærens, at non proinde est permanens, cum possit esse physice transiens, & moraliter permanere; eo pacto, quo peccatum praeteritum denominat hominem moraliter iniustum, si moraliter perseveret; ergo gratia non est qualitas permanens.

Resp. ex verbis Concilii, ex ratione Conclusionis, & ex sensu Scholasticorum constare, de facto iustificationem haberi per qualitatem permanentem; licet enim sit dignus odio qui peccavit, donec exhibeat conditionem satisfactionem, aut remissionem obtineat; at non est dignus amore Dei, qui formam amicitiae non habet, seu qui non habet in se, sed habuit participationem Divi-

vine naturæ, quæ fiat filius, & hæres. Quicquid sit, an de possibili dari possit forma hujusmodi, quæ post primam sui existentiam moraliter perseveret, ut esset actus dilectionis Dei, si juxta sententiam Vasq. formaliter justificaret?

Dubitat hic, Utrum forma justificans sit una simplex qualitas, an vero complexum omnium habituum supernaturalium, ut docuerunt Sot., Veg., & alii? Dicendum tamen cum communi, esse simplicem qualitatem, quia scilicet habitus infusi, cum sint potentie, & proprietates supernaturales, connaturaliter profluere debent à sua natura, & radice, quæ est gratia sanctificans. Constat etiam ex Tridentino dicente, justificationem fieri per infusionem gratiæ, & donorum; unde distinguit inter gratiam, (quam definit sess. 5. can. 5. culpam originale remittere) & reliqua dona, seu habitus, qui justificare non possunt; remissa enim per peccatum gratia, remanent in peccatore habitus supernaturales Fidei, & Spei, si peccatum his virtutibus non opponatur, nec per hoc habetur justificatio. Dicitur quidem aliquando, justitiam consistere in aggregato omnium virtutum; at nomine justitiæ non venit tunc forma justificans, sed aptitudo, ac dispositio proxima, ac permanens ad honeste vivendum.

QUESTIO II.

Quanam sit participatio Divinæ naturæ, in qua reponitur metaphysica Gratiæ essentia?

I. Certum est, gratiam esse participationem Divinæ naturæ, atque adeo in hoc prædicato ejus essentiam metaphysicam reponi; quod habetur ex 2. Petri 1. ubi dicitur: *Maxima, & pretiosa nobis promissa denavit, ut per hoc efficiamini Divina consortes nature.* Dubitatur tamen, in quo sensu dicatur Divinæ naturæ participatio, ita ut sit ejus proprium prædicatum? quævis enim natura dici potest Divinæ naturæ participatio; nam sicut natura Divina est primum principium suorum attributorum, ita quælibet natura creata est primum principium suarum proprietatum.

II. Dico 1. cum Martinonio disp. 40. sect. 6. Gratiam recte dici specialem participationem Divinæ naturæ physice sumptæ, per hoc, quod sit natura supernaturalis, seu radix omnis supernaturalitatis.

Prob. Quod est proprium naturæ Divi-

næ, & excedit omnem naturam substantialem creatam, est, posse seipsum immediate, & intuitive cognoscere, & amare perfectissime amore consentaneo Visioni; atqui gratia est primum principium, & radix omnium habituum, & actuum supernaturalium, per quos substantia rationalis creata ordinatur ad Dei Visionem, & amorem fructivum; ergo in hoc sensu gratia recte dicitur speciali modo participatio Divinæ naturæ. Major est communis inter Theologos, negantes possibilitatem substantiæ supernaturalis, seu naturæ, cui debeatur Visio Dei; atque adeo proprium naturæ Divinæ est posse seipsum intueri.

Confirm. 1. Jo. 3. dicitur: *Omnis, qui natus ex Deo, peccatum non facit, quia semen ipsum in eo manet;* ergo gratia dicitur participatio Divinæ naturæ per hoc, quod sit veluti semen Dei; semen autem est participatio physica naturæ generantis; ergo gratia est participatio naturæ Divinæ non moraliter tantum, sed etiam physice sumptæ. Ex hoc autem, quod per gratiam, utpote radicem supernaturalitatis, homo ordinetur ad Deum intuemum, quod soli naturæ Divinæ connaturaliter convenit, bene gratia dicitur participare naturam Divinam specialissimo modo; adeo ut sola gratia per antonomasiam dicatur participatio naturæ Divinæ; quamvis re vera omnes creaturæ sint entia per participationem Dei; ergo gratia est participatio Divinæ naturæ sumptæ physice per hoc, quod sit radix omnis supernaturalitatis.

Confirm. 2. quia homo inter cæteras creaturas dicitur factus ad imaginem, & similitudinem Dei per hoc, quod possit abstractive Deum cognoscere, & amare; ergo à fortiori erit similis Deo, & speciali modo participans naturam Divinam, si potest Deum intuitive cognoscere, & eoque frui; atqui per gratiam habet homo talem naturam, quæ exigit proprietates, & actus supernaturales ad Dei visionem conducen-tes; ergo gratia est specialis participatio naturæ Divinæ physice sumptæ per hoc, quod sit radix omnis supernaturalitatis, & natura supernaturalis.

Ubi adverte, gratiam non esse naturam ut quod, sed ut quo; naturæ enim ut quod erin competunt; primum est, quod sit primum esse, atque adeo esse substantiale; gratia autem est accidens: Secundum, quod sit principium operativum immanenter; gratia autem non operatur immanenter, seu in se, sed in anima, cui inest; unde anima, seu

homo credit, sperat, amat amore merito-rio vitæ æternæ, non gratia, nisi ut quo. Tertium, quod per potentias suas ipsa fi-nem suum consequatur; atqui per faculta-tes, & potentias gratiæ, nempe per habi-tus infusus, non gratia, sed homo finem suum ultimum consequitur; ergo gratia non est natura supernaturalis ut quod, sed ut quo.

III. Objic. etiam lumen gloriæ, & aliz hujusmodi formæ supernaturales ad visi-onem Dei conducunt; ergo etiam lumen gloriæ deberet dici participatio Divinæ na-turæ specialissima, & forma sanctificans, sicut est gratia.

Resp. lumen gloriæ, quamvis visionem Dei causet efficienter, non est tamen pri-ma radix supernaturalitatis videlicet exigens potentias supernaturales productivas actuum, quibus homo ad visionem Dei perducatur; ergo non habet rationem naturæ, seu pri-mi principii motus, & quietis, & ideo non est participatio Divinæ naturæ, in quan-tum naturæ, sicut est gratia. Et eadem ratione probabiliter nec est dicenda forma sanctificans habitus, aut actus charitatis, visio Dei, maternitas Beatæ Virginis, unio hypostatica &c. ut susus dicemus quæst. 6.

IV. Dico 2. Gratia potest etiam dici spe-cialissima participatio Divinæ naturæ ethi-cæ, & moraliter sumptæ, quatenus natu-ra bona significat indolem apte dispositam ad bonos, & indispositam ad malos mores. Ita Espar. quæst. 2. Ovied. tract. 8. con-trov. 1. punct. 3. & alii apud Amic. disp. 29. sect. 4.

Prob. 1. quia Patres in hoc sensu inter-pretantur apud Ripal. disp. ult. sect. 7. & 9. textum adductum Divi Petri, qui pos-tquam dixit: *maxima, & pretiosa nobis pro-missa donavit, ut per hac efficiamini Divina con-sortes naturæ*, addit: *fugientes ejus, qui in mundo est, concupiscentia corruptionem; vos au-tem curam omnem subinferentes, ministrare in fide vestra virtutem, in virtute scientiam, in scientia abstinentiam, in abstinentia patientiam, in patientia pietatem &c.* ergo ex A-postolo Petro gratia reddit nos participes na-turæ Divinæ ethicæ, & moraliter sumptæ.

Confirm. quia 1. Jo. 2. dicitur: *Sciote, quoniam & omnis, qui facit justitiam, ex ipso natus est.* Unde Sanctus Leo serm. 1. de nativitate dixit: *Agnosce homo dignitatem tuam, & Divina consortis factus natura na-ti in veterem vilisatem degeneri conversatione ordine;* Idemque videtur expressisse D. Th. quæst. 110. art. 2. ad 2. ubi dicit: *Est na-*

bilior gratia, quam natura anima, in quan-tum est expressio Divina bonitatis, non quoad modum essendi. Adde, in hoc etiam sensu di-ci in Scripturis peccatorem esse filium di-aboli, atque adeo diaboli naturam participa-re, dum dicitur Jo. 8. *Vos ex Patre diabolo estis.*

V. Prob. 2. ratione, quia est specialis-simum Divinæ naturæ prædicatum, quod habeat dispositionem ad opera moralia honesta, & impossibilitatem cum operibus inhonestis, seu cum peccato; atqui per gra-tiam homo habet dispositionem ad opera moralia honesta, quatenus gratia est radix habituum, & actuum supernaturalium, & impossibilitatem cum mortali; ergo in hoc etiam sensu gratia est specialissima parti-cipatio naturæ Divinæ ethice sumptæ.

Neque obstat, quod sanctitas Divina sit etiam impossibilis cum veniali, secus vero gratia, seu sanctitas creata. Nam pro-positio inter utramque sanctitatem non de-sumitur ab iis multis prædicatis, in quibus disconveniunt, sed ab eo tantum, in quo conveniunt; non enim quia natura Di-vina est natura substantialis à se, identifi-cata cum potentia, & actu, quæ prædica-ta non conveniunt gratiæ, idcirco non convenit gratia cum natura Divina in hoc prædicato, quod disponat hominem ad om-nia sanctitatis opera, & impossibilitatem habeat cum mortali: quod satis est ad dicendum, quod gratia non sit quidem na-tura Divina, sed sit ejusdem specialissima participatio.

VI. Objic. habitus fidei, & spei sæpe præsupponuntur ad ipsam gratiam sanctifi-cantem, ad quam per suos actus disponunt; ergo non sunt proprietates gratiæ, & con-sequenter gratia non disponit ad omnia san-ctitatis opera, tanquam prima radix.

Resp. quod licet sæpe actus, & habitus fidei, & spei præsupponantur ad gratiam, non per hoc desinunt esse passionēs, & pro-prietates gratiæ; sicut enim calor, qui præ-supponitur ad formam ignis, & ad illam disponit, adhuc est proprietas ignis, quia à forma ignis exigitur, quæ calorem pro-duceret, si non reperisset antecederenter pro-ductum; ita pariter habitus fidei, & spei licet ad gratiam aliquando præsupponantur, adhuc sunt proprietates gratiæ: quando e-nim peccator per infidelitatem amittit ha-bitum fidei, & gratiam, si per penitentiam recuperat gratiam, recuperat etiam habi-tum fidei ab eadem gratia exigitum, & productum, sive physice, sive moraliter juxta varias sententias.

VII. Denique nonnulli putant, gratiam participare naturam Divinam, non solum physicæ, & moraliter sumptam, sed etiam metaphysicæ, seu sumptam pro primo prædicato constituyente essentiam metaphysicam Dei; Nam, qui docent cum Thomistis, huiusmodi prædicatum esse intellectivitatem, dicunt, gratiam esse specialem participationem naturæ Divinæ metaphysicæ sumptæ, quatenus perducit ad Deum videndum, quod spectat ad lineam intellectivi: Qui vero dicunt, primum Dei prædicatum esse rationem entis, seu plenitudinem essendi, docent, gratiam esse Divinæ naturæ participationem, quatenus disponit ad omnem moralem perfectionem, usque ab beatitudinem obtinendam, in qua habetur plenitudo essendi unicuique consentanea: Et qui docent, primum Dei prædicatum esse Aleitatem, seu sufficientiam essendi independentem à quovis alio, dicunt, Gratiam participare huiusmodi prædicatum, quatenus disponit creaturam rationalem ad illam essendi sufficientiam, cuius est capax, nimirum ad beatitudinem supernaturalem, in qua appetitus rationalis conquiscat; Hoc tamen satis fit innuisse.

QUÆSTIO III.

Utrum Gratia dici possit Donatio Spiritus Sancti; adeo ut Persona Spiritus Sancti de formali veniat ad constituendum Filium Dei adoptivum?

I. AD intelligentiam questionis præmitto, communem Theologorum sententiam circa essentiam gratiæ esse, quod sit qualitas physica supernaturalis absoluta, & non moralis, & participatio Divinæ naturæ, non quidem in suo esse reali, ut est unio hypostatica, sed tantum similitudinariæ, eo pacto, quo calor v. g. dicitur participare naturam ignis; ita ut vi talis formæ anima extollatur ad filiationem Dei adoptivam, ad amicitiam, ad hæreditatem; cum enim Deus per gratiam disponat creaturam, illique jus conferat ad Dei visionem, & ad beatitudinem supernaturalem, eo ipso vult illi impertiri hæreditatem suam, seu jus ad bona omnia, quæ potest illi communicare, quibus evadat felix intuitivo videndo Deum, & fruendo ejus summa bonitate; quod expresse Apostolus ad Galat. 4. dicens: *Miser Deus Filium suum factum ex muliere, factum sub le-*

ge, ut eam, qui sub lege erat, redimeret, ut adoptionem filiorum reciperemus; quoniam autem essis filii Dei, misit Deus Spiritum suum sui in corda vestra, clamantem Abba, Pater; Itaque non est servus, sed filius, quod si filius, et hæres per Deum. Quia tamen filius adoptivus est dignus amore Patris, hinc filius Dei adoptivus non solum est hæres vitæ æternæ, sed etiam Dei amicus.

II. Ut autem appareat, quid intersit inter Adoptionem humanam, & Divinam; sciendum, Adoptionem definiri à Theologis, & Jurisconsultis apud D. Th. quæst. 23. art. 1. quod sit: *Persona extranea in filium legitima assumptio; & in Concilio Francofordiensi apud Ovied. tract. 8. contrav. 1. punc. 4. dicitur: Quid est Adoptio? nisi charitatis copulatio, qua Pater adoptione copulas filium, quum per generationem non habet: Unde duo ad adoptionem requiruntur: primum quod libere aliquis assumatur, in filium, & conferatur illi citra aliam obligationem jus ad hæreditatem: Alterum est, quod sit persona extranea, non filius naturalis; filius enim naturalis cum habeat in se quandam portionem Patris, non dicitur extraneus à patre; & hac de causa Christus Dominus, quamvis affectus gratia sanctificante, non dicitur filius Dei adoptivus, sed naturalis. In hac definitione convenit Adoptio Divina, quæ sit per gratiam, cum humana discrepant tamen in eo, quod Adoptio Divina de facto sit per formam physicam, quæ copulat charitate hominem cum Deo, & illi tribuit jus ad hæreditatem Dei; adoptio vero humana, & legalis sit per formam moralem, & extrinsecam, seu per solam voluntatem assumendi aliquem in filium. Hinc qui adoptatur à Deo, dicitur à Deo natus, ut habetur 1. Jo. 3. *Omnis, qui natus est ex Deo, non peccat, quia semen ejus in eo manet: contra vero qui adoptatur ab homine, non dicitur ab illo natus; nasci enim ex aliquo est formam ex eo similem generatione trahere, juxta celebrem definitionem generationis, quod sit Origo viventis à vivente principio conjuncte in similitudinem naturæ; per gratiam autem habetur origo viventis à vivente per conjunctionem istam copulatam charitate hominem cum Deo in similitudinem imperfectam cum natura Divina, ut explicavimus quæst. antecedente; unde per gratiam habetur Dei filiatio, non naturalis, cum sit personæ extraneæ, sed adoptiva: non enim natura Divina communicatur homini vel vi processione per identitatem, & perfectissimam simi-**

similitudinem, ut communicatur Verbo, neque per physicam substantialem unionem, ut communicatur Humanitati Christi Domini.

III. Præmitto 2. adversus communem hanc Theologorum sententiam circa essentiam gratiæ opinatum fuisse Lessium lib. 12. de Divinis perfectionibus cap. 11. apud Mazarat. de gratia disp. 11. & apud Oviedum loc. cit. & cum Lessio Petavium tom. 2. lib. 8. cap. 4. & alios inhaerentes doctrinæ Magistri sententiarum in 1. dist. 17. dicendo, Gratiam esse entitatem modalem, & complementum Divinæ voluntatis libere donantis Spiritum Sanctum, ac deitatem animæ; atque hac ratione hominem dici filium Dei adoptivum, quia participat realiter, & non similitudinarie Divinam naturam sibi donatam. Hanc autem unionem animæ cum Spiritu Sancto, & Deitate docent non esse physicam, ut est unio hypostatica, tum quia homo non esset persona extranea, pro ut requiritur ad adoptionem, tum quia etiam homo sanctificaretur infinite, ut humanitas Christi Domini; sed moralem, seu vinculum morale approprians animæ Spiritum Sanctum; ita ut in homine dicatur inhabitare, illumque regere. Quia tamen Spiritus Sanctus appropriatur animæ per donationem, & donatio ista, quamvis sit Spiritus Sancti similitudo, fieri potest limitate quoad effectus ab eo ponibiles (sicut meritum Christi infinitum, quando nobis per Sacramenta appropriatur, donatur limitate) hinc est, quod effectus gratiæ sanctificantis in nobis non sunt illimitati. Quare Spiritus Sanctus communicatus per gratiam, & donationem est forma filiationis adoptivæ; Sicut enim forma filiationis naturalis est forma, seu natura, similibus, communicata naturaliter per generationem; ita in casu forma filiationis adoptivæ est ipsa natura Divina identificata cum Spiritu Sancto, libere communicata homini personæ extraneæ: Et quia donatur Spiritus Sanctus in ordine ad disponendam animam ad actus supernaturales per habitus infusus, ideo docent, Spiritum Sanctum non esse formam, sed radicem iustitiæ, & sanctitatis; quæ in anima suscipit magis, & minus, prout magis, & minus donatur Spiritus Sanctus relate ad effectus sanctitatis; Eodem modo, quo in Sacrificio, & Sacramento Eucharistiæ donatur nobis Christus Dominus relate ad effectum fructum, juxta mensuram dispositionis uniuscujusque; & eo pacto, quo moneta v.g. aurea valet vi-

ginti, potest donari relate ad quinque: His præmissis

IV. Dico cum communis apud Ovied. loc. cit. Gratiam non esse participationem Divinæ naturæ in suo esse reali, nec additivam Divinitatis cum Spiritu Sancto identificatæ in animam, ita ut de formali veniat Spiritus Sanctus ad constitutionem filiationis adoptivæ, quæ iustitiam, & sanctitatem radicet; sed esse participationem Divinæ naturæ solum similitudinariam, adeo ut Spiritus Sanctus se habeat tantum de causali, non minus ad denominationem iusti, quam ad denominationem filii adoptivi.

Prob. 1. quia in re tanti momenti, qualis est donatio Spiritus Sancti, & ejusdem conjunctio moralis cum homine iusto, non est recedendum à communi sensu Patrum, & Scholasticorum interpretantium locutiones Scripturarum, & Conciliorum; nemo autem, nisi paucis admodum demptis, locutiones Scripturarum in hanc partem interpretatus est; ergo huic sententiæ non accedendum.

Confirm. 1. quia 1. Jo. 3. dicitur, quod habens gratiam habet semen Dei in se; ergo non participat naturam divinam realiter, sed similitudinariam: aliter dici deberet, quod habeat Deum, non vero semen Dei in se.

Confirm. 2. quia juxta hanc sententiam non solum esset diversa, sed etiam longe perfectior, & nobilior gratia, quæ nobis datur in novo testamento, postquam nobis datus est Spiritus Sanctus, quam gratia veteris testamenti, quando non erat datus; etenim Jo. 7. dicitur: *Nondum erat Spiritus Sanctus datus, quia nondum erat Jesus glorificatus*; sequela enim non videtur admittenda; Quis enim dixerit, infantem baptizatum in novo testamento ratione Spiritus Sancti sibi donati præcellere antiquis Patriarchis?

V. Prob. Deinde Conclusio directe ex Ovied. quia quamvis Theologi omnes cum D. Th. 1. p. quæst. 44. art. 3. apud Suar. de Trinit. lib. 12. cap. 5. communiter doceant, dari per gratiam iusto specialem titulum, quo Spiritus Sanctus in eo fit realiter præsens; ita ut si per impossibile Spiritus Sanctus non esset immensus, deberet esse præsentialem, & realiter in anima iusti, in qua tanquam in suo templo inhabitet; cum hoc ferat amicitia hominis cum Deo ex D. Dionys. Amor enim ex D. Th. 1. 2. quæst. 28. art. 1. est virtus unitiva, tendens quantum est ex se ad Unionem etiam

iam realem, seu præsentialem amantis cum amato; nihilominus Spiritus Sanctus animæ per gratiam unitus, nonnisi radicaliter, & causaliter concurrit ad denominationem iusti, & amici; ergo radicaliter etiam, & effective, non formaliter concurrit ad denominationem filii adoptivi; & consequenter participatio divinæ naturæ est solum similitudinaria causata à Spiritu Sancto; non vero participatio moralis ipsius Spiritus Sancti in suo esse reali, juxta sententiam Lessii. Antecedens ab ipso Lessio admittitur, & constat ex Tridentino dicente sess. 6. cap. 7. Causam formalem nostræ justificationis non esse iustitiam Dei, qua ipse iustus est, sed qua nos iustos facit. Probatur itaque consequentia, quia ex Tridentino loco laudato unica est causa formalis nostræ justificationis, qua homo non solum fit ex injusto iustus, & ex inimico amicus, sed etiam filius Dei adoptivus, & hæres vitæ æternæ; ergo si Spiritus Sanctus non est causa formalis, sed effectiva nostræ iustitiæ, erit pariter causa effectiva, & non formalis adoptionis; aliter contra Tridentinum utriusque effectus non esset unica causa formalis.

Neque dicas, unicam quidem esse causam formalem utriusque denominationis, videlicet gratiam inhærentem, seu qualitatem modalem, completivam donationis Spiritus Sancti, sed relate ad denominationem iusti, & amici esse causam formalem, ut quod; relate ad denominationem filii adoptivi, ut quo; quia sola natura divina, seu Spiritus Sanctus potest esse causa formalis; ut quod, relate ad denominationem filii, quæ fert participationem naturæ Patris.

Nam contra est primo, quia si gratia inhærens esset causa formalis ut quo, relate ad denominationem filii, eo ipso præter hanc deberet dari causa formalis, ut quod, quæ per adversarios est ipsa natura Spiritus Sancti; ergo recurrit, quod non esset unica, sed duplex causa formalis nostræ justificationis contra Tridentinum. Propterea Ripal. disp. ult. num. 127. dicit, sententiam hanc Lessii videri sibi suspectam, & indignam tanto Theologo. Contra secundo, quia causa formalis ut quo alicujus denominationis non est ipsa causa formalis talis denominationis, v. g. unio caloris cum subiecto non est forma denominationis calidi; atqui Tridentinum assignando causam formalem nostræ justificationis, qua reddimur iusti, amici, & filii, assignat ipsam formam; ergo ex Tridentino gratia inhæ-

rens non est causa formalis ut quo, sed ut quod, etiam relate ad denominationem filii.

Confirm. 1. quia ex Tridentino forma justificationis est forma nobis inhærens; atqui Spiritus Sanctus non est forma inhærens, nec est forma inhærens ipsa donatio Spiritus Sancti, quippe quæ est actus divinus cum Deo identificatus; Quicquid sit, an compleatur per aliquod extrinsecum; ergo forma adoptionis, & justificationis, neque est Spiritus Sanctus, neque Spiritus Sancti donatio, sed donum ejusdem.

Confirm. demum, quia si filiatio adoptiva haberetur formaliter per naturam divinam identificatam cum Spiritu Sancto animæ communicatam, iustus esset, & non esset filius adoptivus; esset quidem, quia natura divina personæ iusti communicaretur libere (non vero naturaliter, ut communicatur personalitati Christi Domini, hoc est personæ Verbi) ex altera parte non esset filius adoptivus, sed naturalis, quia ad rationem filiationis adoptivæ spectat, quod natura sit similis in specie ad summum, non vero eadem in adoptante, & adoptato; quis enim neget, esse filium naturalem illum, qui habet eandem omnino naturam cum suo genitore? ergo ut prius.

VI. Obj. 1. Filiatio formaliter constituitur per naturam acceptam; nasci enim ex aliquo est formam ex eo similem generatione trahere; ergo si iustus est filius Dei adoptivus, ita ut vere dicatur à Deo natus, debet accipere naturam divinam: non potest autem illam accipere similem in specie, cum repugnet, naturam divinam multiplicari; ergo debet accipere naturam eandem; ergo forma filiationis adoptivæ Dei non est, nisi Spiritus Sanctus cum natura divina identificatus, donatus animæ iusti.

Resp. filiationem Dei adoptivam non haberi per participationem ejusdem naturæ divinæ; quia iustus deberet dici filius Dei naturalis, ut est Christus Dominus; Neque haberi per acceptionem naturæ divinæ similis in specie, cum id repugnet; Quare habetur per participationem naturæ divinæ similis similitudine imperfecta, per hoc scilicet, quod gratia imitetur naturam divinam, modo explicato quæst. antecedenti. Propterea non accipitur à iusto persona Spiritus Sancti, sed ejus donum, ne dicamus, iustum esse filium Dei naturalem. Sicut autem non potest in filio ado-

prius esse eadem omnino natura, ac in adoptante, ita non requiritur, quod sit similis in specie, ut patet, quia si Angelus adoptaret hominem, non deberet illi communicare naturam Angelicam, sed solum jus ad hæreditatem; sufficit ergo ad adoptionem, quod natura participata sit similis similitudine imperfecta jam explicata.

VII. Obje. 2. Scripturæ passim dicunt, Spiritum Sanctum inhabitare in iusto, & charitatem Dei diffundi in cordibus nostris per Spiritum Sanctum, qui datus est nobis; ergo per gratiam ipse Spiritus Sanctus animæ unitur, non quidem physice, sed moraliter per donationem, & appropriationem illius.

Confirm. 1. quia cibus non potest esse nobilior vita, ad quam nutriendam ordinatur; ergo cum Christus Dominus sit noster cibus, & veluti medium ad vitam gratiæ nutriendam, hæc non debet esse imperfectior Christo Domino; atque adeo debet donationem Spiritus Sancti continere.

Confirm. 2. quia filiatio debet fundare jus ad hæreditatem; atqui si filiatio adoptiva explicetur per donationem Spiritus Sancti, bene intelligitur, quomodo fundet jus ad vitam æternam: secus vero, si explicetur per participationem similitudinariam divinæ naturæ; ergo: Probatur minor, quia si gratia sit participatio similitudinaria divinæ naturæ, ipsa simul esset filiatio adoptiva, & jus ad hæreditatem; ergo hoc jus non fundaretur in filiatione.

Resp. Spiritum Sanctum dari nobis per gratiam; non quia immediate donatur Spiritus Sanctus, sed quia datur nobis donum hoc maximum Spiritus Sancti, nempe gratia, ratione cujus est in nobis titulus specialis, quo Spiritus Sanctus nobis sit præsens, imò quo tota Trinitas in nobis inhabitet per unionem affectivam, & moralem propriam amicitiae. Sicut enim in sententia Lessii Spiritus Sanctus non formaliter, sed causaliter se habet relate ad denominationem amici, & iusti, ita pariter solum causaliter se habet relate ad denominationem filii, posito, quod ex Tridentino unica sit causa formalis nostræ justificationis, qua habetur tam denominatio amici, & iusti, quam denominatio filii adoptivi.

Ad primam confirmationem: in utraque sententia verum est, quod Christus Dominus sit cibus, non quidem nutriendus Spiritu.

Part. III.

tum Sanctum, sed animam iusti; atque adeo etiam in sententia Adversariorum nobilissimus est ex divina misericordia medium, quam sit finis: hoc autem non fit inordinatum, quia ultimus finis operum Dei est ipse Deus; Etenim *Universa propter semetipsum operatur est Dominus*, ut habetur Prov. 16.

Ad secundam nego minorem. Ad probationem concedo, quod eadem gratia realiter constituat filiationem, & jus ad hæreditatem; sed ratione nostra hoc jus consequitur ad filiationem adoptivam, sicut risibile ratione consequitur ad rationale, quamvis identifiçetur realiter.

QUÆSTIO IV.

Utrum admissa possibilitate gratiæ, quæ habeatur per donationem Spiritus Sancti, posset iustus satisfacere pro mortali condigne?

I. Q. Uærimus hic, An si fiat hypothesis, quod de facto donetur Petro juxta sententiam Lessii persona Spiritus Sancti, posset Petrus affectus hujusmodi gratiæ, & habens sibi appropriatum Spiritum Sanctum, satisfacere condigne pro peccato mortali alieno, etiam si supponatur cum communiori, non posse puram creaturam affectam gratiæ præsentis ordinis pro mortali condigne satisfacere, & peccatum mortale esse gravitatis finitæ? Affirmant nonnulli ejus gratiæ patroni.

Conseo equidem, in facta hypothesis Petram, cui facta est donatio, & appropriatio Spiritus Sancti juxta sententiam Lessii, non posse pro mortali condigne satisfacere. Conclusio consonat doctrinæ D. Th. 3. p. q. 5. ar. 2. ubi docet, quod quia offensa eo est gravior, quo persona, quæ offenditur, est dignior, oportet ad condignam satisfactionem pro offensa Dei, quod actus satisfaciens habeat efficaciam infinitam, quæ certe in casu non haberetur.

Prob. Concl. Illa satisfactio est condigna; quæ adæquat, aut superat gravitatem offensæ; sed satisfactio in casu nostro non esset hujusmodi; ergo non esset condigna: Probatur minor; Satisfactio Petri esset submissio personæ creatæ, atque adeo esset in-

Q

or-

ordine creato, & infimo; offensæ vero est divina, seu in ordine divino, & summo; ergo non coequantur: Universim autem ex Phil. 3. Eth. 5. sicut gravitas offensæ crescit ex dignitate personæ offensæ; ita valor satisfactionis crescit ex dignitate personæ satisfaciæntis; cum enim injuria sit quidam contemptus dignitatis personæ, cui irrogatur, gravitatem sumit à dignitate personæ offensæ; contra vero cum satisfactio sit humilis submissio personæ exhibitæ in obsequium dignitatis læsæ, haurit valorem à dignitate personæ satisfaciæntis: propterea offensæ divina non potest coequari, nisi à satisfaciæione, quæ sit pariter in ordine divino; atque adeo à sola satisfaciæione præstita ab Humanitate assumpta; nam quæ ordine sunt diversa, quantumcumque multiplicentur, non possunt coequari: Sic infinita venialia non coequantur mortali; nec infinita entia materialia coequari possunt uni Spiritui, nec infinita merita naturalia proportionari possunt uni præmio supernaturali.

II. Confirm. 1. In tantum potest Christus Dominus condigne satisfacere pro mortali, & non potest pura creatura etiam affecta gratia præsentis ordinis, quia dum Christus Dominus se submittit, Verbum ipsum per communicationem idiomatum, esto non formaliter, se submittit Patri, & sic habetur submissio divina infiniti valoris, infinite excedens gravitatem offensæ; contra vero quando se submittit creatura affecta gratia præsentis ordinis, submissio nec formaliter, nec per communicationem idiomatum est in ordine divino; atque adeo non coequatur offensæ, ut fuse dicemus, Deo dante, in de Incarnatione; atque etiam si Spiritus Sanctus donetur Petro juxta sententiam Læssii, adhuc submissio Petri est creata, seu personæ dignitatis finitæ; Neque enim est submissio ipsius Spiritus Sancti, aut formaliter, quod repugnat, aut per communicationem idiomatum, ut patet; ergo est in ordine inferiori ad offensam; atque adeo non est condigna satisfactio pro mortali.

Confirm. 2. Orator regius, si se submittat nomine regio, reddit quidem submissionem regiam, & reponit illam in ordine regio; at si se submittat nomine proprio, quamvis reddat submissionem digniorem, quam si non esset Orator regius, non reddit tamen illam regiam, quæ possit coequari offensæ regie; ergo licet submissio Christi Domini sit divina, & infinite di-

gna, quia per communicationem idiomatum est ipsius Verbi; at submissio Petri in casu nostro, cum non sit facta nomine Spiritus Sancti, non est divina; quamvis sic præstantior, quam si Petrus careret tali donatione; ergo non potest coequari offensæ divinæ.

Neque dicas, submissionem Petri esse in ordine divino per hoc, quod sit personæ habentis Spiritum Sanctum, & divinitatem sibi donatam. Nam contra est primo, quia etiam creatura affecta gratia præsentis ordinis posset de facto condigne satisfacere pro mortali, quia pariter ejus submissio est aliquid divina per hoc, quod sit creaturæ habentis participationem naturæ divinæ; quod tamen ab Adversariis non admittitur. Contra secundo, quia etiam si Spiritus Sanctus donaretur Paulo, & non in ordine ad operationes supernaturales, sed solum in ordine ad operationes naturales meritorias beatitudinis naturalis, adhuc deberet posse condigne satisfacere pro mortali, quia adhuc in hoc casu Paulus haberet sibi moraliter unitum, ac donatum Spiritum Sanctum relate ad iustitiam naturalem; eomodo, quo donatur Spiritus Sanctus Petro in sententia Læssii, relate ad iustitiam supernaturalem; quod neque ab Adversariis admittitur. Ratio à priori est, quia quamvis Spiritus Sanctus donetur Petro, & sic operationes Petri dignificentur, nihilominus significantur solum extrinsece à Spiritu Sancto veniente in obliquo, quia Spiritus Sanctus neque formaliter, neque per communicationem idiomatum submittitur; ergo non reponuntur in ordine divino; sicut operationes præstitæ ab Oratore regio non reponuntur in ordine regio, nisi tant nomine Regis.

III. Confirm. tertio. Per hoc, quod Petro donetur Spiritus Sanctus, non per hoc ejus operationes sunt in actu primo infinite dignæ, eo pacto, quo sunt operationes Christi Domini; Unde nemo dixerit, quod Petrus possit mereri alteri unionem hypostaticam, sicut potest mereri Christus Dominus; & hoc non aliunde, nisi quia licet operationes Petri dignificentur à Spiritu Sancto, non reponuntur tamen in ordine divino; ergo ut prius.

His adde, quod si per impossibile persona, quæ Deum offenderet, esset infinita, & divina, satisfactio ut esset condigna, deberet pariter esse à persona divinæ: ergo à fortiori si persona, quæ Deum offendit, sit

creata, & infinite vilis pro Deo offenso; ac qui quando Petrus se subiecit habens appropriatum Spiritum Sanctum; persona quæ satisfacit, non est divina; ergo ejus satisfactio non est condigna.

Denique, si Petrus posset satisfacere, jam non fuisset necessaria Incarnatio ad exhibendam condignam satisfactionem pro mortali; Patres autem, & Scholastici communissime docent, Incarnationem fuisse necessariam, ut videre est apud Vasq. disp. 4. cap. 3. Suarez. Valent. & alios passim. D. Basilus in illud Psalm. 48. *Frater non redimit, redimet homo*; addit: *Non nudus homo, sed homo Deus Jesus Christus, quia nullus alius poterat condignum offerre pretium*. Aug. in Enchir. cap. 108. *Nique per ipsum liberarunt mediator Dei, & hominum, hominem Christum Jesum, nisi esset, & Deus*; Et quævis Scotistæ doceant, posse puram creaturam condigne satisfacere pro mortali; At primo Mansuetus disp. 4. q. 5. art. 2. docet, id non esse de mente Scoti. Deinde Scotistæ solum volunt, posse Deum acceptare nostras satisfactiones pro mortali; & eis contentum esse, quin doceant, nostras satisfactiones posse esse de se condignas, adeo ut tanti fiant in linea submissiois, quanti sit peccatum in linea offensæ, sicut dicimus esse satisfactiones Christi Domini. Quare ex sensu Patrum, & Scholasticorum satisfactiones puræ creaturæ non possunt esse condignæ pro mortali; In casu autem nostro satisfactio Petri esset satisfactio puræ creaturæ, non vero Theatrica, seu Deivirilis: ergo non esset condigna.

IV. Obje. primo. Quamvis in casu adducto dignitas Spiritus Sancti non descendat ad dignificandas satisfactiones Petri infinite, eo modo, quo dignitas Verbi descendit ad dignificandas operationes Christi Domini, eo quod operationes Petri non essent operationes Spiritus Sancti; nec theatricæ, cum actiones dicantur esse suppositorum; nihilominus Spiritus Sanctus dignificaret operationes Petri quantum satis est, ut fiat condigna satisfactio pro mortali: ergo Petrus posset condigne satisfacere. Probatur antecedens: Ut satisfactio æquiparetur mortali; non requiritur, quod satisfactio sit infinita, sed quod tantum dignificetur à Deo; quantum gravificatur offensæ; sed operationes Petri possunt dignificari à Spiritu Sancto, quantum offensæ gravificatur à dignitate Dei offensi; ergo. Probatur minor: Offensa Dei non gravificatur, ut supponimus, infinite; sed solum juxta men-

suram cognitionis, ita ut eo gravior sit offensa, quo clarius cognoscitur dignitas Dei offensi; sed operationes Petri possunt dignificari à persona Spiritus Sancti, quantum cognitio Dei gravificatur offensam; cum enim gravitas actus à cognitione sit limitata, non est, cur non possit æquare à dignitate refusa operationibus Petri à persona Spiritus Sancti appropriati.

Confirm. Meritum Christi Domini infinitum limitatur à Deo in ordine ad præstandum effectum finitum, pro ut maluerit; adeo ut possit in actu secundo præstare effectus syncategorematicæ infinitos, tum extensivè, tum intensivè: ergo pariter dignitas orta à persona Spiritus Sancti donata Petro. Probatur consequentia, quia sicut meritum Christi in actu secundo causat effectus juxta mensuram acceptationis, ita Spiritus Sanctus Petro appropriatus causat effectus juxta mensuram donationis; ergo sicut meritum Christi Domini potest mereri præmium syncategorematicæ majus, & majus infinitum, & de facto satisfactiones Christi Domini satisfaciunt condigne pro mortali; ita poterunt operationes Petri condigne etiam satisfacere vi Spiritus Sancti appropriati.

Respond. nego. antecedens. Ad probationem nego. minorem; ad cuius probationem dico, operationes Petri quantumcumque dignificentur à Spiritu Sancto, nunquam reponi in ordine divino, in quo debent reponi, ut satisfactio conquetur offensæ Dei; quia tamen satisfactio non potest esse in ordine divino, nisi sit infinita, idcirco non nisi satisfactio infinita potest esse condigna pro mortali, quantumvis gravitatis finitæ.

Ad Confirmationem retorqueo paritatem & meritum Christi est infinitum in actu primo, non tamen est infinitum in actu primo meritum Petri habentis gratiam, juxta sententiam Lessii; & idcirco non potest mereri alteri unionem hypostaticam, quæ est in ordine divino: ergo neque potest satisfacere pro mortali, quod pariter est in ordine divino. Quare donatio Spiritus Sancti facta Petro non appropriat Spiritum Sanctum per hoc, quod possit Petrus ad arbitrium physice causare effectus, quos potest causare Spiritus Sanctus, sed per hoc, quod possit sic dignificatus disponi ad habitus infusos, atque adeo ad Dei visionem promerendam: Quamvis autem possit sic dignificari, & disponi ad merendam visionem Dei intensiorem, & intensiorem, sicut non potest dignificari ad merendam præmium.

quo sit in ordine supremo, & divino, puta Unionem hypostaticam, cum sic merens non reponatur in ordine divino; ita neque poterit dignificari ad ponendam satisfactionem, quæ sit in ordine divino, qualis requiritur, ut condigne satisfaciat pro mortali.

Adde, quod si posset submissio Petri dignificari ad condigne satisfaciendum pro mortali, quando Spiritus Sanctus donatur in ordine ad iustitiam supernaturalem, & Visionem Dei, deberet etiam ad id dignificari, si Spiritus Sanctus donaretur in ordine ad iustitiam naturalem, & ad naturalem beatitudinem: sequela autem est absurda. Ratio à priori est, quia per donationem Spiritus Sancti submissio Petri non dignificatur à Spiritu Sancto intrinsece, & formaliter, sicut dignificatur à Verbo submissio Humanitatis Christi Domini per Unionem hypostaticam, sed solum dignificatur extrinsece, & terminative; etenim submissio Petri neque formaliter, neque per communicationem idiomatum est submissio Spiritus Sancti, sed est submissio habentis Spiritum Sanctum; sicuti autem submissio amantis Deum non est submissio divina, quia Deus extrinsece, & terminative, accipiens in obliquo dignificat hanc submissionem: ita in casu.

V. Objic. secundo. Potest in æstimatione morali quod est in genere superiori adæquari aliis, quæ sunt in inferiori, v. g. unus aureus in æstimatione morali adæquari pluribus argenteis, ergo potest offensæ Dei adæquari pluribus submissionibus Petri habentis sibi donatum Spiritum Sanctum.

Confirm. Potest offensæ Regis compensari submissione totius populi, qui vitam pro Rege profundat; ergo pariter in casu.

Respond. argumentum probare, quod etiam operationes iustorum, quibus datur gratia præsentis ordinis, imo etiam operationes viribus naturalibus elicitæ possint pro mortali satisfacere. Secundo directe, distinguo antecedens; potest aurum coadæquari argento in linea physica, nego; in ratione pretii, in qua non sunt in ordine diverso, concedo antecedens, & nego consequentiam: offensæ enim divini, & submissio personæ creatæ etiam in æstimatione morali sunt in ordine diverso: aurum vero, & argentum in ratione pretii non diversificantur; ratio enim pretii formaliter pendet à voluntate Principis ordinantis utrumque metallum ad eundem finem, quare

vis id fiat inspiciendo valorem intrinsecum.

Ad Confirmationem, negant multiantecedens, putantes, congruum solum esse, ut Rex offensis, posita totius populi submissione, placeat, & liberaliter condonet offensam, quin ad id teneatur; quia satisfactio cum sit in ordine diverso, non est condigna. Equidem transmissio antecedens, nego consequentiam: Disparitas est, quia dignitas divina est infinita, & essentialis, & ideo inadæquabilis à submissione omnium Creaturarum; dignitas vero regia est limitata, & accidentalis, & ideo adæquabilis à submissione non regia.

Ut hoc percipiatur, sciendum, satisfactionem in genere honoris fieri submissione personæ satisfaciens; submissio autem creaturæ erga Deum minimi sit in æstimatione morali; est enim submissio, itio in inferiorum locum eo, quo quis est; creatura autem respectu Dei est in infimo loco, adeoque submissio per actus liberos, & obsequiosos minimi æstimatur; sicut minimi æstimatur deosculatio pedum E. gr. facta Pontifici à rustico: Per hoc autem, quod Petrus in casu nostro habet sibi donatum Spiritum Sanctum, persona tamen, quæ submittitur, non est Spiritus Sanctus, sed persona creata Petri, quæ est in ordine infimo; unde non potest in æstimatione morali coadæquari offensæ divinæ, quæ est in ordine supremo. Hinc fit, quod offensæ regia possit æquiparari in æstimatione morali à pluribus satisfactionibus populi, vel plebei; cum enim dignitas regia sit finita, & accidentalis, potest Rex indigere ipso plebeo, ut ab eo dignitas regia vel obtineatur, vel conservetur; Propterea apud prudentes tantum æstimatur offensæ regia, quantum obsequium plebei, à quo dignitas regia conservetur: At dignitas divina est essentialis; Unde non potest Deus indigere obsequiis Creaturarum, à quibus in sua dignitate conservetur; ergo nisi satisfactio sit infinita, & submissio sit theantra, etiam si sit ipsius Deipatæ, nedum Petri habentis Spiritum Sanctum, nunquam æquiparatur in æstimatione morali offensæ divinæ.

Adde, quod in æstimatione morali utilitas magna coadæquatur honori: Unde apud Matrimonium initur inter maritum nobilem, & uxorem divitem; ergo si Plebejus afferat eam utilitatem Regi, quæ coadæquetur dehonorationi per offensam peribitam, poterit condigne satisfacere. Contra vero creatura nihil utilitatis potest Deo conferre; Unde non potest offensæ divinæ

nisi

nisi per satisfactionem pariter divinam compensari.

Q U A E S T I O V.

Utrum Gratia sit essentialiter impossibilis cum mortali?

I. Variant in hac quaestione, ac desudant Theologi. Aliqui cum Lorez p. 2. disp. 40. putant, gratiam de facto coexistere cum mortali pro primo tantum instanti. Hanc tamen singularem Longe sententiam alii absurdam, jilii temerariam appellant; est enim in contrarium communior. Theologorum sententia docens ex Tridentino, gratiam de facto esse peccati absterivum, atque adeo cum peccato impossibilem. Dubitatur itaque solum, Utrum impossibilis gratia cum peccato in praesenti ordine sit essentialis, ut docent communis cum Vasquez p. 2. disp. 204. An solum naturalis, & physica; unde de potentia absoluta possit peccatum cum gratia conjungi, non secus ac calor cum frigore, ut docent Suar. lib. 7. cap. 20. Ovied. tract. 8. contr. 4. p. 3. Ripa. cum Thomistis: At vero sit impossibilis tantum moralis propter gratiae excellentiam, ut docent Less. Sal. apud Ovied. quatenus dedecet gratiam cum peccato conjungi, sicut dedecet homicidium v.g. assumi ad sacerdotium; An demum impossibilitas ista proveniat non ex natura gratiae, sed ex lege extrinseca Dei, decernentis ad praesentiam gratiae remittere peccatum, ut docent Scotistae, & Nominales?

II. Dico equidem primo: Gratia praesentis ordinis essentialiter, & ex intrinsicis suis praedicatis est impossibilis cum peccato gravi habituali. Dixi, cum peccato gravi, quia de fide est, non esse impossibilem cum peccato levi; Dixi etiam, cum peccato habituali, ut praescinderem ab ea quaestione, an peccatum remitti possit pro instanti, quo fit: si enim remitti non potest, est pariter cum eo impossibilem; si vero possit remitti, adhuc communis docent, esse impossibilem, quia gratia praesentis ordinis est externa Dei promissio de amando amabiliter hominem, quousque peccet, seu nisi peccet; quare si actu peccat, non purgatus conditio, & sic non constituit gratia. Praeterquamquod in praesenti ordine non remittitur peccatum, nisi per satisfactionem; ergo non constituit gratia, nec

promittitur amor amabilis ei, qui actu peccat. Non desunt tamen, qui doceant adhuc per gratiam praesentis ordinis, impossibilem cum peccato habituali, remitti divinitus posse peccatum in instanti quo fit, ut proinde gratia praesentis ordinis componi possit cum peccato gravi actuali, ut dicemus in prima disputatione de Justitia, & Jure, & in 3. Disputatione de Penitentia, inquirentes, Num possit remitti peccatum in instanti quo fit?

Probatur Conclusio: Gratia praesentis ordinis ex intrinsicis suis est veluti externa Dei promissio de amando amabiliter hominem, & de conferendo illi vitam aeternam; atque adeo est essentialiter forma amicitiae, & adoptionis praebens homini jus ad amorem. Dei amabilem, & ad vitam aeternam; atqui tale jus est essentialiter impossibile cum mortali habituali, seu cum reatu ad odium inimicitiae, & ad poenam aeternam; ergo gratia praesentis ordinis est essentialiter impossibilem cum mortali habituali. Major, in qua est aliqua difficultas, fusc explicabitur quaestione sequenti, ubi ostendemus, quod si gratia non esset hujusmodi externa Dei promissio, non esset unica causa formalis nostrae justificationis, contra Tridentinum. Minor patet, quia reatus ad subeundum Dei odium, & vindictam, est jus, seu potestas in Deo odio habendi, & puniendi hominem; sed repugnat, in Deo esse tale jus in sensu composito promissionis eidem homini factae de amando amabiliter, & de conferendo vitam aeternam; ergo reatus odii, & vindictae proprius peccati gravis habitualis est impossibilem cum jure ad amorem amabilem, & ad vitam aeternam.

III. Dico secundo: gratia habitualis, in quantum est pura, & specialis participatio naturae divinae, seu naturae supernaturalis (pro ut explicavimus quest. 2.) potest divinitus in alio ordine componi cum mortali. Ita Ripa. disp. 74.

Prob. Gratia secundum quod est participatio Divinae naturae specialissima, solum habet esse naturae supernaturalis, radix potentialitatis, & actuum supernaturalium, quibus possumus assequi Visionem Dei indebitam; necnon disponit ad omnia opera honesta, prout diximus quest. 2. atque Gratia secundum haec praedicata non opponitur cum mortali; ergo gratia secundum quod est specialis participatio Divinae naturae, potest in alio ordine componi cum mortali; seu cum reatu odii Divini; ac per hoc

ternæ. Probatur minor: Gratia secundum quod est natura supernaturalis, & radix omnis supernaturalitatis disponens ad opera honesta, non est formaliter amicitia, & adoptio Dei; seu jus ad amorem amicabilem, & ad vitam æternam; ergo non opponitur cum mortali, quod fert reatum odii Divini, & poenæ æternæ. Gratia enim secundum se, ut dicemus questione sequenti, non est jus ad amorem amicabilem præcise Dei promissione, à qua essentialiter pendeat; Unde gratia solum præsentis ordinis est essentialiter Dei amicitia, & adoptio, atque adeo impossibilis cum peccato habituali.

Confirm. 2. quia in pura natura homo dispositus ad beatitudinem naturalem, & ad opera omnia naturalia honesta, stante eadem intrinseca dispositione, & manente in Deo eadem voluntate conferendi auxilia naturalia ad bene operandum, potest in sensu composito peccare, & contrahere reatum odii Divini, & poenæ æternæ; ergo etiam homo elevatus, & dispositus ad beatitudinem supernaturalem, & ad opera omnia etiam supernaturalia honesta, stante eadem dispositione intrinseca, & manente in Deo eadem voluntate conferendi auxilia supernaturalia, potest similiter peccare; ergo gratia in quantum est natura supernaturalis, & radix omnis supernaturalitatis, non est essentialiter impossibilis cum peccato.

Confirm. 3. De facto peccator & respicit finem supernaturalem, & per habitus infusos fidelis, ac spei supernaturalis, quos sæpe retinet, tanquam per potentias supernaturales potest se disponere ad finem supernaturalem; ergo gratia quavis sit natura supernaturalis, & prima radix supernaturalitatis, poterit divinitus cum peccato conjugi.

IV. Neque diess, hominem per participationem Divine nature constitui formaliter Dei adoptivum, atque adeo amicum, & heredem; sed præcise per gratiam, in quantum gratia est radix supernaturalitatis, participat homo Divinam naturam, ut diximus quest. 2. ergo præcise per gratiam, in quantum gratiam est formaliter Dei adoptivus, & amicus; atque adeo gratia, in quantum gratia, est formaliter Dei amicitia, impossibilis cum peccato.

Nam contra est, quia, quavis homo per gratiam, in quantum gratiam, participat naturam Divinam per hoc, quod facit dispositus ad operationes supernaturales, quibus

moreatur Dei Visionem, nihilominus vi gratiæ, in quantum gratiæ, exigit solum promissionem amoris amicabilem, & vite æternæ, adeo ut independentem ab hac promissione non habeat formaliter, sed solum exigitive jus ad amorem Dei, & ad hereditatem, ut explicabimus questione sequenti; ergo independentem ab hac promissione, à qua essentialiter pendeat gratia præsentis ordinis, gratia, in quantum gratia, non est impossibilis cum peccato.

V. Objic. 1. ex Suar. contra primam Conclusionem. In tantum gratia præsentis ordinis fert impossibilitatem cum mortali, quia est forma amicitiae, seu jus ad amorem Dei amicabilem; atque gratia præsentis ordinis est solum exigitive jus ad amorem Dei amicabilem, non vero formaliter; ergo non est impossibilis cum peccato. Consequenter sequitur, quia sicut calor, qui non est formaliter, sed exigitive expulsio frigoris, potest divinitus cum frigore coexistere per hoc, quod Deus non secundum exigentiam caloris; ita gratia, si esset solum exigitive jus ad amorem, & expulsio peccati, quod fert reatum odii, posset divinitus coexistere cum peccato. Probatur itaque minor: In tantum gratia præsentis ordinis dicitur esse formaliter, non exigitive jus ad amorem, quia ex Trid. est causa formalis nostræ justificationis, & amicitiae cum Deo; atque fiat bene, quod sit causa formalis talis amicitiae, etiam si solum exigat, & non sit formaliter jus ad amorem Dei amicabilem; ergo. Probatur hæc minor: Nam universum effectus secundarius exigitur ab aliqua forma dicitur formaliter præstari à forma illum exigente; ex g. expulsio frigoris dicitur formaliter causari à calore, quod etiam exigit expulsionem frigoris; ergo etiam gratia bene dicitur causa formalis amicitiae cum Deo per hoc, quod sit natura supernaturalis exigens jus ad talem amorem.

Neque dicat, quod si gratia præsentis ordinis esset solum exigitive amicitia cum Deo, requireretur favor Dei extrinsecus, atque adeo nova forma, quam tribueret homini denominationem amici; unde non esset unica causa formalis nostræ justificationis, contra Tridentinum: Nam contra est primo, quia Tridentinum docet solum hæreticos dicentes cum Buceris, & Pighio apud Belli lib. 2. de justificatione cap. 1. remissionem peccati haberi per solum favorem Dei extrinsecum; & per justificationem Christi ex Dei favore nobis imputatam;

non damnat autem eos, qui gratiae intrinsicæ aliquem favorem Dei extrinsecum admisceant. Contra secundo, quia quoties aliqua forma exigit aliquem terminum, non requiritur novus favor, ut talis terminus inducatur; v. g. quia calor exigit expellere frigus, & gratia exigit vitam æternam, hæc habentur sine novo favore, cum sint exigita, ac debita; quando enim ponitur quod debetur, non ponitur favor, quippe qui sonat liberalitatem; ergo si gratia exigit jus ad amorem, adhuc dicitur justificare formaliter absque novo favore, etiam si non sit formaliter jus ad talem amorem, sed solum exigitive, & radicaliter.

Resp. nego min. Ad probationem nego pariter min. Ad cuius probationem dico, manifestum esse, quod effectus formalis secundarius exigitur ab aliqua forma, non præstetur ab eadem forma formaliter, sed exigitive; v. g. expulsio frigoris à calore non causatur nisi exigitive, quod sonat, calorem exigere connaturaliter aliam formam, à qua denominetur formaliter frigus expulsum; quæ forma est suspensio Divini concursus ad frigus conservandum. In casu nostro ex Tridentino, in presenti ordine unica est causa formalis justificationis, quæ simul dat jus ad amorem Dei, & hereditatem, & simul est expulsiva peccati; ergo ex Tridentino uterque effectus habetur formaliter à gratia præsentis ordinis; quæ proinde non est exigitive, sed formaliter jus ad amorem: hoc autem accidere non posset, nisi gratia esset externa Dei promissio de dando amore amicabili, ut explicabimus quæst. sequenti; ergo gratia præsentis ordinis, in quantum est huiusmodi promissio, est formaliter expulsiva peccati; atque adeo impossibilis cum mortali habituali.

Ad id, quod additur, concedo Tridentinum non damnare has opiniones, requireres præter gratiam intrinsicam aliquem favorem extrinsecum ad remissionem peccati: dico tamen, melius salvari verba Concilii in nostra sententia, quod scilicet formaliter à gratia præsentis ordinis tollatur peccatum; quatenus essentialiter pendet ab ea Divina promissione. Sicut enim actus Fidei v. g. de existentia Incarnationis, est essentialiter verus, atque adeo impossibilis cum non existentia Incarnationis, quia essentialiter pendet à Divina revelatione de Incarnatione; Itaque gratia præsentis ordinis est impossibilis cum reatu peccati,

quia essentialiter pendet à Divina promissione collativa juris ad amorem.

VI. Alio sequitur, quod licet gratia, quatenus gratia est, sit essentialiter participatio naturæ Divinæ, atque adeo Dei adoptio, nisi subjectum sit incapax talis denominationis, ut est incapax Christus Dominus; nihilominus exigitive solum est amicitia, seu jus ad amorem Dei amicabilem, & ad hereditatem; atque adeo exigitive, non formaliter, est expulsio peccati, ut calor est expulsio frigoris: quia scilicet gratia secundum se exigit solum pendens ab ea Divina promissione, exigentia divinitus frustrabili. Contra vero gratia præsentis ordinis est formaliter jus ad amorem, & expulsio peccati; non secus ac amor est formaliter, & essentialiter expulsio odii; quia scilicet essentialiter pendet ab ea promissione. Propterea 1. Jo. 3. dicitur: *Omnis, qui natus est ex Deo, peccatum non facit, nec potest peccare, quoniam ex Deo natus est*; quod intelligendum est de potentia simultatis; unde etiam sequitur, gratiam secundum se esse participationem Divinæ naturæ physice sumptæ per hoc, quod ordinat hominem ad Deum videndum; gratiam vero præsentis ordinis participare Divinam naturam etiam æthice per hoc, quod redat hominem impossibilem cum mortali, sicut est Deus.

VII. Obijc. 2. Privatio gratiæ est poena peccati; ergo expulsio gratiæ non conloquitur ad peccatum essentialiter, neque ex natura rei; ergo peccatum, & gratia non sunt impossibilia. Antecedens supponitur, quia peccatum destruit gratiam demeritorie, quatenus qui peccat demeretur Dei amicitiam. Prima consequentia probatur: quod conloquitur ad aliquem actum ex natura rei, non potest esse poena, aut præmiu illius: hæc enim de causa habitus vitiosus non est poena, quia naturaliter conloquitur ad actus vitiosos; idque multo magis est verum, si conloquatur essentialiter, ut in casu nostro essentialiter ad peccatum dicitur conloqui privatio gratiæ: quare si gratiæ privatio est poena peccati, non conloquitur ad peccatum essentialiter, sed solum demeritorie.

Confirm. 1. poena, & præmiu debent posse prudentem à legislatore imponi; ergo non debent conloqui ex natura rei, & essentialiter: ergo privatio gratiæ, quæ est poena peccati, non conloquitur essentialiter.

Confirm. 2. potest Deus per se non debitam re-

remittere; ergo debet posse impedire, ne ad peccatum consequatur privatio gratiæ.

Confirm. 3. infligere poenam est exercitium iustitiæ vindicativæ; exercitium autem cuiuscumque virtutis debet esse liberum; ergo debet esse liberum Deo tollere, vel conservare gratiam post peccatum.

Confirm. ult. gratia, & peccatum non opponuntur contradictorie, ut lux, & tenebræ, sed contrarie; ita ut possit homo carere gratia simul, & peccato: quæ autem opponuntur contrarie, possunt Divinitus componi; ergo potest componi gratia præsentis ordinis cum gratia culpa habituali.

Resp. duplicem distingui poenam à D. Th. in 2. dist. 27. art. 5. alteram comitantem, quæ scilicet ex natura rei consequitur, ut est conscientie remorsus: alteram infligendam, quæ scilicet libere à Legislatore imponitur. Hinc privatio gratiæ, quæ essentialiter ad peccatum consequitur, dicenda est poena comitans, non infligenda; in quo sensu habitus virtuosus ab Aug. lib. 1. ad Simplicianum vocatur poena frequentatorum actuum, quamvis ad illos naturaliter consequatur; in hoc autem distinguitur poena infligenda à comitante, quod illa tantum demeritorie causetur ab actu; hæc vero tum demeritorie, tum physice.

Ad primam confirm. Legislator potest prudenter comminari, seu denunciare poenam comitantem; imponere tamen non potest, nisi poenam infligendam: unde privationem gratiæ potest Deus in præsentis providentiæ comminari, non tamen libere infligere.

Ad secundam: potest Iudex remittere solum poenam infligendam, non vero comitantem.

Ad tertiam: exercitium virtutis vindicativæ satis est, si sit liberum in causa; sicut enim ad actus supernaturales consequitur vita æterna ex exercitio Divinæ misericordiæ in causa; quatenus misericorditer voluit Deus promittere vitam æternam bonis operibus; ita privando peccatores gratia, exercet libero iustitiam vindicativam in causa, quatenus libere voluit peccatum permittere, cui deberetur gratiæ privatio, quam deinde in poenam libere conservat quoad libuerit.

Ad ultimam. Gratia, & peccatum non opponuntur contradictorie, seu privative, ut lux, & tenebræ; æque contrarie, ut calor, & frigus, sed æquivalenter contradictorie, sicut assensus, & dissensus; adeo ut

sicut potest intellectus carere utroque hoc actu, non tamen habere utrumque; ita potest homo carere gratia, & peccato, non tamen habere utrumque.

VIII. Objic. 3. ex Ripal. disp. ult. sect. 16. majus bonum est remissio peccati, quam gratia; ergo non potest gratia esse de se essentialiter delectiva peccati, cum non possit bonum majus contineri in inferiori. Antecedens probatur, quia condonare peccatum fort. tollere malum, quod est ordinis supremi, & Divini; ergo fert bonum ordinis pariter supremi, & Divini; carentia enim mali est bonum negativum, quod reponitur in eo ordine, in quo est malum; atqui gratia non est in ordine supremo, & Divino: ergo non est tantum bonum gratia, quantum est remissio peccati. Hinc communis docet, posse iustum mereri de condigno innocentem gratiam, non vero peccatori remissionem peccati.

Resp. 1. posse bonum minus exigere bonum præstantius, quamvis non possit illud adæquate præcontinere: Quare sicut potest v. gr. potentia passiva naturalis exigere potentiam activam naturalem, ita poterit gratia, quatenus est ius ad amorem amicabilem, exigere extinctionem reatus odii, quæ est quid præstantius ipsa gratia.

Resp. 2. cum Elspar. qu. 9. ad 4. distinguo antecedens: majus bonum est remissio peccati, quam gratia entitative sumpta, nego: in ratione ardui, ac difficilis, concedo antecedens, & nego consequentiam. Sic potentia visiva entitative sumpta non est quid majus expulsionem cæcitatatis, quandoquidem ipsa formaliter cæcitatem expellit; sed in ratione ardui est bonum præstantius expulsione cæcitatatis, quam potentia visiva: quatenus naturaliter non potest tolli cæcitas à cæco, potest tamen naturaliter conferri potentia visiva Embrioui. Idem dicas de resurrectione mortui; quæ est quid præstantius vita, non quidem entitative; sed in ratione ardui, propter impedimentum naturaliter insuperabile. Idem ergo dicas de remissione peccati, quæ est quid præstantius gratia solum in ratione ardui: Propterea quamvis possit ex meritis iusti conferri ipsi præmium gratia innocenti, non tamen peccatori, ut docent communis.

IX. Objic. ult. contra secundam Conclusionem. Ad adoptionem consequitur, tanquam proprietatem metaphysicam, ius ad amorem Dei amicabilem, & hæreditatem; ergo non potest dari gratia, quæ sit formaliter adoptio, & non sit amicitia cum jure ad hæ-

redi-

reditatem; unde sic etiam impossibile est cum peccato; ergo secunda Conclusio non subsistit.

Confirm. quia aliter data hac gratia divinitus conjuncta cum peccato; Deus conservaret peccatum miraculose; non secus ac miraculose conservet calorem ut octo simul cum frigore ut octo; atque adeo Deus non mere premitteret peccatum, sed conservaret illud; unde esset causa, & auctor peccati.

Resp. 1. nego universaliter antecedens. Nam in humanis potest etiam dari filiatio naturalis cum inimicitia filii cum Patre; & sine jure hereditatis: si scilicet filius peccet graviter adversus Patrem; ergo à fortiori poterit filius adoptivus esse inimicus cum adoptione.

Resp. 2. adoptionem Divinam posse sumi large pro participatione speciali Divinae naturae; ratione cujus homo dicitur filius Dei, adeoque connaturaliter exigens jus ad hereditatem; & posse sumi stricte pro participatione speciali Divinae naturae; quae simul dicat jus ad hereditatem ortum ex promissione Divina, qua Deus se obligat dare alicui suum amorem, & vitam aeternam, ut mox dicemus questione sequenti. Hoc posito: Ad adoptionem Divinam primo modo sumptam consequitur amicitia, & jus ad hereditatem, tanquam proprietates physica, & separabiles; Ad adoptionem secundo modo sumptam consequitur tanquam proprietates metaphysicae, & inseparabiles. In praesenti ordine adoptio Divina est stricte dicta, quia verba Conciliorum sumi debent in sensu proprio, & rigoroso, nisi quid obstat; & ideo gratia praesentis ordinis est inseparabilis ab amicitia Divina, atque adeo impossibile cum peccato.

Ad confirm. Deus in hoc casu contra exigentiam gratiae non remitteret peccatum; per hoc autem quod non remitteret, non diceretur esse auctor, & causa peccati; sicut enim de facto Deus non est causa peccati habitualis per hoc, quod nolit illum remittere, ita neque esset tunc causa peccati per hoc, quod noller illud remittere frustrando gratiae exigentiam. In tantum miraculose Deus conservaret calorem ut octo & frigus ut octo, ita ut esset causa particularis conservans utrumque, quia utraque qualitas est ens positivum, cujus Deus est causa, & auctor; unde quando utraque ista qualitas conservatur miraculose, utriusque Deus est causa particularis, & non mere causa prima universalis secundans rerum exigentias: At relate ad peccatum Deus nullo modo est causa (etiam physice concurrat ad

Part. III.

ejus productionem, & reatus odii resultet: per hoc, quod Deus nolit illud condonare) ergo per hoc quod nolit illud condonare contra exigentiam gratiae, non per hoc erit ullo pacto illius causa: Sicut in humanis non dicitur causa reatus ad carcerem subeundam in latrone v. gr. Juxta, qui non vult illi poenam debitam remittere, etiam si preces aliorum moraliter exigant hujusmodi remissionem.

QUESTIO VI.

Utrum independenter ab extrinseco Dei Faveat Gratia reddas hominem justum, Dei adoptivum, & Heredem?

I. Certum est ex Tridentino, gratiam haec omnia praedicata homini tribuere; etenim sess. 6. cap. 6. promissa definitione justificationis, subdit: *Unde homo in injusto fit justus, & ex inimico amicus, ut sit heres secundum vitam aeternae*. Dubitatur tamen primo, Utrum gratia reddat hominem amicum, & filium ex extrinseco favore Dei volentis illum acceptare in amicum, & filium, ut docent Nominales, & Scotistae; An ex natura sua, ita ut essentialiter sit amicus, & filius, posita gratia? Secundo, Quoniam pacto possit homo dici Dei amicus, cum amicitia sit inter aequales? Tertio, quemodo dicatur adoptivus, si adoptio inter homines fert jus ad hereditatem ortum ex contractu, & fide data; adoptio vero Divina fundatur in caritate physica gratiae, quae non potest obligare Deum ad dandum homini hereditatem: ideo possit exigere hujusmodi obligationem, & promissionem. Ad has difficultates evacuandas

II. Suppono 1. amicitiam consistere in mutuo duorum jure ad amorem gratuitum, permanentem, & manifestum, resultantem ex promissione saltem implicita, & interpretativa utrinque data, & acceptata talis amoris. Ita Philosophus 8. Eth. 1. Ratio est, quia violator amicitiae dicitur infidelis, & invidiosus; ergo supponitur jus promissarii in utroque: propterea dici solet: *Frangenti fidem fides frangitur eidem*, quia supponitur fides data; & sicut inter populos amicitia publica per sedus publicum conciliatur, ita privata per privatam sponsonem; aliter non esset ratio, cur rescindi non posset citra injuriam.

Neque dicas 1. amicitiam consistere in mutuo amore vel actuali, vel habituali duorum,

Rum,

rum, absque mutuo jure, & obligatione amandi. Ratio autem cur sine injuria non possit amicus ab amore cessare, est, quia amor ipse est quædam sui donatio, quæ non potest citra injuriam revocari. Nam contra est, quia amor mutuus vel est donatio, qua amans obligatur ad perseverandum in amore; & jam habetur jus mutuum ad amorem amicabilem, in quo diximus consistere amicitiam: vel non fert obligationem perseverandi in amore, & sic sipe injuria posset amicus desistere ab amore, quod nemo dixerit. Et sane amicitia sæpe habetur absque ullo amore, ut inter Patrem, & infantem, inter Deum, & puerum baptizatum; ergo amicitia unice consistit in jure mutuo ad amorem.

Neque dicas 2. sæpe dari v.g. inter fratres obligationem mutui amoris ortam ab ipsa natura, conjunctam cum inimicitia; ergo amicitia non consistit in mutua obligatione amoris. Nam contra est, quia obligatio amandi inter fratres orta ex mutua promissione vel formali, vel interpretativa, in qua diximus consistere amicitiam, tollitur per hoc, quod alter à sua obligatione deficiat; Unde si alter frater odio habeat alterum, amicitia rescinditur.

Neque dicas 3. posse duo à Superiore obligari ad mutuum amorem, quin tamen sint amici; ergo amicitia non habetur per mutuum obligationem ad amorem. Nam diximus, jus mutui amoris constitutum amicitie debere oriri à mutua promissione, saltem implicita, & interpretativa; non vero ab extrinseco, ut in casu adducto. Hinc infantes per gratiam sunt Dei amici, quia obligantur à natura ad Deum amandum, & simul interpretative obligantur à promissione talis amoris.

Neque dicas ultimo, inimicitiam non consistere in mutuo jure ad odium, sed in odio mutuo; ergo pariter amicitia non consistit in mutuo jure ad amorem, sed in amore mutuo. Nam concessio antecedente, negatur consequentia. Sicut enim fœdus initur per mutuum jus populorum, non vero bellum: aliter bellum esset utrinque justum, si oriretur ex mutuo jure ad bellandum; ita amicitia privata oritur à mutuo jure ad amorem, inimicitia vero non oritur ex jure odio habendi, quia sic inimicitia esset justa.

III. Suppono 2. possibilem esse amicitiam cum Deo, ut constat ex Script. Joan. enim 15. habetur: *Non dicam vos servos, sed amicos*; & ex Trident. Et ratio est, quia

potest utrinque dari jus mutuum, & mutua obligatio ad amorem, in Deo scilicet orta ex promissione liberali, in homine vero ex sua natura, qua ad id obligatur, atque adeo ex promissione interpretativa. Et quævis Philosophus 8. Ethic. 7. videatur requirere ad rationem amicitie æqualitatem inter amantes, loquitur tamen Philosophus de amicitia fœderalitatis, quæ est inter homines, non de amicitia dignationis supereminentiæ, seu excellentiæ, quæ intercedere potest inter Deum, & creaturam, quoties creatura per excellentiam gratiæ, & participationem naturæ Divinæ reponitur in gradu excellentissimo, ac Divino, & sic cum aliqua æqualitate cum ipso Deo ex ejus dignatione. Præterquamquod datur aliqua æqualitas etiam inter amores, non quidem arithmetica, sed geometrica, & proportionis, quatenus creatura amat Deum, quantum potest pro viribus suis, & Deus amat creaturam quantum ejus meritum exigit, seu quantum ipse ex dignatione suæ benignitatis debet.

IV. Suppono ult. non posse dari secundum se adoptionem rigorosam sine amicitia; nam eo ipso, ac quis adoptat aliquem, obligat se ad dandum illi hereditatem, atque adeo ad amandum: velle enim bonum, nempe hereditatem, est amare; Ex altera parte adoptatus, acceptando adoptionem obligatur ad redamandum; unde adoptio fœcum fert amicitiam. Propterea Concilium Francofordienſe definiens adoptionem dicit: *Quid est adoptio, nisi charitatis copulatio, qua Pater adoptionis sibi copulat quem per generationem non habet?*

V. Hinc fit 1. quod quia amicitia fert jus mutuum ortum ex mutua fide, ac promissione amoris, idcirco adoptio divina, quæ in præſenti ordine est rigorosa adoptio, ac propterea ab amicitia sejungi nequit, fert mutuum obligationem amoris ortam ex fide data. Fit secundo, quod adoptionis forma, quæcumque illa sit, ferre debeat jus ad hereditatem ortum ex promissione liberali; cum ad adoptionem spectet, quod nequeat citra infidelitatem negari hereditas. Fit tertio, quod Deus adoptando creaturam, adoptione stricte dicta per gratiam suam, debeat à suamet promissione aliquo modo obligari ad dandum hereditatem; si enim à gratia intrinseca creaturæ solum connaturaliter exigeretur hereditas, cum Deus non teneatur secundare naturales rerum exigentias; non obligaretur ad conferendam justo hereditatem; quod

quod est contra conceptum adoptionis. His praemissis

VI. Dico 1. Gratia praesentis ordinis, independenter à quolibet favore Dei extrinseco, ex natura sua, & essentialiter reddit hominem Dei adoptivum, amicum, heredem, justum; Ita communiter cum Elpar. quæst. 9. contra Scotistas, ac Nominales cum Rispal. disp. ult. sect. 19. ubi docet, gratiam præstare denominationem amici solum in actu primo, eo quod ad denominationem amici in actu secundo requiratur Dei favor tollens inimicitiam, seu peccatum, quippe quod non excluditur essentialiter, sed tantum connaturaliter à gratia, ut calor à frigore.

Probat. Ex Tridentino, Unica est causa formalis nostræ justificationis, videlicet justitia inherens, præstans omnes enumeratos effectus formales; atqui si ad has denominationes requireretur, prætor gratiam, intrinsecam, favor Dei extrinsecus, causa formalis horum effectuum non esset unica, nempe justitia inherens, sed esset etiam voluntas Dei favens, ut diximus questione præcedenti; ergo prætor favore Dei extrinseco habentur à gratia praesentis ordinis effectus formales enumerati.

VII. Dico 2. Ut gratia inherens praesentis ordinis præstet hos effectus formales essentialiter, dicendum, non solum habere rationem gratiæ, seu naturæ supernaturalis, per hoc, quod exigit potentias supernaturales disponentes ad Dei visionem, sed etiam esse veluti externam Dei promissionem, qua Deus obligat se ad amandum justum, & ad dandam illi gloriam, nisi velit amicitiam rescindere, & gratiam amittere per peccatum.

Prob. Ad hoc, ut habeatur amicitia, & adoptio strictè dicta, requiritur jus ad amorem, & ad hereditatem; ortum ex promissione, seu donatione liberali; atqui nisi constitutur gratia praesentis ordinis essentialiter connexa cum hac Dei promissione, & ab ea essentialiter dependens, tanquam externa promissio, non haberetur tale jus; ergo ad habendos hujusmodi effectus formales à gratia inherente, dicendum, eam esse veluti externam Dei promissionem.

Ut hoc intelligatur, sciendum, aliquos putare, quod decreta libera Dei compleantur ab aliquo extrinseco complemento; & juxta hanc sententiam dicunt, gratiam praesentis ordinis esse complementum divinæ promissionis de dando suo amore, & heredi-

ditate. Huic ego sententiæ non subscribo, tum quia pato, decreta libera non indigere aliquo extrinseco complemento, tum etiam quia si indigerent complemento, gratia, quæ est hujusmodi complementum, non ratione sui, & quidditative, sed ratione promissionis divinæ, quam completeret, adeoque connexive præstaret suis effectus; non secus ac præstantur à gratia extrinseca. Quare dico, gratiam praesentis ordinis essentialiter pendere ab ea promissione, non secus ac actus fidei essentialiter pendet à divina revelatione; & idcirco gratia praesentis ordinis est veluti externa Dei promissio conferens jus ad amorem, & hereditatem; ubi è contra Gratia secundum se, & in alio ordine est solum exigitive talis promissionis, & ideo divinitus compossibilis cum peccato.

VIII. Ad hoc alius explicandum singamus, possibile esse duplex genus actuum vitalium, alterum exigentium pendere à potentia vitali per actionem distinctam; alterum essentialiter dependentium à potentia vitali per actionem identitificatam. In hoc casu primum genus actuum vitalium posset divinitus esse sine potentia vitali, & poni v. gr. in lapide, quem denominarent habentem actum vitalem, sed non vitaliter operantem; contra vero secundum genus actuum. Ita dicimus in casu nostro: si singamus possibile duplex genus gratiæ, alterum exigentis tantum pendere ab ea divina promissione, alterum gratiæ essentialiter dependentis ab illa; in tali casu gratia primi generis non conferret essentialiter, & formaliter, sed solum exigitive jus ad amorem Dei amicabilem; secus vero gratia secundi generis; & hanc dicimus dari in praesenti ordine. Hoc etiam docent qui in de Incarnatione sistent, quod unio hypostatica secundum se sit compossibilis cum potentia ad peccandum peccato destructivo unionis; secus vero unio hypostatica praesentis ordinis, quia scilicet Unio secundum se exigit tantum pendere à decreto libero de dandis semper auxiliis efficacibus Humanitati assumptæ; Unio vero praesentis ordinis essentialiter ab hoc decreto dependet. Hoc pariter docent qui in de Fide sistent, miraculum secundum se posse patri in confirmationem erroris; secus vero in praesenti providentia; quia scilicet miraculum in praesenti providentia est essentialiter externa Dei locutio pendens à Deo revelante doctrinam, quam comprobatur; miraculum vero secundum se

exigit tantum à tali revelatione pendere. Quare sicut locutio externa facta v. gr. ab Angelo est signum externum essentialiter pendens à locutione interna; ita gratia præsentis ordinis essentialiter pendet à divina promissione, & idcirco essentialiter confertur ab amore, & est incompossibilis cum peccato. His explicatis.

IX. Prob. iterum conclusio. Possibilis est gratia, quæ independentem ab extrinseco Dei favore præstet formaliter suos effectus, per hoc scilicet, quod sit veluti externa Dei promissio; ergo de facto huiusmodi est gratia præsentis ordinis. Antecedens patet solutione argumentorum; consequentia probatur, quia aliter non esset unita causa formalis nostre justificationis, ut ostendimus.

Confirm. ex Scripturis; Nam ad Eph. 1. Gratia dicitur esse signum, quo signantur credentes; & secunda ad Corinth. 1. dicitur: *Unctio, & signum, & dedit pignus Spiritus in cordibus nostris*; ergo gratia præsentis ordinis, cum sit unctio, signaculum, & pignus, essentialiter dependet à Dei promissione, tanquam externa promissio, & signum promissionis internæ; eo modo, quo verbum externum est signum locutionis internæ; à qua dependet; nullam enim datur pignus certius promissione, & propterea D. Petrus loquens de gratia dixit: *Magna, & preiosa vobis promissa donavit*, significans, gratiam præsentis ordinis ita esse participationem divine naturæ, ut simul sit pretiosum Dei promissum, non internum, ut patet, cum promissio Dei interna sit ipse actus divinus; sed externum, seu signum infallibile illius.

X. Objic. 1. Si gratia præsentis ordinis esset formaliter amicitia, seu ius ad amorem Dei amicabilem, per hoc, quod esset essentialiter pendens à divina promissione de danda homini suum amorem, sequeretur, quod etiam calor v. gr. aut aliud ens naturale esset formalis amicitia cum Deo, si essentialiter penderet ab hac divina promissione; sequela est absurda; ergo & id, unde sequitur.

Resp. nego sequelam. Si enim calor v. gr. ponatur essentialiter pendere ab ea divina promissione, differret à gratia, quia calor illam promissionem non exigeret; focus vero gratia: & idcirco si calor eam promissionem supponat, essentialiter habet incompossibilitatem cum peccato solum connexive, quatenus connectitur cum ea promissione, non quidditative; focus vero gra-

tia, quæ ex natura sua illam exigit! Sic actus fidei supernaturalis v. gr. quo quis credit, se nunquam peccaturum, essentialiter oppositur cum peccato, solum connexive, non quidditative, & idcirco non est forma justificans, sicut est gratia.

XI. Objic. 2. Si gratia præsentis ordinis essentialiter dependet à promissione de danda homini gloria æterna, impossibile esset, hominem habentem huiusmodi gratiam annihilari; hoc autem est contra Dei dominium, quod potest omnia uno nutu delere; ergo non potest gratia ita constitui.

Confirm. quia gratia ipsa esset essentialiter innanihilabilis; Nam propter gratiam præsentis ordinis homo esset innanihilabilis; ergo à fortiori ipsa gratia. Nam propter quod unumquodque tale, & illud magis.

Resp. dist. majorem; homo esset innanihilabilis, ex suppositione gratiæ præsupponentis essentialiter Dei promissionem, concedo: simpliciter, & absolute, nego majorem, & in eodem sensu minorem. Ad dominium Dei non spectat, quod possit annihilare hominem, posito, quod promiserit illum non annihilare, ut patet; atqui promissio de danda gloria in æternum facta Petro, nisi peccet, est æquivalente promissio illum non annihilandi sub ea conditione; ergo posito, quod gratiam habeat, quæ est huiusmodi externa Dei promissio, non derogat divino dominio, quod non possit Petrum annihilare.

Ad confirm. Resp. 1. per instantiam. Si quis credat fide divina, quod nunquam sit destruendus, certe hic non poterit destrui ratione huius actus fidei; ergo nec talis actus poterit destrui. Consequentia non tenet. Resp. 2. directe nego majorem; ad probationem concedo antecedens, nego consequentiam. Axioma illud: Propter quod &c. non militat in ratione, quæ, sed in ratione, quæ; seu quando utrumque extremum est capax ejusdem denominationis; Sic propter vinum homo est ebrius; nec tamen vinum est ebrium; ergo propter gratiam, & actum fidei potest homo esse innanihilabilis, quin illa sint innanihilabilia.

XII. Objic. 3. Gratia præsentis ordinis exigit tantum gloriam connaturaliter, quin conferat ius infrustrabile ad gloriam; ergo non pendet essentialiter à promissione de danda gloria. Probatur antecedens, quia si gratia præter exigentiam naturalem gloriæ, conferret ius ad gloriam æternam à Dei promissione, eo ipso decederet cum gratia &c.

deberetur gloria ; atque adeo gloria esset debita ; hoc autem videtur esse contra Apostolum dicentem : *Stipendium peccati mors, gratia autem vita æterna* : Ubi mortem dicit debitam peccato, tanquam stipendium ; vitam vero æternam dicit esse gratiam, atque adeo indebitam ; ergo.

Confirm. Deus ratione gratiæ, quæ est jus ad amorem amicabilem, necessarij amaret hominem ; sed repugnat forma, quæ necessitat Deum ad amandum creaturam ; ergo repugnat gratia sic constituta. Probat minor, quia ipse actus Charitatis, qui est forma tum physice, tum moraliter perfectissima, non necessitat Deum ad amandum amantem ; aliter esset forma justificans ; quod communiter negatur contra Vasq. ; ergo à fortiori non necessitat Deum ad amorem amicabilem gratia, quæ est forma physice tantum perfectissima.

Resp. nego antecedens ; ad probationem nego minorem. Vita enim æterna est gratia, seu indebita tantum in radice, quia gratis datur gratia, cui debetur gloria : Quare decedenti in gratia vita æterna debetur ex promissione divina ; & ideo appellatur ab Apostolo *Cæna justitiæ* ; & à Christo Domino dicitur esse *Mercis* ; quia scilicet vita æterna meritis debetur ex justitia, ratione divinæ promissionis onerosæ ; ut ostendimus in de Justitia, & Jure, in questione illa celebri, Num possit Deus justitiam commutativam exercere erga Creaturas ?

Ad confirm. posita gratia præsentis rationis, quæ est donatio externa amoris amicabilem, necessitat Deum ad amandum ipsum necessitate orta à suam donatione, non ab entitate creata gratiæ. Concedimus itaque, nihil creatum secundum se spectatum cogere posse Deum ad amandum creaturam, ne ipsum quidem amorem Dei supernaturalem, ut infra dicemus ; at poterit Deus ad id cogi, supposita donatione amoris, atque adeo supposita gratia, quæ est donatio externa sui amoris.

XIII. Objic. ultimo. Gratia non debet esse amicitia strictæ dicta ; ergo nec debet ferre jus ad amorem amicabilem ortum ex Dei promissione, sed solum exigentiam conaturalalem divinitus frustrabilem. Probat antecedens ; nam ad amicitiam strictæ dictam requiritur ex Philosopho, quod amor amici sit manifestus ; justus autem, & Dei amicus ignorat, odio ne, an amore dignus sit ; infantes etiam Dei amici per gratiam, ignorant Dei amorem ; ergo.

Confirm. quia adoptio divina fert, hominem esse filium Dei, & à Deo natum ; ergo non consistit proprie in jure promissionis ad gloriam, sed in gratia, quæ obas participativa divinæ naturæ exigentis conaturaliter gloriam ; ergo frustra recurrimus ad dependentiam essentialem gratiæ præsentis ordinis à divinæ promissione.

Resp. gratiam debere dici amicitiam, & adoptionem in eo rigore, quem potest admittere ; est autem possibile, quod ferat jus ad amorem, & ad gloriam, ortum ex fide data, & non meram exigentiam conaturalem ; ergo de facto gratia fert hujusmodi jus, & est amicitia, ac adoptio strictæ dicta. Ad rationem in contrarium : amor amicabilem tunc debet innoscere, quando provenit ex sponione explicita utrinque data ; non vero quando provenit ex sponione interpretativa ; quod accidit quando ex natura sua unus tenetur alterum diligere, ut homo Deum, frater fratrem. Adde, etiam in adulto dari aliquam subobscuram notitiam de Dei amore erga se ; Scimus enim, quod Deus diligentes se diligit, & aliquatenus scimus, an nos Deum diligamus ; aliter non apte Christus Dominus interrogasset suum Apostolum, *Pater amas me ?* quamvis certificari non possumus absque Dei revelatione, quod Deum amemus amore supernaturali.

Ad confirmationem. Adoptivus Dei præter jus ad hæreditatem habet physicè in se participationem divinæ naturæ ; Unde bene etiam dicitur à Deo natus, & habere semen Dei in se, quod non competit adoptivo in humanis. Imo si quis sanctificaretur gratia extrinseca, adhuc diceretur à Deo natus, eo quod præter jus ad hæreditatem ortum ex promissione liberali adoptantis, (in quo consumatur adoptio humana, per quam nullatenus communicatur natura adoptantis) haberet in se moraliter, licet non physicè, participationem divinæ naturæ, seu naturam supernaturalem, ac semen Dei, juxta locutionem D. Joannis.

XIV. Utrum autem in priori natura ad gratiam infusionem deleatur peccatum formaliter per applicationem satisfactionum Christi D. factam nobis in Sacramentis mortuorum sive in re, sive in voto susceptæ ? Discutiemus Deo dante in de Penitentia disp. 2. qu. ult. ostendemusque, quod licet gratia nobis physicè inherens sit unica causa formalis nostræ justificationis, qua homo ex injusto redditur justus, & ex ini-

mico Dei amicus, adhuc tamen in priori ad gratiam formaliter deletur peccatum per applicationem satisfactionum Christi ratione quarum homo ex iniusto fit non iniustus, seu negative tantum, non positive iustus, prout in Concilio Tridentino acerrime propagatur nonnulli Patres, inter quos Cornelius, Mussus Episcopus. Bircunius, teste Pallavicino lib. 8. cap. 4. & cap. 9. esto Tridentinum expresse id non definiit.

QUÆSTIO VII.

An Gratia Sanctificans realiter distinguatur ab habitu Charitatis?

I. Quod gratia distinguatur ab habitu fidei, & spei, certum est; quandoquidem gratia per quodvis mortale deperditur, habitus vero fidei, non nisi per peccatum fidei oppositum, ex Trid. sess. 6. cap. 15. idemque communissime docent de habitu spei, quod scilicet non amittatur, nisi per peccatum spei oppositum, cum per spem homo, non secus ac per fidem, disponatur ad charitatem; quamvis in Conciliis hoc non reperitur expressum, ut notat Martinon. disp. 47. sect. 6. Difficultas itaque solum est, Num gratia distinguatur ab habitu charitatis, à quo nunquam separatur? Et eadem difficultas procedit de reliquis habitibus virtutum, moralium, à quibus pariter nunquam gratia separatur: eos tamen cum gratia infundi in baptismo, hic supponimus cum D. Thom. Suar. Valq. & aliis communiter contra Scotum apud Musurum quæst. 24. & Amic. disput. 29. sect. 7.

II. Unica Conclusio. Habitus Charitatis non solum ratione ratiocinata, sed etiam realiter distinguatur à gratia. Ita D. Th., Suar., Valen., Gran., & alii communiter contra Scotum, Mansurium disp. 7. quæst. 6. Duran., Alenfem, apud Suar. de gratia lib. 6. cap. 2.

Quod ratione ratiocinata distinguatur, patet contra Durandum; nam habitus Charitatis dat solum posse elicere actus charitatis, non secus ac habitus fidei dat posse elicere actus fidei; gratia vero dicit ulterius jus ad amorem amicabilem, & hereditatem. Quod vero distinguatur realiter, prob. 1. ex Trid. sess. 6. cap. 7. ubi docet, justificationem haberi per voluntariam susceptio-

nem Gratia, & donorum, & infra explicat, hæc dona esse fidem, spem, Charitatem; ergo sicut arguitur ex hoc textu distinctio Fidei, & Spei à gratia, ita etiam Charitatis. Neque dicas, distinguere fidem, & spem à gratia, quia ab illa separantur. Nam licet separabilitas sit signum distinctionis, inseparabilitas tamen non est signum identitatis: sic ignis à calore distinguatur, quamvis ab illo non separetur. Quare quod de facto habitus charitatis à gratia distinguatur, sufficienter colligitur ex textu laudato: Aliter protervere quis posset dicendo, fidem, & spem, præsentem gratia, non distinguere ab illa, conferri vero peccatori ex divina misericordia aliam fidem, & spem distinctam à gratia, quando per peccatum deperditur gratia identificata cum omnibus virtutibus.

III. Probatur secundo ratione: Gratia est natura supernaturalis, ut quoque, exigens potentias supernaturales, non secus ac natura exigit potentias naturales; atqui quamvis non omnes potentie naturales distinguantur à natura; (e.g. licet intellectus, & voluntas non distinguantur ab anima, sicut calor distinguatur ab igne) omnes tamen potentie supernaturales distinguantur à natura supernaturali; ergo habitus charitatis distinguatur à gratia. Probatur minor; distinguuntur à natura supernaturali habitus fidei, & spei; ergo etiam charitatis, & aliarum virtutum. Probatur hæc consequentia: Conceptus formalis fidei, & spei minus differt à conceptu formali charitatis, quam à conceptu gratiæ; ergo si fides, & spes distinguuntur à charitate, à fortiori charitas, & gratia distinguuntur inter se. Antecedens patet: effectus formalis spei v.g. est reddere hominem potentem amare Deum, ut est bonum amanti; charitatis vero conceptus est reddere hominem potentem amare Deum, ut est bonum in se; conceptus gratiæ est, reddere hominem amabilem à Deo, & cum iure, ut ametur; quis igitur non videat, minus differre spem à charitate, quam differat charitas à gratia?

Confirmo primo, quia in naturalibus sufficiens ratio ad asserendam distinctionem ignis à calore est, quia eodem modo est proprietates ignis calor, sicut est proprietates aque frigus; unde cum frigus distinguatur ab aqua, ut constat ex eorum separabilitate, sequitur, quod etiam ignis distinguatur à calore, quamvis nunquam à calore separatur; ergo in supernaturalibus sufficiens ratio, consumilis ad asserendam distinctionem

habitus charitatis à Gratia, est, quia eodem modo est proprietas gratiæ-habitus charitatis, ac habitus fidei, & spei; cum omnes habitus dentur, ut homo reddatur. potens ponere actus supernaturales proprios capaxque habitus; unde cum constet ex separabilitate, habitum fidei, & spei distingui à gratia, sequitur, quod etiam habitus charitatis à gratia distinguatur, quamvis ab eo nunquam separetur.

Confirm. secundo ex Amico: Ideo in nobis præter gratiam habituales dentur habitus infusi fidei, & spei, ut actus supernaturales producantur constanter ex exigentia intrinseca talium habituum; ergo ideo præter habitus omnes infusos dandi debet gratia distincta, ut habitus constanter existant ex exigentia nature supernaturalis: ergo gratia ab omnibus virtutibus infusis distinguitur.

IV. Objic. primo. In Scripturis prædicata omnia, quæ tribuntur gratiæ, tribuuntur etiam charitati: 1. Jo. 3. dicitur: *Videte, qualem charitatem dedit nobis Deus, ut filii Dei nominemur, & simus.* Ad Filiationem autem consequitur amicitia, jus ad hereditatem, impossibilitas cum peccato; ergo omnia prædicata gratiæ competunt charitati; unde ab ea non distinguitur.

Confirm. 1. ad Corinth. 13. dicitur: *Si charitatem non habueris, nihil sum;* quasi dicatur, deficiente charitate, deficere in homine totum esse supernaturale, atque adeo gratiam; hoc autem non esset verum, si charitas distingueretur à gratia; ergo.

Respond. hæc eadem prædicata gratiæ tribui etiam sæpe in Scripturis ipsi actui charitatis, dicitur eam: *Qui diligit, ex Deo natus est;* Nec proinde Adversarii omnes docent, actum charitatis identificari cum gratia. Quare nomine charitatis sæpe venit charitas formalis, quatenus est potentia ad actus amoris, & sæpe venit charitas radicalis; ut nomine ininibilitatis, vel risibilitatis, quæ sunt proprietates, veniunt sæpe radices harum proprietatum, & juxta hunc sensum tribuntur charitati radicali omnia prædicata gratiæ.

Ad Confirmationem recurrit eadem responsio, quod scilicet Apostolus loquatur de charitate radicali, seu de gratia. Deinde etiam loqueretur de charitate formalis, seu de habitu charitatis, adhuc est verum, quod sine charitate nihil sumus in ordine supernaturali, propter connexionem charitatis cum gratia; cum non possint naturaliter separari.

V. Objic. secundo. Vel habitus charitatis est composibilis cum peccato, vel non: si est composibilis; ergo recedente per peccatum gratia, non deberet recedere habitus charitatis, sicut non recedit habitus fidei, & spei: Si vero dicatur imposibilis; ergo signum est, quod sit formalis amicitia cum Deo, atque adeo identificatus cum gratia.

Respond. gratiam, tamquam naturam supernaturalem, exigere naturaliter habitus omnes infusos, & præsertim charitatis, quamvis nonnulli putent, cum iis habitibus connecti ex extrinseca Dei ordinatione in presenti providentia; non locus, ut ignis exigit calorem: cum autem sola gratia sit participatio specialis diviniæ nature, filiationis, & amicitia cum Deo, sequitur, quod si divinitus existeret habitus charitatis sine gratia, posset cum peccato componi. Quod autem de facto non componatur, ex eo oritur, quia recedente natura, nempe gratia, recedunt proprietates, seu habitus infusi, sicut recedente igne, recedit calor, ut octo. In tantum habitus fidei, & spei non recedunt per peccatum, quia remanent, ut disponant ad reconciliationem, sicut, recedente igne, quavis recedat calor ut octo, non recedit tamen omnis gradus caloris, sed remanet, quia deservit, ut disponat ad novam formam. Ex Conciliis, & Patribus fides, & spes inchoant statum vite supernaturalis, seu sunt initium, & fundamentum salutis, reliquæ virtutes eundem statum consummant; & ideo possunt habitus fidei, & spei stare sine gratia (sive id oriatur ex natura talium habituum, utpote disponentium ad justificationem, sive, ut alii opinantur, ex divina misericordia:) non vero reliquæ virtutes. Verum, quod habitus, præsertim charitatis, à gratia distinguatur, videtur expresse colligi ex Tridentino sess. 6. can. 11. ubi habetur: *Si quis dicarit, baptismum justificari sola peccatorum remissione, exclusa gratia, & charitate, &c.* ecce quomodo gratiam à charitate distinguit.

QUÆSTIO VIII.

Num. Actus, aut Habitus Charitatis iustificent formaliter?

L. V. Asquez p. 2. disp. 203. cum Macratio disput. 23. de Gratia, Turriano, & aliis docent, actum contritionis per-

perfectæ, & dilectionis Dei supernaturalis super omnia iustificare formaliter. Idemque Valq. docet: disp. 193. cap. 3. de habitu charitatis, si à gratia distinguatur. Fulse quæstionem hanc discutimus in de Pœnitentia disp. 4. q. 2. ar. 2. Interim paucis

H. Dico cum communi apud Suarium l. 7. & 8. Neque actum supernaturalem charitatis, neque habitum, si à gratia distinguatur, iustificare formaliter; quod etiam dici debet de visione beata; quicquid sit, an idem dicendum de Maternitate Dei, & de Unione hypostatica, quæ sunt formæ altioris ordinis.

Prob. ex dictis quæst. 6. Ad formalem iustificationem remissivam peccati, & reddentem hominem Dei adoptivum, amicum, & hæredem, non satis est, quod forma exigat exigentia naturali amorem Dei amicabilem, & vitam æternam; sed præterea requiritur, quod talis forma essentialiter præsupponat, & pendeat à promissione Dei de dando suo amore, & hæreditate; atqui hæc essentialis dependentia solum competit ex Tridentino gratiæ sanctificanti, cum ea dicatur unica causa formalis nostræ iustificationis; & sine fundamento dicitur, quod competat actui, aut habuit charitatis, vel visioni beatæ; ergo actus, & habitus charitatis, & visio beata non sunt formæ iustificantes. Minor constat solutione argumentorum. Major patet ex dictis. Illa enim forma, quæ solum exigit connaturaliter Dei amorem, & hæreditatem, non est Dei amicitia, & adoptio stricte dicta, de quarum ratione est ius infrustrabile ortum ex fide, & sponione data, sed est forma de se composibilis cum peccato, & pœna æterna; eo quod possit Deus naturales rerum exigentias frustrare; ergo ut forma aliqua sit iustificans, reddatque hominem Dei amicum, adoptivum, & hæredem, requiritur, quod essentialiter pendeat à divina promissione de dando suo amore amibili, & hæreditate.

Confirm. quia passim Scripturæ, Concilia, Patres ostendunt, contritionem, & dilectionem Dei super omnia disponere tantum ad iustificationem, atque adeo non iustificare formaliter. Scripturæ enim testantur, iustificationem esse novam gratiam ultra contritionem. Jerem. cap. 3. dicitur: *Convertimini ad me, & sanabo vos.* Ubi Suar. notat, sermonem esse de conversione perfecta ex toto corde. Fulgentius hæc habet: *Sicut per iustitiam Deus damnas aversum, ita per misericordiam salvat conversum;*

quare conversioni additur iustificatio ex nova gratia, itaut ne exigatur quidem. Visio enim Dei, quæ exigitur à gratia, dicitur conferri ut corona iustitiæ, non ex misericordia, & gratia. Denique Tridentinum sess. 6. & 7. loquens de contritione, quæ aliquando charitate perfecta esse contingit, aperte dicit, eam impetrare veniam peccatorum, & ad illorum remissionem præparare, ac disponere.

Neque dicas cum Martinez, posse unam formam esse dispositionem ad aliam ejusdem generis, ut actualis temperantia ad temperantiam habitualement; ergo potest sanctitas actualis identificata cum Dei dilectione disponere ad sanctitatem habitualement; ut de facto gratia habitualis disponit ad Visionem Dei, quæ in multorum sententia est etiam sanctitas. Nam contra est, quia, ut notat Suarius, ex Tridentino contritio non disponit ad gratiam, tanquam forma iustificans actualis ad habitualement, sed sicut univèrsim dispositiones præcedunt formam; cum Tridentinum dicat, per gratiam peccatorem fieri ex inimico amicum; ergo contritio, quæ præcedit gratiam ex Tridentino, non tollit formam inimicitie. Præterquam quod si contritio iustificaret, esset meritum condignum gratiæ habitualis, quod est contra Tridentinum dicens, *Vi contritionis gratiam solummodo impetrari à peccatore*: Et propterea communissime docent, peccatoris contritionem solum de congruo mereri gratiam.

III. Dico secundo: tam actus, quam habitus charitatis, nec non Visio beata, possunt in alio ordine iustificare formaliter.

Probat. Si eodem modo hæc dependent essentialiter à promissione divina de dando suo amore, & hæreditate, ut de facto pendet gratia præsentis ordinis, haberent quicquid requiritur ad formaliter iustificandum, nempe esse formalem Dei amicitiam, & adoptionem; sed possunt in alio ordine ita dependere; ergo possunt formaliter iustificare.

Neque dicas, idem dici posse de amore naturali, & de quovis actu virtutis, aut etiam indifferenti; imo de qualibet alia qualitate, puta de calore, si penderet essentialiter ab ea divina promissione, essetque veluti externa Dei promissio; sequela est absurda; quis enim dixerit, posse calorem in alio ordine formaliter iustificare? ergo.

Nam distinguo sequelam: etiam amor naturalis, & calor v. g. possunt iustificare for.

formaliter, si essentialiter penderent ab ea promissione divina, ita ut justificatio non tribueretur calori, nullatenus exigenti eam promissionem, sicut exigitur à gratia, concedo; ita ut justificatio tribueretur calori, ut tribuitur gratiæ, nego sequelam; & distincta minore, nego consequentiam. Amor Dei naturalis, & calor nullatenus participant naturam divinam in eo sensu, in quo participatur à gratia, cum non disponant ad Dei visionem, & ad omnia sanctitatis opera, etiam supernaturalia; unde non exigunt divinam illam promissionem. Contra vero actus, & habitus charitatis supernaturalis, quamvis non participant eo stricto modo naturam divinam, sicut participatur à gratia, per hoc scilicet, quod sint prima radix supernaturalitatis; participant tamen aliquo stricto modo naturam divinam per hoc, quod proxime, si minus radicaliter, disponant ad Dei visionem, & per hoc, quod exigant conjungi cum gratia; ergo exigunt mediate conjungi cum ea promissione divina; ergo si de facto essentialiter pendeant à tali promissione, ut divinitus contingere potest, possunt in alio ordine formaliter justificare.

IV. Objic. 1. contra primam conclusionem. Jacobi 2. dicitur ex operibus justificari homo; quod intelligendum est de opere perfectissimo, nempe de dilectione Dei, quæ ex Apost. est plenitudo legis: ergo actus charitatis formaliter justificat. Hinc amori tribuuntur proprietates gratiæ, nimirum esse amicitiam Dei, & filiationem; dicitur enim in Scripturis: *Qui diligit, diligitur; Qui diligit, ex Deo natus est;* & D. Bern. Serm. 3. de timore Dei: *Perfectio charitatis perfecta est sanctitas.*

Confirm. Actus dilectionis Dei super omnia est impossibilis cum mortali: perfecta enim ad Deum conversio est impossibilis cum aversione à Deo; ergo formaliter justificat, & extinguit mortale.

Resp. hæc, & alia loca vel intelligi de justitia secundum quid; secundum quam rationem in Scripturis etiam fides dicitur justificare; dicitur enim Marci 16. *Qui credideris, & baptizatus fueris, salvus eris;* quatenus per hujusmodi actus ad recipiendam justificationem disponimur: vel intelligi de justitia simpliciter, ratione connexionis, quam habent hujusmodi actus ex Divina misericordia cum justificatione.

Ad Confirm. Resp. 1. per instantiam: Actus fidei, quo quis credit, se esse justificatum, est impossibilis cum peccato: ex-

guo formaliter justificat. Secundo directe dist. antec. est impossibilis ratione sui, nego; ratione gratiæ, quam ex misericordia Divina inducit, conc. antec. & nego consequentiam.

Ad probationem antecedentis dico, per actum amoris hominem esse conversum physice ad Deum, seu conversione facti; per peccatum vero habituale esse aversum moraliter, seu aversione juris; quare sicut per Adversarios cum actu amoris Dei naturali, quod est impossibile cum mortali actuali, conjungi potest peccatum habituale; ita conjungi potest cum actu amoris supernaturali: nullus enim actus creaturæ cogere potest Deum ad remittendum reatum culpæ præteritæ.

V. Objic. 2. Gratia est forma justificans, non solum quia essentialiter pender à donatione amoris amicabilem, quod prædicatum posset alteri qualitati, puta calori, competere; sed etiam, quia ratione suæ perfectionis id exigit: unde gratia in alio ordine, quæ non penderet ab hac donatione contra connaturalem exigentiam gratiæ careret tali dependentia: atqui actus supernaturalis est perfectior, nempe actus charitatis est perfectior gratia; ergo etiam exigit ab eadem donatione essentialiter pendere: & quia hoc exigit, dicendum, quod de facto pendeat, cum Deus in ordine supernaturali secundum rerum exigentias; atque adeo de facto justificat. Prob. min. quia finis est perfectior iis, quæ sunt ad finem: atqui gratia est in ordine ad amorem, tanquam ad finem; ergo amor est perfectior gratia.

Confirm. ex Philosopho 9. Methaph. 9. *Actus præminet potentia; melius enim est bene agere, quam posse bene agere;* ergo actus charitatis est perfectior habitu charitatis, & consequenter est perfectior ipsa gratia, quæ vel identificatur cum tali habitu, vel longius distat ab actu, quam habitu.

Resp. nego min. ad probationem distinguo maj. cum Mauro quæst. 3. de gratia ad tertium; Finis adæquatus, qualis in casu est collectio omnium amorum, est perfectior iis, quæ sunt ad finem, concedo: finis inadæquatus, quales sunt singuli actus amoris, nego majorem, & consequentiam. Arbor ordinatur ad fructus tanquam ad finem, quis autem dixerit singulos fructus esse præstantiores arbore? Ad summum concedi posset, quod finis ultimus gratiæ, qui est amor in patria, sit perfectior gratia; Sed neque hoc concedendum, nisi relate ad collectionem omnium amorum pos-

sibi in patria; quandoquidem nec amor in patria, nec visio beata, formaliter iustificat, ut constat ex hactenus dictis. Unde sit, quod videns Deum cum mortali non solum non esset beatus, sed esset summus miser, quia videret tantum Bonum sibi insensum, juxta dicta in de Beatitudine.

Ad confirm. Aristoteles confert potentiam determinatam ad non agendum cum ipsa actione, & dicit haec illi praestare; certo enim praestat amare Deum adu, quam posse amare, & nunquam illum amare: Quod si competeret unus actus amoris transiens, & momentaneus cum potentia disposita ad plures actus producendos, certe haec illi praestat, ut arbor praestat singulis fructibus seorsim; esse non praestet omnibus collective à se producibilibus.

VI. Obijc. ult. contra secundam conclusionem. Impossibile est, quod eadem forma possit Divinitus praestare effectus formales diversos; ergo si actus charitatis non praestat in hac providentia effectum formalem iusti, nec poterit in alio ordine.

Confirm. potest amor praesentis ordinis conjungi divinitus cum peccato habituali, si scilicet Deus nolit conferre peccatori diligentem se gratiam exigentem; sed in quocumque ordine Deus supremus Dominus potest peccatori diligenti se negare gratiam suam: ergo in quocumque ordine potest amor Dei cum peccato habituali conjungi; atque adeo repugnat amor Dei supernaturalis, qui sit formalis iustificans.

Resp. Manifestum, qui cum aliis plurimis quae 7. de gratia, num. 216, docet, posse solum in alio ordine actum charitatis iustificare (sicut viceversa potest solum in alio ordine gratia non iustificare), nunquam somniasse, quod idem entitative sit actus, qui in praesenti ordine non iustificat, & in alio iustificat. Quare solum verum est, quod sicut potest in alio ordine dari aliud genus gratiae, cui tantum competat exigere visionem beatam, quin habeat essentialem dependentiam à promissione Divina, unde sit jus ad amorem, & hereditatem; ita pariter potest in alio ordine dari aliud genus amoris Dei supernaturalis, cui praeter praedicatum amoris competat habere similem connexionem essentialem cum promissione Divina; sive connexionem hanc habeat, quia esset extrinsecum complementum talis decreti, seu promissionis, ut multi opinantur; sive quia essentialiter ab ea dependet juxta nostram sententiam.

Ad confirm. nego minorem; Si enim

supponatur, quod amor Dei essentialiter dependeat ab ea divina promissione, essentialiter confert jus ad amorem, seu amicitiam cum Deo, atque adeo est incompatibilis cum peccato; quomodo enim potest consistere reatus odii divini in Petro, atque adeo jus, & potestas moralis in Deo odio habendi, & puniendi Petrum, cum promissione, & obligatione divina amandi illum, & praemiandi?

QUESTIO IX.

Num possit homo in alio ordine per formam extrinsecam sanctificari;
& citra retractionem peccati?

Quaeremus primo, Num possit homo extrinsece sanctificari positive? Secundo, Num possit peccator extrinsece sanctificari negative? Tertio, Num possit peccatum remitti absque praevia ejus retractione?

ARTICULUS I.

Num possit homo extrinsece sanctificari positive?

I. Supponimus ex dicendis articulo sequenti, & ex dicendis fufius in tractatu de Pœnitentia, posse peccatum condonari extrinsece citra gratiae infusionem, per solam voluntatem Dei cessivam juris ad odium, & poenam; sicut in praesenti providentia saepe remittitur à Deo veniale per meram condonationem extrinsecam, si non ponatur pro illo condigna satisfactio; & sicut relaxatur reatus voti absque forma intrinseca. Quare praescindendo pro nunc de hoc effectu formali negativo praestito à gratia, qui est remissio peccati, quaerimus solum de effectibus formalibus positivis à gratia praestitis, quales sunt reddere hominem Dei adoptivum, amicum, & heredem, Num possit in alio ordine haberi citra gratiae infusionem? Et quamvis hoc sit fufius discutiendum sit in tractatu de Pœnitentia disp. 2. qu. 4. operam pretium est hic etiam primoribus labris nonnulla delibare.

Certum autem est, quod effectus formales intrinsece gratiae, qua intrinsece, nullatenus haberi possint per formam extrinsecam, ut patet, quia effectus formalis in-

trin-

trinfecus non distinguitur ab ipsa forma intrinsece communicata subiecto: propterea sicut nequit effectus formalis intrinsecus, v. gr. albi haberi sine albedine intrinseca, quamvis sine albedine possit Deus elevare subiectum ad disgregandum visum, non secus ac si esset album; ita nequit haberi effectus formalis intrinsecus gratiæ, quæ intrinsecus, sine gratia intrinseca. Dubitatur itaque solum, an sicut effectus formalis v. gr. cogniti, vel amati haberi potest tum à cognitione, vel amore intrinseco cognoscenti, vel amanti, tum ab extrinseca cognitione, vel amore; ita effectus formales Adoptivi Dei, & Amici, qui in præsentis ordine habentur à gratia physice intrinseca, haberi divinitus possint à forma aliqua nobis extrinseca, videlicet à divina voluntate collativa juris ad amorem, & hereditatem; unde homo vi talis juris sic formaliter Dei amicus, adoptivus, & hæres?

II. Dicendum cenfeo, effectus formales positivos, quos gratia præsentis ordinis communicat iusto communicando se illi intrinsece, nempe denominationem amici Dei, filii, ac hæredis vitæ æternæ, posse in alio ordine haberi per formam extrinsecam: atque adeo potest homo per sanctitatem physice extrinsecam, sed moraliter intrinsecam sanctificari. Ita Ovidius contr. 3. p. 4. Arria disp. 44. sect. 4. Durandus, Medina, Sotus apud Granado tr. 8. disp. 5. sect. Coniunct. disp. 2. de Penit. dub. 10. concl. 3. & alii Recentiores contra Thomistas, Vasq. Pallav. & alios.

Prob. Si promissio divina, de dando suo amore, & hereditate, à qua essentialiter pendet, & quam exigit Gratia præsentis ordinis, ponatur à Deo citra præviam exigentiam gratiæ intrinsece, eo ipso habetur ius ad amorem amicabilem, & hereditatem; atque adeo habentur effectus formales positivi gratiæ jam enumerati, sed potest ita poni huiusmodi promissio; ergo per formam huiusmodi extrinsecam haberi possunt effectus formales gratiæ. Major patet; nam eo ipso ac habetur ius ad amorem amicabilem, & hereditatem, habetur participatio divinæ naturæ tum physice, tum Ethice sumptæ, eo speciali modo, qui habetur per gratiam, juxta dicta quæst. 2. atque adeo habentur omnes effectus formales positivi gratiæ sanctificantis. Minor autem videtur manifesta.

Confirm. 1. potest Deus v. gr. sine ulla forma intrinseca promittere Petro divitias;

Unde ex hac promissione contraheret Petrus ius ad divitias; ergo si pariter Deus promittat homini suum amorem, & hereditatem, poterit homo ius ad hæc omnia habere sine ulla forma physice intrinseca; atqui habens tale ius eo ipso est Dei amicus, adoptivus, & hæres, atque adeo habet omnes effectus formales proprios gratiæ præsentis ordinis sine ulla forma intrinseca; ergo per formam physice extrinsecam haberi possunt morales effectus positivi gratiæ sanctificantis. Verum sicut beatus v. gr. si Deum videret per Visionem causatam ab Omnipotentia specialiter assistente, suppletente vires luminis gloriæ, non videret Deum connaturaliter, seu iuxta perfectionem connaturaliter exigitam; ita qui sanctificaretur per huiusmodi formam extrinsecam, non sanctificaretur connaturaliter, & juxta perfectionem connaturaliter debitam, requirementem, quod gratia, quæ est prima radix habituum, & operationum supernaturalium, physice perficiat animam; ut lumen gloriæ debet physice perficere potentiam, ut connaturaliter procedat Visio Dei.

Confirm. 2. Potest homo reddi peccator, & filius Diaboli participans moraliter ejus naturam, & inclinationem ad malum, præcise per formam extrinsecam; ergo poterit patitur esse sanctus, & participes naturæ divinæ per sanctitatem extrinsecam. Antecedens est certum; de facto enim peccatum originale ab infantibus contrahitur absque ulla forma physice intrinseca per hoc, quod Deus inclusit voluntates nostras in voluntate Protoparentis; & hic peccaverit. Probi consequentia vi paritatis: si enim potuit Deus includere nostras voluntates in voluntate Adæ in ordine ad contrahendum reatum odii divini per ejus peccatum, à fortiori poterit includere voluntates nostras in voluntate Adæ, vel Christi Salvatoris in ordine ad contrahendum ius ad amorem, & hereditatem, quod nobis conferret, posita eorum bona operatione.

III. Obje. 1. denominatio, quæ habetur à forma intrinseca, in denominatio prudentis, albi &c. nequit haberi per formam extrinsecam; ergo denominatio Sancti, quæ habetur per gratiam intrinsecam, nequit haberi per sanctitatem extrinsecam.

Confirm. 1. sanctitas reddit subiectum sapientem, & pulchrum, in ordine supernaturali; atqui sanctitas, & pulchritudo nequit haberi per formam extrinsecam in ordine

naturali; ergo neque in ordine supernaturali.

Confirm. 2. sanctitas de facto reddit hominem intrinsece dignum amore Dei amabili; nulla autem forma extrinseca potest hominem reddere dignum intrinsece tali amore; ergo ut prius.

Confirm. ult. peccatum originale, quod est in infantibus, habetur per privationem gratiæ physice intrinsecæ; ergo sanctitas haberi debet per gratiam physice intrinsecam.

Resp. denominationem nihil aliud esse, quàm subjectum, & formam hoc, vel illo pacto respicientem subiectum: v. gr. denominatio cognoscens habetur à subiecto, & cognitione in eo subiecta; denominatio cogniti à subiecto denominationis, & à cognitione illud representante; sicut autem potest eadem forma cognitionis constituere duas denominationes diversas, videlicet cognoscens, & cogniti, per hoc, quod diversimode respiciat subiectum; ita è contra possunt sæpe duæ formæ diversæ præstare eandem denominationem, si eodem modo respiciant subiectum; ut de facto denominatio, seu effectus formalis cogniti, prout præcendit ab intrinseco, vel extrinseco, haberi potest tam à cognitione intrinseca cognoscenti, quàm à cognitione extrinseca: Et eodem modo dicimus, effectum formalem Sancti, prout præcendit ab intrinseco, vel extrinseco, haberi posse tam à gratia physice intrinseca, quàm à forma extrinseca, nempe à promissione divina conferente idem jus, quod confert gratia intrinseca. Quare falsum est universum antecedens, si pro denominatione veniat effectus formalis, prout præcendit ab intrinseco, vel extrinseco; esto verum sit, quod effectus formalis, prout intrinsecus, haberi non possit à forma extrinseca. Denominatio prudentis, vel sapientis solet significare dispositionem ad actus prudentiæ per habitum intrinsecum, & in hoc sensu nequit haberi per formam extrinsecam; quod si significaret dispositionem ad actus prudentiæ, præcendendo, an talis dispositio habeatur per habitum intrinsecum, an per Omnipotentiam specialiter assistentem loco habitus, posset etiam talis denominatio haberi à forma extrinseca: Sic denominatio albi solet significare subiectum potens per formam intrinsecam albedinis disgregare visum; & ideo nequit haberi per formam extrinsecam; at si significaret subiectum potens disgregare visum, præcendendo,

an id præstetur per albedinem intrinsecum, an per Omnipotentiam suppletentem vices albedinis in ordine ad effectus extrinsecos, posset talis denominatio haberi per formam extrinsecam. Et disparitas ulterior est, quia effectus formalis albi est effectus dumtaxat physicus, qui proinde solum haberi potest à forma physica; & effectus formalis iusti, sancti, amici Dei, filii adoptivi, & heredis sunt effectus morales, qui tam haberi possunt à gratia physice intrinseca, & quæ est physica participatio naturæ divinæ, quàm ab illa divina donatione sui amoris, seu promissione extrinseca, quæ est moralis participatio naturæ divinæ; ut dicemus loco laudato.

Ad 1. Confirmationem recurrit eadem responsio: Nomine sanitatis naturalis venit armonia humorum, vi cuius subiectum est dispositum ad operationes validas, ac sanas: per metaphoram vero Gratia dicitur sanitas animæ in ordine supernaturali, reddens illam dispositam ad optimas operationes supernaturales; quare quia per antonomasiam nomine sanitatis venit dispositio illa intrinseca orta ex armonia humorum, nequit hæc denominatio haberi per formam extrinsecam; si vero nomine sanitatis significaretur dispositio ad operationes validas, sive procedens ab humorum armonia, sive ab Omnipotentia specialiter assistente, talis denominatio posset haberi per formam extrinsecam: Idemque dicas de pulchritudine. Cum autem in casu nostro nomine sancti, sani, & pulchri significetur dispositio ad operationes supernaturales, & jus ad amorem amicabilem, & hereditatem, præcendendo, an habeatur à Gratia intrinseca, vel à promissione divina, idcirco poterit denominatio sancti haberi etiam à forma extrinseca. Adde, quod etiam de facto aliquando denominatio sani habeatur à forma extrinseca, ut cum dicitur domus Lauretana sancta; ergo denominatio sancti in sensu à nobis explicato non est, cur non possit haberi per formam extrinsecam.

Ad 2. confirm. Sanctitas de facto reddit hominem intrinsece dignum amore Dei, tum physice propter gratiam physice intrinsecam, tum moraliter propter dependentiam essentialem gratiæ præsentis ordinis à promissione Divina conferente jus moraliter intrinsecum; gratia extrinseca, quamvis

vis non præstaret effectum illum formalem physicum, præstaret tamen effectum illum moralem; unde homo vi gratiæ extrinsecæ esset intrinsecè dignus solum moraliter amore Dei: Sicut adoptatus in filium à Rege, ratione adoptionis extrinsecè dicitur dignus intrinsecè moraliter amore amabili Regis; & sicut Infantes propter originale dicuntur habere moraliter intrinsecum reatum odii Divini.

Ad ultimam: peccatum originale non habetur per solam gratiæ privationem physicam; nam in pura natura homo haberet privationem physicam gratiæ, nec per hoc diceretur maculatus culpa gravi. Quare peccatum originale habetur in infantibus per privationem gratiæ theologicam, seu per carentiam gratiæ dependentem à peccato Adæ, quod interpretative fuit peccatum posterorum; hujusmodi autem privatio gratiæ theologicæ non habetur per aliquid physice intrinsecum infantibus, sed per peccatum iis moraliter intrinsecum constitutum per reatum odii Divini; ergo pariter homo poterit esse sanctus per jus ad amorem Dei moraliter tantum intrinsecum.

IV. Objic. 2. Si posset haberi jus ad Dei amorem, & hæreditatem præcisè per voluntatem Divinam collativam talis juris, sequeretur, quod semper ac confertur gratia intrinsecæ, homo sanctificaretur etiam per gratiam extrinsecam; quia semper ac confertur Gratia intrinsecæ, Deus habet voluntatem conferendi jus ad suum amorem, & hæreditatem; sequela est absurda; ergo & id unde sequitur.

Confirm. Filius Dei adoptivus distinguitur ab adoptivo in humanis, quod hic adoptetur per formam extrinsecam, & ideo non dicatur natus ab adoptante, nec participans illius naturam; secus vero adoptivus Dei; ergo adoptio Divina nequit haberi sine forma intrinsecæ.

Resp. nego sequel. Aliud enim est, Deum velle conferre gratiâ intrinsecam, & per hanc jus ad amorem, & hæreditatem; aliud vero velle immediate dare tale jus sine forma intrinsecæ: In primo casu voluntas Dei collativa gratiæ est causa efficiens illius juris; in secundo casu est causa formalis; sicut enim quando Deus vult tollere dissensum ab intellectu, infundendo consensum, voluntas Dei est causa efficiens privationis dissensus, est vero causa formalis, si solum vult suspendere consensum ad dissensum; ita in casu nostro: Et eodem modo, si Deus vult condonare peccatum per condonatio-

nem extrinsecam, voluntas Divina est causa formalis talis remissionis; si vero condonet per gratiam intrinsecam, est causa efficiens. Et sane sicut aliud est vovere, & aliud habere voluntatem vovendi; ita aliud est, Deum promittere jus ad gloriam, aliud vero velle infundere gratiam, quæ est jus ad gloriam. Ex quibus fit, quod sicut, si quis velit promittere centum Petro sub conditione, quod ponatur promissum tum verbalis, tum scripta; in tali casu antecederet ad promissionem scriptam non confertur in Petro jus promissarii; ita cum Deus vult dare jus ad gloriam per gratiam intrinsecam, antecederet ad talem gratiam non confertur jus ad gloriam, etiam si præsupponatur voluntas in Deo dandi gratiam collativam talis juris.

Ad confirm. Dei adoptivus dicitur natus à Deo præcisè per hoc, quod participet naturam Divinam, qua disponitur ad Visionem; atqui hoc, quod præstat gratia intrinsecæ, præstari etiam potest à voluntate Divina donante alicui jus ad habitus infusos, quibus disponatur ad Dei Visionem; ergo participatio naturæ Divinæ haberi potest etiam per formam extrinsecam, ratione cuius Dei adoptivus dicitur etiam à Deo natus. Propterea adoptivus Dei in hoc differt ab adoptivo in humanis, quia adoptio humana non fert participationem naturæ adoptantis, sed solum jus ad ejus hæreditatem; & ideo adoptivus in humanis non dicitur natus ab adoptante: secus vero adoptivus Dei, qui non solum habet jus ad hæreditatem, sed etiam participat naturam Dei adoptantis. Ex quibus omnibus fit, quod licet physice perfectiori modo se habeat homo iustus per gratiam intrinsecam, ac iustus per formam extrinsecam; nihilominus metaphysice, seu secundum conceptum metaphysicum sanctitatis, eodem modo uterque esset iustus, & sanctus; sicut licet physice perfectius se habeat, qui habet habitum prudentiæ intrinsecum, ac secundum conceptum metaphysicum bene dispositi ad operationes prudentes, eodem modo se habet qui habet prudentiam physice intrinsecam, ac ille, qui habet Omnipotentiam Dei specialiter sibi assistentem, & suppletentem vices prudentiæ intrinsecæ in ordine ad operationes prudentes: Et sic qui habet lumen gloriæ intrinsecum physice, perfectiori modo se habet intrinsecè, ac qui potest proxime Deum videre per Omnipotentiam specialiter assistentem: nihilominus secundum conceptum

me-

metaphysicum potentis proximè Deum videre, eodem modo uterque se habet.

ARTICULUS II.

Utrum possit peccator extrinsecus sanctificari negativè?

V. EX resolutione superioris quaest. sequitur resolutio alterius celeberrimi discutendi fufius etiam in de Poenitentia, disp. 2. qu. 3. An scilicet etiam effectus negativus formalis gratiæ, nempe remissio peccati, possit haberi citra infusionem gratiæ, seu per condonationem extrinsecam? Affirmandum enim cum Suariorum lib. 7. cap. 23. & aliis communius apud Amic. disp. 33. contra Vasquez. Et ratio est, quia præcise per hoc, quod Deus sua voluntate liberaliter cedat juri ad odium habendum, & puniendum peccatorem, intelligitur sublatus reatus odii, & vindictæ, atque adeo extinctum peccatum: sed potest Deus cedere huic juri citra infusionem gratiæ; ergo potest peccatum remitti per condonationem extrinsecam. Probatur minor, tum quia potest homo sic remittere offensam sibi irrogatam; ergo & Deus; tum etiam quia de facto Deus in baptismo adulti per condonationem extrinsecam remittit reatum culpæ venialis, & reatum poenæ temporalis, cum gratia non opponatur his reatibus; ergo poterit etiam per condonationem extrinsecam remittere reatum culpæ mortalis, & poenæ æternæ.

Confirm. De facto Deus remittit reatum poenæ temporalis ei, qui Indulgentias lucratur, per hoc præcise, quod applicet illi satisfactiones Christi Domini, quæ infundat qualitatem ullam, formaliter, delectivam talis reatus; ergo pariter poterit Deus remittere reatum poenæ æternæ, & odii Divini per hoc, quod applicet peccatori aut per Sacramenta, aut alio modo, satisfactiones Christi Domini, etiam si nolit infundere gratiam formaliter delectivam talis reatus. Probatur consequentia, quia satisfactiones Christi Domini non solum sunt aptæ ad delendum reatum poenæ temporalis, si nobis approprientur per Indulgentias, quàm sint aptæ delere superabundanter reatum poenæ æternæ, & odii Divini contractum per mortale, si nobis approprientur per Sacramenta, aut alia via; ergo uterque reatus potest formaliter tolli citra infusionem ullius qualicatis intrinsecæ. Et ratio à priori est, quia reatus poenæ, cum

sit quoddam ens morale, importat solum deputabilitatem ad poenam juxta judicium prudentum; atqui posita applicatione satisfactionum Christi nobis facta, neque ad poenam temporalem est amplius deputabilis, qui peccavit venialiter, juxta judicium prudentum; neque est ordinabilis ad poenam æternam, & ad odium Dei, qui peccavit mortaliter; eo quod satisfactiones Christi Domini nobis applicatæ superabundanter præbent nobis illum effectum formalem, quem præstaret satisfactio condigna à nobis exhibita Deo offenso; ergo uterque reatus, & utraque moralis macula, abstergi potest per applicationem extrinsecam satisfactionum Christi Domini, atque adeo etiam per extrinsecam condonationem; cum universim condonatio æquivalens condignæ satisfactioni.

VI. Neque dicas: peccatum constituitur per privationem gratiæ; ergo non potest tolli peccatum, quin infundatur gratia, sicut non possunt tolli tenebræ sine positione lucis.

Nam: nego antecedens: Habituale peccatum, seu reatus odii, & poenæ æternæ non constituitur per privationem gratiæ, cum privatio gratiæ possit esse in pura natura sine peccato, sed constituitur per peccatum, actuale præteritum, & carentiam si ve gratiæ, si ve condonationis extrinsecæ, si ve condignæ satisfactionis, aut alterius delectivi peccati, ut dicemus in de Poenitentia, disp. 1. unde formaliter tollitur per quamcunque ex his formis, atque adeo bene possunt stare remissio peccati, & privatio gratiæ: Sicuti quia tenebræ constituuntur per carentiam cujuscumque lucis si ve A, si ve B; bene potest stare, quod tollantur tenebræ per lucem A, & detur in subiecto carentia lucis B. Hinc, ut diximus quaest. 5. privatio gratiæ est poena peccati comitans, atque adeo non est ipsum peccatum, sed peccati effectus; quod hic supponendum est.

Deinde transmissio, quod peccatum habituale constituitur per privationem gratiæ, at non constituitur per privationem gratiæ physicam, quam doquidem hæc haberi potest in pura natura sine ullo peccato, sed per privationem gratiæ theologicam, seu per carentiam gratiæ dependentem à peccato præterito, seu quia per peccatum amissa est cum autem possit Deus velle, quod gratia non sit in peccatore ex libera sua voluntate, non vero, quia peccavit, seu dependentem à peccato præterito, ideo potest divinitus

rus dari privato gratiæ physico, quin detur privato theologia constitutiva peccati habitualis; atque adeo dari potest remissio peccati sine infusione gratiæ.

Neque dicas, quod si Petrus, & Paulus peccaverint, & Deus per condonationem extrinsecam soli Petro remitteret peccatum, sequeretur, quod Petrus non differret à Paulo intrinsicè; atque Paulus in hac hypothesi remaneret intrinsecè maculatus; ergo etiam deberet esse intrinsicè maculatus Petrus, atque adeo Petrus non esset iustificatus negative.

Nam in casu adducto, licet Petrus, & Paulus non differant intrinsicè physico, differant tamen intrinsicè moraliter; quandoquidem peccatum, quod remaneret in Paulo, redderet illum maculatum intrinsicè moraliter; haberet enim intrinsicè reatum odii, qui est aliquid morale. Sic instantes, dum habent originale, sunt intrinsicè maculati moraliter, & filii iræ, ut loquitur Tridentinum. Idem dicendum ab Adversariis, si duo contraxerint veniale, aut emiserint votum, & uui tantum condonetur veniale per condonationem extrinsecam, aut votum relaxetur.

VII. Neque dicas ult. Non posset assignari obiectum Divinæ voluntatis condonantis extrinsecæ; ergo non est possibilis condonatio extrinsecæ. Probat antecedens: volitio Dei condonans vult, peccatum habituale non esse, seu vult formam destructivam peccati; atque in tali casu nulla alia forma destructiva peccati daretur, præter ipsam voluntatem Divinam; ergo volitio Divina haberet pro obiecto se ipsam, quod repugnat.

Resp. enim, argumentum solvendum ab Adversariis in omnibus instantiis; adductis de condonatione offensæ in humanis, de relaxatione Voti, de condonatione peccati venialis, & de condonatione reatus pœnæ temporalis. Directe alii aliter apud Lugo de Pœnit. disp. 7. num. 131. & fusius apud Ovied. tract. 8. contr. 4. pun. 5. Equidem dico, volitionem Dei condonativam habere pro obiecto reatum odii, nolendo illum; & quia reatus hic constituitur per peccatum præteritum, & carentiam cuiuscumque formæ impossibilis, videlicet per carentiam tum gratiæ, tum condonationis extrinsecæ, tum eodignæ satisfactionis; ideo vult hoc complexum tolli: sufficienter autem tollitur quodvis totum, tollendo unam tantum partem; unde sufficienter destruitur talis reatus, si sola condonatio extrinsecæ ponatur. Idem dicendum ab

Adversariis etiam in condonatione debiti realis: quando enim Petrus remittit debitori centum aureos, obiectum huius voluntatis est destructio reatus; qui cum tollatur aut per condonationem, aut per solutionem, sufficienter destruitur, posita tantum voluntate condonativa: Sic etiam quando Sacerdos v. gr. vult consecrare Sacramentum, obiectum talis volitionis adæquatum non est ipsamet volitio, sed ipsum Sacramentum, quod, supposita materia, & forma, tantum requirit intentionem, seu volitionem; ut sit adæquate constitutum. Quare dicendum, voluntatem condonativam posse habere pro obiecto inadæquate se ipsam; sicut intellectus, dum cognoscit consule esse, ita attingit omnia entia, ut habent etiam pro obiecto inadæquate ipsam cognitionem.

Alii vero, ut ab his tritis se expediant, dicant, condonationem esse quidem actum Divinæ voluntatis, sed non esse in rigore volitionem, aut nolitionem; sicut fructus, gaudium, desiderium, timor, audacia, donatio, promissio non sunt in rigore volitiones, aut nolitiones, quamvis procedant ex amore, aut odio alicujus obiecti. Hinc dicunt, obiectum condonationis, ut constituitur à volitione rigorose dicta, esse reatum odii: sicut obiectum donationis, quando quis donat librum, non est liber, sed jus ad librum: Per hoc autem, quod obiectum condonationis sit reatus odii, & hic reatus destruat formaliter per condonationem, non sequitur, quod condonatio velit seipsam, quia condonatio non est volitio; Unde non debet assignari obiectum, quod ipsa velit: atque adeo negandum suppositum, si Adversarii inquireant, quidnam velie condonatio? sicuti quamvis formaliter jus ad librum constituatur per donationem, non sequitur, quod donatio velit se ipsam, cum donatio non sit rigorose volitio. Quare sicut inepte quis quæreret, Nolitio Mundi quid vult? cum enim nolitio non sit volitio, non debet quæri, quid velit, sed quid nolit; ad quod responderetur, Nolle Mundum, & mundum esse obiectum talis nolitionis; ita inepte quis quæreret, Condonatio quid vult? cum enim condonatio non sit volitio, debet solum quæri, quid condonet, ad quod responderetur, Condonare peccatum, seu reatum, & hunc esse obiectum condonationis.

Tertio ad argumentum responderi potest expeditissime, transmittendo, quod condonatio sit rigorosa nolitio directa reatus, & rigo-

rigorosa volitio indirecta suimet; atque adeo quod habeat pro objecto indirecto simul, & inadæquato seipsam: negandum enim hoc repugnare: Sic volitio mundi sine repugnantia habet pro objecto directo, & nolit Mundum, pro objecto indirecto, & volito seipsam: Sic relaxatio voti, condonatio debiti realis, peccati venialis &c. habent pro objecto nolit, & directo reatum, seu obligationem moralem, pro objecto valito, & indirecto se ipsas.

ARTICULUS III.

Num possit peccatum remitti absque prævia ejus retractatione?

VIII. **Q**uamvis in eadem dispac. 2. de Pœnitentia quæstione 2. id sit discutiendum; dico tamen hic paucis, In præsentia providentia id fieri non posse, ut constat ex illo Christi Domini: *Nisi pœnitentiam egeritis, omnes similiter peribitis*: posse tamen in alia providentia, ut communissime docent contra Sotum, Becanum, Lorcam apud Esparzam qu. 11.

Prob. de facto infantibus remittitur originale absque ullo prævio actu; ergo etiam poterit remitti habituale; ntrumque enim peccatum convenit in hoc, quod sit voluntarium, quamvis in originali voluntarietas sit solum interpretativa, in personali vero formalis. Ratio à priori est, quia cæto connaturaliter exigitur retractatio peccati ad infusionem gratiæ, ut approximatio v. g. ad combustionem; potest tamen Divinitus forma introduci absque prævia connaturali dispositione.

IX. Opponunt 1. peccator donec peccatum retractet, manet habitualiter averfus à Deo; ergo non potest citra retractationem peccatum remitti, seu tolli hujusmodi averfio. Antecedens probatur, quia voluntarium liberum actuale univèrsim perseverat habitualiter, donec retractetur.

Resp. dist. antec. manet averfus à Deo averfione veluti physica, concedo; averfione morali propria reatus ad odium Dei, nego antecedens, & consequentiam: probatio antecedentis procedit de perseverantia habituali physica, non morali; potest enim perseverare averfio physica habitualiter, quis perseveret reatus, seu averfio moralis; sicut è contra potest tolli conversio habitualis physica, quin tollatur moralis, puta si Deus nolit condonare peccatum, quod retractatur; ut de facto non condonat, si

retractetur per solam attritionem extra Sacramentum. Adde, quod sicut originale, quod est interpretative voluntarium, remittitur infantibus, quin tollatur illa voluntarietas interpretativa; ita potest tolli peccatum habituale, quin tollatur perseverantia voluntarietatis. Imo sæpe remittitur peccatum, dum remanet habitus vitiosus, per quem physice peccator inclinatur ad aversionem à Deo.

X. Opponunt 2. qui non retractavit peccatum, non dicitur ad Deum conversus, etiam si illi gratia infundatur; sed qui non est ad Deum conversus, non est justificatus; ergo donec peccatum retractetur, non potest haberi justificatio, seu peccati remissio: propterea Tridentinum sess. 6. cap. 7. dicit, justificationem esse peccatorum remissionem per voluntarium susceptionem gratiæ, & donorum; quia ad justificationem requiritur voluntarietas, atque adeo retractatio peccati.

Confir. quia per gratiam homo desponsatur cum Christo, juxta illud Osæ 2. *Sponsabo te mihi*; matrimonium autem hoc spirituale debet esse voluntarium, & ex mutuo consensu; ergo voluntarietas, atque adeo retractatio peccati requiritur ad justificationem.

Resp. justificationem in præsentia ordine esse non solum negativam, consistentem in remissione culpe, & ablatione averfionis moralis à Deo per reatum odii, sed esse positivam per conversionem ad Deum moralem, videlicet per jus ad amorem, & hereditatem: in utroque sensu dicimus, ad justificationem non requiri retractationem. In forma dist. major. qui non retractavit peccatum, etiam si habeat gratiam, non dicitur ad Deum conversus moraliter per jus ad amorem, seu conversione aptitudinali, nego; physice, seu conversione actuali, concedo majorem, & distincta similiter min. nego consequ. Tridentinum loquitur de justificatione in præsentia tantum ordine.

Ad confir. Matrimonium hoc spirituale haberi potest per consensum hominis interpretativum, ut habetur contractus pupilli per Tutorem.

XI. Opponunt ult. Indignatio Divina averfus peccatorem non est justa, præcisè quia homo peccavit; aliter semper esset justa etiam post condonationem, quia semper est verum, quod peccaverit; neque est justa, quia homo peccavit, & Deus non condonat, quia iustitia indignationis Divinæ non debet fundari in Divino arbitrio, sed in

in objecto reo talis indignationis ; non enim ideo Deus indignatur , quia vult indignari , sed quia homo meretur indignationem ; ergo causa iustæ indignationis inquirenda est in peccatore ; hæc autem nequit esse alia , nisi quia non retractavit peccatum ; ergo peccatum non retractatum nequit condonari .

Resp. indignationem Divinam esse iustam , quousque peccatum perseverat ; peccatum autem perseverat , quousque Deus condonet ; unde fit , reatum peccati dependere à Divino arbitrio non positive , quasi vero ideo peccator sit reus odii , quia Deus vult illum esse reum ; sed negative , quatenus ideo non tollitur à peccatore reatus , quia Deus non vult illum tollere , & condonare . In forma nego secundam partem antecedentis . Ad probationem dico , iustitiam indignationis haberi in objecto , seu in peccatore per peccatum , quod commisit , & ex Divino arbitrio haberi solum negative , quatenus Deus non vult ejus reatum abolere .

DISPUTATIO . V.

De Gratia Auxiliantis Necessitate .

Cum necessaria sit ad gratiam habitua-lem tum promerendam , tum conservandam gratia actualis , propterea agimus hic de gratiæ actualis necessitate , inquirendo , in quonem naturæ statu , & ad quas operationes sit necessaria . Examinabimus itaque varios naturæ humanæ status , in quibus potest homo indigere gratia : deinde quonam gratia requiratur ad cognoscendas veritates sive practicas , sive speculativas , & ad operandum secundum virtutem , necnon ad totam legem naturalem servandam , & ad Deum super omnia diligendum : Denique , quonam sit de facto impotentia ad vitanda omnia venialia cum auxiliis ordinariis gratiæ .

QUESTIO I.

Sit ne possibilis status puræ naturæ , & Naturæ non integræ ?

Explicandi sunt varii naturæ status , & deinde querendum , Num repugnet status naturæ puræ , seu non elevatæ ad si-
Part III.

nem supernaturalem : querendum etiam , Num dari possit status naturæ puræ , non solum integræ , seu cum subiectione concupiscentiæ ad rationem , ut fuit in Adamo , antequam iustitiam originalem amitteret , sed etiam non integræ , seu citra hæc subiectionem ?

ARTICULUS I.

De multiplici naturæ statu .

I. **N**atura humana à Theologis consideratur sub multiplici statu ; & pro diversitate statuum considerantur ejus vires , & indigentia gratiæ ad beatitudinem consequendam . Status naturæ dicitur ipsa natura humana sub suis accidentibus , potens diutius permanere , & libere operari , disponendo se per operationes meritorias ad finem ultimum assequendam ; definiturque à Scoto in 1. dist. 3. qu. 3. *Stabilis permanentia legibus Divina sapientia firmata* .

II. Primus dicitur status Naturæ puræ , qui importat naturam cum proprietatibus , & facultatibus sibi debitis absque ordinatione ad finem supernaturalem per dona supernaturalia , & absque corruptione naturæ per peccatum originale .

Secundus dicitur status Naturæ integræ , qui superaddit naturæ puræ subiectionem appetitus sensitivi rationi superiori , & subiectionem rationis erga Deum , ac legem Divinam : quæ subiectio cum non sit naturæ debita , importat donum aliquod quoad modum supernaturalem , licet non quoad substantiam ; ratione cujus homo posset legem naturalem plene observare , absque lucta , & impedimentis naturalibus , & ita consequi beatitudinem naturalem . Quare status naturæ puræ fert naturam in paribus naturalibus ; status vero naturæ integræ superaddit carentiam fomitis , & concupiscentiæ effrænis indebitam naturæ , illi tamen consentaneam , ut notat Angelicus 1. p. qu. 85. art. 6. Et ratio est , quia si ea esset naturæ debita , permanisset in nobis post peccatum , quia peccatum non abstulit naturalia dona , ex D. Dionysio . Hinc damnata est à Pio V. & Greg. XIII. in Bullis contra Michaellem Bajam propositio 26. dicens : *Integritas prima creationis non fuit indebita humanæ naturæ exaltatæ , sed naturalis conditio* .

Tertius dicitur status iustitiæ originalis , quem habuit Adam in statu Innocentiæ ;

T im-

importatque supra naturam integram immunitatem à morte corporis, necnon à mortis vestigiis, nempe dolore, febribus, &c. & postquam cum Adamo de hac periegratione in posteros transiunda, si non poterat. Quod autem in statu Innocentie per donum iustitiæ originalis collata sit Adæ immunitas à morte, ceteroqui debita naturaliter; est de fide, dicente Apostolus ad Roman. 5. *Per unum hominem peccatum in hunc Mundum intravit; & per peccatum mors; idque definitur à Tridentino sess. 5. can. 4. Quod vero etiam collata fuerit immunitas à mortis vestigiis, non est de fide, ut notat Ovied. tract. 7. num. 125; est tamen fere communissima ex August. Bernard. &c.; cum enim hæc sit mala poenæ, par erat, ut exulceret, ubi culpa exulabat.*

III. Quartus est status Gratiae, seu naturæ elevatae ad beatitudinem supernaturalem, importatque ultra integritatem naturæ, & iustitiam originalem, etiam gratiam habituales, quam comitantur habitus infusi. Quod status Gratiae debeatutur naturæ integræ, docuit Bajus in Propositione 24, jure merito damnata, quæ habet: *Humanam naturam à sublimatio, & exaltatio in consortium divinae naturae debita fuit integritati primæ conditionis; & proinde naturalis dicenda est, non supernaturalis*. Constat autem, quod Gratia nullatenus debeatutur naturæ, ac in statu quidem Innocentie: quomodo enim donum Innocentie, seu iustitiæ originalis, quod est tantum quoddam modum supernaturale, potest exigere donum gratiæ intrinsece, & quod substantiam supernaturalem? Imò debuit Doctores, an quando Adam fuit creatus cum iustitia originali, statim gratiam habuerit? Videturque negare Scotus, Bonav. & alii apud Oviedum. Communitur tamen affirmant cum Augustino, Hieron. Saar. Vafq. 1. 2. disp. 132. Cum dicatur Ecclesiast. 7. *Fecit Deus hominem rectum*, nomine autem recti venit iustus, ut colligitur ex Job 1. ubi dicitur: *Bras vir simplex, & rectus*.

Quintus est status naturæ lapsæ, importans lapsum per peccatum à statu vel naturæ puræ, vel naturæ integræ, vel iustitiæ originalis, vel à statu gratiæ, vel ab omnibus his statibus, vel ab aliquibus: de quo tamen in Adamo importavit lapsum à primis tribus statibus, non vero lapsum à statu gratiæ, seu à statu Naturæ elevatae ad beatitudinem supernaturalem; quia tamen in præsentia providentia inte-

gritas naturæ, & donum iustitiæ, originis collata fuerunt in statu gratiæ; idcirco per lapsum utrumque illud donum una cum gratia amisit Adam, & cum eo posteris, imò quavis ex Tridentino sess. 6. cap. 5. contra Lutherum, & Calvinum, manifestè in homine libertas ad bene, vel male operandum, non mansit tamen cum illo per seculo libertatis statu, absque gravamine corporis, motuum, & passionum, dicente Arasiano can. 1. Peccato Adæ totum hominem secundum corpus, & animam in deterius esse mutatam, ut dicemus questione sequenti.

Ultimus est status naturæ lapsæ, & per Christum reparatæ quoad infirmitatem culpæ, licet non quoad infirmitatem concupiscentiæ, & mortalitatis, qualis est etiam in iustis. Hic status importat in naturam gratiam facientem cum virtutibus omnibus tam theologalibus, quam moralibus infusis, atque adeo specialia auxilia, quibus Deus filiis adoptivis patrocinatur.

ARTICULUS II.

Admittitur Status puræ Naturæ.

IV. Dico nunc primo: status naturæ puræ non elevatur ad finem supernaturalem non repugnat; potuitque homo in tali statu creari: Ita Catholici contra Jansenium, Bajum, Lutherum, Calvinum iomnantes, sententiam Catholicam suffragari Manichæis, & Pelagianis dicentibus, Deum esse injustum, si hominem in pura natura decedentem, priveret regno celorum; eo quod citra peccatum redderet illum miserum, cum miseria sit carere suo ultimo fine.

Conclusio, quæ aut est de fide, aut fidei assensu, probatur primo ex propositionibus contra Bajum damnatis, præsertim 26. ubi dicitur: *Integritas primæ creationis non fuit indebita humanae naturæ exaltatio, sed naturalis conditio*. Et 35. quæ habet: *Deus non potuisset ab initio talem hominem condere, qualis nunc nascitur*. Secundo ratione, quia status naturæ puræ duo importat, videlicet de positivo omnes perfectiones connaturaliter debitas, & de negativo negationem peccati, & elevationis ad finem supernaturalem; atqui hæc non repugnant ergo. Probatur minor, tum quia ratione naturali ostenditur, repugnare substantiam supernaturalem, seu cui sit connaturaliter debita Visio Dei; tum etiam, quia ex Aposto-

posuero ad Rom. 6. *Gratia autem Dei vita æterna in Christo Jesu*: ergo si elevari ad Visionem Dei est gratia, potuit homo conditi naturaliter absque elevatione ad talem finem, atque adeo in statu puræ naturæ.

Confirm. Si vita æterna esset debita naturæ humanæ; eo ipso posset naturaliter homo viribus propriis se disponere ad talem vitam; hoc autem est contra Tridentinum sess. 6. can. 2. ergo vita æterna non est debita naturæ humanæ; atque adeo potuit homo conditi in statu naturæ puræ.

V. Objic. primo: homo in pura natura esset subditus mortui, & moris vitiis, nempe aegritudini, ignorantie, &c. repugnat autem, Deum condere hominem immunem à culpa, subditum his miseriis: ergo repugnat, hominem conditi in statu puræ naturæ. Probatur Minor, quia est hæresis Manichæorum, quod Deus animos Infantium de se innocentes cogat ad peccati miseria.

Confirm. ex Augustino lib. 23. de Civit. cap. 23. ubi ait: *Constat, nobis corporis momentum non lege natura, sed merito infirmum esse peccati.*

Respond. nego minorem; miseria enim isthæc in statu puræ naturæ non esset peccati strictè dicta supponens culpam; sed mera naturalis penalitas. Unde Aug. lib. 3. de lib. Arb. cap. 20. dicit, Creatorem in statu puræ naturæ fore laudandum, quia naturalis esset ignorantia, & difficultas, quæ nunc est penalis. Ad probationem minoris: Manichæi in eo errabant, quod putarent, Deum non posse privare pueros sine baptismo decedentes Visione Dei, eo quod non commiserint peccatum actuale. Sed errabant, quia Deus eos iusto privat in peccam originali, ratione cuius sunt filii iræ, & inimici Dei.

Ad confirmationem: August. solum vult, hominem de facto non mori ex naturæ exigentia, sed mori ex demerito culpæ; quandoquidem si homo non peccasset, Deus decreverat contra naturæ exigentiam ejus mortem impedire.

VI. Objic. secundo. Homo essentialiter ordinatur ad Deum amandum, eoquæ fruendum; ergo repugnat conditi in pura natura excludente ordinationem ad vitam æternam.

Confirm. Non potest assignari discrimen inter amorem Dei naturalem, & supernaturalem; ergo si amor Dei propter se ipsum supernaturalis ducit ad vitam æternam, omnis amor Dei ad vitam æternam perducet; atqui homini debetur posse Deum diligere: ergo debetur vita æterna, & consequenter non potest in pura natura conditi.

Respond. hominem natura sua ordinari ad Deum cognoscendum, sed cognitionem enigmatica, & ad amandum, ac fruendum amose, ac fruitione ad talem cognitionem consequente, non vero supponente Visionem Dei facielem, quæ supernaturalis est.

Ad Confirmationem: constat ex Scripturis, & Conciliis, alium esse amorem naturalem, quem potest homo viribus suis elicere, alium supernaturalem, ad quem indiget gratia. Nam ad Rom. 2. de Gentilibus dicitur: *Gentes, quæ legem non habent, naturaliter ea, quæ leges sunt, faciunt*; cum enim naturali lumine Deum cognoscant, naturaliter faciunt ea, quæ leges sunt, & quia inter legis præcepta est amor Dei, ideo naturaliter Deum diligunt; Et in Tridentino sess. 6. can. 3. habetur, auxilium Spiritus Sancti necessarium esse ad Deum diligendum non quomodocumque, sed sicut oportet ad salutem. Hæc sunt verba Tridentini: *Si quis dicat, sine præparato Spiritus Sancti inspiratione, atque ejus adjutorio hominem credere, & sperare, diligere, aut ponere posse sicut oportet, ut ei justificationis gratia conferatur; anathema sit.* Constat ergo, dari hunc duplicem amorem, alium naturæ debitum, procedentem à cognitione Dei naturali, alterum indebitum, procedentem ab illustratione Spiritus Sancti, seu à cognitione superna attingente Deum secundum ea prædicata, secundum quæ viribus naturæ attingi nequit, puta, ut est auctor gratiæ, & gloriæ, & Vindex peccatorum.

VII. Objic. ultimo homo in pura natura deberet posse totam legem servare, & quidem potentia etiam morali; aliter sine sua culpa haberet impossibilitatem moralem assequendi suum finem, quod repugnat; atqui nequit servare totam legem sine gratia, ex Tridentino, & Apostolo; ergo debetur illi gratia; atque adeo conditi non potest in pura natura. Neque dicas, hominem perdidisse de facto in peccam originali potentiam moralem ad totam legem servandam. Nam ex D. Dion. & D. Dion. r. p. qu. 95. peccatum non abstulit naturalia dona; ergo potentia moralis ad totam legem servandam non est sublata per peccatum, si ea debetur in pura natura; atque adeo vel non est debita in pura natura, vel si est

debita, erit etiam debita gratia, per quam potest homo totam legem servare.

Confirm. quia Verbum posset assumere naturam puram; ergo posset assumere miseria naturae purae naturae, inter quas est ignorantia: hoc autem repugnat; ergo & id unde sequitur.

Respond. distingo minorem. Nequit homo totam legem servare sine gratia post lapsum, concedo; in pura natura, nego minorem, & consequentiam. Ad id, quod additur, dico, per peccatum originale naturam humanam esse vulneratam in naturalibus, & sic redditam esse moraliter impotentem ad totam servandam legem, ut dicemus quaestione sequenti, quin tamen perdidit perfectiones connaturales; ob lapsum enim homo caret illa speciali Dei perfectione, qua Deus protegit diligentes se in disponendo cursu naturali causarum secundarum: praeterea reductus est in Daemonis servitutem, à quo maxime tentationibus vexatur, praesertim ob invidiam, quod ad gloriam sit ordinatus: ac demum homo post lapsum magis effrenatam experitur concupiscentiam ob intemperiem humorum, ortam ex vitis progenitorum; ex quibus omnibus provenit impotentia moralis ad vitanda venialia, quae disponunt ad mortale, atque adeo impotentia moralis ad totam legem servandam, & indigentia gratiae.

Ad Confirmationem: Verbum assumendo naturam creatam non potest, saltem connaturaliter, assumere illas imperfectiones, quae dedecent Christum; dedecet autem ignorantia Regem hominum, & Angelorum, Mediatorem nostrae salutis, & omnium Iudicem; & ideo puram naturam cum omnibus defectibus naturalibus assumere non posset, ut communius docent in de Incarnatione. Et de facto non assumpsit concupiscentiam rationi rebellem, licet talis rebellio, ut mox dicemus, sit naturalis; motus enim appetitus sensitivi in Christo Domino praevenerant ab appetitu rationali, & juxta hujus praescriptum insurgunt; Unde in Christo Domino non admittuntur à Theologis Passiones, quae scilicet rationem antevertunt, sed propassiones, quae rationem subsequuntur.

ARTICULUS III

Admittitur etiam status pura naturae non integra.

VIII. Dico secundo: posset etiam condij homo in pura natura non

integra, seu citra subjectionem concupiscentiae erga rationem, atque adeo integritas ista non est connaturalis humanae naturae. Ita communissime, & colligitur ex Propositione 55. damnata Baii, relata articulo superiore.

Probatur: connaturalis est homini pugna inter appetitum sensitivum, & rationalem; ergo subiectio concupiscentiae est donum indebitum: ergo potuit homo condij in pura natura non integra.

Antecedens probatur, quia connaturale est homini, quod ejus cognitio incipiat à sensibus, & quod appetitus sensitivus ab objectis sensibilibus moveatur, & erga illa afficiatur, etiam per quando sunt dissona rationi; ergo connaturalis est ista lucta; cum non debeat naturaliter concupiscentia rationem subsequi, sed antevertare.

Confirm. Immunitas à morte, & à mortis vestigiis non est naturae debita, quia oritur ex qualitatibus contrariis homini debitis; atqui etiam lucta inter utrumque appetitum sensitivum, & rationalem, & difficultas ad prosequendum honestum, contempto delectabili, oritur ex naturali hominis constitutione; ratione cujus cognitio sensuum praecedat cognitionem intellectus; unde sensibilia movent appetitum sensitivum in priori ad rationalem: ergo immunitas ab hac lucta, & integritas non est debita purae naturae.

IX. Obje. primo. Ista rebellio partis inferioris est naturae mala, avertitque hominem ab ultimo fine; ergo non est debita.

Confr. quia si concupiscentia esset naturae debita, licitum esset ejus appetitibus consentire, cum liceat consentire ad id, ad quod natura, atque adeo Deus natura naturans, inclinat.

Confirm. secundo. D. Jacobus dicit: *Deus inventator malorum est; ipse autem neminem sentas; unusquisque vero sentatur à concupiscentia sua*; ergo concupiscentia non est naturalis; si enim esset naturalis, esset à Deo, & sic Deus tentaret.

Respond. rebellionem istam esse malum naturae physicum, ut est mors, dolor, peccabilitas, ignorantia, quae naturaliter sunt homini debita: non est mala malitia morali, cum non detur malitia morali, seu culpa, ubi non habetur libertas; consequenter avertit hominem ab ultimo fine tantum physice, non moraliter, seu inclinando ad delectabilia, ex qua inclinatio-

nc

ne facile voluntas labitur in culpam, nisi Deo protegente resistat : quare nego consequentiam.

Ad primam probationem nego sequelam : Deus natura naturans, quando inclinatur ad veritatem, non inclinatur, ut consentiamus, sed ut det ansam victoriæ, & merito; quare falsum est, posse hominem licite ferri universum iuxta inclinationes appetitus naturalis, ut constet ex Proposit. 8. damnata ab Innoc. XI. *Comedere, & bibere usque ad satiætem ob solam voluptatem non est peccatum, modo non obest valetudini, quia licite potest appetitus naturalis suis alibus frui.*

Ad secundam. Deus est intentator seductionis, seu animo inducendi nos in tentationem; tentat solum tentatione probationis; in quo sensu Genesios 22. dicitur, *Tentavit Deus Abraham*, videlicet ad virtutis experimentum, præcipiendo immolationem filii; & Sapientiae 3. dicitur de iustis : *Deus tentavit eos, & invenit illos dignos se.*

X. Obijc. secundo. August. lib. 4. contra Jul. cap. 4. concupiscentiam non subiectam rationi vocat pudendam, & D. Th. p. 1. quæst. 82. artic. 3. dicit esse contra naturam; & ratio videtur esse, quia Deus, qui est natura naturans, servat in natura naturata debitum ordinem, quod inferiora subsumit superioribus; ergo ut supra.

Resp. concupiscentiam esse pudendam, tum quia de facto in pœnam peccati non subijcitur rationi, tum quia etiam operationes aliquæ naturales occultandæ sunt ob periculum scandali, aut ob aliam causam. D. Thomas vocat illam contra naturam, prout est de facto, quia scilicet in natura lapsa importat necessitatem moralem ad peccandum; ac defectus subjectionis ad partem superiorem in concupiscentia potest esse naturalis, quoties non obstat allocationi ultimi finis.

QUÆSTIO II.

Utrum Natura lapsa debiliior sit, quam pura.

EX hæcenus dictis descendit resolutio hujus celeberrimæ quæstionis.

I. Dico itaque, Naturam lapsam esse debiliorem puta, circumscripto uberrimo auxilio, quod habet per Christum. Ita Cajetanus, Suarez, Esp. quæ. 9. Platel. num. 514. contra Zumel, Ripal. Arriag. qu. 33. sect. 5.

Prob. 1. ex Conciliis, & Patribus : Araucanicum can. 1. ait, *Peccato Adæ totum hominem secundum corpus, & animam esse in deterius mutatum.* Tridentinum sess. 6. cap. 1. Liberum arbitrium per peccatum non esse extinctum, viribus licet attenuatum, & inclinatum; quæ verba non possunt intelligi de pura amissione bonorum supernaturalium, quæ sess. 5. jam exposuerat. Augustinus lib. 3. de lib. arb. cap. 18. *Non posse à libidinosis operibus temperare non est natura insituti hominis, sed pœna damnati.* Ambr. & Beda in parabolam descendens in Jericho, & spoliati à latronibus docent, Hominem per peccatum originale non solum esse spoliatum donis gratuitis, sed etiam vulneratum in naturalibus. Nec potest id intelligi de vulnere per separationem naturæ à donis supernaturalibus amissis per peccatum, ut interpretatur Medina 1. p. qu. 85. art. 3. quia juxta hanc interpretationem natura esset tantum spoliata & non ulterius vulnerata. Hoc etiam videtur expressisse D. Th. in 2. dist. 30. qu. 1. ubi hæc habet; *licet Angelo, & Homine peccante naturalia manserint integra, secundum quod debentur naturæ, ac propriis principijs, non tamen secundum quod ea ordinantur in finem ultimum, in hoc enim uterque falsus est minus habilis, & magis distans à consecutione finis.*

Prob. 2. ratione. Naturæ puræ competit potentia moralis ad totam legem diu servandam, secus vero naturæ lapsæ, nisi adjuvetur per gratiam; ergo natura lapsa, circumscripto adjutorio uberrimo, quod habet per Christum, esse debiliior pura. Antecedens quoad secundam partem est adeo certum, ut oppositum videatur errori proximum, ut notat Platel. num. 532. Dicitur enim Sap. 8. *Scivi, quia non possum aliter esse continens, nisi Deus det;* & Apost. hæc habet : *Video aliam legem in membris meis &c. Infelix ego homo, qui me liberabis de corpore mortis hujus? Gratia Dei per Jesum Christum.* Prima pars antecedentis probatur, tum quia aliter Dens non dilexisset naturam rationalem, sed odio habuisset, si constituisset illam in necessitate morali incidendi in æternam miseriam, qui status prudenter appeti non potest; tum etiam quia in pura natura deberet homo posse prudenter sperare æternam beatitudinem, quod fieri non posset, si habere-

ret moralem impossibilitatem illam assequendi.

II. Notandum tamen, huiusmodi debilitatem naturæ lapsæ, circumscripto uberrimo auxilio per Christum, non oriri ex eo, quod per peccatum originale amiserit aliquid naturæ debitum. Nam ex D. Dionys. cap. 4. de divinis nominibus, In Angelis post peccatum remanserunt omnia naturalia; ex quo recte infert D. Th. 1. p. qu. 95. idem dicendum de homine. Quare debilitas naturæ lapsæ habetur ex iis tribus capitibus, de quibus questione superiore diximus art. 2. ad 3. quia scilicet peccatum originale homo caret speciali Dei perfectione; quia reductus est in dormientis servitutem; & quia ob intemperiem humorum ortam ex vitiis Progenitorum magis effrancata experitur concupiscentiam.

III. Dico: vel est debita homini specialis illa Dei protectio, qua caret post originale, vel non est debita: si primum; ergo non est sublata per peccatum, cum post peccatum remanserint ex D. Dion. omnia naturalia: si secundum; ergo adhuc circumscripta hac speciali perfectione habetur potentia moralis ad totam legem servandam, quippe quæ est debita in pura natura.

Resp. cum Esparza, distinguendum esse duplex genus bonorum provenientium ab exigentia causarum naturalium: alia enim determinate proveniunt à natura, suntque naturæ debita, & ista post peccatum permanent; alia vero proveniunt ex indeterminata exigentia, quæ libere determinantur à causa ptima; huiusmodi sunt bona, quæ citra miraculum conferuntur, & petentibus concedi solent à Deo, tanquam gratiæ, atque adeo gratis dantur sine exigentia physica illorum; & in his natura lapsa est debitor, quàm pura; ac propterea natura lapsa dicitur in naturalibus etiam vulnerata. Hinc ad argumentum dico, præ naturæ debet carentia necessitatis moralis ad peccandum; non tamen specialem Dei protectionem, ne labatur in venialia disponentia ad mortale: hanc tamen Dei protectionem esse divinæ bonitati conformem, supposita hominis innocentia: post peccatum vero originale connaturalius subtrahitur; unde per lapsum in venialia oritur impotentia moralis ad totam legem servandam; ut mox fusius explicabitur.

QUÆSTIO III.

De necessitate Gratiæ in Natura lapsa tum ad veritates cognoscendas, tum ad bene sic operandum.

Dico 1. In statu naturæ lapsæ potest esse homo viribus naturalibus citra ullam gratiam sive ordinis supernaturalis, sive naturalis cognoscere aliquas veritates tum speculativas, ut prima principia, Non potest idem esse, & non esse, Totum est majus sua parte; tum practicas, ut Deum esse colendum, Parentes honorandos; non tamen omnes veritates colligere.

Probe prima pars de veritatibus speculativis. Potentia naturalis debet posse viribus propriis attingere suum objectum, ut oculus coloratum; ergo & intellectus verum. Secunda pars de veritatibus practicis etiam patet, tum quia intellectus necessitatur ad affirmanda prima principia sive speculativa, sive practica; tum etiam quia cum teneatur quilibet servare legem, qua mittitur principis practici, debet consequenter ea naturaliter cognoscere. Propterea dicitur psalmorum 4. *Signatus est super nos lumen oculis tuis, Domine*, hoc est lumen naturale dictum quid sciendum; aut fugiendum sit, ut interpretatur Augustinus. Tertia pars de omnibus veritatibus collective constat: tum experientia; tum ex limitatione potentie intellectivæ; & innumera multitudine veritatum naturalium, & ex inevidentia plurimarum, ut sæpe falsum sit verisimilius vero; Proinde Hipocrates in primo aphorismo dicit: *Are longa, vita brevis, occiso præcepto, sapientum fallax, judicium difficile.*

II. Dico 2. ad quancunque veritatem determinatam cognoscendam indiget homo in natura lapsa aliqua gratia, seu auxilio indebito. Dei providentis, ut auctoris naturæ, condistincta à dono creationis. Ita Quid. tract. 7. contr. 2. & alii apud ipsum contra Arriagam disp. 37. Amic. disp. 26.

Prob. Salvo jure creationis potuit Deus ab æterno ita disponere causas secundas, ut hic. & nunc Petrus vel incidere in amentiam, aut soliditatem, vel aliunde haberet impeditam excitationem specierum requisitam ad hanc cognitionem; ergo quod hic, & nunc Petrus cognoscat, est virtus,

est Dei speciale beneficium indubitum, & condistinctum à dono creationis. Est quidem necessarium, quod in tota hominum multitudo plurimè sint bono ingenio, ac temperamento præditi, & crescenti rationis, unde naturaliter possint plurimas veritates cognoscere; ut quod Petrus potius hæc contingat, quam Paulo, non est ipso debito, & consequenter est specialis gratia ordinis naturalis indubitata Petro. Sic si Dominus det Economo elemosinam distribuendam pauperibus, tenetur quidem Economo illam distribuere juxta prescriptum; ut quod huic potius pauperi, quam alteri illam dispenset, est aliquid indebitum relate ad hanc pauperem. Hinc est, quod & oremus Deum, ut beneficia juxta cursum nature hominibus debita nobis conferat, & pro his acceptis gratias agamus, tanquam pro speciali dono distincto à dono creationis.

III. Dico 3. Absque gratia per Christum, seu ordinis supernaturalis nequit homo lapsus cogitare aliquid, quod ad vitam æternam conducat. Est de fide contra Pelagianos, & Semipelagianos.

Prob. tum ex Tridentino sess. 6. can. 1. tum ex Apost. 2. ad Cor. 3. *Non quod sufficiens finis cogitare aliquid ad nobis;* & 1. ad Cor. 11. *Nemo potest dicere Dominus Iesus, nisi in Spiritu Sancto;* tum ex Aug. Epist. 105. ubi ait: *Nemo est pie sciens, aut sciens pius, nisi acceperit Spiritum Sapientia;* tum demonstratione, quia cum vita æterna sit cuius substantiæ creatæ indebita; etiam media ad vitam æternam conducentia debent excedere vires totius nature; aliter hæc media essent frustra; Sicut frustra est potentia naturalis ad terminum non naturalem; & dispositio exigens formam, quam non potest assequi.

IV. Dico 4. Nequit intellectus cognoscere cognitione certa, & infallibili verum aliquod intrinsece, & quoad substantiam supernaturale absque gratia per Christum. Ita communiter apud Anticum loc. cit. ex D. Th. 1. 2. qu. 109. Dixi, Verum supernaturale quoad substantiam; Nam potest naturaliter à Dæmone cognosci verum supernaturale quoad modum, v. gr. Scientia insula Salomoni, & Adamo; Unio inter animam, & corpus Lazari resuscitati; Humanitas Christi miraculose formata in utero Virginis &c. Conclusio constat ex dictis, cum de objecto cognitionis Angelice.

Prob. nunc, tum ex Apost. 1. ad Cor. 3.

ubi dicit, omnem sufficientiam cogitandi, nempe supernaturalia, ex Deo esse; tum ratione, quia cognoscibilis est passio entis, seu objecti cognoscibilis; ergo in eo ordine debet esse cognoscibilitas, seu speciei objecti, per quam sit proxime cognoscibile, in quo est ipsum objectum; ergo si objectum est intrinsece supernaturale, opus cognoscibilitas, seu speciei impressa debet esse etiam supernaturalis, atque adeo indebita cuivis intellectui creato; ergo nequit intellectus naturaliter cognoscere cognitione certa, & infallibili verum intrinsece supernaturale; quamvis possit probabiliter illud attingere per speciem aliquam.

V. Dico 5. Nulla gratia neque Theologica, neque Philosophica opus est, ut possint homines in natura lapsa aliquod opus honestum ponere, & tentationes aliquas superare. Ita Suar. lib. 1. de gratia, cap. 1.

Prob. ex Apost. dicente ad Roman. 2. *Omnes, qui legem non habent, naturaliter ea, quæ legi sunt, faciunt;* quod autem sit naturaliter, sit ex exigentia nature, atque adeo citra speciale beneficium; ergo citra ullam gratiam potest homo lapsus nature viribus honeste operari. Hinc damnatæ sunt illæ propositiones Baji: *Liberrum arbitrium sine gratia Dei, Et adiutorio manifi, ad peccandum valet.* Nemo Pelagianus error admitti potest usus aliquis boni liberi arbitrii. *Virtutes Philosophorum sunt vitia; Omnia opera Infidelium sunt peccata,* &c. Neque obstat, quod habetur in Arausiano can. 23. *Nemo habet de suo, nisi peccatum, Et mendacium;* Nam non est sensus, quod nihil possit homo, nisi peccatum; sed quod solum peccatum sit proprium hominis, ut nullo pacto sit Dei.

Conferma. quia Natura lapsa eadem vires physicas habet, ac habet pura; atqui in pura natura operatio aliqua honesta ordinis naturalis erat debita, & exigita; ergo etiam in natura lapsa. Quare tam in multitudine hominum naturaliter dari debent plurimi, qui possint secundum virtutem operari, quam quilibet mentis compos in decursu vite naturaliter poterit aliquod opus honestum ponere. Quod etiam ex eo constat, quia est moraliter impossibile, & quod magna hominum multitudo, & quod idem homo longo tempore uniformiter operetur; ergo est moraliter impossibile, quod magna hominum multitudo, & quod quilibet in decursu vite semper operetur honeste; ergo datur necessitas non solum physica, sed etiam moralis, ad aliquam op-

perationem honestam. Præsertim quia magis appetitus rationalis inclinatur ad bonum honestum, quod est præstantius, quam appetitus sensitivus ad delectabile, quod est longe inferius; sed ratione inclinationis ad delectabile datur necessitas moralis alicujus vage peccati venialis; ergo ratione inclinationis naturalis ad honestum dabitur etiam moralis necessitas ad aliquod bonum opus morale.

VI. Dico ult. In exercitio cujusvis operis honesti ordinis naturalis requiritur speciale Dei beneficium, ac donum indebitum separabile à dono creationis.

Prob. Tum ex dictis in probatione secundæ Conclusionis; tum à pari, quia quælibet cogitatio congrua, quodlibet auxilium efficax, & operatio honesta ordinis supernaturalis est beneficium distinctum à dono elevationis, & ab eo separabile; ergo pariter quælibet cogitatio congrua, & operatio honesta ordinis naturalis est donum distinctum à dono creationis. Et ratio à priori est, quia quodcumque bonum collatum animo benevolens, & posito jure creationis negabile est beneficium speciale; hujusmodi autem est operatio honesta ordinis naturalis; ergo. Probatur minor, quia supposita omnipotentissima Dei potestate inclinandum quolibet cordium, qui honeste operatur in instanti A, posset non operari honeste, si Deus contulisset cogitationem non congruam, seu auxilium pure sufficiens, aut si ita causas secundas ab æterno ordinasset, ut hic, & nunc impeditur potentia physica ad liberam operationem.

Confirm. à posteriori, quia & petimus à Deo operationes honestas, & de illis gratias agimus: Ex Augustino autem epist. 91. *Ista oratio clarissima est gratia testificatio; ergo ut supra.*

VII. Objic. 1. Si naturæ viribus, præcisa gratia, possent homines scilicet honestos naturales elicere, possent etiam Dæmones, quibus peccatum non abstulit naturalia. Secundo possent infideles acquirere virtutes morales. Tertio non esset verum quod Apostolus ad Titum 15. dicit: *Infidelibus nihil est mundum, sed inquinata sunt eorum mens, & conscientia.*

Resp. admisisse nos in de Angelis ex D. Dion. cum Scoto, Vasq. Amic. disp. 22. contra Anreol. & alios, habere Dæmones potentiam physicam ad opus honestum naturale, quamvis careant potentia morali; quia cum semper crucientur, semper con-

siderant Deum ut ultorem, ac repræsentant illum tanquam objectum odibile ratione mali, quod causat, & sic semper Deum odio habent, ac peccant, quod non accidit in natura lapsa. Ad secundam, cum virtutes acquirantur pluribus actibus honestis, & arduis, non est necesse admittere sufficientiam moralem ad illas in natura lapsa, scilicet gratia. Ad 3. Apostolus significat, infidelium operationes esse immundas, hoc est non conducentes ad vitam æternam, non vero esse moraliter malas.

VIII. Objic. 2. si opus honestum naturaliter deberetur citra gratiam multitudini hominum, non vero mihi hic, & nunc, ut dictum est in ult. concl. sequeretur, quod possem rogare Deum, ut neget aliis gratiam ad honeste operandum, ad hoc ut illam tribuat mihi; quod non videtur admittendum.

Resp. nego sequelam. Sicut enim quamvis juxta Christi Domini oraculum, necesse sit, ut veniant scandala, seu occasiones ruinæ spiritualis, non propterea possum orare, ut scandala veniant aliis, ne veniant mihi; ita in casu: & ratio est, quia quomodocumque alii operentur, semper eodem modo est libera voluntas mea ad operandum hic, & nunc; unde non pendet ab aliorum operatione mea bona operatio. Optare autem, ut si uni ex multis danda sit cogitatio congrua, mihi potius, quam aliis detur, non est illicitum, sed juxta ordinem charitatis, neque hoc est optare aliis malam operationem.

QUÆSTIO IV.

An possit homo lapsus totam Legem naturalem servare citra gratiam?

LICO 1. de facto in natura lapsa non datur potentia ne physica quidem ad totam legem servandam citra gratiam Theologicam intrinsece supernaturalem.

Prob. De facto lex obligat ad querendam salutem æternam eo modo, quo potest obtineri; atqui sine fide, & charitate supernaturali, & sine baptismo obtineri non potest, & ad hæc omnia non datur potentia physica citra gratiam theologicam; ergo citra hæc gratiam non potest homo de facto in natura lapsa ne physice quidem servare totam legem; esto semper detur hæc potentia physica, quodcumque unget obli-

ratio legis. Utrum autem lex obligans ad quærendam salutem æternam per hæc media supernaturalia dicenda sit lex naturalis, quatenus natura ipsa dicat, quærendum esse finem ultimum; an supernaturalis, quatenus requirit media supernaturalia? est quæstio de voce.

II. Objic. si requiritur gratia supernaturalis ad totam legem servandam in natura lapsa, requiritur consequenter gratia supernaturalis ad peccandum adversus hanc legem; cum nequeat haberi peccatum absque potentia physica ad peccandum, vel non peccandum; absurdum autem est dicere; quod requiritur gratia supernaturalis ad peccandum; ergo.

Resp. conc. sequelam, & dist. min. Non potest requiri gratia supernaturalis ad peccatum, tanquam lapsa influens ad peccatum, concedo; tanquam aliquid essentialiter prærequisitum, & constitutum potentie physice expedire tam ad operationem liberam supernaturalem præceptam, quam ad omissionem peccaminosam, nego min. & conseq. sicut enim ad peccatum requiritur lex, non ut influens in peccatum, sed ut objectum prærequisitum in peccante, ita ad peccandum contra legem supernaturalem requiritur gratia per Christum, quæ compleat potentiam ad operationem supernaturalem præceptam.

III. Dico 2. in natura lapsa, ac reparata per Christum absque gratiæ auxiliis non datur potentia moralis ad totam legem diu servandam. Conclusio est communissima, ut diximus quæstione secunda, ex Scripturis ibi laudatis, & opposita censetur apud Platelium errori proxima.

Prob. ratione, quia in natura lapsa dantur de facto ea omnia, quæ constituunt moralem impotentiam servandi diu totam legem naturalem, nempe vulnus acceptum in naturalibus per lapsum, juxta dicta in eadem quæstione laudata, multa illicita, & tentationes valde molestæ, extorquentes dissentium, & captivantes nos in lege peccati; concupiscentia effrænis, vi cuius sæpe cum Apost. dicimus: *Non quod volo bonum; hoc ago, sed quod nolo malum*: veritabilis arbitrii, quod nequit longo tempore uniformiter operari, intemperies humorum orta à vitiis Progenitorum, quæ procliviores nos reddit ad prosecutionem debilitium, plurima mala exempla passim occurrentia, educatio liberorum minus apta, consilia amicorum languida, cura Pastorum minus efficax, & alia hujusmodi, quæ red-

Par. III.

dunt nos languidiore. Quamvis igitur per remissionem originalis tollatur reatus culpæ, & non sint ablata à nobis naturalia, adhuc tamen datur de facto impotentia moralis ad legem diu servandam in natura lapsa, quæ non data fuisset in pura natura, quod supra ostendimus.

IV. Dico 3. ad servandam totam legem naturalem brevi tempore, quousque scilicet non occurrat tentatio gravis, aut magna tentationum non gravium multitudo, non requiritur gratia theologica, seu dogmatica.

Prob. seclusis iis tentationibus, non habetur gravis difficultas ad totam legem naturalem brevi servandam; ergo poterit id naturæ viribus præstari.

V. Dico ult. aliquando in casu particulari natura lapsa est moraliter impotens ad servandam legem graviter obligantem, seclusa Dei gratia; eaque in penam præteritarum culpæ sæpe infidelibus culpabiliter non creditibus, nec non fidelibus peccatoribus denegatur, nunquam tamen denegatur justificatis, seu habentibus gratiam habitualement.

Prob. aliquando in iis circumstantiis homo versatur, in quibus nemo prudenter judicabit, lapsum non esse secuturum, si à Deo ille non præservetur auxilio speciali; puta si vir equester, iracundus, vindictis assuetus, alapam accipiat à plebejo, & contumelias afficiatur; ergo in his casibus requiritur gratia specialis superativa moralis necessitatis ad peccandum, dicente Apost. 1. ad Corinth. 15. *Qui dedis nobis viam per Dominum nostrum Jesum Christum.*

Quod autem gratia isthæc detur fidelibus justificatis & aliis sæpe denegetur, colligitur tum ex 1. Petri 5. *cui resistite fortes in fide*, & ad Galat. 3. ubi dicitur apertius: *conclusa scriptura omnia sub peccato, ut promissa ex fide Jesu Christi daretur credentibus*; inter promissiones autem ex Suar. lib. 1. cap. 27. est virtus ad non peccandum. Et A-rauscanum docet, gratiam auxiliantem ad cavenda peccata incipere à vocatione ad Fidem. Demum Tridentinum sess. 6. can. 22. damnat dicentes, *posse justificatos sine speciali Dei auxilio in accepta justitia perseverare*; ergo hæc specialia auxilia solum fidelibus justificatis non denegantur, aliter non essent auxilia specialia. Paulus etiam ad Rom. 8. dicit: *qui Spiritum Dei agnoscunt, bi sunt filii Dei*; & D. Gregorius: *Peccatum, quod penitentia non deletur, suo pondere*.

ne trahit in aliud; & ratio ex D. Th. est quia carens gratia, per quam Spiritus Sanctus inhabitat in iusto, indispotus est ad hæc auxilia extraordinaria, quæ probabilius filiis suis dumtaxat Deus præparavit.

VI. Objic. 1. contra ult. Concl. actus moraliter impossibilis non potest cadere sub præceptum positivum: unde votum de re moraliter impossibili censetur non obligare: atqui data necessitate morali ad succumbendum tentationi gravi citra gratiam per Christum, actus de tali tentatione triumphans est moraliter impossibilis; ergo non datur de illo obligatio; & consequenter sine culpa omittitur; unde necessitas ista moralis est impossibilis.

Confirm. nequit Deus homini præcipere, quod projiciendo millies talos semper numerum parem jaciatur, quia hoc est moraliter impossibile; ergo neque præcipere poterit, quod gravi tentationi non succumbat, si sit moraliter necessarius lapsus.

Resp. multos putare, necessitatem morale esse necessitatem consequentem, quatenus semper videtur à Deo conjungi cum actu, absque necessitate ulla antecedente ad illum; Sed falluntur, quia necessitas consequens non est necessitas simpliciter dicta, ut est necessitas moralis; unde absolute dicitur Sap. 8. *scio, quod non possem aliter esse continens, nisi Deus daret*. Quare dicendum, præceptum humanum (sicut etiam votum, quod cum ab homine fiat volente se obligare instar præcepti humani, communiter censetur obligare) non se extendere ad præcipiendum actum moraliter impossibilem, quia legislator humanus non dat vires ad tollendam impotentiam morale: præceptum vero naturale ad id obligat ob vires, quas Deus exhibet: ita tamen ut hujusmodi vires dare teneatur ex exigentia naturæ, non supposita culpa; secus vero, culpa præsupposita, ratione cuius peccator sibi debet imputare, non Deo, virium defectum; cum Deus paratus sit illas impertiri petenti, ex Trid. sess. 6. can. 11. ubi dicitur: *Deus impossibilia non jubet, sed jubendo monet & facere quod possis, & petere quod non possis, & adjuvat ut possis*. Et Aug. lib. de gratia, & libero arbitrio hæc habet: *Idcirco Deus jubet aliqua, quæ non possumus, ut noverimus quid ab illo petere debeamus*.

Adde, posse legislatorem humanum non obligare sua lege positiva ad jejunium v.

g. impossibile moraliter, & quia potest ad illud non obligare, tenetur, ne sit occasio ruinæ: contra vero Deus non potest non obligare, ne vitetur, quod est intrinsece malum, v. g. mendacium, quamvis teneatur non ponere hominem in necessitate morali ad mentiendum; si tamen homo sua culpa sive actuali, sive originali in has angustias se conjiciat, adhuc præceptum non mentiendi obligare debet, quin teneatur Deus ab iis angustiiis creaturam liberare gratia sua; quæ cum sit gratia, est indebita: fidelis tamen Deus necessitates istas morales peccandi ob solam culpam originalem, citra personalem, in natura lapsa non permittit, dicente Apostolo 1. ad Corinth. 10. *Fidelis autem Deus est, qui non patietur vos tentari supra id quod potestis; sed faciet etiam cum tentatione proventum, ut possitis sustinere*.

Ad confirm. nego consequentiam; non enim pendet à libertate hominis jactus uniformis talorum, sicut pendet à libertate hominis non succumbere in necessitate morali peccandi.

VII. Objic. 2. citra gratiam ullam Hæretici ad tuendos suos errores mortem optant, & ad castitatem tuendam multas ob motivum indifferens sinit potius se interimi; ergo citra gratiam potest quilibet quodcumque arduum opus ponere: atque adeo nunquam datur necessitas moralis peccandi citra gratiam.

Resp. concesso antecedente, dist. conseq. potest quodcumque arduum opus poni ex motivo delectabili, conc. ex motivo honesto, nego conseq. In hac vita facilius inclinat voluntatem ad subeundam mortem appetitus boni delectabilis, aut inanis gloriæ &c. quam motivum honestum à sensibus remotum. Immo hinc apparet difficultas maxima ad ponendum opus arduum ex motivo honesto, quia scilicet superari debet vis motiva sensibilibus, quæ in presenti statu naturæ corruptæ adeo animum ad se abripiunt, ut præ illis vita contemnatur.

QUÆSTIO V.

An requiratur gratia in natura lapsa ad diligendum Deum super omnia & ad perseverandum finaliter?

I. Certum est, Deum posse diligi duplici amore, naturali scilicet, & supernaturali; damnata enim est propositio 34. Baii dicentis: *Distinctio illa duplicis amoris, naturalis videlicet, quo Deus amatur ut auctor natura, & gratiæ, quo Deus amatur ut Beatificator est, vana est, & commentitia, & ad illudendum Sacris literis, & pluribus veterum testimoniorum exposita*; confixa etiam est propositio 36. dicens: *Amor naturalis, qui ex viribus natura oritur ex sola Philosophia per elationem presumptionis humana, cum injuria crucis Christi defenditur à nonnullis Doctoribus*. Dubitatur solum, An possit in natura lapsa moraliter homo diligere Deum super omnia amore amicitiae naturali absque gratia supernaturali? Negant Vasq. Espar. & alii apud Amic. disp. 26. sect. 5. communius tamen affirmant cum D. Th. 1. 2. qu. 109. art. 3. ad 1. Suar. lib. 1. de necessitate gratiae cap. 3. & aliis apud eundem Amicum.

II. Dico equidem cum hac 2. sententia. Homo in statu naturæ lapsæ, in quo, ut diximus quæstione superiori, citra gratiam theologicam non potest moraliter totam legem diu servare, & graves tentationes vincere, potest etiam moraliter citra eandem gratiam diligere Deum super omnia, amore etiam amicitiae naturali, tum efficaci quoad affectum (hoc est tali, ut cum eo non possit stare voluntas peccandi mortaliter) tum etiam efficaci quoad effectum, brevi tempore, quo durat.

Prob. 1. ex Apost. dicente ad Rom. 2. *Gentes, quæ legem non habent, naturaliter ea quæ legis sunt faciunt*: præcipuum autem legis præceptum est de dilectione Dei super omnia; ergo naturaliter Deus super omnia diligitur ab Infidelibus; ergo citra gratiam theologicam non solum datur potentia physica, sed etiam moralis ad hanc Dei dilectionem; si enim daretur solum potentia physica, eo ipso naturaliter Gentes possent Deum diligere, nunquam tamen diligerent; Ubi Apost. dicit, quod naturaliter diligant, seu faciant ea, quæ legis sunt: quod etiam confirmatur ex propositionibus damnatis

modo adductis.

Prob. 2. ratione: potest homo in statu naturæ lapsæ naturaliter Deum cognoscere, ut primum principium, & finem ultimum; atque adeo super omnia bonam, & amabilem; atqui sub hac ratione Deus continetur intra objectum naturale voluntatis; ergo potest voluntas solis naturæ viribus in Deum sic cognitum ferri amore proportionato, & efficaci ad breve tempus.

Confirm. Potest homo ex dictis ad breve tempus totam legem servare viribus naturalibus; ergo etiam Deum diligere super omnia, donec in contrarium occurrat gravis tentatio.

III. Dico 2. ad diuturnam amoris Dei super omnia perseverantiam non datur in natura lapsa potentia moralis.

Conclusio sequitur ex dictis; impossibile enim est amare sic Deum, & non servare totam legem; atqui ad servandam diu totam legem datur impotentia moralis in natura lapsa; ergo etiam ad diuturnam Dei amorem super omnia.

IV. Objic. contra primam Conclusionem. Amor Dei super omnia, si sit efficax, debet reddere animam dispositum ad vincendas tentationes omnes, etiam gravissimas, adversus legis observantiam; sed victoria omnium tentationum contingere non potest ex dictis citra gratiam theologicam in natura lapsa; ergo nequit citra hanc gratiam dari amor Dei naturalis super omnia efficax, ne ad breve quidem tempus. Probat major: Amor Dei super omnia est virtualiter, & eminenter observantia totius legis, juxta illud Apostoli: *Qui diligit, legem implevit. Plenitudo legis est dilectio*; non potest enim quis diligere Deum super omnia, quin simul velit totam legem servare; ergo si talis amor sit efficax, totam legem servat; atqui tota lex servari non potest in natura lapsa, nisi vincendo per auxilia gratiæ gravissimas tentationes; ergo nec potest Deus diligi super omnia efficaciter, nisi animus sit dispositus ad vincendas omnes etiam gravissimas tentationes.

Resp. amorem Dei super omnia, quatenus reddit animum dispositum ad superandas tentationes, quæ de sæcło occurrunt, dum perseverat amor, esse efficacem effective; quatenus reddit animum dispositum ad superandas tentationes, quæ occurrere possunt, esse vero efficacem solum affective, & quoad animi præparationem: longe enim distat efficacia effectiva ab affectiva; sicut longe distat exequi quod proponitur, quam

proponere quod exequendum est. Quando aliquid proponitur, tunc occurrit animo vivida representatio boni ponendi, v. g. martyrii subeundi, & languide representantur difficultates experiendae in executione propositi: Contra vero dum exequimur quod proponimus, puta dum martyrium subeundum est, representantur difficultates, quae animum abijcit; & ideo facilius est proponere, quam exequi. Quod autem ad amorem Dei super omnia requiritur efficacia affectiva illimitata, seu propositum postponendi omnia Deo, & sufficiat efficacia effectiva limitata, v. gr. relate ad difficultates, quae actu occurrunt, constat; quia amor Dei super omnia non debet esse perfectissimus intensivo, sed solum appetitivo: satis enim est, quod Deus super omnia aestimetur, etiam si actus amoris non sit adeo intensus, ut aequaleat actui perfectioni, & perfectioni in infinitum, quo possumus effectivè efficaciter superare tentationes omnes possibiles. Illud autem interest inter amorem naturalem, & supernaturalem, quod ille firmet cor in Deo cognito ut auctore naturae, in ordine ad contemptum bonorum naturalium; hic vero firmet cor in Deo cognito ut auctore gratiae, etiam in ordine ad ea, quae supernaturaliter occurrere possunt, ut notat Angelicus 1. 2. quæst. 109. art. 8.

V. Dico ult. ad perseverantiam in gratiam finalem requiritur speciale Dei auxilium, & protectio.

Prob. 1. ex Tridentino sess. 6. can. 22. ubi definitur, Justificatum sine speciali Dei auxilio non posse in accepta iustitia perseverare. Quod autem per speciale auxilium intelligatur bonum supra communia auxilia connaturaliter debita iustis, constat ex cap. 23. ejusdem sessionis, ex quo Canon iste deductus est, ubi Concilium dicit, hoc auxilium aliunde haberi non posse, nisi à Deo; ergo seclusa connaturalitate.

Prob. 2. quia de facto hoc auxilium non datur omnibus iustis; ergo iustis non debetur: ergo est speciale.

VI. Objic. 1. Si quis repentina morte post acceptam gratiam decedat, non videtur accipere ullum donum supernaturale; quod tamen accipit, qui diu perseverat, & tandem peccat; ergo non requiritur speciale hoc auxilium ad perseverandum finaliter.

Respondetur 1. in hoc casu dari specialem protectionem, & favorem Dei in eo, qui decedit in gratia, licet non ha-

beat plura auxilia supernaturalia, quam alius.

Resp. 2. cum Platelio num. 543. Amico, & Oviedo, non requiri donum supernaturale, ut quis per breve tempus ulque ad finem vitae morte repentina abrupte, perseveret in gratia.

VI. Objic. 2. Iustus cum auxiliis ordinariis gratiae potest vitare omnia mortalia; ergo etiam perseverare finaliter; atque adeo non requiritur auxilium speciale.

Resp. cum Amic. disp. 26. sect. 9. Potest vitare omnia distributive, concedo; colligive per totam vitam, nego antecessens, & consequentiam. Radix huius impotentiae est naturae ignorantia, ratione cuius saepe male eligimus; necnon naturae infirmitas, ratione cuius quae bene eligimus, exqui plerumque non valemus.

QUAESTIO VI.

Utrum Impotentia ad vitanda omnia venialia sit antecessens, an consequens? Physica, an moralis? Determinata, an vaga?

I. DEFINITUM est in Trid. sess. 6. can. 23. Justificatum non posse in tota vita peccata omnia etiam venialia vitare, nisi ex speciali Dei privilegio, quemadmodum de Beata Virgine tenet Ecclesia: Ubi sermo est primò de tota vita diu durante, in qua occurrant multae occasiones labendi, ut constat ex SS. Patribus, & ratione, quia si quis brevi vivat post usum rationis, & post gratiam acceptam, nec occurrat occasio labendi, poterit cum auxiliis ordinariis vitare omnia venialia; sicut diximus, quod possit perseverare finaliter citra auxilium speciale supernaturale: Sermo est secundò, ex Suar. l. 2. de voto, c. 5. de venialibus commissis etiam ex femiplena deliberatione: Consent enim communiter Doctores, plures Sanctos sine speciali privilegio caruisse tota vita venialibus deliberatis. Requiritur autem ex Tridentino ad vitanda omnia venialia non solum specialis gratia, sed etiam privilegium speciale, quia in praesenti providentia statuta lex est non conferendi gratiam in ea mensura, quae hanc impotentiam tollat. His positis.

II. Dico 1. Haec impotentia non est consequens, seu ex suppositione, sed antecessens.

dens ad quamcumque operationem. Ita communius.

Prob. Impotentia consequens non est impotentia simpliciter dicta; & qua parte est impotentia, non est impotentia moralis, sed metaphysica, quæ non potest per ulum privilegium tolli; atqui impotentia ad vitanda omnia venialia est simpliciter dicta, & non est metaphysica, cum possit per privilegium tolli; ergo non est impotentia, seu necessitas consequens, sed antecedens.

Confirm. Qui habet gratiam puræ sufficientem, non dicitur habere impotentiam simpliciter ad bene operandum, sed solum dicitur, quod non sit bene operaturus per hoc, quod habet impotentiam bene operandi solum consequentem: ergo si in casu nostro daretur impotentia consimilis, seu ex suppositione, non deberet homo dici impotens vitare omnia venialia, sed solum quod non sit vitaturus.

III. Dico 2. Impotentia hæc antecedens ad vitanda omnia venialia non est physica, sed moralis. Ita communius cum Vega, Graa, Oviéd., contra Zamel, & alios.

Prob. Impotentia physica ad vitandum peccatum implicat in terminis, cum nemo peccet in eo, quod vitari non potest, ex Augustino; ergo huiusmodi impotentia non est physica, sed solum moralis.

Neque dicas, impotentiam physicam istam esse vagam; sicut in collectione auxiliorum datur necessitas metaphysica vaga relate ad consensum, & dissensum inducendum. Nam contra est, quia impotentia ista physica vaga deberet reduci ad determinatam: singamus enim, dari impotentiam ad vitanda decem venialia, vel ad vitandum veniale per decem momenta temporis; vitatis novem venialibus, daretur impotentia physica ad vitandum decimum, & elapsis novem momentis, daretur impotentia physica ad non peccandum pro decimo momento; quod tamen non accidit in collectione auxiliorum, ut diximus in loco.

IV. Dico 3. Impotentia ista antecedens moralis non est impotentia moralis secundum quid (quæ scilicet oriatur ex summa difficultate, sub qua stet potentia physica pro aliquo eventu; sicut v. gr. datur impotentia moralis secundum quid ad hoc, ut projectis omnibus characteribus Aeneidis, talis concursus characterum ponatur, qui de facto hic, & nunc ex eorum projectione contingit) sed est impotentia moralis simpliciter dicta, quæ scilicet oriatur à diffi-

cultate ineluctabili, sub qua nunquam erit actus oppositus: Ita Espar. qu. 5. art. 6., & alii contra Arri. 1. p. disput. 27. num. 37. & Muniessam de Incar. disp. 7. sect. 1. num. 15.

Prob. Quia ex Scripturis, & Tridentino habemus, neminem omnia venialia vitasse, aut vitaturum esse cum auxiliis ordinariis sine privilegio speciali. (quod Ecclesia Beatissimæ Virgini tenet concessum, & nonnulli Doctores etiam B. Jo. Baptistæ cum Lorino, Catherino, & aliis, apud Placellum num. 541. contra communioem) Jacobi 3. dicitur: *In multis offendimus omnes*. Eccles. 7. *Non est homo iustus in terra, qui non peccet*; ergo impotentia ista est simpliciter dicta. Unde sequitur, quod per scientiam mediam non prævideatur homo vitaturus venialia omnia, si dentur auxilia ordinaria, sed solum per scientiam simplicis intelligentiæ videatur vitatio omnium venialium possibilis, & compossibilis cum auxiliis ordinariis: Sicut ex hoc, quod Petrus v. gr. videatur sub auxilio A consensurus libere, sequitur solum, quod per scientiam simplicis intelligentiæ videatur possibilis, & compossibilis dissensus cum auxilio A; non vero, quod per scientiam mediam videri debeat sub tali auxilio dissensus.

V. Dico 4. radix hujus moralis impotentiae reduci potest ad hæc duo capita: Primo quidem ad vertibilitatem arbitrii, & inconstantiam ejus nativam, ob carentiam formæ firmantis illud in amore honestatis, qualis esset Visio beata, vel Unio hypostatica: Secundo ad frequentiam tentationum ad venialia impellentium; quibus additur instigatio Dæmonis, propensio ad delectabilia, & infirmitas naturæ.

Quod hæc satis sint ad inducendam hanc impotentiam, probatur à pari. Ita se habet unus homo cum plena indifferentia tum physica, tum morali relate ad multas opportunitates labendi in veniale, ac multi homines plene indifferentes relate ad eandem opportunitatem; atqui multi homines relate ad eandem opportunitatem possunt ex vertibilitate arbitrii habere necessitatem moralem, quod aliquis labatur, ut constat ex illo Christi Domini Matth. 18. *Necesse est enim, ut veniant scandala*; ergo etiam idem homo relate ad multas opportunitates.

Hinc sequitur, impotentiam moralem vitandi omnia venialia non oriri ex lassitudine potentiae volitivæ; tum quia voluntas, cum

eum sit potentia spiritualis, non experitur lassitudinem in operando ; tum etiam quia ex habitu acquisito vitandi venialia deberet potius reddi promptior ad eadem in futurum vitanda , non vero necessitari moraliter ad succumbendum .

Confirm. quia multitudo hominum habet necessitatem moralem peccandi , quamvis nemo moraliter necessitetur ; atque adeo absque lassitudine in ullo homine ; ergo etiam poterit idem homo relate ad multas occasiones peccandi venialiter, citra lassitudinem, habere necessitatem moralem succumbendi aliquando .

VI. Dico ult. Impotentia moralis ad vitanda omnia venialia non est necessario determinata , sed potest esse terminative vaga. Ita Elpar. qu. 14. & alii communis contra nonnullos Recentiores .

Prob. Quamvis Petrus haberet potentiam moralem vitandi quodvis veniale determinatum, adhuc poterit habere impotentiam moralem vitandi omnia venialia collective ; ergo impotentia moralis vitandi omnia venialia non est necessario determinata . Antecedens probatur primo paritate impotentiae sive metaphysicae, sive saltem moralis, relate ad totam collectionem auxiliorum ; bene enim stat impotentia metaphysica, vel saltem moralis in homine ad resistendum omnibus collective auxiliis, cum plena libertate ad resistendum cuilibet determinato ; ergo etiam stare poterit impotentia moralis ad resistendum omnibus collective tentationibus allicientibus ad veniale, cum potentia morali ad resistendum singulis : cum hoc tamen discrimine, quod in primo casu illa impotentia oriatur ex omni potentissima potestate Dei exigentis dominari in creaturam liberam, qua liberam ; in secundo vero casu oriatur ex vertibilitate arbitrii .

Secundo probatur paritate impotentiae moralis relate ad collectionem hominum : Bene enim stat, quod in collectione hominum detur impotentia moralis ad vitanda mortalia, cum necesse sit, ut scandala eveniant ; quin tamen ullus homo habere debeat hanc moralem impotentiam ; ergo poterit etiam idem homo habere impotentiam moralem ad vitanda omnia venialia collective, non tamen distributive ; Universum enim comparatur eodem modo multitudo hominum relate ad idem tempus, ac idem homo relate ad diversa tempora .

Prob. 3. paritate potentiae physicae, quae

pariter potest esse vaga terminative ; ergo etiam potentia moralis . Antecedens probatur : causa naturalis, v. gr. ignis, relate ad quemcumque effectum in individuo non habet necessitatem, seu exigentiam physicam ; habet autem relate ad aliquem effectum vagae determinandum in individuo à causa prima ; ergo datur potentia physica terminative vaga .

VII. Prob. demum Conclusio à priori . Si ponatur Petrus in mille occasionibus peccandi venialiter absque ulla impotentia morali pro casu particulari, eo ipso habet impotentiam moralem vitandi quodcumque veniale ; ergo ad salvandam impotentiam moralem vitandi omnia venialia non est necesse recurrere ad impotentiam moralem pro casu particulari . Antecedens probatur . Si Petrus ponatur cum indifferencia aequilibri ad operandum honeste, vel ad peccandum venialiter in mille occasionibus, omnino improbabilius dicitur, quod semper uniformiter operabitur honeste ; & moraliter certum erit, quod operabitur difformiter, & aliquando peccabit ; ergo &c. Prob. hoc autecedens tum à pari, tum à priori . Si mille homines ponantur cum omnimoda indifferencia ad eandem operationem ponendam, vel non ponendam ; v. gr. ad sedendum, vel non sedendum, omnino improbabilius dicitur, quod omnes uniformiter operabuntur ; ergo à pari in casu nostro . Ratio à priori, quae militat pro utroque casu, est, quia ad impediendam uniformem sessionem in mille hominibus, quilibet ex illis satis est ; sive enim non sedeat Titius, sive Cajus, à quolibet impeditur, quo minus omnes simul sedent : Contra vero ad impediendam difformitatem, debent concurrere omnes mille homines per modum unius causae impeditivae ; debent enim omnes uniformiter sedere, aut omnes non sedere ; atqui improbabilius dicitur, quod nulla ex mille causis potentibus impedire uniformitatem, sit illam impeditura, & quod collectio omnium mille hominum, quae unice potest impedire difformitatem, non sit illam impeditura ; ergo omnino improbabilius dicitur, quod omnes mille uniformiter sint operatori, seu seduri . Minor haec videtur clara ex definitione probabilis, & improbabilis ; illud enim dicitur probabile, quod plerumque contingit, & praebet fundamentum assensui prudenti ; illud improbabile, quod fere nunquam contingit ; atqui experientia constat, quod quando sunt plures causae, quae poi-

possunt eodem modo effectum aliquem impedire, huiusmodi effectus plerumque impediatur ab ea parte potius, pro qua sunt plures causae potentes impedire, quam ab ea parte, ubi sunt pauciores; ex. gr. Si milles projiciantur tali, facilius est, quod puncta in mille projectionibus jacentur difformiter, quam quod semper uniformiter, quia ad impediendam uniformitatem satis est quaelibet difformitas; ad impediendam vero difformitatem requiritur collectio omnium projectionum uniformis; ergo sicut probabilissimum est, quod factis talis milles, jacentur puncta difformiter, & improbabile omnino est, quod semper jacentur uniformiter; ita omnino improbabile est, quod mille homines sint uniformiter honeste operaturi, & consequenter quod idem homo in mille occasionibus peccandi venialiter semper sit vitaturus veniale.

Et sane, quis neget, quod eo major sit spes, & probabilitas, quod aliquid malum sit impediendum, quo plures sunt paratae causae, quae possunt illud impedire? v. gr. si plures sint parati ad sublevandam miseriam pauperis, eo major est spes, & probabilitas hujus effectus; ergo si mille homines sint parati impedire uniformitatem operationum, aut idem homo in mille occasionibus, probabilius est, quod erit impedienda uniformitas, quam difformitas, quae ab una tantum causa impediri potest, nempe à collectione omnium mille hominum, aut occasionum.

VIII. Dices. Si paritas adducta talorum militaret, sequeretur, quod impotentia moralis vitandi venialia non esset impotentia simpliciter, quae nunquam cum actu conjungatur; sed secundum quid, quae scilicet aliquando conjungitur cum actu: Sequela non admittitur; ergo: probatur sequela, quia non minus est impossibile moraliter, quod si milles projiciantur tali, semper idem numerus uniformiter jaciatur, quam est impossibile moraliter, quod si milles tali projiciantur, numerus jaciatur cum ea difformitate, quae de facto hic, & nunc contingit; atqui difformitas haec, quae de facto hic, & nunc contingit, de facto est posita, licet ad illam daretur antecedenter impossibilitas moralis, seu summa difficultas; ergo poterit etiam de facto dari homo, qui sine speciali privilegio vitet omnia venialia, quamvis impossibile moraliter sit vitare omnia; & consequenter impotentia moralis isthaec esset

secundum quid, non simpliciter, qualem videtur innuere Scripturae, & Tridentinum.

Responderi posset 1. cum Arriaga; & Moniesia locis laudatis, transmittendo sequelam; nam impossibilitas moralis universum stat in hoc, quod in aliquo gravissimo eventu possit actus poni; aliter esset impotentia physica, aut metaphysica; quare si quis in aliquo rarissimo casu vitaret omnia venialia cum auxiliis ordinariis gratiae, diceretur vitasse omnia, quae moraliter vitare non poterat. Unde staret doctrina Concilii, quod nemo possit moraliter omnia vitare.

Resp. tamen 2. juxta doctrinam tertiae conclusionis: nego sequelam: paritas enim de projectione talorum solam deservit ad explicandum, quomodo improbabilissima sit uniformitas, quae potest aequaliter à mille causis impediri; ubi difformitas, non nisi ab una tantum causa impediri potest, videlicet à collectione illarum mille causarum. Ceterum illa difformitas numerorum, quae de facto contingit projiciendo talos milles, erat impossibilis moraliter secundum quid, quia Deus non decrevit ita disponere causas naturales, ut nunquam contingeret ea difformitas, in quo casu esset moraliter impossibilis simpliciter. At in casu nostro homo in mille tentationibus peccandi venialiter habet de facto impotentiam moralem simpliciter vitandi omnia, quia Deus ita disposuit causas secundas, & ita decrevit sua auxilia distribuere, ut nulli hominum sinat omnia venialia vitare, nisi derogando huic suae legi, & concedendo speciale privilegium, & auxilium; quod videtur innuere Tridentinum, & docet Espinosa quaest. 7. art. 6.

IX. Objic. contra ultimam Conclusionem primo. Impotentia moralis ad vitanda venialia non potest esse vaga; ergo est determinata necessario: Antecedens probatur; quia impotentia moralis in appetitu rationali habetur per difficultatem operandi; difficultas autem non potest esse vaga, sed debet esse hic, & nunc in casu determinato; ergo si in quolibet casu determinato habetur plenissima indifferentia, non habetur difficultas in casu ullo determinato; ergo nec impossibilitas moralis.

Confirm. quia difficultas in voluntate procedit per defectum illius delectationis, & complacentiae, quae habetur ex cognitione boni propositi, & per tristitiam, ac mole-

nam, quæ habetur ex cognitione mali representati in objecto, ceteroqui etiam amabili; unde cum conatu oporteat operari adversus hanc tristitiam, & molestiam; ergo si in quolibet casu determinato habetur eadem delectatio, & nulla molestia, ita habetur potentia moralis determinata, ut non sit explicabile, in quo consistat impotentia moralis vaga; cum non detur aut delectatio, aut tristitia vaga in voluntate.

Resp. 1. argumentum probare, quod in natura lapsa neque dari possit impotentia moralis vaga ad vitanda omnia mortalia; quod tamen ex dictis quæsit. antecedenti est falsum; quia aliter posset homo iustificatus perseverare finaliter sine speciali auxilio; cum possit homo iustus sine speciali auxilio superare singulas tentationes. Deinde directe nego antecedens: Ad probationem nego minorem; potest enim dari difficultas subjective determinata, & terminative vaga: Sicut enim exigentia physica agentis naturalis est subjective determinata, & terminative vaga, videlicet ad aliquem effectum in individuo vage determinatum à Deo; ita in voluntate datur difficultas ad vitanda omnia venialia, quæ est terminative vaga; sicut in multitudine hominum datur necessitas moralis vaga, quod aliquis peccet; etiam si nemo habeat hanc necessitatem moralem; & sicuti datur necessitas metaphysica vaga, quod consensus conjugatur cum aliquo ex auxiliis possibili-
bus.

Ad confirm. distingo antecedens: impotentia moralis, & difficultas, quæ est determinata tum subjective, tum terminative, procedit à molestia, quam experitur voluntas ad operandum ex propositione mali representati in objecto prosequendo, concedo; difficultas, quæ est subjective determinata, & terminative vaga, nego antecedens, & consequentiam. Sic in causis physicis exigentia determinata in igne ad producendum hunc effectum in specie, nempe calorem, est ab ipsa natura ignis; exigentia vero vaga terminative, relate ad aliquem calorem in individuo, est à subordinatione agentis naturalis ad causam primam, ad quam spectat determinare individuationem. Sic etiam necessitas metaphysica determinata consensus non potest esse, nisi vel à prædeterminatione physica, vel à Visione beata, vel ab aliqua simili forma essentialiter connexa cum consensu; at necessitas metaphysica vaga alicujus consensus

non est ab auxiliis indifferentibus, sed ab Omnipotentia: Eodem modo relate ad hominum multitudinem, necessitas moralis, ut veniant scandala, seu difficultas abstinendi à peccato, cum sit impotentia moralis vaga, non procedit à tristitia, & molestia orta hic, & nunc à cognitione mali in objecto propositi, sed ab ipsa hominum fragilitate, quæ posita in plurimis occasionibus cum omnimoda indifferentia, impossibile moraliter est, quod uniformiter operetur, ex eo, quod plurimæ causæ sunt paratæ impedire uniformitatem, & non nisi una (videlicet omnes per modum unius) possit impedire difformitatem operationum. Idem itaque dicendum in casu.

X. Objic. 2. Si daretur necessitas ista moralis vaga ad patrandum aliquod veniale, eo ipso deberet redigi ad determinatam; ergo non potest dari ista necessitas vaga. Probatur sequela; fingamus, dari necessitatem istam vagam relate ad decem occasiones; vitæ orem venialibus, haberet homo in decima occasione impotentiam moralem vitandi veniale; ergo jam redigeretur ad determinatam.

Resp. oego sequelam. Ad probationem distingo antecedens; in decima occasione haberet impotentiam moralem antecedentem; nego consequentem, seu ex suppositione, quod vitaverit novem venialia, concedo antecedens, & nego consequentiam. Idem dicas de necessitate, quod in mundo veniant scandala; si ea sit in decem hominibus, & novem homines vitarent scandalum, datur in decimo necessitas moralis solum consequens, non antecedens: non quia vitatio reliquorum hominum influat ad peccatum decimi, sed quia ipsa hominum fragilitas, & vertibilitas voluntatis necessitat ad difformiter operandum: Ita prius vitatio venialis in novem occasionibus non influat in veniale pro decima occasione, immo potius ex habitu acquisito deberet influere ad vitandum veniale in decima occasione, in qua tamen datur necessitas consequens. Ubi notandum, quod sicut relate ad decimam occasionem datur impotentia consequens, seu ex suppositione, quod sint vitata novem; ita etiam in prima occasione datur impotentia consequens, seu ex suppositione, quod sint vitanda reliqua novem.

XL. Ex dictis sequitur primo ex Graciano, votum de vitandis omnibus venialibus deliberatis esse validum; cum ad hæc vitanda detur potentia moralis; votum vero
de

de vitandis omnibus omnino venialibus etiam non plene deliberatis esse, nullum; cum nec votum, nec lex humana obliget ad moraliter impossibile, ne sit occasio lapsus: obligat tamen Deus ad vitanda omnia venialia, quia non potest non obligare ad vitandum quod est intrinsece malum. Alii tamen putant, posse votum ad id se extendere, quia potest votum se extendere ad vitandum id quod est intrinsece malum, & antecederet prohibitum; Unde tantum firmat, & augeat obligationem naturalem. Sed non sunt audiendi, quia cum votum obliget instar legis humanae, & lex humana non obliget ad id, quod est moraliter impossibile (quamvis ad hoc aliquando obliget lex Divina, quæ dat vires, si petantur, sufficientes ad legem implendam) ideo votum de vitandis omnibus omnino venialibus, quod per modum unius nuncupatur, non obligat. Propositum autem de vitandis omnibus dari debet, quia datur physica potentia vitandi omnia venialia.

Sequitur secundo, quod cum petimus à Deo, ut nos à venialibus præservet, non petamus speciale illud privilegium Beatæ Virginis concessum, sed quod nos à deliberatis præservet, & à multitudine venialium, quæ dicuntur fieri ex subreptione, & esse imperfecte deliberata.

Sequitur 3. quod cum hæc impotentia moralis vitandi omnia venialia fundetur in vertibilitate voluntatis, adhuc in statu puræ naturæ daretur, quamvis in eo statu non daretur impotentia moralis vitandi omnia mortalia; cum enim hæc impediunt affectionem ultimi finis, tenetur Deus suis

auxiliis in pura natura hanc impotentiam depellere, ne hominem condant cum necessitate amittendi suum ultimum finem.

Sequitur ultimo, impotentiam moralem vitandi omnia venialia dicendam esse vagam, non vero semper determinatam; cum non detur ratio cogens ad dicendum, quod debeat esse semper determinata, nec detur ratio ad dicendum, quod de facto sit semper determinata, quamvis de possibili posset esse vaga: De facto enim, ut notat Espinosa, facilius vitare possumus quodvis veniale determinatum, quam resistere tentationibus omnibus impellentibus ad mortalia; cum experientia constet, magis nos impelli ad graviter peccandum à tentationibus gravissimis, quam ad leviter peccandum à tentationibus occurrentibus; Atqui datur in natura reparata potentia moralis ad vitanda omnia mortalia, imo etiam ad perfectandum finaliter, si minus cum auxiliis ordinariis gratiæ, saltem cum illo speciali auxilio, quod Deus in præsentī providentia non denegat, si petatur prout oportet, juxta illud Tridentini sess. 6. can. 17. *Deus impossibilia non jubet, sed jubendo monet*, &c. ergo à fortiori datur in natura reparata potentia moralis ad vitandum quodvis veniale determinatum, cum auxiliis gratiæ ordinariis; & solum requiritur speciale privilegium ad vitanda omnia omnino collective venialia, etiam indeliberata. Estet hic agendum de Merito, quatenus est effectus gratiæ sanctificantis, sed de hoc commodius in tractatu de Justitia, & Jure, ac de Incarnatione. Hæc impræsentiarum satis. Sit itaque hujus anni pensis,

(Sed ob ubi Æternitatis!)

F I N I S.

L. D. & B. V. sine labe Conceptæ.

THESES PROPUGNATÆ

EX HOC TRACTATU

DE DIVINA GRATIA.

I Gratia preste dicta Theologica est donum supernaturale gratuitum, superans omnem naturæ exigentiam, ac debitum tum physicum, tum morale, ad supernam conferens Beatitatem. Præter habitualem datur Actualis, seu auxiliatrix, quæ communiter dividitur in Prævenientem, Comitantem, & Subsequentem; in Excitantem, & Adjuvantem; in Operantem, & Cooperantem: eadem tamen entitative Gratia secundum diversos respectus considerata potest omnia isthæc munera sortiri. per eandem enim Deus & præparat voluntatem ad actus salutes, & adjuvat præparatam, & ad perseverandum promovet. Eadem etiam entitative gratia actualis sufficiens simul esse potest, & efficax; ita ut dicatur sufficiens, quatenus dat posse velle, & operari salutariter; dicatur vero efficax, quatenus confert ipsum velle, & operari infastrabiliter.

II. Metaphysica necessitas, quod quælibet creata voluntas videatur per scientiam mediam sub aliquo vage auxilio consensura, non derogat plenæ libertati consensus. Admittimus proinde in collectione auxiliorum, non solum moralem, sed etiam metaphysicam infastrabilitatem relate ad consensus liberum inducendum, ut salvetur, quod in Deo sit Omnipotentissima potestas inclinandum quod placet cordium. Hinc repugnat Creatura inemollibilis, seu quæ per scientiam mediam videatur omnibus auxiliis resitura: Repugnat pariter Creatura inobdurabilis, seu quæ per scientiam mediam videatur omnibus Divinæ gratiæ auxiliis consensura. omnis quippe Creata voluntas est in manu Dei, sicut lutum in manu figuli; adeo ut possit ex ea fieri tam vas ad honorem, quam ad contumeliam. Si fiat hypothesis, quod Deus possit aut simul, aut in infinitis partibus proportionalibus v. g. horæ, non solum infinita, sed etiam omnia sua auxilia conferre, non posset in collectione auxiliorum dari metaphysica necessitas relate ad dissensum: nec deberet voluntas per scientiam mediam videri sub aliquo vage auxilio dissensura; un-

de non repugnaret Creatura inobdurabilis: Ea tamen hypothesis absolute repugnat, non solum quia inferret Omnipotentiam exhauritionem, quod hic supponimus, sed ex hoc etiam, quia subtraheret Creaturam liberam à subjectione debita Divino domino.

III. Ratio Gratæ auxiliatricis unice competit actibus intellectus, & voluntatis, seu piis, & supernaturalibus cogitationibus, quibus apparet quod latebat, ac sanctis inspirationibus, quibus suave fit quod non delectabat: Rejicimus propterea, tanquam incongruam naturæ rationali, Gratiam prævenientem in qualitate quacunque mortua, & non vitali repositam. Auxilia gratiæ non solum moralem, ac formalem exercent causalitatem erga actus salutes, sed etiam physicam: Non sunt tamen tota ratio agendi, cum illis enim etiam voluntas physice, & immediate concurret. Comprincipia isthæc supernaturalia connaturalius sunt voluntati intrinseca; potest tamen voluntas divinitus in actum supernaturalem erumpere citra ullum comprincipium supernaturale intrinsecum sub assistentia Omnipotentis speciali. Liberum arbitrium potest influxum gratiæ auxiliariis prout libuerit modificare, eliciendo actum aut magis, aut minus perfectum, saltem intra mensuram comprincipii elevantis.

IV. In natura lapsa, ac reparata per Christum omnibus omnino adultis per Baptismum justificatis confertur de facto auxilium sufficiens ad non peccandum, & ad salutariter operandum, usque ad viæ, ac vitæ terminum. Adultis vero inidelibus, ac barbaris confertur auxilium sufficiens ad credendum fide stricta Deum Remuneratorem, & ad Baptismum saltem flammis suscipiendum: Fides autem late dicta ex testimonio Creaturarum, similive motivo, necnon Dei dilectio consequens ad hujusmodi fidem, non sunt gratia Theologica, nec ad fidem strictè dictam, aut ad justificationem disponunt. Obduratis etiam juxta opportunitates, quæ passim occurrunt, insufficientia physica confertur ad resurgendum, &

& salutariter operandum; quamvis saepe in poenam denegetur iisdem sufficientia moralis. Proxidit, denique Deus parvulis omnibus de sufficienti remedio ad salutem, adeo ut dici nequeat, per Divinam voluntatem peccati vindicem stare, quominus infantibus in utero matris decedentibus. Baptismus conferatur, & salventur.

V. Nequit homo viribus propriis ad Gratiā ullatenus se disponere; Opera quippe naturalia neque physicam exercere possunt causalitatem erga Gratiā, neque moralem; adeo ut nec de condigno illam promereri possint, neque de congruo; nec impetratione stricte dicta impetrare quinimo. nec possunt ad Gratiā positive disponere per connexionem cum illa fundatam in quadam congruitate, condistinctam ab exigentia, & merito; nec possunt disponere negative, per hoc scilicet, quod Deus ex mera sua liberalitate decreverit Gratiā infallibiliter conferre non ponentibus obicem, & bene operantibus per vires naturae, citra ullam operum naturalium intrinsicam connexionem, exigentiam, & conductionem, esto illam saepe etiam ponentibus obicem conferat. qualitercumque enim disponenter, semper Gratia diceretur Naturae pedissequa; & initium salutis esset à nobis, si Deus ad Gratiā conferendam nostras operationes expectaret. Admittimus solum, operationes honestas naturae viribus positas ad Gratiā disponere indirecte, & remote; quatenus per habitum acquisitum virtutis moralis potest homo se disponere ad facilius, ac intensius operandum cum Gratia operationes salutares: Carentia etiam obicis confert pariformiter ad Gratiā indirecte, & remote; quatenus ceteris paribus minorem pariter difficultatem ad cooperandum Gratiae, qui caret habitibus vitiosis.

VI. Hinc axioma illud: *Faciendi quod in se est Deus non denegat Gratiā suam*, non est in eo sensu accipiendum, quod Deus facienti quantum est in se per vires naturae infallibiliter suam Gratiā conferat, sive efficaciam, sive pure sufficientem: videtur enim id sapere semipelagianismum; sed quod Deus facienti quantum in se est per vires Gratiae praeventientis, & vocantis infallibiliter ulteriorem Gratiā conferat, usque ad justificationem, & salutem obtinendam; sicut etiam quod ponenti per vires Gratiae actus supernaturales ultimo disponentes ad justificationem, infallibiliter gratia istaec conferatur.

VII. Sicut de facto sub praedestinationem Dei efficacem, & absolutam cadunt effectus necessarii, sive à solo Deo pendentes, sive etiam à causis secundis, independentes tamen à libertate creata; ita pariter actus liberi honesti efficaciter praedestinantur praedestinatione consequente scientiam mediam, anteverteme scientiam visionis de iisdem. Est autem huiusmodi praedictio, Praeceptio aeterna actus liberi boni sua efficacia inducens illum tempore praedictio peccata proportionatas naturae talis actus; propterea illum physice, & natura antecedit, quamvis logice, & intentionaliter consequatur. Non solum autem in praesenti providentia actus liberi honesti efficaciter praediniuntur, sed in omni providentia eorum praedictio est necessaria; non quidem ex parte ipsius actus, qui adhuc citra praedictionem est possibilis, sed ex parte Divinae voluntatis; quippe quae attingit omnia à fine usque ad finem fortiter, disponitque suaviter: nequit proinde non efficaciter intendere actum bonum, dum confert auxilium praevium efficacem.

VIII. Universim Deus conferendo auxilium praevium efficacem confert illud ex motivo efficaciz, intendendo efficaciter consensum; etiamsi non esset paratus aliud auxilium conferre, si quod confert praevideretur inefficax. Utrovis autem pacto confert auxilium praevium efficacem, sive scilicet paratus aliud dare in hypothesis inefficaciz, sive non; semper illud confert cum benevolentia speciali, cum qua non confert auxilia praevia inefficacia. Everteretur libertas actus praedicti, si Deus conferret auxilium efficacem qua efficacem simpliciter, hoc est eo animo, ut si illud praevideretur inefficax, esset daturus aliud efficacem seligendum ex omni auxiliorum collectione; esto autem incolumis esset libertas talis actus, non propterea dici posset, sic de facto conferri auxilia efficacem. probabilius enim conferuntur qua efficacem secundum quid, hoc est eo animo, ut si praeviderentur inefficacia, alia darentur ejusdem rationis: quod si & illa praeviderentur inefficacia, non proinde danda essent extraordinaria, usque ad efficaciam deprehendendam.

IX. Necessitas mere consequens ad actum non laedit ejus libertatem, quotiescumque hic prodiit à principiis indifferentibus; ea quippe est impeditibilis, saltem indirecte. Hinc scientia media de consensu sub auxilio A, etiam si dirigat Deum ad con-

secundum tale auxilium, quando praedefinit consensus, atque adeo sit in priori natura ad actum, non proinde hujus libertatem violat; eo quod sit logice posterior ad eundem consensum conditionate futurum, ac propterea indirecte impedibilis ab arbitrio munito eodem auxilio. Ipsa etiam Divina praedefinitio consequens ad scientiam mediam tum in essendo, tum in operando, cohaeret cum libertate actus praedefiniti, etenim quamvis illum natura antecedat, ut causa videlicet remota, sed non determinate requisita; nihilominus logice pariter, & intentionaliter ad eundem consequitur, atque adeo est indirecte impedibilis.

X. Praedefinitio vero antevergens scientiam mediam in essendo, & consequens in operando, non solum dissonat Deo decernenti; quippe qui minus perfecte objectum scientiae mediae cognosceret, ac minus sapienter decerneret; sed praeterea adimit libertatem actus praedefiniti. Universum enim omne antecedens, omnino antecedens actum voluntatis creatae, si essentialiter cum una parte connectatur, & sit inimpedibile, est eversum libertatis; estque impedimentum, rigorose dictum in ordine ad alteram partem ponendam; ac propterea se tenet, ex parte principii proximi, non tanquam ejus constitutum, sed tanquam destructivum potentiae proxime expeditae ad utramque partem. Hinc negamus cohaerere cum libertate consensus praedefiniti decretum disjunctivum, quo scilicet Deus velit vel conferre auxilium A, si per scientiam mediam praevideatur efficax, vel praedeterminare ad consensum, si illud praevideatur inefficax.

XI. Actus liberos inhonestos citra amorem peccati Deus praedefinire nullatenus potest, non solum quoad formale, sed nec etiam quoad materiale eorum entitatem. Quare peccata ex directione scientiae mediae solum permittit, volendo illa voluntate dumtaxat signi, non beneplaciti; quatenus auxilium per scientiam mediam praevisionem sufficiens, & inefficax confert animo sincero, ut bona operatio consequatur; quamvis deinde ex voluntatis pravitate sine intento fraudetur; propterea quando Deus obdurat, aut obcecatur, non praestat id adjuvando, sed ut loquitur Augustinus, deferendo; non impertiendo malitiam, sed non impertiendo misericordiam; hoc est non conferendo auxilia praevisionem efficacia, sed pure sufficien-

tia, citra ullam praedefinitionem culpae. Hinc dicimus, auxilium inefficax nunquam conferri qua inefficax; imo nec posse de potentia absoluta sic conferri, quin Deus dicatur peccati Auditor; sed auxilium praevisionem inefficax ita Deus confert, ut illud ipsum esset libentius collaturus, si praevisionem fuisset efficax.

XII. Formalis malitia peccati commissionis ne inadaequate quidem consistit in privativo, seu negativo. Nec apte repenitur in positivo morali superaddito entitati physicae actus peccaminosi; aut in relatione disconvenientiae cum natura rationali eidem entitati superaddita; quare consistit adaequate in positivo morali cum entitate physica actus identificato, ad quod consequitur privatio rectitudinis debite voluntati, dum libere operatur cum advertentia ad regulam morum. Idemque dicendum putamus de peccato omissionis superposita repugnantia purae omissionis libertatis.

XIII. Repugnat Divina Praedefinitio, quae nullo habito respectu ad scientiam mediam, efficaciter actum liberum intendat, illum praedeterminando, aut condeterminando. Physica siquidem praemotio libertatem arbitrii evertit; quinimo destruit conceptum Gratiae pure sufficientis in male operantibus; ut proinde vacent culpa, dum peccant; ac demum reddat Deum peccati Audorem, si ex cohaerentia doctrinae detur, tum ad consensum, tum etiam ad dissensum. Decretum etiam condeterminans, vel libertatem evertit arbitrii creati, si ponatur inimpedibile; vel infrustrabilitatem Divinae voluntatis, si ponatur impeditum: utrovis autem modo ponatur formale peccati, non minus Deo imputaretur, quam Creaturae, si uterque simultanee ad illud determinaret.

XIV. Praesciimus hic à via conciliandi libertatem creatam cum infrustrabili Divinae Gratiae efficacia: asserimus tamen, praeter Gratiam efficacem in actu secundo, quae cooperationis Gratia nuncupatur, importans auxilium, quod consensui annectatur, dari etiam Gratiam Praevientem in actu primo efficacem; quae involvit tamen auxilium indifferens, tum etiam futuritionem consensus conditionatam, seu scientiam mediam de consensu sub tali auxilio; Huic autem Gratiae, dum superadditur voluntas Dei specialiter benevola, conferens huiusmodi auxilium ex intentione consensus secuturi, competit ratio specialis beneficii relate ad consentientem: per: non

con-

consentiente. Porro Gratia Præveniens in actu primo efficax, antequam intelligatur in uno conjungenda cum consensu, in altero non conjungenda, quoad suam entitatem non est necessario diversa: propterea potest eadem entitativè invariata esse, tam in consentiente, quam in dissentiente.

XV. Præter Gratiam Activalem datur Habitualis justificans, quæ est qualitas supernaturalis physice, ac permanentè animæ inhærens, reddens hominem Dei filium adoptivum, amicum, & vitæ æternæ hæredem. Est quippe participatio Divinæ naturæ, non solum eo modo, quo Creaturæ omnes sunt entia per participationem Dei, sed speciali ratione, juxta quam D. Petrus habet: *Pretiosa nobis promissa donavit, ut per hæc Divina efficiamini consortes naturæ.*

Participat enim Divinam naturam, tum Ethicè, & moraliter sumptam, quatenus ad bonos mores disponit, & indisponit ad malos; tum sumptam physice, per hoc quod Gratia sit natura supernaturalis ut quo, tribuens nobis radicaliter posse Deum clarè intueri, quod soli Deo naturaliter convenit: quare quod est proprium Divinæ naturæ, & cuilibet naturæ creatæ, aut creabili repugnat, posse scilicet Deum propriis viribus intueri, hoc homo per Gratiam participat, quæ radix est habituum, & actuum supernaturalium, quibus ad Dei visionem disponimur. Negamus tamen esse participationem Divinæ naturæ in suo esse reali, & adductivam Divinitatis, in quantum cum Spiritu Sancto identificatæ, in animam, adeo ut de formali veniat Spiritus Sanctus ad constitutionem filiationis adoptivæ, quæ justitiam, & sanctitatem radice. Est enim Divinæ naturæ participatio solum similitudinariè, ut proinde Spiritus Sanctus tam ad denominationem filii adoptivi, quam ad denominationem justii se habeat tantum de causali. Esto autem verum esset, Personam Spiritus Sancti animæ donatam, & appropriatam, de formali se habere ad denominationem filii Dei adoptivi, non per hoc posset Creatura affectu hujusmodi gratia condignè satisfacere pro mortali alieno; quamvis hoc supponatur finitæ gravitatis in linea injuriæ.

XVI. Gratia justificans præsentis ordinis independentè à quolibet Dei favore extrinseco, ex natura sua, & essentialiter reddit hominem Dei filium adoptivum, amicum, hæredem, & justum. Hinc dicimus, illam non solum esse naturam super-

naturalem, seu primam radicem habituum, ac operationum supernaturalium; sed etiam esse veluti externam Dei promissionem, qua Deus se obligat ad amandum justum amore amabili, & ad gloriam illi conferendam, nisi velit amicitiam rescindere, & gratiam amittere per peccatum. Ex quo fit, Gratiam præsentis ordinis ex intrinsicis suis esse impossibilem cum mortali. Possibile tamen censemus in alio ordine Gratiam habitualement, quæ sit solum pura, ac specialis Divinæ naturæ participatio, seu radix omnis supernaturalitatis, & compossibilis cum culpa gravi.

XVII. Habitus Charitatis non solum ratione ratiocinata, sed etiam realiter distinguitur à Gratia Sanctificante, cujus est proprietas. Neque hujusmodi habitus, neque Actus Charitatis, nec Visio ipsa beata justificant formaliter. Potest in alio ordine mortale condonari per condonationem merè extrinsecam, citra Gratiz infusionem. Potest etiam peccatum remitti citra præviæ peccatoris retractionem. Denique quamvis effectus formales intrinseci, qui habentur per Gratiam præsentis ordinis, haberi divinitus non possint per formam extrinsecam; effectus tamen formales, quos Gratia præsentis ordinis communicat jussu, communicando se illi intrinsecè, possunt in alio ordine haberi per formam extrinsecam; atque adeo potest homo esse Sanctus, Dei filius adoptivus, amicus, & hæres per Sanctitatem extrinsecam.

XVIII. Status puræ naturæ non elevatæ ad finem supernaturalem est possibilis; Sicut etiam status naturæ puræ non integræ. excludentis subjectionem concupiscentiæ. Isthæc enim integritas non est homini naturalis; ut nec immunitas à morte, & à mortis vestigiis. Natura lapsa est debilior pura; adeo ut liberam arbitrium per peccatum sit attenuatum, & inclinatum, ut loquitur Tridentinum; & homo non solum sit spoliatus donis gratuitis, sed etiam vulneratus in naturalibus, juxta communem intelligentiam parabolæ hominis descendentis in Jericho.

XIX. In natura lapsa potest homo naturæ viribus aliquas veritates tum practicas, tum speculativas attingere; non tamen omnes collectivè; Nihilominus ad quæcumque veritatem determinatam hæc, & nunc attingendam opus est aliqua gratia, seu auxilio indebito Dei providentis, ut Auctoris naturæ, distincta à dono

creationis. Ad cogitationes vero salutares requiritur Gratia per Christum, seu ordinis supernaturalis; Sicut etiam ad cognoscendum cognitione certa, & infallibili verum aliquod intrinsecè, & quoad substantiam supernaturale. Pariformiter ad ponendum in natura lapsa opus aliquod honestum, & ad aliquas tentationes superandas sufficiunt vires naturales; in exercitio tamen cujusvis operis honesti ordinis naturalis requiritur speciale Dei beneficium condistinctum à dono creationis; & ad opus honestum salutare requiritur Gratia per Christum ordinis supernaturalis.

XX. Natura lapsa de facto citra Gratiam Theologicam caret potentia etiam physica ad totam legem servandam, prout hæc complectitur præcepta tam naturalia, quam supernaturalia. Ad servandam vero totam legem naturalem, complectentem videlicet præcepta dæmtaxat naturalia, datur potentia physica; & quamvis non datur potentia moralis ad eam diu servandam, datur tamen isthæc potentia ad illam brevi servandam; quousque scilicet non occurrat tentatio gravis, aut tentationum non gravium multitudo. Hinc potest homo etiam moraliter in statu naturæ lapsæ

diligere Deum super omnia amore tum concupiscentiæ, quatenus nostrum bonum beatificum est, tum etiam amicitie naturali; & quidem efficaci, non solum quoad affectum, sed etiam quoad effectum; brevi tamen tempore. ad diuturnam enim hujusmodi amoris continuationem potentia moralis non datur. Porro ad perseverandum in gratia finaliter requiritur speciale Dei auxilium, & specialis protectio, quinimò sicut qui caret Fide non potest moraliter diu servare totam legem naturalem, quia deest ei specialis protectio, quam Deus circa Fideles exercet; ita Fidelis, qui caret Dei amicitia, nequit moraliter diu servare Divina præcepta, quia deest ei protectio specialis, quam Deus exercet circa amicos. Citra speciale privilegium nequit homo vitare omnia venialia in tota vita; Hujusmodi tamen impotentia non est physica, sed moralis; & quidem simpliciter dicta, non secundum quid. Est antecedens, non consequens; nec est necessarîo determinata, sed potest esse vaga; oriturque ex arbitrii vertibilitate, & inconstantia, ex frequentia tentationum impellentium ad venialia, ex propensione ad delectabilia ex Dæmonis instigatione, ex naturæ imbecillitate.

F I N I S.

1
2
3
4
5
6
7
8
9
10
11
12
13
14
15
16
17
18
19
20
21
22
23
24
25
26
27
28
29
30
31
32
33
34
35
36
37
38
39
40
41
42
43
44
45
46
47
48
49
50
51
52
53
54
55
56
57
58
59
60
61
62
63
64
65
66
67
68
69
70
71
72
73
74
75
76
77
78
79
80
81
82
83
84
85
86
87
88
89
90
91
92
93
94
95
96
97
98
99
100
101
102
103
104
105
106
107
108
109
110
111
112
113
114
115
116
117
118
119
120
121
122
123
124
125
126
127
128
129
130
131
132
133
134
135
136
137
138
139
140
141
142
143
144
145
146
147
148
149
150
151
152
153
154
155
156
157
158
159
160
161
162
163
164
165
166
167
168
169
170
171
172
173
174
175
176
177
178
179
180
181
182
183
184
185
186
187
188
189
190
191
192
193
194
195
196
197
198
199
200
201
202
203
204
205
206
207
208
209
210
211
212
213
214
215
216
217
218
219
220
221
222
223
224
225
226
227
228
229
230
231
232
233
234
235
236
237
238
239
240
241
242
243
244
245
246
247
248
249
250
251
252
253
254
255
256
257
258
259
260
261
262
263
264
265
266
267
268
269
270
271
272
273
274
275
276
277
278
279
280
281
282
283
284
285
286
287
288
289
290
291
292
293
294
295
296
297
298
299
300
301
302
303
304
305
306
307
308
309
310
311
312
313
314
315
316
317
318
319
320
321
322
323
324
325
326
327
328
329
330
331
332
333
334
335
336
337
338
339
340
341
342
343
344
345
346
347
348
349
350
351
352
353
354
355
356
357
358
359
360
361
362
363
364
365
366
367
368
369
370
371
372
373
374
375
376
377
378
379
380
381
382
383
384
385
386
387
388
389
390
391
392
393
394
395
396
397
398
399
400
401
402
403
404
405
406
407
408
409
410
411
412
413
414
415
416
417
418
419
420
421
422
423
424
425
426
427
428
429
430
431
432
433
434
435
436
437
438
439
440
441
442
443
444
445
446
447
448
449
450
451
452
453
454
455
456
457
458
459
460
461
462
463
464
465
466
467
468
469
470
471
472
473
474
475
476
477
478
479
480
481
482
483
484
485
486
487
488
489
490
491
492
493
494
495
496
497
498
499
500
501
502
503
504
505
506
507
508
509
510
511
512
513
514
515
516
517
518
519
520
521
522
523
524
525
526
527
528
529
530
531
532
533
534
535
536
537
538
539
540
541
542
543
544
545
546
547
548
549
550
551
552
553
554
555
556
557
558
559
560
561
562
563
564
565
566
567
568
569
570
571
572
573
574
575
576
577
578
579
580
581
582
583
584
585
586
587
588
589
590
591
592
593
594
595
596
597
598
599
600
601
602
603
604
605
606
607
608
609
610
611
612
613
614
615
616
617
618
619
620
621
622
623
624
625
626
627
628
629
630
631
632
633
634
635
636
637
638
639
640
641
642
643
644
645
646
647
648
649
650
651
652
653
654
655
656
657
658
659
660
661
662
663
664
665
666
667
668
669
670
671
672
673
674
675
676
677
678
679
680
681
682
683
684
685
686
687
688
689
690
691
692
693
694
695
696
697
698
699
700
701
702
703
704
705
706
707
708
709
710
711
712
713
714
715
716
717
718
719
720
721
722
723
724
725
726
727
728
729
730
731
732
733
734
735
736
737
738
739
740
741
742
743
744
745
746
747
748
749
750
751
752
753
754
755
756
757
758
759
760
761
762
763
764
765
766
767
768
769
770
771
772
773
774
775
776
777
778
779
780
781
782
783
784
785
786
787
788
789
790
791
792
793
794
795
796
797
798
799
800
801
802
803
804
805
806
807
808
809
810
811
812
813
814
815
816
817
818
819
820
821
822
823
824
825
826
827
828
829
830
831
832
833
834
835
836
837
838
839
840
841
842
843
844
845
846
847
848
849
850
851
852
853
854
855
856
857
858
859
860
861
862
863
864
865
866
867
868
869
870
871
872
873
874
875
876
877
878
879
880
881
882
883
884
885
886
887
888
889
890
891
892
893
894
895
896
897
898
899
900
901
902
903
904
905
906
907
908
909
910
911
912
913
914
915
916
917
918
919
920
921
922
923
924
925
926
927
928
929
930
931
932
933
934
935
936
937
938
939
940
941
942
943
944
945
946
947
948
949
950
951
952
953
954
955
956
957
958
959
960
961
962
963
964
965
966
967
968
969
970
971
972
973
974
975
976
977
978
979
980
981
982
983
984
985
986
987
988
989
990
991
992
993
994
995
996
997
998
999
1000

CORRIGENDA

Fig. 4. Verf. 20. Ille enim contendebat, illi enim eontendebant. 4. 35. Philosophici, philosophicè. 4. 57. sec. , sess. pag. 3. col. 2. verf. 53. volun-ati, voluntas. 11. 42. morais, moralis. 13. 2. 2. plenæ, plenè. 15. 1. sint, fiunt. 18. 2. 14. ut quid, ut quod. 24. 2. 16. ac pro, ac. 25. 2. 10. pareret, pararet. 26. 55. fornium, fornium. 29. 7. opponeret, apponeret. 29. 2. 18. prægans, prægans. 33. 2. 28. debeat, debet. 40. 50. in in, in. 41. gratiam, gratia. 43. 2. 1. inefficaciter, inefficax. 46. 2. eo; quod, eo quod. 49. 43. complacentiam, ad complacentiam. 50. 2. 20. conferax, conferat. 51. 2. 47. donum, domum. 54. 49. nunquam, antequam. 54. 2. 26. impossibilim, impossibile. 55. 10. tertid, secundò. 62. 54. distantis, distantæ. 63. 2. 25. illum, illud. 65. 51. Præmotoris, motoris. 65. 2. 1. præter determinationem, citra prædeterminationem. 66. 2. 2. simpliciter, simpliciter. 67. 2. 16. antecedenti, antecedentis. 72. 25. libertatem, libertate. 78. 2. 21. completivè, completivè. 79. 19. denominatorium, demeritorium. 84. 11. tamen, tantum. 84. 15. differens, differt. 89. 7. sympathiam, sympathiam. 90. 4. partiale, particulare. 107. 16. puræ, purè. 107. 2. 11. collectione, collatione. 107. 2. 13. medii, medium. 110. 2. 10. connexam, connexæ. 112. 2. 37. consequens, causans. 111. 2. 44. possit, ponit. 114. 2. 31. prædicatum, prædicamentum. 116. 16. remissa, amissa. 116. 21. justitiam, justitia. 118. 2. 14. estranæ, extranæ. 124. 2. 40. tantum quantum, tanti quanti. 127. 2. 29. æthicè, ethicè. 129. 6. conservet, conservaret. 135. 2. 13. quamvis &c. providentia, (quamvis &c. prudentia) 140. 2. 2. &, at. 140. 2. 19. armonia, harmonia. 141. 6. extrinsecè, extrinsecæ. 147. 2. 7. enigmatica, ænigmatica. 147. 2. 44. impossibilium, impossibile. 147. 2. 52. Dh; Th. 153. 44. illicita, illicia. 155. 2. 54. esse verò, esse. 157. 12. puræ, purè.

Alia benignus Lector corrige.

INDEX RERUM NOTABILIVM,

Quæ in hac Tertia Parte

DE GRATIA

Continetur.

*Primus numerus designat Disputationem, Secundus, Questionem,
Tertius numerum Marginalem.*

A

Actus charitatis non justificat formaliter in præfenti providentia, quamvis possit in alia. 4. 8. 3.

Actus vitales dependere possunt à potentia vitali tum per actionem ab iis indistinctam, tum etiam per distinctam. 4. 6. 3.

Adjutorium quo, & Adjuvatorum sine quo non quid importent ad mentem D. Augustini? 3. 2. 9.

Adoptio quid sit, & in quo differat humana à Divina. 4. 3. 2. Adoptio rigorosa consistere non potest sine amicitia. 4. 6. 2.

Adultus non damnatur sine proprio personali peccato. 1. 3. 10.

Amicitia in quonam consistat. Et in quonam Inimicitia? 4. 6. 2.

Amicitia, quæ dari potest inter Deum, & Creaturam, non est sodalitaris, sed dignationis, supereminentiæ, ac excellentiæ. 4. 6. 3.

Auxilia gratiæ consistunt unice in actibus intellectus, & voluntatis. 1. 3. 1. Recensentur actus intellectus, & voluntatis, quibus competere potest ratio gratiæ. ibid.

Auxiliorum infirmitas relate ad voluntatem creatam emolliendam est admittenda, tanquam Divino dominio consona. 1. 2. 3. Et similiter relate ad voluntatem obdurandam. 1. 2. 11.

Auxilium inefficax non potest à Deo dari ut inefficax. 2. 3. 2.

Axioma illud: *Faciens quod in se est Deus non denegat gratiam suam*, quomodo intelligendum sit? 1. 2. 1.

B

Baptismus conferri debet sub conditione parvulis in utero matris existentibus, si possunt physice ablui, quando sunt in discrimine vitæ. 1. 7. 4.

Barbarus illustratus lumine fidei, si velit credere, quomodo in promptu habebit Prædicatorem, à quo de mysteriis credendis instruat. 1. 8. 10.

C

Charitatis actus, & habitus, sicut etiam Visio beata, de facto non justificant formaliter; possunt tamen in alio ordine formaliter justificare. 4. 8. 3.

Charitatis habitus realiter distinguitur à Gratia justificante. 4. 7. 2.

Condonatio peccati extrinseca in alio ordine non repugnat. 4. 9. 3.

Creatura inemolliibilis per auxilia gratiæ, aut inobdurabilis sepugnat. 1. 2. 6.

D

Decretum prædeterminans everte arbitrii libertatem. 3. 2. 2. Sic etiam decretum concomitans. 3. 3. 2.

Deo competit Omnipotentissima potestas inclinandorum quolibet cordium. 1. 2. 3.

Deus providit de sufficientia ad salutem etiam parvulis, qui in utero Matris decedunt. 1. 6. 2.

Deus prædefinit omnes effectus dependentes ab ipso adæquare; necnon omnes actus nostros liberos honestos. 2. 1. 3. Peccata

PRIMUM

I N D E X

enim perficere non potest neque secundum formale, neque secundum ejus materiale, sed solum potest illud permittere. **2. 6. 3.** Deus quonam pacto eligat, & discernat electos a Reprobis? **2. 3. 7.**
 Dilectio Dei super omnia naturalis dari potest in natura lapsa ad breve tempus citra gratiam Theologicam. **2. 5. 3.** Ad diuturnam, tamen, hujus amoris perseverantiam datur impotentia moralis sine gratiae auxilii. *ibid.*

I

Errores praecipui Haereticorum in materia gratiae recensentur. **3. 1. 6.**

F

Filiatio adoptiva. quid importet, tam humana, quam Divina? **4. 3. 1.**

G

Gratia quid, & quod duplex sit? **1. 3. 3.** Gratiae auxilia in quonam consistant? **4. 6. 3.** Ea fit in nobis sine nobis, hoc est sine nobis libere operantibus. **1. 3. 6.**

Gratia auxiliatrix relate ad actus salutaris exercet causalitatem non solum moralem, seu formalem, sed etiam physicam. **1. 4. 2.** Quamvis ea connaturaliter sit intrinseca voluntati potest tamen Divinitus ejus defectus suppleri per concursum specialem.

Omnipotentiae; non secus ac potest sine lumine intrinseco gloriae Deus videri. **1. 4. 10.** Potest voluntas sub auxilio gratiae actum salutarem intensiorem, aut minus intensum ad arbitrium ponere saltem intra mensuram intensiois gratiae. **1. 4. 13.**

Gratia sufficiens ad salutem datur omnibus omnino adultis. **1. 5. 2.** Etiam Infidelibus, & Barbaris omnibus datur auxilium sufficiens, ut credant, baptizentur, & salventur. **1. 1. 3.** Sufficiens ad salutem pariter datur obduratis, & obsecratis; necnon Infidelibus, ac Barbaris, qui naturae legem violaverunt.

Ad Gratiam istam non possunt operationes naturales disponere, neque positive, neque negative; possunt tamen aliquatenus disponere indigne, & temere. **1. 2. 6.**

Gratiae efficacia in quonam consistat, hic non disputatur: Expliciantur tamen quatuor celeberrimos sententiae. **3. 1. 6.** Praesertim sententia Societatis reponens illam in collatione auxilii praevisi per scientiam, mediam efficacis. **1. 4. 4.** Gratia efficax

in actu primo per quid discriminetur ab efficaci in actu secundo? **1. 3. 1.**

Gratia habitualis quid sit & in quonam praedicato ejus essentia reponatur? **4. 1. 2.** In quonam sensu sit participatio Divinae naturae? **4. 2. 2.** Ea non habetur per participationem naturae Divinae in suo esse reali, sed solum participat illam ut quod similitudinariae. **4. 3. 4.**

Gratia praesentis ordinis est impossibilis cum mortali habituali. Potest tamen dari gratia, quae sit etiam Natura Supernaturalis, ac specialis participatio naturae Divinae, & simul possit cum mortali coherere. **4. 5. 2.** Independentem ab ullo favore extrinseco gratia praesentis ordinis reddit hominem Dei amicum, adoptivum, & haereditatem. **4. 6. 6.** Idque, quia est veluti externa Dei promissio, de dando Creaturae rationali suum amorem, amicabilem, & gloriam, tanquam haereditatem. **4. 6. 7.**

Gratia sanctificans realiter distinguitur ab habitu Charitatis. **4. 7. 2.** Potest homo per gratiam physice extrinsecam in alio ordine sanctificari. **4. 9. 2.**

Gratia ordinis naturalis condistincta à dono Creationis, necessaria est in statu naturae lapsae ad cognoscendam quameunque veritatem in particulari, tum speculativam, tum practicam. **5. 3. 2.** Sicut etiam ea requiritur in exercitio cujuscunque operis honesti naturalis. **5. 3. 6.** Debetur tamen naturae lapsae sufficientia ad aliquas veritates cognoscendas, & ad aliquod opus honestum ponendum. **5. 3. 1.**

Gratia Theologica non est necessaria in natura lapsa ad totam legem naturalem servandam brevi tempore. **5. 4. 4.** Ea tamen requiritur, ut detur potentia moralis ad totam legem naturalem diu servandam; Sicut etiam ad diuturnam amoris Dei super omnia perseverantiam. **5. 5. 1.**

H

Habitum Charitatis realiter à Gratia distinguitur. **4. 7. 2.** De facto non justificat formaliter, potest tamen in alia providentia formaliter justificare. **4. 8. 1.**

I

Impotentia vitandi omnia venialia colligitur V. Venialia. Inimicitia non fert mutuum jus ad odium, quamvis amicitia ferat mutuum jus ad amorem. **4. 6. 2.**

M

Maxima isthac in Schola Societatis videtur debere esse ineluctabilis, videlicet: omne antecedens, omnino antecedens actum, incompensabile cum ejusdem omissione, & inimpedibile à voluntate, evertit ejus libertatem. 2. 5. 2. Regulis Summularum ea Maxima sit perspicua. 2. 5. 10. Possibilitas scientiæ mediæ reflexæ huic Maximæ non refragatur. 2. 5. 17.

N

Naturæ multiplex status. 5. 1. 1. Naturæ puræ status est possibilis 5. 1. 4. Necnon status naturæ integræ. 5. 1. 8. Natura lapsa debiliior est, quam pura, circumscriptis auxiliis ubertimis, quæ habentur per Christum. 5. 2. 1. Idque ex triplici capite. 5. 2. 2.

Naturales operationes non possunt ad Gratiæ disponere neque positive, neque negative. 1. 8. 4. Possunt solum indirecte, & remote, quatenus per habitus acquisitos virtutis moralis potest homo se disponere ad facilius, ac intensius operandum cum gratia. 1. 8. 6.

Necessitas Gratiæ in statu naturæ lapsæ ad cognoscendas veritates sive speculativas, sive practicas; necnon ad ponendum opus honestum; aut ad servandam vocem legem; & ad diligendum Deum super omnia. V. Gratia ordinis naturalis; & V. Gratia Theologica.

Necessitas metaphysica, quod quælibet creata voluntas per Scientiam mediā videatur à Deo sub aliquo vagæ auxilio, immo sub infinitis consensus, & sub alio, immo sub infinitis aliis dissensura, non videretur negari posse citra coactionem Divini dominii erga Creaturas liberas, quæ liberas. 1. 2. 6.

O

Oratio, elemosynæ, & alia pia opera in Paganis non deservunt ad fidem promerendam, sed ut facilius Gratiæ cooperentur. 1. 8. 9.

P

Parvulus in utero Matris decedentibus non deest auxilium sufficiens ad salutem. 1. 6. 2. Sententia opposita Vasquii apte potest emolliari. 1. 6. 3.

Parvulus in utero Matris existentibus potest, ac debet baptizari sub conditione conferri, si possunt physice abluī, quando sunt in discrimine vitæ. 1. 7. 4.

Peccati malitia formalis consistit in positivo, non in negativo. 2. 7. 2.

Peccatum in priori naturæ signo ad infusionem gratiæ deletur in Sacramentis mortuorum formaliter per applicationem Satisfactionum Christi D. 4. 6. 14.

Peccati retractatio in præsentī providentia est prærequisita ad ejus remissionem; potest tamen in alia providentia citra retractationem remitti. 4. 9. 8.

Pesceverare non potest justificatus in accepta iustitia sine speciali Dei auxilio. 5. 5. 5.

Prædefiniri non possunt à Deo peccata quoad eorum materiale, sed solum ea possunt à Deo permitti. 2. 6. 3.

Prædefinit Deus actus liberos nostros honestos. 2. 1. 3. Hæc autem prædefinitio, utpote directa à scientia mediā, ita est physice prior relate ad eos actus, ut sic logicæ, & intentionaliter posterior. 2. 1. 4.

Prædefinitio actus boni consequens ad scientiam mediā non solum datur in præsentī, sed etiam est necessaria in quacunque providentia. 2. 2. 2. Ea non evertit libertatem actus prædefiniti. 2. 4. 8. Prædefinitionem istam relate ad proprios actus potest voluntas impedire, non tamen sibi acquiescere. 2. 4. 11.

Prædefinitio antecedens scientiam mediā in essendo, & consequens in operando, est inimica libertati consensus prædefiniti. 2. 5. 2.

Prædefinitio actus honesti fert collationem auxilii prævisi per scientiam mediā efficacis intendendo ejus efficaciam. Non est necesse, quod auxilium efficax conferatur à Deo eo animo, ut si illud prævisum fuisset inefficax, daretur aliud efficax; de facto tamen probabilius est ita conferri auxilium efficax, ut in hypothesi inefficaciæ dantur alia ejusdem ordinis efficaciam. 2. 5. 2.

Prædeterminatio physica pro eodem sumitur, ac præmotio physica. 2. 7. 2. Ea non est de mente D. Thomæ. 3. 2. 26. Evertitque arbitrii libertatem. 3. 2. 3. Si admittatur ut necessaria, sequitur, quod peccans careat sufficientia ad non peccandum, atque adeo non peccet, dum peccat. 3. 2. 10. Et si ex coherencia doctrinæ admittatur etiam ut necessaria ad actum malum, reddit Deum Authorem peccati. 3. 2. 13.

Prædeterminatio physica ad mentem Neotico-

INDEX RERUM.

licorum, quæ non detur ad salvandam subordinationem creaturæ liberæ Deo Primo libero, prout illam admittunt Bagneriani, sed solum detur in statu naturæ lapsæ ad salvandam gratiam Christi medicinalem, & ut sit *Adiutorium Quo*, non vero in statu naturæ integræ, pro quo tantum daretur *Adiutorium sine quo non*, excluditur. §. 2. 9.

Probabiliorista tenetur in nonnullis casibus sequi opinionem minus probabilem. 1. 7. 9.

R

Retractatio peccati est prærequisita in præsentī providentia ad ejus remissionem: Potest tamen in alio ordine peccatum citra retractationem condonari. 4. 9. 8.

S

Sanctificari potest homo in alio ordine per gratiam mere extrinsecam. 4. 9. 2. Satisfactio condigna præstita à justo pro mortali alieno repugnat, etiamsi Gratia constitueretur per donationem Spiritus Sancti. 4. 4. 1.

Scientia media de consensu conditionate futuro, licet sit infallibilis, & præcedat natura ipsum consensum absolute ponendum, quia tamen est illo logice, & intentionaliter posterior, ideo non violat ejus libertatem. 2. 4. 5.

Scientia media reflexa non derogat Maximæ illi, quæ in Schola Societatis debet esse ineluctabilis, quod scilicet Omne antecede-

dens, omnino antecedens actum, impossibile cum ejusdem omissione, & impedibile à voluntate, violet ejus libertatem. 2. 5. 1. 3.

Sufficiens gratia ad salutem confertur à Deo omnibus omnino adultis. 1. 5. 2.

Sufficiens remedium ad salutem contrahit Deus, etiam parvulis decedentibus in utero matris. 1. 6. 2.

Status naturæ multiplex. §. 1. 1. Naturæ puræ status, non elevatæ ad finem supernaturalem, non repugnat. §. 1. 4. Sicut etiam status naturæ puræ integræ. §. 1. 8. Natura lapsa est debilior, quàm pura, circumscripto uberrimo auxilio, quod nobis per Christum confertur. §. 2. 1.

T

Tentationum victoriâ natura lapsa non requirit gratiam per Christum. §. 4. 4.

V

Valsquî sententia de Parvulis destitutis remedio ad salutem, quomodo emolliari possit. 1. 6. 5. Victoria tentationum in natura lapsa quam gratiam requirat. §. 4. 4. Venialia omnia in tota vita, citra speciale Dei privilegium declinari non possunt. §. 6. 1. Hæc tamen impotentia non est consequens, sed antecedens, non physica, sed moralis; neque est necessario determinata, sed potest esse terminative vaga, ibid. Quenam sit radix hujus impotentie? §. 6. 5.

FINIS.

VA 1 1522067